

150177

AUR. CORNELII CELSI

DE

M E D I C I N A

LIBRI OCTO.

T O M U S I.

1000

1994

270

1. *Journal of the American Medical Association*, 1997; 278: 1039-1044.

AUR. CORNELII CELSI
DE
M E D I C I N A
LIBRI OCTO

AD EDITIONEM PATAVINAM,
QUAM ANNO DMCCL. VULPIUS
DEDIT

ET NUPERIOREM LIPSIENSEM,

NUNC CURA

ALBERTI VON HALLER
DENUO EDITI.

INDICEM AUCTIONEM REDDIDIT

P. R. VICAT M. D.

TOMUS PRIMUS.

189, 177



BIBLIOTHEQUE

Don: Prof. Aug. Broca

L A U S A N N Æ 1925

Sumptibus FRANC. GRASSET & SOCIOR.

M. D. C C. LXXII.

THE COLLEGE

OF THE

UNIVERSITY OF

CHICAGO

LIBRARY

OF THE

UNIVERSITY

OF CHICAGO

LIBRARY

OF THE

UNIVERSITY

OF CHICAGO

1891



LIBRARY

OF THE

UNIVERSITY

ALBERTI VON HALLER

A D

CELSUM PRÆFATIO.

AD finem hujus collectionis propero, quæ in CÆLIO AURELIANO desinet. Et primum est ut me purgem, varie laceratus ab iis, quos nunquam offendi, ab iis etiam, de quibus meliora poteram expectare. Occupaveram hæc jurgia, quando ad HIPPOCRATEM primum sum præfatus. Nihil promisi critici. Fassus sum tempora mea in aliis artibus impensa non suffecisse, ut eam in lingua Græca sollicitam curam ponerem, per quam fierem idoneus, in difficillimo scriptore aut ipsum *textum* corrigere, aut versiones. Non sperno id studium, sed meum non fuit, qui in ipsa natura, dum vires suffecerunt, veri semina quæsi, deinde literis alterius generis, denique reipublicæ gerendæ me debui. Quare id solum recepi, dare selectos ex veteribus scriptores, ad HENRICI STEPHANI imitationem, tantum ut rejectis compilatoribus eos redderem, qui propria magis industria de medicina bene

meruissent. Quæ editiones sint imitandæ & ipsum difficile est iudicium, quod ab eo solo speres, qui utriusque linguæ peritus versiones cum Græco sermone comparare, & quæ versio melius sensum veterum repræsentarit eam nosset præferre. Bibliopola videbat nuperam Venetam editionem passim laudari, etiam præferri; nolui repugnare: id unicum mihi sumsi, ut supplerem; quæ in ea editione possent desiderari. Nimia dicor supplevisse: difficilis ea mensura est, & exiguum malum, si aliqua subiungi sum passus, quibus posset careri.

Id unum meum est, ordo operum HIPPOCRATIS, & præfationes: si quid in his est vitii, non intercedo, quin eam culpam feram. Verum mihi quidem utilius visum est; juvenibus eos solos libros dare pro HIPPOCRATICIS, qui mererentur: reliquos non premere quidem, segregare tamen a magis genuinis. Potuissem forte etiam severius inter dubios rejicere libros aliquos, quos cum HIPPOCRATICIS reliqui. Dedi aliquid auctoritati virorum me doctiorum, HIERONYMI potissimum MERCURIALIS; deinde si quid superesset dubii, in quaque præfatione monui. Librum de *articulis*, qui manifesto pars sit libri legitimi de *fracturis*, qui a tota antiquitate pro HIPPOCRATICO habeatur, aut etiam ad aliquem antiquiorem

HIPPOCRATEM referatur, qui nunquam ad nuperiorem aliquem scriptorem esset relatus, qui mihi videretur nulli cedere, utique cum genuinis reliqui.

Nunc in CELSI editione nihil est quod excussem; editionem secutus sum, quam MOR-
GAGNUS probavit, olim amicus noster, qui rara felicitate naturæ studium cum literarum peritia conjunxit. Coram tamen habui nuperiorum ejusdem editionis imitationem Lipsiensem, ex qua aliquas emendationes selegi, paucas, quod eas solas mihi videretur a me seligi debere, quas vulgari lectioni melior sensus præferre juberet. Nunc ut de ipso auctore aliqua liceat præfari, obtinebo a GNAR-
RO LECTORE, ut CELSUM ex se ipso velit innotescere, a se ipso laudes suas labere. Id ut fiat, selegi de anatome, de chirurgia, de medicina, ea quæ mihi viderentur CELSO magis propria esse, primumque certe ab eo dicta, primum inquam inter ea veterum monumenta, quæ supersunt; hæc enim ipsa in schola HEROPHILEA a chirurgis Alexandrinis, a MEGETE aliisque ante CELSUM dicta fuisse quis negasse sustinuerit? Verum si dicta sunt, non nobis certe dicta esse sufficiat, gratosque nos decet adgnosceret, quæ CELSUS ex antiquitatis

naufragio fervavit, quæ diu ignorassemus, nisi a C E L S O didicissemus.

7 Mortuorum corporum humanorum cada-
vera primus suasit incidi.

In anatome meliora, quam quisque superstitum, nos docuit de ossibus deque visceribus. Magno artificio in re difficili & ardua ossium effigiem quasi delineatam dedit, quod studium solus inter nuperos VESALIUS, inde ALBINUS imitatus est, qui per CELSI frequentem lectionem eam elegantem simplicitatem erat adsecutus, quam in ejus operibus admiramur.

In Libri VIII. principio venas internas os-
sium & cranii dixit; futurarum varietatem, squamosarum futurarum peculiarem fabricam. Vertebrae eleganter descriptas dedit; atlantis dentem circumdantis angustiores circulum non ignoravit. Tendines nisi fallor mm. sterno mastoideorum *κροτάς* dixit, quæ simplicior fuerit nominis Carotidum origo. Flexus columnæ spinalis expressit, septemque costas veras sterno commissas a quinque spuris separavit. Claviculam, quæ vocatur, ut artifex delineavit; sic humerum, cubitum, radius, ut nihil etiam minutarum proportionum & figurarum prætermittat. Metacarpi recte quinque fecit ossa, melius quam ii nuperiores, qui quatuor nec plura numerant.

Idem in artuum inferiorum ossibus stu-

dium est, ut etiam discrimen adnotet, quod est in duorum sexuum ossibus pectinis.

Non posse spinam dorsi luxari, nisi ruptis duabus membranulis, quæ per duos a lateribus processus feruntur, & nervis ruptis quibus continetur.

In Lib. VII. aliqua ad oculorum anathomen protulit, quæ videtur ab HEROPHILO habere (a); sic de testibus, ubi ita de scroto loquitur (b), ut sint, qui subtiliter levia indicia rimati, scroti septum in iis vocibus adgnoscant.

In Lib. IV. a principio aliquam viscerum habet historiam. Asperæ arteriæ circellos ea parte leves esse, qua ad gulam respiciunt. Quatuor hepatis fibras non difficulter defendas, quæ sunt dexter lobus & sinister, & papillatus ille, vulgo SPIGELIANUS, & anonymus vesiculæ felleæ interjectus & umbilicali fossæ. Ligamenta hepatis, lienis, ventriculi, quæ hæc viscera & inter se colligant, & cum septo transverso, multis nuperorum minus nota fuerunt, quam CELSO. Iterum de cæco intestino recte dixit, & de ligamenti specie a sinistro rene ad colon tendente. Tum de vesica in viro potius sinisteriori. Quæ omnia ita describuntur, ut longe ple-

(a) Cap. 7. n. 13. (b) C. 18.

rumque hominem depingere adgressus, rarissime ad bestias delabatur.

In chirurgicis multo fufius, est verfatus, ut omnino multo plura habeat, quam quifquam veterum, aut ipse præter capitis vulnera fractaque & luxata HIPPOCRATES. Idem fi manu recufaveris medicinam feciffe; certo tamen ad eventus curationum animum adtendit, & aliquas adminiftrationes defcripfit ut nemo melius. De *ancyloblepharo* notiffimus locus est, quod malum noster negat unquam fanatum fuiffe (c); etfi nostro ævo funt qui fanent. Incommoda oftendit curationis diftortorum pilorum, quæ fit tranfmuta palpebra (d). Novit, qui fuccifa lingua, quam abunde fuper dentes promeret, non tamen loquendi facultatem est confecutus (f). In quæftione de luxato femore contrarias fententias librat, & denique jubet repositionem tentare (g).

Contra ASCLEPIADEM, quem plurimi facit, medicamenta tamen defendit, quibus negat nos ubique poffe carere (h). Non probat, quod multi linamentum melle tin-

(c) L. VII. c. 7. n. 6.

(d) Ibid.

(f) C. 12. n. 4.

(g) L. VIII. c. 20.

(h) L. V. præf.

ctum in fistulam implendi causa demittant (*i*), celerius enim sic glutinari quam impleri. Non posse servari suspensum, cui spuma de ore prodierit (*k*), quod nuper confirmatur.

Media CELSIANORUM operum pars ad chirurgiam spectat. Ad eam artis partem, quæ manu curat libri VII & VIII. Brevius vero hic viri divitias enumerabimus, ne hic sermo in librum ipse degeneret. Priorem cutem excidere suadet, si sinus subsuerit (*l*), quod ipsissimum nuperorum Anglorum consilium est.

Quando fistula subest, costam excidit (*m*). Ani fistulas lino subinde adstringit (*n*), quæ curatio, supposito pro lino plumbo, nostris temporibus renovatur. Sed neque scalpelli ad eam fistulam usum ignoravit.

Tumores tunicatos integros docet tamquam nucleos ejicere (*o*) neque ignoravit quam variam materiem contineant, etiam lapides pilosque.

In oculorum curatione plurimus est & novus auctor (*p*), cum vix quidquam habeamus a prioribus scriptum.

Vesicam palpebræ ut incisa cute totam evellas (*q*), caveasque ne incidatur.

(*i*) C. 28. n. 12.

(*k*) L. II. c. 8.

(*l*) L. VII. c. 2.

(*m*) C. 4.

(*n*) C. 4.

(*o*) C. 6.

(*p*) L. VII. c. 7.

(*q*) Ibid. n. 1.

Unguis curationem docet, qualem & nunc solent moliri (*r*).

Palpebras cohærentes facile separari (*s*).

Ut palpebra in lagophthalmo quantum sufficit arte producat (*t*).

Ægilops, qui cancri naturam habet, fere mortem infert, neque curationem admittit (*u*).

Staphyloma filo trajecto ligat (*v*).

In trichiasi fufe versatur.

Suffusionis maturationem jubet expectare, atque docet renitentem repetito deprimere (*x*).

In epiphora, quam pituitam vocat, curanda, multum ponit laborem (*y*); ei malo ex Græcorum consilio ferocissimam curationem opponit, multis lineis cute capitis ad os usque incisa: venas etiam jubet exurere, denique ex Afrorum moribus vitium ad os ignem admove, ut squamam os remittat, quod solent dicere *exfoliari*. Præfert tamen Gallorum comatorum curationem, qui venas in temporibus & superiori capitis parte legunt, nempe cutem super venam incidunt; tunc vel modice adurunt, vel scalpello a corpore deducunt, non læsum, deinde incidunt (*z*).

(*r*) C. 4.

(*s*) C. 6.

(*t*) C. 9.

(*u*) C. 7.

(*v*) C. 11.

(*x*) C. 7. n. 14.

(*y*) N. 15.

(*z*) Conf. L. VII. c.2. in fine. c. 31.

Curta faciei ex proxima cute farcit (aa).

Dentes cavos plumbo replet (bb).

Tonfillas induratas excidit (cc). Uvam vulsella prehendit, & quantum necesse est excidit. Iterum in struma recte tumorem monuit, etiam ossibus mistos pilos continere; eam animosus excidit (dd).

In aqua hydropicorum emittenda cautionem adfert, ut clausa subinde fistula non plus humoris emittat, quam ex re sit ægri (ee).

Gastrophagia, quæ duabus fit acubus. Omentum corruptum forfice refecat, sanum reponit (ff), de vinculo filet, uti etiam nuper vincire vetitum est.

In herniarum varietate multus est (gg). Hydroceles discrimen docet, quæ est inter summam tunicam & mediam, & ejus quæ est inter mediam & intimam: ipsum demum testem nonnunquam inflammari monet.

Curationem animosam proponit, testem undique de scroto liberare (hh), educere, scrotum purgare, & si quæ oportuerit, abscindere; tunc testem reponere.

In ramicis curatione ignem adhibet, quo venæ exurantur (ii); quale quid, sed exuren-

(aa) C. 9.

(bb) C. 10.

(cc) C. 12. n. 12.

(dd) C. 13.

(ee) C. 15.

(ff) C. 16.

(gg) C. 18. seqq.

(hh) C. 19. (ii) C. 20.

tibus potius medicamentis nuper tentatum est. Est ubi venas mavult ligare.

Omentum in scrotum elapsum non probat refecari (*kk*).

Fibulam, de qua disputatum est, veram esse futuram, quæ filo fit per acum trajecto, ex hoc capite manifestum est (*ll*).

Herniam congenitam hic putes describi, cum ramicem inter imam tunicam & testiculum dicat esse: eam sola castratione putat sanari (*mm*).

Glandem artificio velare, ad Judæorum procul dubio dissimulandam sectam excogitatum est. Infibulatio crudelis curatio absque morbo suscepta, valetudinis causa, ne sibi juvenes venere forte intempestiva noceant, excogitata est (*nn*).

Calculus de urethra scalpello excidit, si aliter educi nequiret (*oo*).

Cathetere ita utitur, ut non convertat.

Recte monet, ex sola vesicæ contractione aliquos periisse. Feminis inter urinæ iter & os pubis plagam infert, & sanguinis profusionem exspectat.

Hoc loco celebris illa calculum excidendi ratio describitur, qua RAVIUS suæ administrationis semina contineri fatebatur.

Nempe perinde uti RAVIUS, ita CELSUS certe lunata plaga velamenta indicit, cornubus coxam spectantibus usque ad cervicem vesicæ: deinde ea parte qua strictior ima plaga est, sub cute, altera transversa plaga cervicem aperit, donec urinæ iter ita pateat, ut amplior plaga sit, quam calculus. Melius enim incidi, quam lacerari. Iterum, ut RAVIUS, nulla vincula ad curationem admittit.

Cancrum vesicæ a sectione metuit (*pp*), cuius cum ventriculo consortium non ignorat.

De partu difficili (*qq*), potissimum quidem mortui fetus, ita agit, ut æque in pedes ac in caput, ut fert occasio, infantem manu dirigat; perinde etiam pedibus adreptum extrahat. Manibus super ventrem datis caput in utero reses versus uteri ostium compellit, negatque difficilius extrahi. Unci tamen usum etiam describit.

In gangræna, etsi profusionem sanguinis metuit (*rr*), jubet tamen inter sanam viciatamque partem carnes circumcidere, os ferra amputare. Nulla hinc ad sanguinis profluvium compescendum auxilia proponit.

In Lib. VIII. morbi ossium dicuntur, quos manus curat. In carie multis exiguisque fo-

raminibus terebrare, prius certe quam BEL-
LOSTIUS docuit (ss), tantum ut in ea
foramina candentia ferramenta demittat, quo
os totum ficcetur, & a sana parte secedat [tt].
Cranii terebrandi rationem eandem fere do-
cet (uu), quæ nostro ævo est recepta, &
fero ad eam atrocitatem descendit, in cu-
rando Græcis mitior (vv).

Id genus porro calamitatis describit, in
quo os quidem extus integrum est, intus vero
sanguis cum summo periculo super meninges
effunditur. Sed & alterum habet vulgo no-
tius mali genus, in quo alia pars ossis frangitur
finditurve, quam quæ ictum excepit.

Duram membranam, cum ejus vulnera
persuaderetur periculo plena esse, tamen
acri aceto perfundit. Rimam calvariae multis
foraminibus trepano excisis comprehendit. Sep-
ta excindit, sic partem depresso amolitur.

Vulnus super supercilia sanari non posse putat,
cum per totam ætatem ulceratio supersit (xx).

Claviculam, quam jugulum vocat, trans-
versim fractam facile per se coire (yy): raro
in priorem partem inclinari.

Artum fractum, continuo nulla mora facta,
jubet extendere, folis manibus (zz). Fe-

mur

(ss) C. 2.

(tt) C. 3.

(uu) C. 3. 4.

(vv) C. 4.

(xx) C. 4. fin.

(yy) C. 8.

mur fractum necessario brevius fieri.

Caput luxari posse contendit (*aaa*), ut mors impedita deglutitione, voce suppressa sequatur.

Ad luxata reponenda hætenus machinamenti utitur: humerum in alam luxatum fere super scalam detractum reponit (*bbb*). In cubito monet celerrime, si quiescere finas articulum, callum circumnasci.

In Lib. V & VI ea pars chirurgiæ traditur, quæ absque vulnere curat, & per medicamenta quæ vocant externa.

Magnam hic varietatem formularum reperias ex Græcis fere medicis sumtam; spumam argenti jam tunc videas ad erysipelata adhiberi (*ccc*) quod, idem reapse est auxilium, per quod GOULARDUS inclaruit.

De meliceria s. humorum ex vulnere articulationis manante (*ddd*).

Ex utero feminas similia pati, ut ex vulnere corde, quod ipse vidi (*eee*).

Venam in hæmorrhagia gravi utrinque ligare jubet, inter ea vincula excidi, ut mireris in amputatione non cogitasse de vinculo.

Debiles vino jubet reficere.

(22) C. 10.

(*aaa*) C. 13.

(*bbb*) C. 15.

(*ccc*) Cerussa. L.V. c. 24. c. 26. n. 33.

(*ddd*) C. 26.

(*eee*) Ibidem.

Pfyllorum solum in audacia præsidium esse, & cuilibet idem licere, dum nullum in ore vulnus sit (*fff*).

De canis rabidi morfu minime inutiliter; & urere jubet, & in piscinam non opinantem projicere.

Cognosse se medicos, qui adversus scorpionis ictum nihil præter venæ sectionem moliti sint.

Italicos angues minus periculose mordere.

Carbunculum eundem (*ggg*) dicit, quem nuperi Galli describunt in Provincia frequentem.

Cancrum sectum vel ustum recrudescere (*hhh*), neque amputationis esse ullam utilitatem, cum sola, quam vocant cura palliativa ad senium vita produci possit.

Sacrum ignem ita describit, qualem & nos subinde vidimus (*iii*): in diæta minus placuerit, quod venationem & vinum austerrum commendet ex ASCLEPIADE. Pustulas acu jubet aperire, quæ nuperorum in variolis cura est.

Strumæ sunt procul dubio, quas nos scrofulas vocamus (*kkk*), eæ enim plerumque juxta cicatrices recrudescunt. Primus diligenter de his malis scripsit.

(*fff*) C. 2. 7.

(*hhh*) Ibid. n. 2.

(*ggg*) C. 28. egregie des-

(*iii*) n. 4.

cribit.

(*kkk*) n. 7.

Purum corpus puro corpori junctum facile coire (*lll*), etiam præter medici voluntatem.

In fistulis & abscessibus linamentorum usum debere parcum esse (*mmm*).

In Lib. VI. oculorum morbos hic fere primum descriptos reperiās (*nnn*). Duras crassasque palpebras ficulneo folio, & asperato specillo, & interdum scalpello aut eradi (*ooo*), quæ melior est ophthalmoxylis, quam nuperi aliqui adeo præter rem hamatis & fragilibus hordei aristis sunt moliti.

Nonnulli siquidem cum mydriasi laborarent [*ppp*], & aliquamdiu nihil vidissent, alvi, profluvio fuerunt sanati, recte suadet imitari naturam, alvumque in eo malo ducere.

Sapientior aliis fabulam vocat, hirundinum fauciatos oculos herba a parentibus restitui, quod vulnus per se sanescat [*qqq*].

Vermes aurium sæpe molestos non ignoravit [*rrr*].

Nolles forte tribuisse aliquid menthæ cum aqua coctæ, deinde vapore suscepto, qui de fervescata adscendat, & quo putet subinde per annum hominem a dentium dolore liberum præstari [*sss*].

(*lll*) n. 12.

(*mmm*) n. 11 & 12.

(*nnn*) C. 6.

(*ooo*) n. 26.

(*ppp*) n. 37.

(*qqq*) n. 39.

(*rrr*) C. 7. n. 5.

(*sss*) C. 9.

Ozænam negat fanari [ttt].

Cancrum in cole describit & phagedænam [uuu], & carbunculum, & in universum primus medicorum de morbis pudendi egisse videtur.

Passim etiam aliqua chirurgica inter clinica consilia interspergit. In gravi morbo pedes nigrescere & decidere [vvv], quæ funesta est a causa interna gangræna.

Arteriam venæ loco incisam negat fanescere [xxx].

In hydrope profuisse cutem sinapi eradere, aut ferramentis candentibus urere [yyy], diuque ulcera aperta servare, sed etiam solam circum positam fasciam utilem fuisse. Denique contra ERASISTRATUM aquam emittere suadet, si æger juvenis fuerit & robustus.

In comitali morbo urit occiput [zzz], quo cum prima vertebra caput committitur, id pro ultimo habet auxilio.

Hydrocephalo sinapi tritum admovet [aaaa].

In angina venas sub lingua incidit, plagas infert sub maxillis & in palato [bbbb].

Cucurbitulas coeliaco morbo opponit [cccc].

In ipsa *præfatione* in splendida persona carnem de naturalibus partibus prolapsam & aren-

(ttt) C. 8.

(uuu) C. 18. n. 3.

(vvv) L. II. c. 7.

(xxx) C. 10.

(yyy) L. III. c. 21.

(zzz) C. 23.

(aaaa) L. IV. C. 2.

(bbbb) C. 5. (cccc) C. 12.

tem intra paucas horas mortem intulisse narrat, mali causam medicos ignorasse, ut probabilem cæterum conjecturam minoris facias, utrum fuisse prolapsum, neque enim hoc vitium debuerat medicis nobilissimis novum videri.

Supereſt, ut de CELSI in clinica medicina meritis dicamus. Nam etiam in hac artis nostræ parte adeo frequenter suam sententiam dicit, ut ab imperito eam confidentiam non expectes. Ita de medicina in universum, comparatis empiricorum & dogmaticorum rationibus, ad horum sententiam propius accedit, tantum ut minime improbabili discrimine causas conspicuas contentus inquirere, in obscuris non esse laborandum sentiat.

Novum esse in omni morbo sanguinem detrudere: sibi videri, non debere mitti nisi valentibus, id si caveatur, ne gravidæ quidem feminæ nocere [dddd].

Contra derivationem in loca remota [eeee]: debere in proximo venam secari, ut quam primum sanguis exhauriatur; in brachio adeo, si malum in capite fuerit.

Alvum non ducendam nisi raro se concedere [ffff], neque ut ægri vires convellat (quod consilium noster in universam adversatur), sed ut materia superans minuatur.

(dddd) L. II. c. 10. (eeee) Ibidem. (ffff) L. III. c. 4.

Nihil esse in medendi ratione perpetuum; debere ægrum ali si vires deficient, non alii nisi sit necesse [gggg].

PETRONIS curationem temerariam esse [bbbb].

De forbitione & cibo frigido & levi pronuntiat, quo tempore exhiberi possit [iii].

Inediam HERACLIDIS Tarentini nimiam improbat [kkkk].

Contra ASCLEPIADEM, alium insanum a tenebris, a luce alios juvari [llll]; venam etiam secari licere, si vires sufficiant.

In morbo regio ut vires sufficerent [mmmm] aut validiora medicamenta convenire, aut debiliora.

Non probat acetum ab ASCLEPIADE in faucium ulceratione commendatum [nnnn].

ERASISTRATUM, & recte, irridet, qui tribus vini guttis in cholera panem adspersit [oooo].

Cæterum in universum in facienda medicina frequentissime ASCLEPIADEM sequitur, ut ex iis æstimes, quæ adeo multa dixit de gestatione [pppp], balneis [qqqq], fotibus calidis, vini usu, etiam alieno loco, ut in phthi si [rrrr], de frictione.

Græcos certe legerat, non ut undique aut

(gggg) Ibidem. (llll) C. 18. (pppp) L. II. c. 15.
 (hhhh) C. 9. (mmmm) C. 24. (qqqq) L. IV. c. 17. 21.
 (iii) C. 11. (nnnn) L. IV. c. 4. (rrrr) L. III. c. 22.
 (kkkk) C. 15. (oooo) C. 11.

linguæ peritus fuerit, aut virium medicamentorum. Ita videas ambigere, num porrum, num marrubium adhibendum sit, plantas certe suis medicatis viribus valde diversas, sed quarum nomina apud Græcos unica literula distent [ssss]. In febrium medicatione ab HIPPOCRATICIS decretis sæpe recedit [tttt].

Est etiam ubi CELSI consilia minus probes, siue propria fuerint, siue ex aliis habuerit. Tertianæ & quartanæ curandæ rationem non laudes, in quibus, & in quartana potissimum, intolerabili fere inedia, balneis fere & frictionibus pugnat (vvvv).

Inter adstringentia medicamenta ad vomitum compescendum radiculam non expectes (xxxx).

Febrem salutarem esse ad jecoris dolores, ad tetanum, aliis in malis (yyyy).

[Omnibus catharticis aloem miscet, quod stomachum læderent (zzzz). Multi enim morbi sunt, ægroti multi, quibus aloë noxia sit futura.

Alia melioris notæ apud CELSUM reperias, quæ sequaris.

Unum medicum debere paucos ægros sibi curandos sumere (aaaaa), neque enim si multis opem ferre velit, dignoturum quo tempore alimento egeant.

(ssss) Περίσπον & πρᾶσιον.

L. IV. c. 2.

(tttt) L. III. c. 7.

(vvvv) C. 14 & 15.

(xxxx) L. IV. c. 5.

(yyyy) L. II. c. 8.

(zzzz) C. 12.

(aaaaa) L. III. c. 4.

Ciborum varietatem non esse ægris offerendam, nisi natura poposcerit. (bbbbbb).

Laudabunt nuperi, inter eos ILL. HAENIUS, quod etiam in pestilente febre venam fecerit (cccc).

In nimia tristitia frigidam super caput effundit [ddddd].

In cardiacis nihil retinentibus, ptisanam vel alicæ cremorem in alvum dat, ut vires sustineat (eeee), quod primum clysterum nutrientium exemplum est.

Abstinenciam in hydrope salutarem esse, facilius ergo sanari servos, qui cogi queant, intemperantes neququam [fffff].

Phthificos jubet Alexandriam navigare [ggggg] quod consilium nuper a Britannis commendatur.

In Elephantiasi etiam ossa vitari [hhhhh].

Equo federe alvum comprimit [iiii].

In calido dolore frigidum balneum prodesse [kkkkk].

Lacte asinino sanata podagra, tum abstinentia a vino & venere [llll].

Aphtharum in pueris pericula [mmmmm].

(bbbbbb) C. 6.

(cccc) C. 7.

(dddd) C. 18.

(eeee) C. 19.

(ffff) C. 21.

(ggggg) C. 22.

(hhhhh) C. 25. & alias.

(iiii) L. IV. c. 19.

(kkkkk) C. 24.

(llll) Ibidem.

(mmmmm) L. VI. c. 11.



A. CORN. CELSI MEDICINÆ LIBER PRIMUS.

P R Æ F A T I O.

UT ALIMENTA fanis corporibus Agricultura, sic (a) sanitatem ægris Medicina promittit. Hæc nusquam quidem non est. Siquidem etiam imperitissimæ gentes herbas, aliaque prompta in auxilium vulnerum morborumque novērunt. Veruntamen apud Græcos aliquanto magis, quam in cæteris nationibus, exculta est: ac ne apud hos quidem a prima (b) origine, sed paucis ante nos seculis; utpote cum vetustissimus auctor ÆSCULAPIUS celebretur. Qui, quoniam adhuc rudem & vulgarem hanc scientiam paulo subtilius excoluit, (c) in Deorum numerum receptus est. Hujus deinde duo filii, Po-

(a) *De Vet. Med. T. VIII. 22.*

(b) *De Vet. Med. T. III. 8.*

(c) *Orat. THESS. N. 178.*

DALIRIUS & (d) MACHAON, bello Trojano ducem AGAMEMNONEM secuti, non mediocrem opem commilitonibus suis adtulerunt. Quos tamen HOMERUS non in pestilentia, neque in variis generibus morborum aliquid adtulisse auxilii, sed vulneribus tantummodo ferro & medicamentis mederi solitos esse proposuit.

Ex quo adparet, has partes medicinæ solas ab his esse tentatas, easque esse vetustissimas. Eodemque auctore disci potest, morbos tum ad iram Deorum immortalium relatos esse; & ab iisdem opem posci solitam. Verique simile est, inter non multa auxilia adversæ valetudinis, plerumque tamen eam bonam contigisse ob bonos mores, quos neque desidia, neque luxuria vitiant. Siquidem hæc duo, corpora, prius in Græcia (e), deinde apud nos adfixerunt. Ideoque multiplex ista medicina, neque oïim, neque apud alias gentes necessaria, vix aliquot ex nobis ad senectutis principia perducit.

Ergo etiam post eos, de quibus retuli, nulli clari viri medicinam exercuerunt; donec majore studio literarum disciplina agitari cœpit, quæ ut animo præcipue omnium necessaria, sic corpori inimica est. Primoque medendi scientia, sapientiæ pars habebatur, ut & morborum curatio, & rerum naturæ contemplatio sub iisdem auctoribus nata sit: scilicet his hanc maxime (f) requirenti-

(d) *Orat. THESS. n. 183. MAXIM. TYR. Dissert. XXIX. PLATO de Rep. l. III. pag. 407. T. 2. ed. H. STEPH. ARISTIDES Orat. in ASCLEPIADA.*

(e) *SERV. ad VIRG. Æn. I. 641. ISIDOR. Orig. L. XIV. c. III. p. 1162. SUIDAS V. Ἀσκληπιάδης.*

(f) *CÆLIUS AURELIAN. Tard. Pass. l. V. c. 9. HIPPOCRAT. DEMOCRIT. de nat. hom. 13.*

bus, qui corporum suorum robora inquieta cogitatione, nocturnaue vigilia minuerant. Ideoque multos ex sapientiæ professoribus peritos ejus fuisse accepimus: clarissimos vero ex his PYTHAGORAM, & EMPEDOCLEM, & DEMOCRITUM, Hujus autem (ut quidam crediderunt) discipulus HIPPOCRATES Cous, primus quidem ex omnibus memoria dignis, a studio sapientiæ disciplinam hanc separavit, vir & arte & facundia insignis. Post quem DIOCLES CARYSTIUS, deinde PRAXAGORAS & CHRYSIPPUS, tum HEROPHILUS & ERASISTRATUS sic artem hanc exercuerunt, ut etiam in diversas curandi vias processerint.

Iisdem temporibus in tres partes medicina diducta est: ut una esset, quæ victu: altera, quæ medicamentis: tertia, quæ manu mederetur. Primam διαιτητικὴν, secundam φαρμακευτικὴν, tertiam χειρουργικὴν Græci nominaverunt. Ejus autem, quæ victu morbos curat, longe clarissimi auctores etiam altius quædam agitare conati, rerum quoque naturæ (g) sibi cognitionem vendicaverunt, tanquam sine ea, trunca & debilis medicina esset. Post quos SERAPION, primus omnium, nihil hanc rationalem disciplinam pertinere ad medicinam, professus, in usu & experimentis eam posuit. Quem APOLLONIUS, & GLAUCIAS, & aliquanto post HERACLIDES TARENTINUS, & alii quoque non mediocres viri secuti, ex ipsa professione se ἰατροὺς appellaverunt. Sic in duas partes ea quoque, quæ victu curat, medicina divisa est, aliis rationalem artem, aliis usum tantum sibi vendicantibus: nullo vero quic-

(g) *De Vet. Med.* XXXVI. 18. *de Steril.* XVIII. 1.

quam post eos, qui supra comprehensi sunt, agitante, nisi quod acceperat: donec ASCLEPIADES medendi rationem magna ex parte mutavit. Ex cujus successoribus THEMISON nuper ipse quoque quædam in senectute deflexit. Et per hos quidem maxime viros salutaris ista nobis professio increvit.

Quoniam autem ex tribus medicinæ partibus, ut difficillima, sic etiam clarissima est ea, quæ morbis medetur, ante omnia de hac dicendum est. Et, quia prima in ea dissensio est, quod alii sibi experimentorum tantummodo notitiam necessariam esse contendunt: alii, nisi corporum rerumque naturalium ratione comperta, non satis potentem usum esse proponunt: indicandum est, quæ maxime ex utraque parte dicantur, quo facilius nostra quoque opinio interponi possit.

Igitur hi, qui rationalem medicinam profitentur, hæc necessaria esse proponunt. *Abditarum & morbos continentium causarum* notitiam, deinde *evidentium*, post hæc etiam *naturalium actionum*, novissime *partium interiorum*.

Abditas causas vocant, in quibus requiritur, ex quibus principiis nostra corpora sint, quid secundam, quid adversam valetudinem faciat. Neque enim credunt, posse eum scire, quomodo morbos curare conveniat, qui, unde hi sint (h), ignoret. Neque esse dubium, quin alia curatione opus sit, si ex quatuor principiis vel superans aliquid vel deficiens adversam valetudinem creat, ut quidam ex sapientiæ professoribus dixerunt: alia, si in humidis omne vitium est, ut HERO-

(h) *De Flatib.* II. 3. 4. PALLAD. ad HIPPOCR. *Epid.* VI. pag. 224.

PHILO visum est : alia , si in spiritu , ut HIPPOCRATI : alia , si sanguis in eas venas , quæ spiritui accommodatæ sunt , transfunditur , & inflammationem , quam Græci *φλεγμονήν* nominant , excitat , eaque inflammatio talem motum efficit , qualis in febre est , ut ERASISTRATO placuit : alia , si manantia corpuscula per invisibilia foramina subsistendo iter claudunt , ut ASCLEPIADES contendit. Eum vero recte curaturum , quem prima (i) origo causæ non fefellerit. Neque vero inficiantur , experimenta quoque esse necessaria ; sed , ne ad hæc quidem aditum fieri potuisse , nisi ab aliqua ratione , contendunt. Non enim quilibet antiquiores viros ægris inculcasse ; sed cogitasse , quid maxime conveniret ; & id usu explorasse , ad quod ante conjectura aliqua ducti essent. Neque interesse , an initio pleraque explorata sint , si a consilio tamen cœperunt. Et id quidem in multis ita se habere. Sæpe vero etiam nova incidere genera (k) morborum , in quibus nihil adhuc usus ostenderit , ut ideo necessarium sit animadvertere , unde ea cœperint ; ceu sine quo nemo mortalium reperire possit , cur hoc , quam illo , potius utatur. Et ob hæc quidem in obscuro positas causas persequuntur.

Evidentes vero has appellant , in quibus quærent , initium morbi calor adtulerit , an frigus , fames , an satietas , & quæ similia sunt. Occursum enim initio (k*) dicunt eum , qui originem non ignorarit.

(i) HIPPOCR. *de Art.* xx. 4.

(k) PLATO *de Republ.* l. 3. *Tom. 2. pag. 405. ed. H. STEPH. LINDAN. Exercitat. Batav. pag. 754.*

(k*) Vitis , CR.

Naturales vero corporis actiones adpellant, per quas spiritum trahimus & emittimus; cibum potionemque adfumimus & concoquimus: itemque, per quas eadem hæc in omnes membrorum partes digeruntur. Tum requirunt etiam, quare venæ nostræ modo submittant se, modo adtollant: quæ ratio somni, quæ vigiliæ sit: sine quorum notitia, neminem putant vel occurrere, vel mederi morbis intra hæc nascentibus, posse. Ex quibus quia quam maxime pertinere ad rem concoctio videtur, huic potissimum insistent; &, duce, alii, ERASISTRATO (1), adteri cibum in ventre contendunt: alii, PLISTONICO, PRAXAGORÆ discipulo, putrescere: alii credunt HIPPOCRATI, per calorem cibos concoqui. Acceduntque ASCLEPIADIS æmuli, qui, omnia ista vana & supervacua esse, proponunt. Nihil enim concoqui; sed (m) crudam materiam, sicut adsumpta est, in corpus omne diduci. Et hæc quidem inter eos parum constant. Illud vero convenit, alium dandum cibum laborantibus; si hoc; alium, si illud verum est. Nam si teritur intus, eum quærendum esse, qui facillime teri possit. Si putrescit, eum in quo hoc expeditissimum est. Si calor concoquit, eum, qui maxime calorem foveat. At nihil ex his esse quærendum, si nihil concoquitur: ea vero sumenda, quæ maxime manent, qualia adsumpta sunt. Eademque ratione, cum spiritus gravis est, cum somnus aut vigilia urget, eum mederi posse arbitrantur, qui prius illa ipsa, qualiter eveniant, perceperit.

(1) MACROB. *Satyr.* VII. 15.

(m) CÆLIUS AURELIAN. *Acut. Morb.* l. i. c. 14.

Præter hæc, cum in *interioribus partibus* & dolores & in *visceribus* varia genera nascantur, neminem putant his adhibere posse remedia, (n) quas ipse ignoret. Necessarium ergo esse, incidere (o) corpora mortuorum, eorumque viscera atque intestina scrutari. Longeque optime fecisse HEROPHILUM (p) & ERASISTRATUM, qui nocentes homines, a regibus ex carcere acceptos, vivos inciderint, considerarintque, etiamnum spiritu remanente, ea, quæ natura ante clausisset, eorumque (q) posituram, colorem, figuram, magnitudinem, (r) ordinem, duritiem, molliem, levorem, contractum (r*): processus deinde singulorum & recessus, sive quid inferitur alteri, sive quid partem alterius in se recipit. Neque enim, cum dolor intus incidit, scire, quid doleat, eum, qui qua parte quodque viscus intestinumve sit, non cognoverit. Neque curari id, quod ægrum est, posse ab eo, qui, quid sit, ignoret. Et cum per vulnus alicujus viscera patefacta sunt, eum, qui sanæ cujusque colorem partis ignoret, nescire, quid integrum, quid corruptum sit; ideo nec succurrere quidem posse corruptis: aptiusque extrinsecus imponi remedia; comperitis interiorum & sedibus & figuris, cognitaque eorum magnitudine: similesque omnia, quæ proposita sunt, rationes habere. Neque esse

(n) *De diat. I. T. I. GAL. Med. M. l. 2.*

(o) *CIC. T. Q. II. 39.*

(p) *TERTULL. de An. c. X. & XXV. GAL. Adm. An.*

III. 5.

(q) *GAL. ad EUG. de prop. l. p. 50. T. I.*

(r) *De Vet. Med. XII. 25. seq. A. TRALL. VII. 3.*

(r*) Contractum CR.

crudelē, sicut plerique proponunt, hominum nocentium, & horum quoque paucorum suppliciiis, remedia populis innocentibus seculorum omnium quæri.

Contra hi, qui se ἐμπειρικοὺς ab experientia nominant, evidentes quidem causas, ut necessarias, amplectuntur: obscurarum vero causarum & naturalium actionum quæstionem ideo super-
vacuam esse contendunt, quoniam incomprehensibilis natura sit. Non posse vero comprehendere, patere ex eorum, qui de his disputarunt, discordia: cum de ista re, neque inter sapientiæ professores, neque inter ipsos medicos conveniat. Cur enim potius aliquis HIPPOCRATI credat, quam HEROPHILO? cur huic potius, quam ASCLEPIADI? Si rationes sequi velit, omnium posse videri non improbables: si curationes, ab omnibus his ægros perductos esse ad sanitatem. Itaque neque disputationi, neque auctoritati cujusquam fidem derogari oportuisse. Etiam sapientiæ studiosos maximos medicos esse, si ratiocinatio hos faceret: nunc illis verba superesse, deesse medendi scientiam.

Differre (f) quoque pro natura locorum genera medicinæ; & aliud opus esse Romæ, aliud in Ægypto, aliud in Gallia. Quod si morbos hæ causæ facerent, quæ ubique eadem essent, remedia quoque ubique eadem esse debuisse. Sæpe etiam causas adparere, ut puta lippitudinis, vulneris; neque ex his patere medicinam. Quod si scientiam hanc non subjiciat evidens causa,

(f) THESSAL. orat. 130. GALEM. de Simpt. Med. Facult. III. 12. CLEM. ALEX. Strom. I. VI. VALERIOI Enarrat. lib. II. Enar. V.

multo minus eam posse subicere, quæ in dubio est. Cum igitur illa incerta incomprehensibilisque sit, a certis potius & exploratis petendum esse præsidium; id est, his, quæ experientia in ipsis curationibus docuerit, sicut in cæteris omnibus artibus. Nam ne agricolam quidem aut gubernatorem disputatione, sed usu fieri. Ac, nihil istas cogitationes ad medicinam pertinere, eo quoque disci, quod, qui diversa de his senserint, ad eandem tamen sanitatem homines perduxerint. Id enim fecisse, quia non ab obscuris causis, neque a naturalibus actionibus, quæ apud eos diversæ erant; sed ab experimentis, prout cuique responderant, medendi vias traxerint. Ne inter initia quidem ab istis quæstionibus deductam esse medicinam, sed ab (t) experimentis. Ægrorum enim, qui sine medicis erant, alios propter aviditatem primis diebus protinus cibum adsumpsisse, alios propter fastidium (u) abstinuisse, levatumque magis eorum morbum fuisse, qui abstinerant. Itemque alios in ipsa febre aliquid edisse, alios paulo ante eam, alios post remissionem ejus: optime deinde his cessisse, qui post finem febris id fecerant. Eademque ratione alios inter principia protinus usos esse cibo pleniore, alios exiguo, gravioresque eos factos, qui se implerant.

Hæc similiaque cum quotidie inciderent, diligentes homines (x) notasse, quæ plerunque

(t) DIOD. SICUL. I. 82.

(u) HIPPOCRAT. de Arte T. VI. de Vet. Med. x. 17.

(x) Præcept. II. 26. 27.

melius responderent : deinde ægrotantibus ea præcipere cœpisse. Sic medicinam ortam, subinde aliorum salute, (y) aliorum interitu, perniciofa discernentem a salutaribus. Repertis deinde medicinæ remediis, homines de rationibus eorum differere cœpisse : medicinam esse nec post rationem, inventam ; sed post inventam medicinam, rationem esse quæsitam. Requiritur etiam, ratio idem doceat, quod experientia, an aliud. Si idem, supervacuum esse : si aliud etiam contrariam. Primo tamen remedia exploranda summa cura fuisse, nunc vero illa explorata esse : neque ulla aut nova genera morborum reperiri, aut novam desiderari medicinam.

Quod si jam incidat mali genus, aliquod ignotum, non ideo tamen fore medico de rebus cogitandum obscuris : sed eum protinus visurum, cui morbo id proximum sit ; tentaturumque (z) remedia similia illis, quæ vicino malo sæpe succurrerint ; & per ejus similitudinem opem reperiturum. Neque enim se dicere, consilio medicum non egere, & irrationabile animal hanc artem posse præstare ; sed has latentium rerum conjecturas ad rem non pertinere, quia non interfit, quid morbum faciat, sed quid tollat. Neque ad rem pertinere, quomodo, sed quid optime digeratur : sive hac de causa concoctio intercidat, & sive de illa ; & sive concoctio sit illa, sive tantum digestio. Neque quærendum esse, quomodo spiremus, sed, quid gravem tardumque spiritum expediat : neque, quid ve-

(y) COLUMEL. L. I. c. I.

(z) MAXIM. TYRIUS *Serm.* XL.

nas moveat; sed, quid quæque motus genera significant. Hæc autem cognosci experimentis.

Et in omnibus ejusmodi cogitationibus in utramque partem differi posse. Itaque ingenium & facundiam vincere: morbos autem, non (a) eloquentia, sed remediis curari. Quæ si quis elinguis usu discreta bene norit, hunc aliquanto majorem medicum futurum, quam si sine usu linguam suam excoluerit. Atque ea quidem, de quibus est dictum, supervacua esse tantummodo.

Id vero, quod restat, etiam crudele; vivorum hominum alvum atque præcordia incidi: & salutis humanæ præsidem artem, non solum pestem alicui; sed hanc etiam atrocissimam inferre: cum præsertim ex his, quæ tanta violentia quærantur, alia non possint omnino cognosci, alia possint etiam sine scelere. Nam colorem, levorem, mollitiem, duritiem, similiaque omnia, non esse talia, inciso corpore, qualia integro fuerint. Tum quia, corporibus inviolatis, hæc tamen metu, dolore, inedia, cruditate, lassitudine, & mille aliis medicis (b) adfectibus, sæpe mutantur. Unde multo magis verisimile, interiora, quibus major mollities & lux ipsa nova est, sub gravissimis vulneribus & ipsa trucidatione mutari. Neque quicquam esse stultius, (c) quam quale quid vivo homine est, tale existimare esse moriente, imo jam mortuo. Nam ne utrum quidem, qui minus ad rem pertineat, spirantem hominem posse diduci: simulatque vero ferrum ad

(a) LUCIANI *Hippias* pag. 503. Tom. II. ed. BENED.

(b) QUINTIL. *declam.* VIII. pag. 116. ed. GRON.

(c) ARIST. *Hist. Anim.* III. 2.

præcordia accessit, & discissum transversum septum est, quod membrana quadam superiores partes ab inferioribus diducit (*δισφραγίς* Græci vocant) hominem protinus animam amittere: itaque demum mortui præcordia & viscus omne in conspectum latrocinantis medici dari: quod necesse sit tale esse, quale mortui sit, non quale vivi fuit.

Itaque consequi medicum, ut hominem crudeliter jugulet; non ut sciat, qualia vivi viscera habeamus. Si quid tamen sit, quod adhuc spirante homine conspectui subjiciatur, id sæpe casum offerre curantibus. Interdum enim gladiatorem in arena, vel militem in acie, vel viatorem a latronibus exceptum sic vulnerari, ut ejus interior aliqua pars, & in alio alia, aperiatur; atque ita sedem, positum, ordinem, figuram, similiaque cognoscere prudentem medicum, non cædem, sed sanitatem molientem; idque per misericordiam discere, quod alii dira crudelitate cognoverint. Ob hæc, ne mortuorum quidem lacerationem necessariam esse. Quæ, etsi non crudelis, tamen foeda sit, cum aliter pleraque in mortuis se habeant: quantum vero in vivis cognosci potest, ipsa curatio ostendat.

Cum hæc per multa volumina, perque magnæ contentionis disputationes a medicis sæpe tractata sint atque tractentur: subjiciendum est, quæ proxima vero videri possint, neque addicta alterutri opinioni, neque ab utraque nimium abhorrentia, sed melia quodammodo inter diversas sententias. Quod in plurimis contentionibus deprehendere licet, sine ambitione verum scrutantibus, perinde ut in hac ipsa re. Nam quæ demum causæ, vel secundam valetudinem præstent, vel morbos excitent; quomodo spiritus, aut cibus,

vel deferatur, vel digeratur, ne sapientiæ quidem professores scientia comprehendunt, sed conjectura prosequuntur. Cujus autem rei non est certa notitia, ejus opinio certum reperire remedium non potest. Verumque est, ad ipsam curandi rationem nihil plus conferre, quam experientiam. Quanquam igitur multa sint, ad ipsas artes proprie (*d*) non pertinentia, tamen eas adjuvant, excitando artificis ingenium. Itaque ista quoque naturæ rerum contemplatio, quamvis non faciat medicum, aptiorem tamen medicinæ reddit.

Profecto verisimile est, & HIPPOCRATEM & ERASISTRATUM & quicumque alii, non contenti febres & ulcera agitare (*e*), rerum quoque naturam ex aliqua parte scrutati sunt, non ideo quidem medicos fuisse, verum ideo quoque majores medicos exstitisse. Ratione vero opus est ipsi medicinæ, si non semper inter obscuras causas, neque inter naturales actiones, tamen sæpe. Est enim hæc ars (*f*) conjecturalis, neque respondet ei plerumque non solum conjectura, sed etiam experientia.

Et interdum non febris, non cibus, non somnus subsequitur, sicut adsuevit. Rarius, sed aliquando, morbus quoque ipse novus est: quem non incidere, manifeste falsum est; cum ætate nostra quædam, ex naturalibus partibus carne prolapsa & arente, intra paucas horas exspiraverit; sic ut nobilissimi medici neque genus ma-

(d) AUGUSTIN. *de Doctr. Chr.* II. 39. HIPPOCRAT. *Epist. ad THESSAL. fil. De decent. Ornat.* T. I. II. III.

(e) *i. e. tradere.*

(f) HIPPOCRAT. *ad CRATEV. ep.* 7. PLATO *de leg.* XIII. p. 976. T. 2. ARIST. *Or.* PLAT. I. p. 364.

li, neque remedium invenerint. Quos ideo nihil tentasse judico, quia nemo in splendida persona periclitari conjectura sua voluerit, ne occidisse, nisi servasset, videretur. Veri tamen simile est, potuisse aliquid excogitare, detracta tali verecundia, & fortasse responsurum fuisse id, quod aliquis esset expertus. Ad quod medicinæ genus, neque semper similitudo aliquid confert; & si quando confert, tamen idipsum rationabile est, inter multa similia genera, & morborum & remedium, cogitare, quo potissimum medicamento sit utendum. Cum igitur talis res incidit, medicus aliquid oportet inveniat, quod non ubique forrasse, sed sæpius tamen etiam respondeat. Petet autem novum quoque consilium, non ab rebus latentibus (istæ enim dubiæ & incertæ sunt) sed ab his, quæ explorari possunt; id est, evidentibus causis.

Interest enim, fatigatio morbum, an sitis; an frigus, an calor; an vigilia, an fames fecerit; an cibi vinique abundantia, an intemperantia libidinis. Neque ignorare hunc oportet, quæ sit ægri natura: humidum magis, siccum corpus ejus sit: validi nervi, an infirmi: frequens adversa valetudo, an rara: eaque, cum est, vehemens esse soleat, an levis; brevis, an longa; quod is vitæ genus sit secutus; laboriosum, an quietum; cum luxu, an cum frugalitate. Ex his enim, similibusque, sæpe curandi nova ratio ducenda est. Quamvis ne hæc quidem sic præteriri debent, quasi nullam controversiam recipiant. Nam & ERASISTRASTUS non ex his fieri morbos dixit; quoniam & alii, & iidem alias post ista non febricitarent.

Et quidam Methodici seculi nostri, sub auctore (ut ipsi videri volunt) THEMISONE contendunt, nullius causæ notitiam quicquam ad

curationes pertinere: satisque esse, quædam communia morborum intueri. Et quidem horum tria genera esse, unum adstrictum, alterum fluens, tertium mixtum. Nam modo parum excernere ægros, modo, nimium: modo alia parte parum, alia nimium. Hæc autem genera morborum, modo acuta esse, modo longa; & modo increscere, modo consistere, modo minui consuevisse. Cognito igitur eo, quod ex his est, si corpus adstrictum est, digerendum esse: si profluvio laborat, continendum: si mixtum vivium habet, occurrendum subinde vehementiori malo. Et aliter acutis morbis medendum, aliter vetustis: aliter increscentibus, aliter subsistentibus, aliter jam ad sanitatem inclinantibus.

Horum observationem medicinam esse, quam ita finiunt, ut quasi viam quandam, quam *μέθοδος* Græci nominant, eorumque, quæ in morbis communia sunt, contemplatricem esse contendant. Ac neque rationalibus se, neque experimenta tantum spectantibus adnumerari volunt: cum ab illis eo nomine dissentiant, quod in conjectura rerum latentium nolunt esse medicinam: ab his eo, quod parum artis esse in observatione experimentorum credunt.

Quod ad ERASISTRATUM pertinet, primum, ipsa evidentia ejus opinioni repugnat; quia raro, nisi post horum aliquid, morbus venit. Deinde non sequitur, ut quod alium non adficit, aut eundem aliis, id ne alteri quidem, aut eidem tempore alio noceat. Possunt enim quædam subesse corpori, vel ex infirmitate ejus, vel ex aliquo adfectu, quæ vel in alio non sunt, vel in hoc alias non fuerunt, eaque per se non tanta, ut concitent morbum; tamen obnoxium magis aliis injuriis corpus efficiant. Quod si con-

templationem rerum naturæ (g) (quam non temere Medici sibi vendicant) satis comprehendisset, etiam illud scisset, nihil omnino ob unam causam fieri, sed id pro causa adprehendi, quod contulisse plurimum videtur. Potest autem id, dum solum est, non movere, quod junctum aliis maxime movet. Adcedit ad hæc, quod ne ipse quidem ERASISTRATUS, qui transfuso in arterias sanguine febrem fieri dicit, idque nimis repleto corpore incidere reperit, cur ex duobus æque repletis, alter in morbum inciderit, alter omni periculo vacarit; quod quotidie fieri adparet. Ex quo disci potest, ut vera sit illa transfusio, tamen illam non per se, cum plenum corpus est, fieri; sed cum horum aliquid adcesserit.

THEMISONIS vero æmuli, si perpetua, quæ (h) promittunt, habent, magis etiam, quam illi rationales sunt. Neque enim, si quis non omnia tenet, quæ rationalis alius probat, protinus alio novo nomine artis indiget: si modo, quod primum est, non memoriæ soli, sed rationi quoque insistit. Sin, quod vero propius est; vix ulla (i) perpetua præcepta medicinalis ars recipit, iidem sunt, quod ii, quos experimenta sola sustinent: eo magis, quoniam, si compresserit aliquem morbus, aut fuderit, quilibet etiam imperitissimus videt. Quid autem compressum corpus resolvat, quid solutum teneat, si a ratione

ne

(g) *De Vet. Med.* XXXVI. 18.

(h) HORAT. *Epist.* 1. lib. 2. Quod medicorum est, promittunt medici.

(i) *De Loc. in Homin.* T. L. 2.

ne tractum est, *Rationalis* est medicus: sin, ut ei, qui se rationalem negat, confiteri necesse est, ab experientia, *Empiricus*. Et ita apud eum morbi cognitio extra artem, medicina intra usum, est. Neque adjectum quicquam Empiricorum professioni, sed demtum est; quoniam illi multa circumspiciunt, hi tantum facillima, & non plus, quam vulgaria. Nam & hi, qui pecoribus ac jumentis medentur, cum propria cujusque ex mutis animalibus nosse non possint, communibus tantummodo insistant. Et exteræ gentes, cum subtilem medicinæ rationem non noverint, communia tantum vident. Et qui ample valetudinarios nutriunt, quia singulis summa cura consulere non sustinent, ad communia ista confugiunt. Neque, hercules, istud antiqui medici nescierunt, sed his contenti non fuerunt.

Ergo etiam vetustissimus auctor HIPPOCRATES dixit (k) *mederi oportere, & communia, & propria intuentem*. Ac ne isti quidem ipsi intra suam professionem consistere ullo modo possunt. Siquidem & compressorum & fluentium morborum genera diversa sunt, faciliusque id in his, quæ fluunt, inspicere potest. Aliud est enim sanguinem, aliud bilem, aliud cibum vomere, aliud dejectionibus, aliud torminibus laborare: aliud sudore digeri, aliud tabe consumi. Atque in partes quoque humor erumpit, ut oculos auresque, quo periculo nullum humanum membrum vacat. Nihil autem horum sic, ut aliud curatur. Ita protinus in his a communi fluentis morbi contemplatione ad propriam medicina descendit.

(k) *Epidem.* I. 5. & III. 2.

Atque in hac quoque rursus alia proprietatis notitia sæpe necessaria est, quia non eadem omnibus, etiam in similibus casibus, opitulantur. Siquidem certæ quædam res sunt, quæ in pluribus ventrem aut adstringunt, aut resolvunt. Inveniuntur tamen, in quibus aliter, atque in cæteris, idem eveniat. In his ergo communium inspectio contraria est, priorum tantum salutaris.

Et causæ quoque æstimatio sæpe morbum solvit. Ergo etiam ingeniosissimus seculi nostri medicus, quem nuper vidimus, CASSIUS, febricitanti cuidam & magna siti adfecto, cum post ebrietatem eum premi cœpisse cognosceret, aquam frigidam ingessit. Qua ille epota, cum vini vim miscendo fregisset, protinus febrem somno & sudore discussit. Quod auxilium medicus opportune providit, non ex eo, quod aut strictum corpus erat, aut fluebat; sed ex causa, quæ ante præcesserat.

Estque etiam proprium aliud (1) & loci & temporis, istis quoque auctoribus. Qui, cum disputant, quemadmodum sanis hominibus agendum sit, præcipiunt, ut gravibus aut locis aut temporibus magis vitetur frigus, æstus, satietas, labor, libido; magisque ut conquiescat iisdem aut temporibus, si quis gravitatem corporis sentit; ac neque vomitu stomachum, neque purgatione alvum sollicitet. Quæ verà quidem sunt; a communibus tamen ad quædam propria descendunt. Nisi persuadere nobis volunt, sanis quidem considerandum esse, quod cælum, quod

(1) *Aphor. 1. 2. Orat. THESS. filii. 130.*

tempus anni sit: ægris vero non esse. Quibus tanto magis omnis observatio necessaria est, quanto magis obnoxia offensis infirmitas est.

Quinetiam morborum in iisdem hominibus aliæ atque aliæ proprietates sunt: &, qui secundis aliquando frustra curatus est, contrariis (m) sæpe restituitur. Plurimaque in dando cibo discrimina reperiuntur: ex quibus contentus uno ero. Nam famem facilius fert (n) adolescens, quam puer; facilius in denso cælo, quam in tenui: facilius hieme, quam æstate: facilius uno cibo, quam prandio quoque adsuetus; facilius inexercitatus, quam exercitatus homo. Sæpe autem in eo magis necessaria cibi festinatio est, qui minus inediam tolerat. Ob quæ conjicio, eum, qui propria non novit, communia tantum intueri debere: eumque, qui nosse propria potest, illa quidem non oportere negligere, sed his quoque insistere. Ideoque, cum par scientia sit, utiliorem tamen medicum esse (o) amicum, quam extraneum.

Igitur, ut ad propositum meum redeam, rationalem quidem puto medicinam esse debere: instrui vero ab evidentibus causis: obscuris omnibus, non a cogitatione artificis, sed ab ipsa arte rejectis. Incidere autem vivorum corpora, & crudele, & supervacuum est: mortuorum vero, (p) discantibus necessarium. Nam positum & ordinem nosse debent. Quæ cadavera melius, quam

(m) *Aphor.* II. 22.

(n) *Aphor.* I. 13.

(o) *PLAUT.* *Perf.* IV. 4. 46. *HIPPOCRAT.* *DIONYS.* 29. 30. 31.

(p) *CICERO A. Qu.* II. 39.

vivus & vulneratus homo, repræsentant. Sed & cætera, quæ in vivis cognosci modo possunt, in ipsis curationibus vulneratorum paulo tardius, sed aliquando mitius usus ipse monstrabit. His propositis, primum dicam, quemadmodum sanos agere conveniat: tum ad ea transibo, quæ ad morbos & curationes eorum pertinebunt.

C A P U T I.

Quemadmodum sanos agere conveniat.

SANUS homo, qui & bene valet, & suæ spontis est, nullis obligare se legibus debet, ac neque medico, neque jatroalipta egere. Hunc ruri esse, modo oportet (a) varium habere vitæ genus: modo in urbe, sæpiusque in agro: navigare, venari, quiescere interdum, sed frequenter se exercere. Siquidem ignavia (b) corpus hebetat, labor firmat; illa maturam senectutem, hic longam adolescentiam reddit. Prodest etiam interdum balneo, interdum aquis frigidis uti: modo ungi, modo idipsum negligere: nullum cibi genus fugere, quo populus utatur: interdum in convictu esse, interdum ab eo se retrahere: modo plus justo, modo non amplius adsumere: (c) bis

(a) CÆL. AUR. *de Morb. Acut.* I. 14.

(b) *De Dieta* L. I. T. 1. 18. L. II. T. XXXVII. 13. § 28 1. *Off. Med.* XII. 4. DION. CHRYS. *Or.* I. p. 5. ed. CAS. PALLAD. *ad HIPPOCR.* I. 6. *Epid.* p. 252.

(c) *Vide NONN. de Re Cibar.* I. I. c. 4.

die potius, quam semel cibum (*d*) capere: & (*e*) semper quam plurimum, dummodo hunc concoquat. Sed ut hujus generis exercitationes cibique necessarii sunt; sic athletici supervacui. Nam & intermissus propter aliquas civiles necessitates ordo exercitationis corpus adfligit: & ea corpora, quæ more eorum repleta sunt, celerrime & fenescunt, & ægrotant.

De Concubitu.

Concubitus vero neque nimis concupiscendus, neque nimis pertimescendus est. Rarus, corpus excitat; frequens, (*f*) solvit. Cum autem frequens, non numero sit, sed natura, ratione ætatis, & corporis, scire licet, eum non inutilem esse, quem corporis neque languor, neque dolor sequitur. Idem interdiu pejor est, tutior noctu: ita tamen, si neque illum cibus, neque hunc cum vigilia labor statim sequitur. Hæc firmis servanda sunt: cavendumque, ne in secunda valetudine adversæ præsidia consumantur.

C A P. II.

Quæ imbecillis servanda sint.

AT imbecillis (quo in numero magna pars urbanorum omnesque pene cupidi litera-

(*d*) *De Vet. Med.* XVIII.

(*e*) *CASAUB.* in *ATHEN.* II. 8.

(*f*) *De Gen.* I. 5. II. *Præd.* VIII. 15. 16.

rum (a) sunt) observatio major necessaria est: ut, quod vel corporis, vel loci, vel studii ratio detrahit, cura restituat. Ex his igitur, qui bene concoxit, mane tuto surget: qui parum, quiescere debet; &, si mane surgendi necessitas fuerit, redormire. Qui non concoxit, ex toto conquiescere, ac neque labori se, neque exercitationi, neque negotio credere. Qui crudum sine præcordiorum dolore ructat, is ex intervallo aquam frigidam bibere, & se nihilominus continere. Habitare vero ædificio lucido, perflatum æstivum, hibernum solem habente: cavere meridianum (b) solem matutinum & vespertinum frigus; itemque auras fluminum atque stagnorum; minimeque nubilo cœlo, soli aperienti se committere, ne modo (c) frigus, modo calor moveat: quæ res maxime gravedines destillationesque concitat. Magis vero gravibus locis ista servanda sunt, in quibus etiam pestilentiam faciunt. Scire autem licet, integrum (d) corpus esse, cum quotidie mane urina alba, dein rufa est. Illud concoquere, hoc concoxisse significat. Ubi expectatus est aliquis, paulum intermittere: deinde, nisi hiems est, fovere os multa aqua frigida debet. Longis diebus meridiari potius ante cibum; sin minus, post eum. Per hiemem potissimum totis noctibus conquiescere. Sin lucubrandum est, non post cibum id facere, sed post coctionem.

Quem interdium vel domestica, vel civilia officia

(a) NAZIANZ *Orat. Funeb.* in BASIL. MAGN.

(b) *De Diata.* III. X. 6. 7. 8.

(c) *Aphor.* III. I. *Epidem.* VI. 4. 41.

(d) PLIN. XXVIII. 6.

tenuerunt, huic tempus aliquod servandum curationi corporis sui est. Prima autem ejus curatio, exercitatio est, quæ semper antecedere cibum debet: in eo, qui minus laboravit, & bene concoxit, remissior: in eo, qui adfuetus est, & minus concoxit, amplior. Commode verò exercent, clara lectio, arma, pila, cursus ambulatio; atque hæc non utique plana, commodior, est: siquidem melius adscensus quoque & descensus, cum quadam varietate corpus moveat; nisi tamen id perquam imbecillum est. Melior autem est sub divo, quam in porticu: melior, si caput patitur, in sole, quam in umbra, melior in umbra, quam parietes aut viridaria efficiunt, quam quæ tecto subest: melior recta, quam flexuosa. Exercitationis autem plerumque finis esse debet (e) sudor, aut certe lassitudo, quæ citra fatigationem sit: idque ipsum, modo minus, modo magis faciendum est. Ac ne his quidem, athletarum exemplo, vel certa esse lex, vel immodicus esse labor debet. Exercitationem recte sequitur, modo unctio, vel in sole, vel ad ignem, modo balneum, sed in conclavi quam maxime & alto & lucido & spaciofo. Ex his vero neutrum semper fieri oportet; sed sæpius alterutrum, pro corporis natura. Post hæc paulum conquiescere opus est.

Ubi ad cibum ventum est, nunquam (f) utilis est nimia satietas; sæpe inutilis nimia absti-

(e) *Epid.* VI. 3. 14.

(f) *Aph.* II. 51. *Vet. Med.* XV. 10. 15. *Tert. Carm.* ad SEN. LEON. *Imp. nov. Const.* I. ARIST. *de Mor.* II. 2.

nentia : sæpe , si qua intemperantia subest , tutior est in potione , quam in esca . Cibus a falsamentis , oleribus , similibusque rebus melius incipit . Tum caro adsumenda est , quæ assa optima , aut elixa est (g) . Condita omnia duabus de causis inutilia sunt , quoniam & plus propter dulcedinem adsumitur , & quod modo par est , tamen ægrius concoquitur . Secunda mensa bono stomacho nihil nocet , in imbecillo coacescit . Si quis itaque hoc parum valet , palmulas , pomaque , & similia melius primo cibo adsumit . Post multas potiones , quæ aliquantum sitim excesserunt , nihil edendum est : post satietatem , nihil agendum . Ubi expletus est aliquis , facilius concoquit , si , quicquid adsumpsit , potione aquæ frigidæ includit , tum paulisper invigilat , deinde bene dormit . Si quis interdiu se implevit , post cibum neque frigori , neque æstui , neque labori se debet committere . Neque enim tam facile hæc inani corpore , quam repleto nocent . Si quibus de causis futura (h) inedia est , labor omnis vitandus est .

C A P. III.

*Observationes quædam , prout res novæ incidunt ,
 & corporum genera , & sexus , & ætates , &
 tempora anni sunt .*

ATQUE hæc quidem pene perpetua sunt : quasdam tamen observationes desiderant &

(g) SALMAS. ad SIMPLICIUM p. 21. 22.

(h) Aphor. I. 16.

novæ res, & corporum genera, & sexus, & ætates, & tempora anni. Nam neque ex salubri loco in gravem, neque ex gravi in salubrem transitus satis tutus est. Ex salubri in gravem, prima hieme: ex gravi in eum, qui salubris est, prima æstate transire melius est. Neque vero ex multa fame nimia (a) fatietas: neque ex nimia fatietate fames idonea est. Periclitaturque &, qui semel, &, qui bis die cibum incontinenter, contra consuetudinem, adsumit. Item, neque ex nimio labore subitum otium, neque ex nimio ocio subitus labor, sine gravi noxa est. Ergo, cum quis mutare aliquid volet, paulatim debet (b) adfuescere. Omnem etiam (c) laborem facilius vel puer vel senex, quam insuetus homo sustinet. Atque ideo quoque nimis ociosa vita utilis non est; quia potest incidere laboris necessitas. Si quando tamen insuetus aliquis laboravit, aut multo plus, quam solet, etiam is qui adfuevit, huic jejuno dormiendum est: multo magis, si etiam os amarum est, vel oculi caligant, aut venter perturbatur. Tum enim non dormiendum tantummodo jejuno est, sed etiam in posterum diem ita permanendum, nisi cito id quies sustulit. Quod si factum est, surgere oportet, & lente paululum ambulare. At si somni necessitas non fuit, quia modice magis aliquis laboravit, tamen ingredi aliquantum eodem modo debet.

(a) *Aphor.* II. 16.

(b) *Aphor.* II. 50. II. *De Diat.* XLIV. 2. 3.

(c) *Aph.* II, 49.

Communia deinde omnibus sunt post fatigationem cibum sumpturis, ubi paulum ambulaverunt, si balneum non est, calido loco, vel in sole, vel ad ignem ungi, atque sudare: si est, ante omnia in tepidario residere: deinde, ubi paulum conquieverunt, intrare & descendere in (d) folium; tum multo oleo ungi, leniterque perfricari; iterum in folium descendere: post hæc, os aqua calida fovere, deinde frigida. Balneum his fervens idoneum non est. Ergo si nimium alicui fatigato pene febris est, huic abunde est, loco tepido dimittere se inguinibus tenus in aquam calidam, cui paulum olei adjectum sit: deinde totum quidem corpus, maxime tamen eas partes, quæ in aqua fuerunt, leniter perfricare ex oleo, cui vinum & paulum contriti salis sit adjectum. Post hæc, omnibus fatigatis aptum est, cibum sumere, eoque humido uti; aqua, vel certe diluta potione esse contentos; maximeque ea, quæ moveat urinam. Illud quoque nosse oportet, quod ex labore sudanti frigida potio perniciosissima est: atque etiam, cum sudor se remisit, itinere fatigatis inutilis. A balneo quoque venientibus ASCLEPIADES inutilem eam judicavit. Quod in his verum est, quibus alvus facile, nec tuto, resolvitur, quique facile inhorrescunt: perpetuum in omnibus non est, cum potius naturale sit, potione æstuantem stomachum refrigerari, frigentem calefieri. Quod ita præcipio, ut tamen fatear, ne ex hac quidem causa sudanti adhuc frigidam bibendam esse.

(d) Alveum *A.* ad. HEREN. lib. IV. 10.

Solet etiam prodesse, post varium cibum, frequentesque dilutas potiones, vomitus, & postero die longa quies, deinde modica exercitatio. Si assidua oscitatio urget, invicem modo aqua, modo vinum bibendum est, raroque balneo utendum. Levatque lassitudinem etiam laboris mutatio: eumque, quem novum genus cujusdam laboris preffit, id, quod in consuetudine est, reficit. Fatigato quotidianum cubile (e) tutissimum est: insolitum contra, lassat. Quod enim contra (f) consuetudinem est, nocet, seu molle, seu durum est.

Proprie quædam ad eum pertinent, qui ambulando fatigatur. Hunc reficit in ipso quoque itinere frequens frictio: post iter, primum sedile, deinde unctio: tum calida aqua aut balneo magis inferiores partes, quam superiores foveat. Si quis vero exustus in sole est, huic in balneum protinus eundum est, perfundendumque oleo corpus & caput: deinde in solium bene calidum descendendum est, tum multa aqua per caput infundenda, prius calida, deinde frigida est. At ei, qui perfrixit, opus est in lacónico primum involuto sedere, donec insudet; tum ungi; deinde lavari: cibum modicum, potiones meracas adsumere.

Is vero, qui navigavit, & nausea pressus est, si multam bilem evomit, vel abstinere cibo debet, vel paulum aliquid adsumere. Si pituitam acidam effudit, utique sumere cibum, sed adueto leviolem: si sine vomitu nauseavit, vel abstinere, vel post cibum vomere. Qui vero

(e) *Aphor.* II. 48.

(f) *Aphor.* II. 50.

toto die, vel in vehiculo, vel in spectaculis sedet, huic nihil currendum, sed lente ambulandum est. Lenta quoque in balneo mora, dein cœna exigua prodesse consueverunt. Si quis in balneo æstuat, reficit hunc ore exceptum, & in eo retentum acetum: si id non est, eodem modo frigida aqua adsumpta.

Ante omnia autem scire convenit (g) naturam corporis: quia alii graciles, alii obesi sunt; alii calidi, alii frigidiores; alii humidi, alii sicciore; alios adstricta, alios resoluta alvus exercet. Raro quicumque non aliquam partem corporis imbecillam habet. Tenuis vero homo implere se debet, plenus extenuare, calidus refrigerare, frigidus calefacere, madens siccare, siccus madefacere. Itemque alvum firmare is, cui fusa: solvere is, cui adstricta est. Succurrendumque semper parti maxime laboranti est.

De causis quæ implent corpus.

Implet autem corpus modica (h) exercitatio, frequentior quies, unctio, &, si post prandium est, balneum, contracta alvus, modicum frigus hieme, somnus & plenus & non nimis longus, molle cubile, animi securitas, adsumpta per cibos & potiones maxime dulcia & pingua, frequentior cibus, &, quantum plenissime potest digerere.

De his quæ extenuant corpus.

Extenuat corpus aqua calida, si quis in eam

(g) CICERO de Orat. II. 44.

(h) CASSIODOR Variar. I. Ep. 39.

descendit, magisque si falsa est: in jejuno balneum, inurens sol, & omnis calor, cura, vigilia, somnus nimium vel brevis vel longus: lectus, per æstatem, terra; hieme, durum cubile: cursus, multa ambulatio, omnisque vehemens exercitatio, vomitus, dejectio, acidæ res & austeræ, & semel in die adsumptæ epulæ, & vini non perfrigidi potio jejuno in consuetudinem adducta.

Cum vero inter extenuantia posuerim vomitum & dejectionem, de his quoque propria quædam dicenda sunt. Rejectum esse ab ASCLEPIADE vomitum (i) in eo volumine, quod de tuenda sanitate composuit, video: neque reprehendo, si offensus eorum est consuetudine, qui quotidie ejiciendo vorandi facultatem moliantur. Paulo etiam longius processit. Idem purgationes (k) quoque eodem volumine expulit. Et sunt hæc perniciosæ, si nimis valentibus medicamentis sunt. Sed hæc tamen submovenda esse, non est perpetuum: quia corporum temporumque ratio potest ea facere necessaria, dum & modo, & non nisi cum opus est, adhibeantur. Ergo ille quoque ipse, si quid jam corruptum esset, expelli debere confessus est: ita non ex toto res condemnanda est. Sed esse ejus etiam plures causæ possunt: estque in ea quædam paulo subtilior observatio adhibenda.

De Vomitu.

Vomitus utilior est (l) hieme, quam æstate.

(i) PLIN, L. XXVI. 3.

(k) SCRIBON. LARG. *Epist. ad CALLIST.*

(l) *De Salubr. Diæt.* VI. 2. 3. 4.

nam tum & pituitæ plus, & capitis gravitas major subest. (m) Inutilis est gracilibus, & imbecillum stomachum habentibus: utilis vero plenis & biliosis omnibus, si vel nimium se repleant, vel parum concoxerunt. Nam, si plus est, quam quod concoqui possit, periclitari, ne corrumpatur, non oportet: si jam corruptum est, nihil commodius est, quam id, quæ via (n) primum expelli potest, ejicere. (o) Itaque, ubi amari ructus cum dolore & gravitate præcordiorum sunt, ad hunc protinus confugiendum est. Idem prodest ei, cui pectus (p) æstuat, & frequens saliva, vel nausea est; aut sonant aures, aut madent oculi, aut (q) os amarum est. Similiterque ei, qui vel cælum, vel locum mutat; hisque, quibus, si per plures dies non vomuerunt, dolor præcordia infestat. Neque ignoro, inter hæc præcipi quietem; quæ non semper contingere potest agendi necessitatem habentibus: nec in omnibus idem facit. Itaque istud luxuriæ causa fieri non oportere confiteor: interdum valetudinis causa recte fieri, experimentis credo. Commoneo tamen, ne quis, qui valere & senescere volet, hoc quotidianum habeat.

Qui vomere post cibum volet, si ex facili facit, aquam tantum tepidam ante debet adsumere; si difficilior, aquæ vel salis, vel mellis paulum adjicere. At, qui mane vomiturus est,

(m) *De loc. in Hom. L. V. II. 12.*

(n) *Aph. IV. 6.*

(o) *SORAN. EPHES. Isagog. c. 7.*

(p) *Aph. IV. 17.*

(q) *Aphor. IV. 17. Coac. Prænot. 200.*

ante bibere mulsum, vel hyssopum esse, aut (q) radiculam debet; deinde aquam tepidam, ut supra scriptum est, bibere. Cætera, quæ antiqui medici præceperunt, stomachum omnia infestant. Post vomitum, si stomachus infirmus est, paulum cibi, sed hujus idonei, gustandum; & aquæ frigida cyathi tres bibendi sunt, siquidem vomitus fauces exasperavit. Qui vomuit, si mane id fecit, ambulare debet, tum ungi, deinde coenare: si post coenam, postero die lavari, & in balneo sudare. Huic proximus cibus mediocris utilior est: isque esse debet cum pane hesterno, vino austero meraco, & carne assa, cibisque omnibus quam siccissimis. Qui vomere bis in mense vult, melius consulet, si biduo (r) continuarit, quam si post quintumdecimum diem vomuerit; nisi hæc mora gravitatem pectori faciet.

De Dejectionibus.

Dejectio autem a medicamento quaque petenda est, ubi venter suppressus parum reddit, ex eoque inflationes, caliginēs, capitis dolores, aliaque superioris partis mala increfcunt. Quid enim inter hæc adjuvare possunt quies & inedia, per quæ illa maxime eveniunt? Qui deicere velit, primum cibus vinisque utatur his, quæ hoc præstant. Dehinc, si parum illa proficiunt, aloë sumat. Sed purgationes quoque, ut interdum necessariae sunt, sic, ubi frequentes sunt, periculum adferunt. Adfuescit enim non ali cor-

(r) SORAN. EPHES. I. *Isagog.* c. VII.

(f) *De Salubri Diet.* T. VII. 13.

pus ; & ob hoc infirmum erit ; cum omnibus morbis obnoxia maxime infirmitas sit.

De his quæ calefaciunt , ☿ refrigerant corpus.

Calefaciunt unctio , aqua (t) falsa , magisque si calida est , omnia falsa , vinum austerrum. Contra (u) refrigerant , in jejuno , amara , carnosæ ; si post cibum est , balneum , & somnus , nisi nimis longus est ; & omnia acida ; aqua quam frigidissima ; oleum , si aqua miscetur ; & lotus (*u).

De his quæ humidant , ☿ siccant.

Humidum autem corpus efficit labor minor , quam ex consuetudine , frequens balneum , cibus plenior , multa potio ; post hanc , ambulatio , & (x) vigilia. Per se quoque ambulatio multa & vehemens , & matutinæ exercitationi non protinus cibus adjectus ; ea genera escæ , quæ veniunt ex locis frigidis , & pluviis , & riguis. Contra siccant immodica exercitatio , fames , unctio , sine aqua calor , sal immodicus , frigida aqua , cibus exercitationi statim subjectus , & is ipse ex siccis & æstuosis locis veniens.

De his quæ alvum adstringunt ☿ solvunt.

Alvum adstringit labor , sedile , creta figularis corpore

(t) II. De Diat. XXXV. 4.

(u) De Diata. XXXV. 7.

(u*) Vox suspecta,

(x) Siccare , ait GALENUS *M Med. c. 7.*

corpori illita, cibus imminutus, & is ipse semel die adsumptus ab eo, qui bis solet: exigua potio, neque adhibita, nisi cum cibi quis quantum adsumpturus est, cepit: post cibum quies. Contra solvit aucta ambulatio atque esca, motus qui post cibum est, subinde potiones cibo immixtæ. Illud quoque scire oportet, quod ventrem vomitus solutum comprimit is vomitus, qui statim post cibum est: solvit is, qui tarde supervenit.

De ætatum varietate.

Quod ad ætates vero pertinet, inedia facillime sustinent (y) mediæ ætates, minus juvenes, minime pueri & senectute confecti. Quo minus fert facile quisque, eo sæpius debet cibum adsumere; maximeque eo eget, (z) qui increfcit. Calida lavatio; & pueris & senibus apta est. Vinum dilutius pueris, senibus meracius, neutri ætati, quæ inflationes movent. Juvenum minus, quæ adsumant, & quomodo curentur, interest. Quibus juvenibus fluxit alvus (a), plerumque in senectute contrahitur. Quibus in adolescentia adstricta, sæpe in senectute solvitur. (b) Melior est autem in juvene fusior, in sene adstrictior.

De varietate temporum.

Tempus quoque anni considerare oportet. Hic-

(y) *Aphor. I. 13, 14.*

(z) *Aphor. I. 14. CASSII Medic. Probl. 46.*

(a) *Aphor. II. 20. 53.*

(b) *Aph. II. 53.*

me plus esse (c) convenit; minus, sed meracius bibere; multo pane uti, carne potius elixa, modice oleribus; semel die cibum capere, nisi si nimis venter adstrictus est. Si prandet aliquis, utilius est exiguum aliquid, & ipsum siccum sine carne, sine potione fumere. Eo tempore anni calidis omnibus potius utendum est, vel calorem moventibus. Venus tum non æque perniciofa est. At vere (d) paulum cibo demendum, adjiciendumque potioni, sed dilutius bibendum est: magis carne utendum, magis oleribus, transeundum paulatim ab elixis ad assa. Venus eo tempore anni tutissima est.

De diæta ciborum potionumque.

Æstate vero & (e) potione & cibo sæpius corpus eget; ideo prandere quoque commodum est. Eo tempore aptissima sunt & caro & olus: potio quam dilutissima, ut & sitim tollat, nec corpus incendat: frigida lavatio, caro assa, frigidi cibi, vel qui refrigerent. Ut sæpius autem cibo utendum sic exiguo est.

Autumnalis diæta.

Per autumnum vero, propter (f) cæli varietatem, periculum maximum est. Itaque neque sine veste, neque sine calceamentis prodire

(c) *De Sal. diæt.* 1. 2. *De diæt.* III. III. N. II. 12.
13. *Aph.* 1. 15. ORIB. SARD. *de Viæt. rat.* ÆGIN. 1. 53.

(d) *De Sal. diæt.* 1. 8.

(e) *De Diæt. sal.* 1. 17.

(f) *Aph.* III. 4.

oportet, præcipueque diebus frigidioribus, neque sub divo noctu dormire, aut certe bene operiri. Cibo vero jam paulo (g) pleniore uti licet; minus, sed meracius bibere. Poma (h) nocere quidam putant, quæ immodice toto die plerumque sic adsumuntur, ut ne quid ex densiore cibo remittatur. Ita non hæc, sed (i) consummatio omnium nocet. Ex quibus in nullo tamen minus, quam in his noxa est. Sed his uti non sæpius, quam alio cibo convenit. Denique aliquid densiori cibo, cum hic accidit, necessarium est demi. Neque (k) æstate vero, neque autumnio utilis venus est. Tolerabilior tamen per autumnum: æstate in totum, si fieri potest, abstinendum est.

CAP. IV.

De his quibus Caput infirmum est.

PROXIMUM est, ut de his dicam, qui partes aliquas corporis imbecillas habent. Cui caput infirmum est, is si bene concoxit, leniter perfricare id mane manibus suis debet; nunquam id, si fieri potest, veste velare, aut ad cutem tondere: utileque lunam (a) vitare, maximeque ante ipsum lunæ solisque concursus: sed nusquam post cibum progredi. Si cui capilli sunt,

(g) *De Salubr. Diet.* 1. 25.

(h) *ÆGINET.* 1. 53. *de Affect.* L. 1. 3.

(i) *Aphor.* II. 51. *ACTUAR. M. M.* III. 9.

(k) *AETIUS Tetrab.* 1. *Serm.* III. c. 8.

(a) *MACROB. Saturn.* VII. 16.

eos quotidie pectere: multum ambulare; sed, si licet, neque sub tecto, neque in sole: utique autem vitare solis ardorem, maximeque post cibum & vinum: potius ungi, quam lavari; nunquam ad flammam ungi, interdum ad prunam.

Si in balneum venit, sub veste primum paulum in tepidario insudare, ibi ungi, tum transire in calidarium; ubi sudarit, in solium non descendere, sed multa calida aqua per caput se totum perfundere, tum tepida, dein frigida; diutiusque ea caput, quam cæteras partes perfundere; deinde id aliquandiu perfricare; novissime detergere & ungere. Capiti nihil æque prodest atque aqua frigida. Itaque is, cui hoc infirmum est, per æstatem id bene largo canali quotidie debet aliquandiu subjicere. Semper autem, etiam si sine balneo unctus est, neque totum corpus refrigerari sustinet, caput tamen aqua frigida perfundere. Sed cum cæteras partes adtingi nolit, demittere id, ne ad cervices aqua descendat; eamque, ne quid oculis, aliisve partibus noceat, defluentem subinde manibus ad hoc regerere.

Huic modicus cibus necessarius est, quem facile concoquat: isque, si jejuno caput læditur, adsumendus etiam medio die est: si non læditur, semel potius. Bibere huic assidue vinum dilutum lene, quam aquam magis expedit; ut, cum caput gravius esse cœperit, sit, quo confugiat: ei que ex toto neque vinum, neque aqua semper utilia sunt: medicamentum utrumque est, cum invicem adsumitur. Scribere, legere, voce contendere, huic opus non est, utique post cœnam: post quam nec cogitatio quidem ei satis tuta est; maxime tamen vomitus alienus est.

CAP. V.

De his qui lippitudine, gravedine, destillatione, tonfillisque laborant.

NEQVE vero his solis, quos capitis imbecillitas torquet, usus aquæ frigidaë prodest; sed iis etiam, quos assidua lippitudines, gravedines, destillationes, tonfillæque male habent. His autem non caput tantum quotidie perfundendum; sed os quoque multa frigida aqua fovendum est: præcipueque omnibus, quibus hoc utile auxilium est, eo utendum est, ubi gravius cælum Austri reddiderunt. Cumque omnibus inutilis sit post cibum aut contentio, aut fatigatio animi; tum his præcipue, qui vel capitis, vel arteriæ dolores habere consueverunt, vel quoslibet alios oris adfectus. Vitari etiam gravedines, destillationesque possunt, si quam minime is, qui his opportunus est, aërem vel loca aquasque mutat; si caput in sole protegit, ne incendatur, neve subitum ex repentino nubilo frigus dimoveat: si post concoctionem jejunos caput radit: si post cibum neque legit, neque scribit.

CAP. VI.

Ad solutam Alvum remedia.

QUEM vero frequenter cita alvus exercet, huic opus est pila similibusque superiores partes exercere; dum jejunos est, ambulare; vitare solis nimium ardorem, continua balnea,

ungi citra fudorem; non uti cibis variis, minimeque jurulentis aut leguminibus, oleribusve his, quæ celeriter descendunt; omnia denique fumere, quæ tarde concoquuntur. Venatio, durique pisces, & ex domesticis animalibus assa caro maxime juvant. Nunquam vinum falsum bibere expedit, ne tenue quidem; aut dulce; sed austerrum, & plenius, neque id ipsum pervetus. Si mulso uti volet, id ex decocto melle faciendum est. Si frigidæ potiones ventrem ejus non turbant, his utendum potissimum est. Si quid offensæ in cœna sensit, vomere debet; idque postero quoque die facere: tertio, modici ponderis papem ex vino esse, aut ova fricta ex oleo, vel ex defruto, similibusque aliis: deinde ad consuetudinem redire. Semper autem post cibum conquiescere, ac neque intendere animum, neque ambulatione quamvis leni dimoveri.

C A P. VII.

Remedia ad Coli dolorem.

AT si laxius intestinum dolere consuevit, quod κόλον nominant, cum id nihil nisi genus inflationis sit, id agendum est, ut concoquat aliquis; ut lectione, & aliis generibus exerceatur; utatur balneo calido, cibis quoque & potionibus calidis; denique omnimodo frigus evitet, item dulcia omnia, leguminaque, & quicquid inflare consuevit.

C A P. VIII.

Quæ agenda sint Stomacho laborantibus.

SI QUIS vero stomacho laborat, legere clare debet; post lectionem ambulare; tum pila, vel armis, aliove quo genere, quo superior pars movetur, exerceri. Non aquam, sed vinum calidum bibere jejunos. Cibum bis die adsumere; sic tamen, ut facile concoquat. Uti vino tenui & austero; & post cibum, frigidis potionibus potius. Stomachum autem infirmum indicant pallor, macies, præcordiorum dolor, nausea, & nolentium vomitus, in jejuno dolor capitis. Quæ in quo non sunt, infirmi stomachi est. Neque credendum utique nostris est, qui cum in adversa valetudine vinum aut frigidam aquam concupierunt, deliciarum patrociniū in accusationem non merentis stomachi habent. At, qui tarde concoquunt, & quorum ideo præcordia inflantur, quive propter ardorem aliquem noctu (a) sitire consueverunt, ante quam conquiescant, duos tresve cyathos per tenuem fistulam bibant. Prodest etiam adversus tardam concoctionem clare legere, deinde ambulare, tum vel ungi vel lavari; assidue vinum frigidum bibere; & post cibum, magnam potionem, sed, ut supra dixi, per siphonem: deinde omnes potiones aqua frigida includere. Cui yero cibus accescit, is ante cum bibere aquam egelidam debet, & vomere. At

(a) *Aphor. v. 27.*

si cui ex hoc frequens dejectio incidit, quotiens alvus ei constiterit, frigida potione potissimum utatur.

C A P. IX.

Quid observandum sit dolore nervorum laborantibus.

SI cui vero dolere nervi solent, quod in podagra chiragrave esse consuevit, huic, quantum fieri potest, exercendum id est quod adfectum est, objiciendumque labori & frigori: nisi cum dolor increvit; sub quo quies optima est. Venus semper inimica est. Concoctio, sicut in omnibus corporis adfectibus, necessaria. Cruditas enim id maxime lædit, & quotiens offensum corpus est, vitiosa pars maxime sentit. Ut concoctio autem omnibus vitiis occurrit, sic rursus aliis frigus, aliis calor.

Quæ sequi quisque pro (a) habitu corporis sui debet. Frigus inimicum est seni, tenui, vulneri (b), præcordiis, intestinis, vesicæ, auribus, coxis, scapulis, naturalibus (c), ossibus, dentibus, nervis, vulvæ, cerebro. Idem summam cutem facit pallidam, aridam (d), duram, nigram. Ex hoc horrores tremoresque nascuntur. At prodest (e) juvenibus, & omnibus plenius. Erectiorque mens est, & melius concoquitur, ubi frigus quidem est, sed cavetur.

(a) *Aph.* III. 2.

(b) *Aph.* V. 24.

(c) *Aph.* V. 18.

(d) *Aph.* V. 20.

(e) *Aph.* V. 21.

Aqua vero frigida infusa, præterquam capiti, etiam stomacho prodest (f). Item articulis doloribusque, qui sunt sine ulceribus (g). Item rubicundis nimis hominibus, si dolore vacant. Calor autem adjuvat omnia, quæ frigus infestat: item lippientes, si nec dolor, nec lachrymæ sunt: nervos (h) quoque, qui contrahuntur; præcipueque ea ulcera, quæ ex frigore sunt. Idem corporis colorem bonum facit: urinam movet. Si nimius est, corpus (i) effeminat, nervos (k) emollit, stomachum solvit. Minime vero aut frigus aut calor tuta sunt, ubi (l) subita infuetis sunt. Nam frigus, lateris dolores, aliaque vitia; frigida aqua, strumas excitat. Calor concoctionem prohibet, somnum aufert, sudore digerit, obnoxium morbis pestilentibus corpus efficit.

C A P. X.

Observatio in Pestilentia.

EST etiam observatio necessaria, qua quis in pestilentia utatur adhuc integer, cum tamen securus esse non possit. Tum igitur oportet peregrinari, navigare. Ubi id non licet, gestari, ambulare sub divo, ante æstum, leniter; eodemque modo ungi: &, ut supra comprehensum est,

(f) *Aph.* v. 25.(g) *Aph.* v. 23.(h) *Aph.* v. 22.(i) *Aph.* v. 16.(k) *Aph.* v. 22.(l) *Aph.* III. 1.

vitare fatigationem, cruditatem, frigus, calorem, libidinem, multoque magis se continere. Si qua gravitas in corpore est, tum neque mane surgendum, neque pedibus nudis ambulandum est, minimeque post cibum, aut balneum: neque jejuno, neque cœnato vomendum est: neque movenda alvus; atque etiam, si per se mota est, comprimenda est. Abstinendum potius, si plenius corpus est. Itemque vitandum balneum, sudor, meridianus somnus, utique si cibis quoque antecessit; qui tamen semel die tunc commodius adsumitur; insuper etiam modicus, ne cruditatem moveat. Alternis diebus invicem, modo aqua, modo vinum bibendum est. Quibus servatis, ex reliqua victus consuetudine quam minimum mutari debet. Cum vero hæc in omni pestilentia facienda sint, tum in ea maxime, quam Austri excitarint. Atque etiam peregrinantibus eadem necessaria sunt, ubi gravi tempore anni discefferunt ex suis sedibus, vel ubi in graves regiones venerunt. Ac si cætera res aliqua prohibebit, utique abstinere debebit: atque ita a vino ad aquam, ab hac ad vinum, eo, qui supra positus est, modo, transitus ei esse.



LIBER SECUNDUS.

PRÆFATIO.

INSTANTIS autem valetudinis signa complura sunt. In quibus explicandis non dubitabo auctoritate antiquorum virorum uti, maximeque HIPPOCRATIS; cum recentiores quoque medici, quamvis in curationibus mutarint, tamen hæc illum optime præfagisse fateantur. Sed antequam dico, quibus præcedentibus morborum timor subfit; non alienum videtur exponere, quæ tempora anni, quæ tempestatum genera, quæ partes ætatis, qualia corpora maxime tuta vel periculis opportuna sint, quod genus adversæ valetudinis in quoque timeri maxime possit. Non (a) quod non omni tempestatum genere, omnis ætatis, omnis habitus homines per omnia genera morborum & ægrotent & moriantur; sed quod frequentius tamen quædam eveniant. Ideo utile est scire unumquemque, quid, & quando maxime caveat.

(a) *Aph.* III. 19.



C A P. I.

Quæ anni tempora, quæ tempestatum genera, quæ partes ætatis, qualia corpora vel tuta vel morbis opportuna sint, & quod valetudinis genus in quoque timeri possit.

IGITUR saluberrimum (a) ver est: proxime deinde ab hoc, hiems: periculosior ætas: autumnus (b) longe periculosissimus. Ex tempestatibus vero optimæ (c) æquales sunt, siue frigidæ, siue calidæ: pessimæ, quæ maxime variant. Quo fit, ut (d) autumnus plurimos opprimat. Nam fere meridianis temporibus calor: nocturnis atque matutinis, simulque etiam vespertinis, frigus est. Corpus ergo, & æstate, & subinde meridianis caloribus relaxatum, subito frigore excipitur. Sed ut eo tempore id maxime fit, sic quandocunque evenit, noxium est. Ubi æqualitas autem est, saluberrimi sunt (e) sereni dies: meliores pluvii, quam tantum nebulosi, nubili-ve: optimique hieme, qui omni vento vacant: æstate, quibus Favonii perflant. Si genus aliud ventorum est, salubriores Septentrionales, quam Subsolani, vel (f) Austri sunt. Sic tamen hæc, ut interdum regionum forte mutantur. Nam fere ventus ubique a mediterraneis regionibus ve-

(a) *Aph. III. 9.*

(b) *Aph. III. 9.*

(c) *Aph. III. 9.*

(d) *Aph. III. 8.*

(e) *Aph. III. 15.*

(f) *GALEN. de Theriac. l. I. c. II. p. 945. T. 13.*

niens, salubris; a mari, gravis est. Neque solum in bono tempestatum habitu certior valetudo est; sed peiores morbi quoque, si qui inciderunt, leviores sunt, & promptius finiuntur. Pessimum ægro est cœlum, quod ægrum fecit, adeo ut in id quoque genus, quod naturâ pejus est, in hoc statu salubris (g) mutatio sit.

Ætas media tutissima est: quia neque juventæ calore, neque senectutis frigore infestatur. Longis morbis senectus, acutis adolescentia magis patet.

Corpus autem habilissimum quadratum est, neque gracile, neque obesum. Nam longa (h) statura, ut in juvenia decora est, sic matura senectute conficitur. Gracile corpus infirmum: obesum hebes est.

Vere tamen maxime, quæcunque (i) humoris motu novantur, in metu esse consuerunt. Ergo tum lippitudines, pustulæ, profusio (k) sanguinis, abscessus corporis, quæ ἀποσμήματα Græci nominant, bilis atra, quam μελαγχολίαν adpellant, infania, morbus comitialis, angina, gravedines, destillationes oriri solent. Hi quoque morbi, qui in articulis nervisque modo urgent, modo quiescunt, tum maxime & inchoantur & repetunt.

At æstas (l) non quidem vacat plerisque (m) his morbis, sed adjicit febres, vel ardentes, vel tertianas, vomitus, alvi dejectiones, auricularum dolores, ulcera oris, canculos, cum in cæteris qui-

(g) *Aph.* III. 3.

(h) DICÆARCH. *Geogr.* c. X. p. 56. *Aph.* II. 54.

(i) SORAN. *EPHES.* *Isag.* c. 5.

(k) *Aph.* III. 20.

(l) *Aph.* III. 21.

(m) SORAN. *EPHES.* *Isag.* c. 5.

dem partibus, tum maxime obſcœnis; & quicquid ſudore hominem reſolvit.

Vix quicquam ex (n) his in autumnum non incidit: ſed oriuntur eo quoque tempore febres incertæ, lienis dolor, aqua inter cutem, tabes, quam Græci φθίσις nominant; urinæ difficultas, στραγγις quam adpellant; tenuioris inteſtini morbus, quem ειλεὸν nominant. Fit item lævitas inteſtinorum, quæ λεινότης vocatur; coxæ dolores, morbi comitiales.

Idemque tempus & diutinis malis fatigatos, & ab æſtate etiam proxima preſſos interimit; & alios novis morbis conficit; & quosdam longiſſimis implicat, maximeque quartanis, quæ per hiemem quoque exercent. Neque aliud magis tempus peſtilentiæ patet, cujuſcumque ea generis eſt; quamvis variis rationibus nocet. Hiems autem (o) capitis dolores, tuſſim, & quicquid in faucibus, in (p) lateribus, in viſceribus mali contrahitur, irritat.

Ex tempeſtatibus (q). Aquilo tuſſim movet, fauces exaſperat, ventrem (r) adſtringit, urinam ſupprimat, horrores excitat, item dolorem lateris & pectoris. Sanum tamen (s) corpus ſpiſſat, & mobilius atque expeditius reddit. Auſter (t) aures hebetat, ſenſus tardat, capitis dolorem movet, alvum ſolvit, totum corpus efficit hebes, humidum, languidum. Cæteri ventī, quo huic

(n) *Aphor. III. 22.*

(o) *Aphor. III. 23.*

(p) *CÆL. AUREL. Acut. Morb. II.*

(q) *Aph. III. 5.*

(r) *Aph. III. 17. 13.*

(s) *Aph. III. 17.*

(t) *Aph. III. 17.*

vel illi propiores sunt, eo magis vicinos his illisve adfectus faciunt.

Calor omnis & jecur & lienem inflammat, mentem hebetat, & ut (u) anima deficiat, ut sanguis prorumpat, efficit. Frigus modo (x) nervorum distentionem, modo rigorem infert; illud *σπασμὸς*, hoc *τέτανος* Græce nominatur: nigrorem in ulceribus, & horrorem in febribus excitat. In siccitatibus (y), acutæ febres, lippitudines (z), tormina, urinæ difficultas, articulorum dolores oriuntur. Per imbres (a), longæ febres, alvi dejectiones, angina, canceri, morbi comitiales, resolutio nervorum, quam *παράλυσις* Græci nominant.

Neque solum interest, quales dies sint, sed etiam quales ante præcesserint. Si hiems sicca Septentrionales ventos habuit, ver autem Austros & pluvias exhibet, fere subeunt (b) lippitudines, tormina, febres, maximeque in mollioribus corporibus, præcipue in muliebribus. Si vero, Austri (c) pluvixque hiemem occuparunt, ver autem frigidum & siccum est, gravidæ quidem feminae, quibus tum adest partus, abortu periclitantur: hæ vero quæ gignunt, imbecillos, vixque vitales edunt. Cæteros lippitudo arida, & si seniores sunt, gravedines atque destillationes male habent. At si a prima hieme Austri ad ultimum ver continuarint, laterum dolores, & infania febricitantium, quam *Φρενίτις* adpellant, quam

(u) *Apor.* V. 16.

(x) *Aph.* V. 17.

(y) *Aph.* III. 7.

(z) *Aph.* III. 16.

(a) *Aph.* III. 16.

(b) *Aph.* III. 11.

(c) *Aph.* III. 12.

celerrime rapiunt. Ubi vero calor a primo vere orfus æstatem quoque similem (d) exhibet, necesse est multum sudorem in febribus subsequi. At si sicca æstas (e) Aquilones habuit, autumnus vero imbres Austrique sunt, tota hieme, quæ proxima est, tussis, destillatio, raucitas, in quibusdam etiam tabes oritur. Sin autem autumnus quoque æque siccus (f) iisdem Aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit: durioribus vero instare possunt & aridæ lippitudines, & febres partim acutæ, partim longæ, & hi morbi, qui ex atra bile nascuntur.

(g) Quod ad ætates vero pertinet, pueri proximique his vere optime valent, & æstate prima tutissimi sunt: senes æstate & autumnus prima parte: juvenes hieme, quique inter juventam senectutemque sunt. Inimicior senibus hiems, æstas adolescentibus est. Tum si qua imbecillitas oritur, proximum est, ut infantes, tenerosque adhuc pueros serpentia (h) ulcera oris, quæ ἄφθας Græci nominant, vomitus, nocturnæ vigiliæ, aurium humor, circa umbilicum inflammationes exerceant. Propria etiam (i) dentientium, gingivarum exulcerationes, distentiones nervorum, febriculæ, alvi dejectiones, maximeque caninis dentibus orientibus male habent. Quæ pericula plenissimi

(d) *Aph.* III. 6.

(e) *Aph.* III. 13.

(f) *Aph.* III. 4.

(g) *Aph.* III. 18.

(h) *Aph.* III. 24.

(i) *Aph.* III. 25.

nissimi cujusque sunt, & cui maxime venter adstrictus est.

At ubi ætas paulum processit (*k*), glandulæ, & vertebrarum, quæ in spina sunt, aliquo inclinationes, strumæ, verrucarum quædam genera dolentia, *ἀντοχολδόνας* Græci adpellant, & plura alia tubercula oriuntur. Incipiente vero jam pube (*l*), ex iisdem multa, & longæ febres, & sanguinis ex naribus cursus. Maximeque omnis pueritia (*m*), primum circa quadragesimum diem, deinde septimo mense, tum septimo anno, postea circa pubertatem periclitatur. Si qua etiam genera morborum in infantem inciderunt, ac neque pubertate, neque primis coitibus, neque in femina primis menstruis finita (*n*) sunt, fere longa sunt: sæpius tamen his morbi pueriles, qui diutius manserunt, terminantur.

Adolescentia (*o*) morbis acutis, item comitialibus, tabique maxime objecta est: fereque juvenes sunt, qui sanguinem exspuunt. Post hanc ætatem (*p*) laterum & pulmonis dolores, lethargus, cholera, infania, sanguinis per quædam etiam velut ora venarum, *αἱμορροῖδας* Græci adpellant, profusio. In senectute (*q*), spiritus & urinae difficultas, gravedo, articulorum & renum dolores, nervorum (*r*) resolutiones, malus corporis habitus, *καχεξία* Græci adpellant, noctur-

(*k*) *Aph.* III. 26.

(*l*) *Aph.* III. 27.

(*m*) *Aph.* III. 28.

(*n*) *Aph.* III. 28.

(*o*) *Aph.* III. 29.

(*p*) *Aph.* III. 30.

(*q*) *Aph.* III. 31.

(*r*) *Aph.* III. 31. VI. 57.

næ vigiliæ, vitia longiora aurium, oculorum, etiam narium, præcipueque soluta alvus, &, quæ sequuntur hanc, tormina, vel lævitas intestinorum, cæteraque fusi ventris mala.

Præter hæc graciles, tabes, dejectiones, destillationes, item viscerum & laterum dolores fatigant. Obesi plerunque acutis morbis, & difficultate spirandi strangulantur, subitoque (s) sæpe moriuntur, quod in corpore tenuiore vix evenit.

C A P. II.

De signis adversæ valetudinis futuræ.

ANTE adversam autem valetudinem, ut supra dixi, quædam notæ oriuntur; quarum omnium commune est, aliter se corpus habere, atque consuevit; neque in pejus tantum, sed etiam in melius. Ergo si plenior aliquis, & speciosior, & coloratior factus est, (a) suspecta habere bona sua debet. Quæ quia neque in eodem habitu subsistere; neque ultra progredi possunt, fere retro, quasi ruina quadam, revolvuntur. Pejus tamen signum est, ubi aliquis contra consuetudinem emarcuit, & colorem decoremque amisit: quoniam in his, quæ superant, est quod morbus demat; in his quæ defunt, non est quod ipsum morbum ferat.

Præter hæc, protinus timeri debet, si gravio-

(s) *Aph.* II. 44.

(a) *Aphor.* I. 3.

ta membra sunt; si crebra ulcera oriuntur; si corpus supra consuetudinem (b) incaluit; si gravior somnus preffit; si tumultuosa somnia fuerunt; si sæpius expergiscitur aliquis, quam adfuevit, deinde iterum soporatur; si corpus dormientis circa partes aliquas contra consuetudinem (c) insudat, maximeque si circa pectus, aut cervices, aut crura, vel genua, vel coxas.

Item, si marcet animus; si loqui & moveri piget; si corpus torpet; si dolor præcordiorum est, aut totius pectoris, aut, qui in plurimis evenit, capitis; si salivæ plenum est os; si oculi cum dolore vertuntur; si tempora adstricta sunt; si membra inhorrescunt; si spiritus gravior est; si circa frontem intentæ venæ moventur; si frequentes oscitationes; si genua quasi fatigata sunt, totumque (d) corpus lassitudinem sentit.

Ex quibus sæpe plura, nunquam non aliqua febrem antecedunt. In primis tamen illud considerandum est, num cui sæpius horum aliquid eveniat, neque ideo corporis ulla difficultas subsequatur. Sunt enim quædam proprietates hominum, sine quarum notitia non facile quicquam in futurum præfagiri potest. Facile itaque securus est in his aliquis, quæ sæpe sine periculo evasit. Ille sollicitari debet, cui hæc nova sunt; aut qui ista nunquam sine custodia sui tuto habuit.

(b) *Aph.* IV. 39.

(c) *Aph.* IV. 38.

(d) *Aph.* II. 5.

C A P. III.

Quæ bona in agrotantibus signa sint.

U BI vero febris aliquem occupat, scire licet, non periclitari, si in latus aut dextrum aut sinistrum, ut ipsi in usu est, cubat (a), cruribus paulum reductis; qui fere sani quoque jacentis habitus est: si facile convertitur; si noctu dormit, si interdiu vigilat; si ex facili spirat; si non conficitur; si circa umbilicum (b) & pubem cutis plana est; si præcordia ejus sine ullo sensu doloris æqualiter mollia in utraque parte sunt: quod si paulo tumidiora sunt, tamen digitis cedunt & non dolent. Hæc valetudo, ut spacium aliquod habebit, sic tuta erit. Corpus quoque, quod æqualiter molle & calidum est, quodque æqualiter (c) totum insudat, & cujus febricula (d) eo sudore finitur, securitatem pollicetur. Quando jam ad sanitatem venit corpus, sternutamentum etiam inter bona indicia est, & cupiditas (e) cibi vel a principio fervata, vel etiam post fastidium orta.

Neque terrere debet ea febris, quæ eodem die finita est: ac ne ea quidem, quæ, quamvis longiore tempore tenuit, tamen ante alteram acces-

(a) ACTUAR. *M. Med.* II. 3.

(b) *Aph.* II. 35.

(c) *De Judicat.* I. 3.

(d) *Aph.* IV. 55.

(e) *Aphor.* II. 31.

sionem ex toto quievit, sic, ut corpus integrum, quod *εὐλαμπνὲς* Græci vocant, fieret. Si quis autem incidit vomitus, mixtus esse ex bile & pituita debet: & in urina subsidere album, læve (f), æquale; sic ut etiam, si quæ quasi nubeculæ innatarint, in inum deferantur. Ac venter ei, qui a periculo tutus est, reddit mollia, figurata, atque eodem fere tempore, quo secunda valetudine adfuevit, modoque convenientia his, quæ adsumuntur. Pejor cita alvus est, sed ne hæc quidem terrere protinus debet, si matutinis temporibus coacta magis est, aut si procedente tempore paulatim contrahitur, & rufa est: neque (g) foeditate odoris similem alvum sani hominis excedit. Ac lumbricos (h) quoque aliquos sub sine morbi descendisse, nihil nocet. Si inflatio sine inflammatione in superioribus partibus (i) dolorem tumoremque fecit, bonum signum est sonitus ventris inde ad inferiores partes devolutus; magisque etiam, si sine difficultate, cum stercore excessit.

C A P. IV.

Mala signa agrotantium.

CONTRA gravis morbi periculum est, ubi supinus æger jacet, porrectis manibus, & cruribus: ubi residere vult in ipso acuti morbi

(f) *De Judicat.* 1. 8.(g) *De Judicat.* 1. 6.(h) *De Judicat.* 1. 7.(i) *Prænot.* X. 1. *Aph.* IV. 72.

impetu, præcipueque pulmonibus laborantibus: ubi nocturna vigilia premitur, etiam si interdiu somnus accedit, ex quo tamen peior est, qui inter quartam horam & noctem, quam qui a matutino tempore ad quartam. Pessimum tamen est, si somnus neque noctu, neque interdiu accedit: id enim fere sine continuo (a) delirio esse non potest. Neque vero signum bonum est, somno ultra (b) debitum urgeri: peiusque, quo magis sopor interdiu, noctuque continuat. Mali etiam morbi testimonium est, vehementer & crebro spirare: a sexto (c) die cœpisse inhorrescere: pus exspuere: vix exscreare: dolorem habere continuum: difficulter ferre morbum: jactare brachia & crura: sine voluntate (d) lachrymare: habere humorem (e) glutinosum dentibus inhærentem; cutem circa (f) umbilicum & pubem macram; præcordia (g) inflammata, dolentia, dura, tumida, intenta; magisque, si hæc dextra parte quam sinistra sunt: periculosissimum tamen est, si venæ quoque ibi vehementer agitantur.

Mali etiam morbi signum est, nimis celeriter emacrescere: caput & pedes manusque (h) frigidas habere, ventre & lateribus calentibus; aut frigidas (i) extremas partes acuto morbo urgente;

(a) *Aph.* VII. 18.

(b) *Aph.* II. 3.

(c) *Aph.* IV. 29.

(d) *Aph.* IV. 52. VIII. 2.

(e) *Aph.* IV. 53.

(f) *Aph.* II. 35.

(g) *Aph.* II. 28.

(h) *Aph.* VIII. 12.

(i) *Aph.* VII. 1. 26.

aut post sudorem (*k*) inhorrescere; aut post vomitum (*l*) singultum esse, vel rubere oculos; aut (*m*) post cupiditatem cibi; postve longas febres hunc fastidire; aut multum sudare; maximeque frigido sudore; aut habere sudores non per totum corpus æquales, quique febrem non finiant.

Malæ etiam febres, quæ quotidie tempore eodem revertantur; quæve semper pares accessiones habeant, neque (*n*) tertio quoque die levantur; quæve sic continent, ut per accessiones incrementum, per decessiones tantum molliantur, nec unquam integrum corpus dimittant. Pessimum est, si ne levatur quidem febris, sed æque concitata continuat. Periculosum est etiam, post arquatam (*o*) morbum febrem oriri; utique si præcordia dextra parte dura manserunt, aut dolentibus iis læva. Nulla acuta febris leviter terrere nos debet. Neque unquam in acuta (*p*) febre, aut a somno non est terribilis nervorum distentio. Timere etiam ex somno (*q*), mali morbi est. Itemque in prima febre protinus mentem esse turbatam, membrumve aliquod esse resolutum. Ex quo casu quamvis vita redditur, tamen id fere membrum debilitatur.

Vomitum etiam periculosus est sinceræ pituitæ vel bilis; pejorque, si viridis, aut (*r*) niger est. At mala urina est, in qua subsidunt subru-

(*k*) *Aph.* VII. 4.

(*l*) *Aph.* VII. 3.

(*m*) *Aph.* VII. 6.

(*n*) *Aph.* IV. 43.

(*o*) *Aph.* IV. 62.

(*p*) *Aph.* IV. 66.

(*q*) *Aph.* IV. 67.

(*r*) *Aph.* IV. 22.

bra aut livida: deterior, in qua quasi fila quædam tenuia atque alba: pessima ex his, si tanquam ex furfuribus factas nubeculas repræsentat. Diluta quoque, atque alba, vitiosa est, (s) sed in phreniticis maxime. Alvus autem mala est, ex toto suppressa. Periculosa etiam, quæ inter febres fluens conquiescere hominem in cubili non patitur; utique, si quod descendit, est perliquidum, aut albidum, aut pallidum, aut spumans. Præter hæc periculum ostendit id, quod excernitur, si est exiguum, glutinosum, læve, album, idemque subpallidum: vel si est aut lividum, aut biliosum, aut cruentum, aut peioris odoris, quam ex consuetudine (t). Malum est etiam, quod post febres longas sincerum est.

C A P. V.

De signis longæ valetudinis.

POST hæc indicia, notum est longum morbum fieri, sic enim necesse est, nisi occidit. Neque ulla alia spes in magnis est, quam ut impetum morbi trahendo aliquis effugiat, porrigaturque in id tempus, quod curationi locum præstet. Protinus tamen signa quædam sunt, ex quibus colligere possumus, morbum, etsi non interemerit, longius tamen tempus habiturum.

(s) *Aph.* IV. 72.(t) *Aph.* VII. 6.

Ubi frigidus (*a*) sudor inter febres non acutas circa caput tantum, & cervices oritur; aut ubi, febre non quiescente, corpus (*b*) infudat; aut ubi corpus modo (*c*) frigidum, modo calidum est, color alius ex alio fit; aut ubi, quod inter febres (*d*) aliqua parte abscessit, ad sanitatem non pervenit; aut ubi æger pro spacio parum emacrescit.

Item si urina modo liquida & (*e*) pura est, modo habet quædam subsidencia; si levia atque alba rubrave sunt, quæ in ea subsidunt; aut si quasdam quasi miculas repræsentat; aut si bul-
lulas excitat.

CAP. VI.

De indiciis mortis.

SED inter hæc quidem, proposito metu, spes tamen superest. Ad ultima vero jam ventum esse testantur (*a*) nares acutæ, collapsa tempora, (*b*) oculi concavi, frigidæ languidæque aures & imis partibus leniter versæ, cutis circa frontem dura & intenta, color aut niger aut per-
pallidus; multoque magis, si ita hæc sunt, ut

(*a*) *Aph.* IV. 37. *Coac. Præn.* IV. 8. 39. 40. *De Jud.* VI. 9. VIII. 2. 3. 4. 5.

(*b*) *Aph.* IV. 56.

(*c*) *Aph.* VII. 60.

(*d*) *Aph.* IV. 51.

(*e*) *De Jud.* VI. 1. 2. *Aph.* VII. 31.

(*a*) *Præn.* II. 6. *Coac. Præn.* I. 104.

(*b*) *Præn.* II. 7.

neque (c) vigilia præcefferit, neque ventris resolutio, neque inedia. Ex quibus causis interdum hæc species oritur, sed uno die finitur. Itaque diutius durans, mortis index est.

Si vero in morbo vetere (d) jam triduo talis est, in propinquo mors est, magisque, si præter hæc oculi quoque lumen (e) refugiant, & illachrymant; quæque in iis alba esse debent (f), rubescunt; atque in iisdem (g), venulæ pallent; pituitaque in iis innatans, novissime angulis (h) inhærescit; alterque ex his minor est; iique aut vehementer subsederunt, aut facti tumidiores sunt; perque somnum (i) palpebræ non committuntur, sed inter has ex albo oculorum aliquid adparet; neque id fluens alvus expressit: eademque palpebræ pallent, & idem (k) pallor labra & nares decolorat; eademque labra, & nares, oculique, & palpebræ, & supercilia, aliquave ex his pervertuntur; iisque propter imbecillitatem; jam non audit, aut non videt.

Eadem mors denunciatur, ubi æger supinus (l) cubat, eique genua (m) contracta sunt: ubi deorsum ad pedes subinde delabitur: ubi brachia & (n) crura nudat, & inæqualiter disper-

(c) *Præn.* II. 13.

(d) *Præn.* II. 17. *Pr.* VII. 51.

(e) *Pr.* II. 19. 20.

(f) *Pr.* II. 23.

(g) *Ib.* II. 24.

(h) *Ib.* II. 24.

(i) *Aph.* VI. 52. *Præn.* III. 1. 2.

(k) *Aph.* IV. 49.

(l) *Pr.* III. 8.

(m) *Ib.* III. 14.

(n) *Ib.* III. 10.

git, neque iis calor fubeft: ubi hiat (o): ubi ad-
fidue dormit: ubi is, qui mentis fuæ non eft,
neque id facere fanus folet, dentibus (p) stri-
det, ubi ulcus (q) quod aut ante, aut in ipfo
morbo natum eft, aridum; & aut pallidum, aut
lividum factum eft. Illa quoque mortis indicia
sunt (r) ungues, digitique pallidi; frigidus (s)
spiritus; aut fi manibus quis in febre, & acuto
morbo, vel infania, pulmonifve dolore, vel ca-
pitis, in vefte (t) floccos legit, fimbriaſve di-
ducit, vel in adjuncto pariete, fi qua minuta
eminent, carpit. Dolores etiam circa coxas &
inferiores partes orti, fi ad viscera tranſierunt,
ſubitoque deſierunt, mortem ſubeſſe teſtantur;
magisque, fi alia quoque ſigna acceſſerunt.

Neque is ſervari poteſt, qui ſine ullo tumore
febricitans, ſubito ſtrangulatur, aut devorare ſa-
livam ſuam non poteſt: cuive in eodem febris
corporiſque habitu cervix (u) invertitur, ſic ut
devorare æque nihil poſſit: aut cui ſimul & con-
tinua febris & ultima corporis infirmitas eſt: aut
cui, febre non quieſcente, exterior pars (v) fri-
get, interior ſic calet, ut etiam ſitim faciat:
aut qui, febre æque non quieſcente, ſimul & (w)
delirio & ſpirandi difficultate vexatur: aut, qui
epoto (x) veratro, exceptus diſtentione nerve-

(o) *Pr.* III. 3.

(p) *Ib.* IV. 4.

(q) *Ib.* IV. 7. 8.

(r) *Aph.* VIII. 12.

(s) *Ib.* IV. 9.

(t) *Ib.* IV. 14.

(u) *Aph.* IV. 35.

(v) *Aph.* IV. 48. (w) *Aph.* IV. 50.

(x) *Aph.* IV. 16. V. 1. *Coac.* IV. 24.

rum est: aut qui ebrius obmutuit. Is enim febre (y) nervorum distentione consumitur, nisi aut febris accessit, aut eo tempore, quo ebrietas solvi debet, loqui cœpit.

Mulier quoque gravida (z) acuto morbo facile consumitur: & is, cui somnus dolorem (aa) auget: & cui protinus, in recenti morbo, bilis atra (bb) vel infra vel supra se ostendit: cuive alterutro modo se prompsit, cum jam longo morbo corpus ejus esset extenuatum & confectum.

Sputum etiam (cc) biliosum, & purulentum, sive separatim ista, sive mixta proveniunt, interitus periculum ostendunt. Ac, si circa septimum diem tale esse cœpit, proximum est, ut is circa quartumdecimum diem decedat, nisi alia signa mitiora pejorave accefferint, quæ quo leviora gravioraque subsecuta sunt, eo vel seriorē mortem, vel maturiorem denunciant. Sudor quoque (dd) frigidus in acuta febre pestiferus est: atque in omni morbo vomitus, qui (ee) varius, & multorum colorum est; præcipueque, si, malus in hoc odor est. Ac sanguinem quoque in febre (ff) vomuisse, pestiferum est. Urina vero (gg) fulva & tenuis in magna cruditate esse consuevit; & sæpe, antequam spacio maturef-

(y) *Aph.* V. 5.

(z) *Aph.* V. 30.

(aa) *Aph.* II. 1.

(bb) *Aph.* IV. 22.

(cc) *Aph.* IV. 23.

(dd) *Præn.* V. 4.

(ee) *Præn.* XII. 11. 12. 13. 14.

(ff) *Aph.* VII. 37.

(gg) *De Jud.* VII. 5.

eat, hominem rapit. Itaque si talis diutius permanet, periculum mortis ostendit. Pessima (*hh*) tamen est, præcipueque mortifera, nigra, crassa, mali odoris. Atque in viris quidem & mulieribus talis deterrima est. In (*ii*) pueris vero, quæ tenuis & diluta est. Alvus quoque varia, pestifera est; & quæ strigmentum, sanguinem, bilem, (*kk*) viride aliquid, modo diversis temporibus, modo simul, & in mistura quadam, discreta tamen repræsentat. Sed hæc quidem potest paulo diutius trahere. In præcipiti vero jam esse denunciat, quæ liquida, eademque vel nigra (*ll*), vel pallida, vel pinguis est; utique, si magna foeditas (*mm*) odoris accessit.

Illud interrogari me posse ab aliquo scio: si certa futuræ mortis indicia sunt, quomodo interdum deserti a medicis convalescant, quosdamque fama prodiderit in ipsis funeribus revixisse? Quinetiam vir jure magni nominis DEMOCRITUS, ne finitæ quidem vitæ fatis certas notas esse, proposuit, quibus medici credidissent: adeo illud non reliquit, ut certa aliqua signa futuræ mortis essent. Adversus quod ne illud quidem dicam, quod in vicino sæpe quædam notæ positæ, non bonos, sed imperitos medicos decipiunt (quod ASCLEPIADES sciens, funeri obviis inclamavit, eum vivere, qui effereba-

(hh) *Præn.* XI. 14. 15.

(ii) *PLIN.* XXVIII. 6.

(kk) *Præn.* X. 8. 9.

(ll) *Viñ. Acut.* XLVIII. 1.

(mm) *Præn.* X. 6.

tur:) (nn) nec protinus (oo) crimen artis esse, si quod professoris sit. Illa tamen moderatius subijciam.

Conjecturalem (pp) artem esse medicinam, rationemque conjecturæ talem esse, ut cum sæpius aliquando responderit, interdum tamen fallat. Non itaque, si quid vix (qq) millesimo in corpore aliquem decipit, id fidem non habet, cum per innumerabiles homines respondeat. Idque non in his tantum, quæ pestifera sunt, dico: sed in his quoque, quæ salutaria. Siquidem (rr) etiam spes interdum frustratur, & moritur aliquis, de quo medicus securus primo fuit. Quæque medendi causa reperta sunt, nonnunquam in pejus aliquibus vertunt. Neque id evitare humana imbecillitas in tanta varietate corporum potest. Sed est tamen medicinæ fides, quæ multo sæpius, perque multo (ss) plures ægros prodest. Neque tamen ignorare oportet, in (tt) acutis morbis fallaces magis notas esse & salutis, & mortis.

(nn) SORAN. EPHES. cap. IV.

(oo) HIPPOCRATES. *de Arte* XV. 6. 7.

(pp) SEXTUS EMPERICUS. *adv. MAT.* I. I. c. 3. MACROBIUS. *Sat.* VII. 15.

(qq) CICERO. *de N. D.* II. 4.

(rr) QUINTILIUS. *Declam.* VIII. p. 110.

(ss) GALENUS. *M. Med.* LXI.

(tt) APHRODISIAS. II. 19.

CAP. VII.

De notis quas aliquis in singulis morborum generibus habere possit.

SE D cum proposuerim signa, quæ in omni adversa valetudine communia esse consueverunt; ad ea quoque transibo, ut, quas aliquis in singulis morborum generibus habere possit notas, indicem. Quædam autem sunt, quæ ante febres, quædam quæ inter eas, quid aut intus sit, aut venturum sit, ostendunt.

Ante febres, si caput grave est, aut ex fomno oculi caligant, aut frequentia sternutamenta sunt, circa caput aliquis pituitæ impetus timeri potest. Si sanguis, aut calor abundat, proximum est, ut aliqua parte profluvium sanguinis fiat. Si sine causa quis emacrescit, ne in malum habitum corpus ejus decidat, metus est. Si præcordia dolent, aut inflatio gravis est, aut toto die non concocta fertur urina, cruditatem esse manifestum est. Quibus diu color (a) sine morbo regio malus est, hi vel capitis doloribus conflictantur, vel terram edunt. Qui diu habent faciem (b) pallidam & tumidam, aut capite, aut visceribus, aut alvo laborant. Si in continua febre puero venter nihil reddit, mutaturque ei color, nec somnus (c) accedit, ploratque is assidue, metuenda nervorum distentio

(a) II. Præd. XXXIX. 1. 2. 3.

(b) II. Præd. XXIX. 7. 8.

(c) Aph. VII. 18.

est. Frequens autem destillatio in corpore tenui longoque, tabem timendam esse testatur. Ubi pluribus diebus non descendit alvus, docet, aut subitam dejectionem, aut febriculam instare. Ubi pedes tument, & longæ dejectiones sunt, aut dolor in imo ventre & coxis est, aqua inter cutem instat. Sed hoc morbi genus ab ilibus oriri solet. Idem propositum periculum est his, quibus, cum voluntas desidendi est, venter nihil reddit, nisi & ægre & durum.

Cum tumor in (d) pedibus est, idemque modo dextra, modo sinistra parte ventris, invicem oritur atque finitur, a jecinore id malum proficisci videtur. Ejusdem morbi nota est, ubi circa (e) umbilicum intestina torquentur (*σφόδρον* Græci nominant), coxæque dolores manent, qui neque tempore, neque remediis solvuntur. Dolor autem articulorum, prout in pedibus, manibusve, aut alia qualibet parte sic est, ut eo loco nervi contrahantur; aut si id membrum, ex levi causa fatigatum, æque frigido, calidoque offenditur, *ποδάγραν χειράγραν*ve, vel ejus articuli, in quo id sentitur, morbum futurum esse denunciat.

Quibus in pueritia sanguis ex naribus fluxit, dein fluere desit, hi vel capitis doloribus conflictentur necesse est, vel in articulis aliquas exulcerationes graves habeant, vel aliquo morbo etiam debilitentur. Quibus feminis (f) menstrua non proveniunt, necesse est capitis acerbissimi dolores sint, vel quælibet alia pars morbo infestetur.

(d) *Præn.* VIII. 4.

(e) *Aph.* IV. II.

(f) *Aph.* V. 57.

infestetur. Eademque his pericula sunt, quibus articulorum vitia, ut dolores, tumoresque, si ne podagra similibusque morbis, oriuntur, & desinunt. Ubique, si sæpe tempora iisdem dolent, noctuque corpora insudant, frons prurit, lippitudinis metus est. Si mulier a partu vehementes dolores habet, neque præterea signa mala sunt, circa vigesimum diem aut sanguis per nares erumpet, aut in inferioribus aliquid abscedet. Quicumque etiam dolorem ingentem circa tempora & frontem habebit, ei alterutra ratione finiet: magisque, si juvenis erit, per sanguinis profusionem; si senior, per suppurationem. Febris autem, quæ subito sine ratione, sine bonis signis finita est, fere revertitur.

Cui fauces sanguine & interdium & noctu replentur, sic, ut neque capitis dolores, neque præcordiorum, neque tussis, neque vomitus, neque febricula præcesserit, hujus aut in naribus, aut in faucibus ulcus reperietur.

Si mulieri ex inguine febricula orta est, neque causa adparet, ulcus in vulva est.

(f) Urina autem crassa, ex qua quod desidit, album est, significat circa articulos, aut circa viscera dolorem, metumque morbi esse. Eadem viridis, aut viscerum dolorem, tumoremque cum aliquo periculo subesse, aut corpus certe integrum non esse, testatur. At si (g) sanguis aut pus (h) in urina est, vel vesica, vel renes exulcerati sunt. Si hæc crassa, carun-

(f) *Aph.* IV. 74. *PLIN.* XXVIII. 6.

(g) *Aph.* IV. 78. 81.

(h) *Aphor.* IV. 75.

culas (i) quasdam exiguas aut quasi capillos habet, aut si (k) bullat, aut male (l) olet, aut interdum quasi arenam, interdum quasi sanguinem trahit, dolent autem coxæ, quæque inter has superque pubem sunt, & accedunt frequentes ructus, interdum vomitus biliosus, extremæque partes frigescunt, urinæ crebra cupiditas, sed magna difficultas est, & quod inde excrementum est, aquæ simile, vel rufum, vel pallidum est, paulum tamen in eo levamenti est, alvus vero cum multo spiritu redditur, utique in renibus vitium est. At si paulatim destillat, vel si sanguis per hanc editur, & in eo quædam cruenta concreta sunt, idque ipsum cum difficultate redditur, & circa pubem interiores partes dolent, in eadem vesica vitium est.

Calculosi vero his indiciis cognoscuntur. Difficulter urina redditur; paulatimque, interdum etiam sine voluntate, (m) destillat. Eadem arenosa (n) est; nonnunquam aut sanguis, aut cruentum, aut purulentum aliquid cum ea excernitur. Eamque quidam promptius recti, quidam resupinati, maximeque hi qui grandes calculos habent, quidam etiam inclinati reddunt, colemque extendendo, dolorem levant. Gravitatis quoque cujusdam in ea parte sensus est; atque ea cursu, omnique motu augetur. Quidam etiam, cum torquentur, pedes inter se, subinde mutatis vicibus, implicant. Feminæ,

(i) *Aphor.* IV. 76.

(k) *PLIN.* XXVIII. 6.

(l) *Aph.* IV. 81.

(m) *Aph.* V. 80.

(n) *Aph.* IV. 79.

verò oras naturalium fuorum manibus admotis, scabere crebro coguntur. Nonnunquam, si digitum admovent, ubi vesicæ cervicem is urget, calculum sentiunt.

At, qui spumantem sanguinem excreant, his in pulmone vitium est. Mulieri gravidæ (o) sine modo fusa alvus elidere partum potest. Eidem (p) si lac (q) ex mammis profluit, imbecillum est, quod intus gerit. Duræ mammæ, sanum illud esse, testantur.

Frequens (r) singultus, & præter consuetudinem continuus, jecur inflammatum esse, significat. Si (f) tumores super ulcera subito esse desierunt, idque a tergo incidit, vel distentio nervorum, vel rigor timeri potest: at, si a priore parte id evenit, vel lateris acutus dolor, vel insania expectanda est. Interdum etiam hujusmodi casum, quæ tutissima inter hæc est, profusio alvi sequitur.

Si ora (t) venarum, sanguinem solita fundere, subito suppressa sunt, aut aqua inter cutem, aut tabes sequitur. Eadem tabes subit, si in lateris dolore orta suppuratio intra (u) quadraginta dies purgari non potuit. At, si longa (x) tristitia cum longo timore & vigilia est, attæ bilis morbus subest. Quibus sæpe ex naribus fluit sanguis, his aut lienis tumor, aut

(o) *Aph.* V. 34.

(p) *Solet. TREVERIUS.*

(q) *Aph.* V. 52.

(r) *Aph.* VII. 17.

(f) *Aph.* V. 65.

(t) *Aph.* VI. 12.

(u) *Aph.* V. 15.

(x) *Aph.* VI. 23.

capitis dolores sunt: quos sequitur, ut quædam ante oculos tanquam imagines obversentur. At, quibus magni lienes sunt, his (y) gingivæ malæ sunt, & os olet, aut sanguis aliqua parte prorumpit. Quorum si nihil evenit, necesse est in cruribus mala ulcera, & ex his nigrae cicatrices fiant. Quibus causa doloris, neque sensus (z) ejus est, his mens laborat. Si in ventrem (a) sanguis confluxit, ibi in pus vertitur. Si a coxis, & ab inferioribus partibus dolor in pectus transit, neque ullum signum malum accessit, suppurationis eo loco periculum est. Quibus sine febre aliqua parte dolor, aut prurigo, cum rubore & calore est, ibi aliquid suppurat. Urina quoque, quæ in homine parum sano liquida est, circa aures futuram aliquam suppurationem esse denunciat.

Hæc vero, cum sine febre quoque vel latentium, vel futurarum rerum notas habeant, multo certiora sunt, ubi febris accessit; atque etiam aliorum morborum tum signa nascuntur. Ergo protinus insania timenda est, ubi expeditior aliqujus, quam sani fuit, sermo est, subitaque loquacitas orta est, & hæc ipsa solito audacior: aut ubi raro quis & vehementer spirat, venasque concitatas habet, præcordiis duris & tumentibus.

Oculorum (b) quoque frequens motus; & in capitis dolore offusæ oculis tenebræ; vel, nullo

(y) *De Int. Aff.* XXXIV. 9. 10. *ÆGIN. de Re Med.* L. III. c. 49.

(z) *Aph.* II. 6.

(a) *Aph.* VI. 20.

(b) *Coac. Præn.* III. 331. 332. 333.

dolore subſtante, ſomnus ereptus; continuata-
que nocte & die vigilia; vel proſtratum (c)
contra conſuetudinem corpus in ventrem, ſic,
ut ipſius alvi dolor id non coegerit; item, ro-
buſto adhuc corpore, inſolitus dentium ſtridor,
inſaniæ ſigna ſunt. Si quid etiam abſceſſit, &
antequam ſputum prodiret, manente adhuc in
corpore ſolita febre, ſubſedit, periculum adfert
primum furoris, deinde interitus.

Auris (d) quoque dolor acutus, cum febre
continua vehementique, ſæpe mentem turbat :
& ex eo caſu juniores interdum intra ſeptimum
diem moriuntur; ſeniores tardius: quoniam
neque æque magnas febres experiuntur, neque
æque inſaniunt: ita ſuſtinent, dum is adfectus
in pus vertatur. Suffuſæ quoque (e) ſanguine
mulieris mammæ, furorem venturum eſſe, teſ-
tantur.

Quibus autem longæ (f) febres ſunt, his
aut abſceſſus aliqui, aut articulorum dolores e-
runt. Quorum faucibus in febre illiditur ſpiri-
tus, inſtat his nervorum diſtentio. Si angina
ſubito (g) finita eſt, in pulmonem id malum
transit; idque ſæpe intra ſeptimum diem occi-
dit: quod niſi incidat, ſequitur, ut aliqua par-
te ſuppuret.

Denique, poſt alvi longam reſolutionem (h)
tormina: poſt hæc, inteſtinorum levitas oritur.

(c) *Coac. Præn. VI. 104.*

(d) *Coac. Præn. II. 58.*

(e) *Aph. v. 40.*

(f) *Aph. IV. 44.*

(g) *Aph. v. 10. ACT. Meth. Med. I. 17.*

(h) *Aph. VII. 23. "c.*

Post nimias destillationes, tabes (*i*). Post lateris (*k*) dolorem, vitia pulmonum: post hæc, (*l*) infania. Post magnos (*m*) fervores corporis, nervorum rigor, aut distentio. Ubi caput (*n*) vulneratum est, delirium: ubi vigilia (*o*) torfit, nervorum distentio: ubi vehementer venæ (*p*) supra ulcera moventur, sanguinis profluvium erit.

Suppuratio vero pluribus modis excitatur. Nam si longæ febres sine dolore, sine manifesta causa remanent, in aliquam partem id malum incumbit, sed in junioribus tantum: nam in senioribus ex ejusmodi morbo quartana fere nascitur. Eadem suppuratio fit, si præcordia dura & dolentia ante (*q*) diem vigesimum hominem non sustulerunt, neque sanguis ex naribus fluxit, maximeque in adolescentibus; utique, si inter principia aut oculorum caligo, aut capitis dolores fuerunt: sed tum in inferioribus partibus aliquid abscedit. At si præcordia tumorem (*r*) mollem habent, neque habere intra sexaginta dies desinunt, hæretque per omne id tempus febris, tum in superioribus partibus fit abscessus: ac, si inter ipsa initia sanguis e naribus non fluit, circa aures erumpit.

Cumque omnis longus tumor ad suppuratio-

(*i*) *De l. in Hom.* XXVII. 1.

(*k*) *Aph.* VII. 11.

(*l*) *Aph.* VII. 12.

(*m*) *Aph.* VII. 13.

(*n*) *Aph.* VII. 14.

(*o*) *Aph.* VII. 18.

(*p*) *Aph.* VII. 21.

(*q*) *Coac. Præn.* II. 228.

(*r*) *Coac.* II. 232.

nem fere spectet, magis eo tendit is, qui in præcordiis, quam is, qui in ventre est: & is, qui supra umbilicum, quam is, qui infra est.

Si lassitudinis etiam sensus in febre est, vel in maxillis, vel in articulis aliquid abscedit (f). Interdum quoque urina tenuis & cruda sic diu fertur, ut alia salutaria signa sint, exque eo casu plerumque infra transversum septum (quod *διὰ φρενῶν* Græci vocant) fit abscessus.

Dolor pulmonis, si neque per sputa, neque per cucurbitulas, neque per sanguinis detractionem, neque per victus rationem finitus est, vomicas aliquas interdum excitat, aut circa vigesimum diem, aut circa tricesimum, aut circa quadragesimum, nonnunquam etiam circa sexagesimum. Numerabimus autem ab eo die, quo primum febricitavit aliquis, aut inhorruit, aut gravitatem ejus partis sensit. Sed hæ vomicæ modo a pulmone, modo a costarum parte nascuntur. Quod suppurat, ea parte, quam adficit, dolorem inflammationemque concitat, ipsumque calidius est: &, si in partem sanam aliquis decubuit, onerare eam ex pondere aliquo videtur.

Omnis etiam suppuratio, quæ nondum oculis patet, sic deprehendi potest: si febris non dimittit, eaque interdum levior est, noctu incrementum; (t) multus sudor oritur; cupiditas tussiendo est, & pene nihil in tussi excreatur; oculi cavi sunt; maxillæ rubent; venæ sub lingua inalbescunt; in manibus fiunt adunci ungues; digiti, maximeque summi, calent; in pedibus (u)

(f) *Aph.* IV. 31.

(t) *De loc. in Hom.* XXVIII. 12.

(u) *De loc. in Hom.* XXVIII. 8.

tumores sunt; spiritus difficiliter trahitur; cibi fastidium est; pustulæ toto corpore oriuntur. Quod si protinus initio dolor & tussis fuit, & spiritus difficultas, vomica vel ante vel circa vigesimum diem erumpet. Si serius ista cœperint, necesse est quidem increscant, sed quo minus cito adfuerint, eo tardius solventur.

Solent etiam in gravi morbo pedes cum digitis unguibusque nigrescere: quod si non est mors consecuta, & reliquum corpus convaluit, pedes tamen decidunt.

C A P. VIII.

Quæ notæ in quoque morbi genere vel spem vel pericula ostendant.

S E Q U I T U R, ut in quoque morbi genere proprias notas explicem, quæ vel spem, vel periculum ostendant. Ex vesica dolenti, si purulenta (a) urina processit, inque eo leve & album subsedit, metum detrahit.

In pulmonis morbo, si sputo (b) ipso levatur dolor, quamvis id purulentum est, tamen si æger facile spirat, facile exscreat, morbum ipsum non difficulter fert, potest ei secunda valetudo contingere. Neque inter initia terreri convenit, si protinus sputum mistum est rufo quodam sanguine, dummodo statim sedetur. Laterum (c)

(a) *Præn. XIII. 16. Præd. II. XII. 2.*

(b) *Præn. XIX. II.*

(c) *Aph. V. 15.*

dolores, suppuratione facta, deinde intra quadragessimum diem purgata, finiuntur. Si in jecinore vomica est, & ex ea fertur pus purum (d) & album, salus ei facilis. Id enim malum in tunica est.

Ex suppurationibus vero hæ tolerabiles sunt, quæ in (e) exteriorem partem feruntur, & acuntur. At ex his, quæ intus (f) procedunt, hæ leviores, quæ conclusæ cutem non adsciunt, eamque & sine dolore & ejusdem coloris, cujus reliquæ partes sunt, sinunt esse. Pus (g) quoque, quacumque parte erumpit, si est leve, album & unius modi, sine ullo metu est; & quo effuso, febris protinus conquievit, desieruntque urgere cibi fastidium & potionis desiderium. Si quando etiam suppuratio descendit in crura, sputumque ejusdem factum pro rufo purulentum est, periculi minus est. At in tabe ejus, qui salvus futurus est, sputum esse debet album (h), æquale totum ejusdemque coloris, sine pituita: eique etiam simile esse oportet, si quid in nares a capite destillat.

Longe optimum est, (i) febrem omnino non esse: secundum est, tantillam esse, ut neque tantulum cibum impediat, neque crebram sitim faciat. Alvus (k) in hac valetudine ea tuta est, quæ quotidie coacta, eaque convenientia his,

(d) *Aph.* VII. 45.

(e) *Præn.* VII. 3.

(f) *Præn.* VII. 5.

(g) *Præn.* VII. 6.

(h) *Prædict.* II. XII. 2.

(i) *Præd.* II. XII. 4.

(k) *Præd.* II. XII. 5.

quæ adsumuntur, reddit. Corpus id, quod minime tenue, maximeque lati (l) pectoris atque fetosi est, cujusque cartilago exigua, & carnofa est.

Super tabem si mulieri quoque suppressa menstrua fuerunt, & circa pectus atque scapulas dolor mansit, subitoque (m) sanguis erupit, levare morbus solet: nam & tussis minuitur, & sitis atque febriculæ desinunt. Sed iisdem (n) fere, nisi reddit sanguis, vomica erumpit: quæ quo cruentior, eo melior est.

Aqua autem inter cutem minime terribilis est, quæ nullo antecedente morbo cœpit: deinde, quæ longo morbo supervenit, utique, si firma (o) viscera sunt; si spiritus facilis; si nullus dolor; si sine calore corpus est; æqualiterque in extremis partibus macrum est; si venter mollis; si nulla (p) tussis; si nulla sitis; si lingua, ne per somnum quidem, inarescit; si cibi cupiditas est; si venter medicamentis movetur; si per se (q) excernit mollia & figurata; si non extenuatur; si urina, & vini mutatione, & epotis aliquibus medicamentis mutatur; si corpus sine lassitudine est, & motum facile sustinet: siquidem in quo omnia hæc sunt, is ex toto tutus est: in quo plura ex his sunt, is in bona spe est.

Articulorum vero vitia, ut podagræ chiragræque, si juvenes (r) tentarunt, neque callum in-

(l) *Præd.* II. XII. 7.

(m) *II. Præd.* XIV. 3.

(n) *II. Præd.* XIV. 6. 7.

(o) *II. Præd.* XI. 6.

(p) *II. Præd.* XI. 16.

(q) *Aph.* VII. 29.

(r) *II. Præd.* XV. 6. 7. 8.

duxerunt, solvi possunt: maximeque (s) tormi-
nibus leniuntur, & si quocumque modo ven-
ter fluit.

Item morbus (t) comitialis ante pubertatem
ortus, non ægre finitur. Et, in quo ab una
parte corporis venientis accessionis sensus incipit,
optimum est a manibus pedibusve initium fieri:
deinde, a lateribus: pessimum inter hæc, a (u)
capite. Atque in his quoque ea maxime profunt,
quæ per dejectiones excernuntur.

Ipse autem dejectio sine ulla noxa est, quæ sine
febre est; si celeriter desinit; si contrectato ven-
tre nullus motus ejus sentitur; si extremam al-
vum spiritus sequitur. Ac ne tormina quidem
periculosa sunt, si sanguis & strigmenta descen-
dunt, dum febris cæteræque accessiones hujus
morbi absint: adeo ut etiam gravida (x) mulier,
non solum conservari possit, sed etiam partum
reservare. Prodestque in hoc morbo, si jam ætate
aliquis processit.

Contra, intestinorum (y) levitas facilius a te-
neris ætatibus depellitur, utique, si ferri urina,
& ali cibo corpus incipit.

Eadem ætas prodest & in coxæ dolore, & hu-
merorum, & in omni resolutione nervorum. Ex
quibus coxæ, si sine torpore est, si leviter friget,
quamvis magnos dolores habet, tamen & facile
& mature sanatur: resolutumque membrum, si
nihilo minus alitur, fieri sanum potest. Oris re-

(s) II. Præd. XV. 4.

(t) II. Præd. XVI. 1. Aph. V. 7.

(u) II. Præd. XVI. 7.

(x) II. Præd. XXX. 14.

(y) II. Præd. XXXI. 12. 15. 16.

solutio etiam, alvo cita finitur. Omnisque dejectio (z) lippianti prodest. At varix (a) ortus, vel per ora venarum subita profusio sanguinis, vel tormina, insaniam tollunt. Humerorum (b) dolores, qui ad scapulas vel manus tendunt, vomitu atræ bilis solvuntur. Et quisquis dolor deorsum tendit, sanabilior est. Singultus (c) sternutamento finitur. Longas dejectiones (d) supprimit vomitus. Mulier sanguinem vomens (e), profusis menstruis, liberatur. Quæ menstruis (f) non purgatur, si sanguinem ex naribus fudit, omni periculo vacat. Quæ locis laborat, aut difficulter (g) partum edit, sternutamento levatur. Cui calor & (h) tremor est, salutis delirium est. Lienosis bono (i) tormina sunt.

Denique, ipsa febris, quod maxime mirum videri potest, sæpe præsidio est. Nam & (k) præcordiorum dolores, si sine inflammatione sunt, finit; & in jocinoris (l) dolore succurrit; & nervorum distentionem (m) rigoremque, si postea cœpit, ex toto tollit: & ex difficultate urinæ morbum tenuioris intestini ortum, si urinam

(z) *Aph.* VI. 17.(a) *Aph.* VI. 21.(b) *Il. Præd.* XLIV. 2.(c) *Aph.* VI. 13.(d) *Aph.* VI. 15.(e) *Aph.* V. 32.(f) *Aph.* V. 33.(g) *Aph.* V. 35.(h) *Aph.* VI. 26.(i) *Aph.* VI. 48.(k) *Aph.* VI. 40.(l) *Aph.* VII. 52.(m) *Aph.* IV. 57.

per calorem movet, legat. At dolores capitis, quibus oculorum caligo, & rubor cum quadam frontis prurigne accedunt, sanguinis (n) profusione, vel fortuita, vel etiam petita, summoventur. Si capitis, ac frontis (o) dolores ex vento, vel frigore, aut æstu sunt, gravedine & stertutamentis finiuntur.

Febrem autem (p) ardentem, quam Græci *καυσώδη* vocant, subitus horror exsolvit. Si in febre aures (q) obtusæ sunt, si sanguis e naribus fluxit, aut venter resolutus est, illud malum definit ex toto. Nihil plus adversus (r) furditatem, quam biliosa alvus potest. Quibus in fistula (s) urinæ minuti abscessus, quos *φύματα* Græci vocant, esse cœperunt; iis, ubi pus ea parte profluxit, sanitas redditur. Ex quibus cum pleraque per se proveniant, scire licet, inter ea, quæ ars adhibet, naturam plurimum posse.

Contra, si caput in febre continenti dolet, neque quicquam remittit, malum atque mortiferum est: maximeque id periculum est pueris, a septimo anno ad quartumdecimum.

In pulmonis morbo, si sputum primis diebus non fuit, deinde a septimo die cœpit, & ultra septimum mansit, periculosum est: quantoque magis mixtos, neque inter se diductos colores habet, tanto deterius. Et tamen nihil pejus est, quam sincerum id edi, sive rufum est, sive cruen-

(n) *Aph.* VI. 10. II. *Prad.* XXXVI. 5.

(o) II. *Prad.* XXXVI. 8.

(p) *Aph.* IV. 58.

(q) *Aph.* IV. 60.

(r) *Aph.* IV. 28.

(s) *Aph.* IV. 82.

tum, five (t) album, five glutinosum; five pallidum, five spumans: nigrum (u) tamen pessimum est. In eodem morbo periculosa sunt, tussis, destillatio; etiam, quod alias salutare habetur (x), sternutamentum. Periculosissimumque est, si hæc secuta subita (y) dejectio est.

Fere vero, quæ in pulmonis, eadem in lateris doloribus, & mitiora signa, & asperiora esse consueverunt. Ex jecinore si pus (z) cruentum exit, mortiferum est.

At ex suppurationibus hæ (a) pessimæ sunt, quæ intus tendunt, sic ut exteriorem quoque cutem decolorent: ex his deinde, quæ in exteriorem partem prorumpit; tum quæ maximæ, quæque planissimæ sunt. Quod si, ne rupta quidem vomica, vel pure extrinsecus emissio, febris quievit, aut quamvis quieverit, tamen repetit, item, si sitis est, si cibi fastidium, si venter liquidus, si pus est lividum & pallidum, si nihil æger excreat nisi pituitam spumantem, periculum certum est. Atque ex his quidem suppurationibus, quas pulmonum morbi concitarunt, fere senes moriuntur: ex cæteris juniores.

At in tabe sputum mixtum purulentum, febris assidua, quæ & cibi tempora eripit, & siti addigit, in corpore tenui periculum subesse testatur. Si quis etiam in eo morbo diutius traxit, ubi ca-

(t) *Præn.* XIII. 6.

(u) *Præn.* XIII. 8.

(x) *Aph.* VI. 16. *Coac. Præn.* III. 174. *Præn.* XIII. 10.

(y) *Aph.* V. 12.

(z) *Aph.* VII. 45.

(a) *Præn.* VII.

pilli (b) fluunt; ubi urina quædam (c) araneis similia supersidentia ostendit; atque in sputis odor (d) foedus est; maximeque, ubi post hæc orta dejectio est, protinus moritur: utique, si tempus (e) autumnus est: quo fere, qui cætera parte anni traxerunt, resolvuntur. Item, pus exspuissæ in hoc morbo; deinde ex toto spueræ (f) desinisse, mortiferum est. Solet etiam in adolescentibus is morbus, ex vomica, fistulave oriri, qui non facile sanescunt, nisi si multa signa bonæ valetudinis subsequuta sunt. Ex reliquis (g) vero minime facile sanantur virgines, aut ex mulieres, quibus supervenit tabes, quod menstrua suppressa sint.

- Cui vero fano (h) subitus dolor capitis ortus est, dein somnus oppressit, sic ut stertat, neque expergiscatur, intra septimum diem pereundum est: magis si, cum alvus cita non antecesserit, palpebræ dormientis non coeunt, sed album oculorum adparet. Quos tamen (i) ita mors sequitur, si id malum non est febre discussum.

- At (k) aqua inter cutem, si ex acuto morbo coepit, ad sanitatem raro perducitur: utique, si contraria his, quæ supra posita sunt, subsequuntur. Æque in ea quoque tussis (l) spem tollit:

(b) *Aph. V. II.*

(c) *Præn. XII. 1. Coac. Præn. V. 49.*

(d) *Aph. V. II.*

(e) *Aph. III. 19.*

(f) *Aph. VII. 16. 78.*

(g) *II. Præd. XIII. 5.*

(h) *Aph. VI. 51.*

(i) Cita vel certa, lego.

(k) *Præn. VIII. 1.*

(l) *Aph. VI. 35. VII. 47.*

item, si sanguis fursum (m) deorsumve erupit, & aqua medium corpus implevit. Quibusdam etiam in hoc morbo (n) tumores oriuntur, deinde desinunt, deinde rursus adsurgunt. Hi quidem tutiores sunt, quam qui supra comprehensi sunt, si attendunt: sed fere fiducia secundæ valetudinis opprimuntur. Illud jure aliquis mirabitur, quomodo quædam simul & adfligant nostra corpora, & parte aliqua tueantur. Nam, sive aqua inter cutem quem implevit, sive in magno abscessu (o) multum puris coit, simul id omne effusse, æque mortiferum est, ac si quis sani corporis vulnere factus exsanguis est.

Articuli vero cui sic dolent, ut super eos ex callo quædam tubercula innata sint, nunquam liberantur: quæque eorum vitia vel in (p) senectute cœperunt, vel in senectutem ab adolescentia pervenerunt, ut aliquando leniri possunt, sic nunquam ex toto finiuntur.

Morbus quoque comitialis post annum quintum & vigesimum ortus ægre curatur: multoque ægrius is, qui post quadragesimum annum cœpit: adeo ut in ea ætate (q) aliquid in natura spei, vix quicquam in medicina sit. In eodem morbo, si simul totum (r) corpus adficitur, neque ante in partibus aliquis venientis mali sensus est, sed homo ex improvise concidit, cujuscumque

(m) *II. Præd. XI. 30.*

(n) *II. Præd. XI. 33.*

(o) *Aph. VI. 27.*

(p) *II. Præd. XV. 2.*

(q) *Aph. II. 45.*

(r) *II. Præd. XVI. 4.*

que is ætatis est, vix fanescit : si vero aut mens læsa est, aut nervorum facta resolutio, medicinæ locus non est.

Dejectionibus (s) quoque si febris accessit; si inflammatio jocinoris, aut præcordiorum, aut ventris; si immodica sitis; si longius tempus; si alvus varia; si cum dolore est, etiam mortis periculum subest : maximeque, si inter hæc tormina vetera esse cœperunt. Ilque morbus maxime (t) pueros absumit usque ad annum decimum : cæteræ ætates facilius sustinent. Mulier (u) quoque gravida ejusmodi casu rapi potest : atque, etiamsi ipsa convaluit, partum tamen perdit. Quin etiam tormina (x) ab atra bile orsa mortifera sunt : aut si sub his, extenuato jam corpore, subito nigra alvus profluxit.

At intestinorum (y) levitas periculosior est, si frequens dejectio est; si venter omnibus horis & cum sono & sine hoc profluit; si similiter noctu & interdiu; si, quod excernitur, aut crudum est, aut nigrum, &, præter id, etiam leve, & mali odoris; si sitis urget; si post potionem urina non redditur (quod evenit, quia tunc liquor omnis non in vesicam, sed in intestina descendit); si os exulceratur; si rubet facies, & quasi maculis quibusdam colorum omnium distinguitur; si venter est quasi fermentatus, pinguis atque rugosus; si & cibi cupiditas non est. Inter quæ cum evi-

(s) II. Prad. XXX. 3. 4.

(t) II. Prad. XXX. 10.

(u) II. Prad. XXX. 14.

(x) Aph. IV. 24.

(y) II. Prad. XXXI. 2. 3. 4.

dens mors sit, multo evidentior est, si jam in longinquum quoque id vitium est: maxime etiam, si in corpore senili est.

Si vero in tenuiore intestino morbus est (z), vomitus, singultus, nervorum distentio, delirium, mala sunt. At in morbo arquato (a), durum fieri jecur, perniciosissimum est. Quos lienes (b) male habent, si tormina prehenderunt, deinde conversa sunt vel in aquam inter cutem, vel in intestinorum levitatem, vix ulla medicina periculo subtrahit. Morbus intestini tenuioris ex urinæ (c) difficultate, nisi febre resolutus est, intra septimum diem occidit. Mulier (d) ex partu, si cum febre vehementibus etiam & assiduis capitis doloribus premitur, in periculo mortis est. Si dolor atque inflammatio est in his partibus, quibus viscera continentur, frequenter spirare, signum malum est.

Si sine causa longus dolor capitis est, & in cervices ac scapulas transit, rursusque in caput revertitur, aut a capite ad cervices scapulasque pervenit, perniciosus est: nisi vomitum aliquam excitat, sic, ut pus (e) extussiat, aut nisi sanguis ex aliqua parte prorumpit; aut nisi in capite multa porrigio, totove corpore pustulæ ortæ sunt. Æque magnum malum est, ubi torpor (f) atque prurigo pervagantur, modo per totum caput, modo in parte; aut sensus alicujus ibi quasi fri-

(z) *Aph.* VII. 10.

(a) *Aph.* VI. 42.

(b) *Aph.* VI. 43.

(c) *Aph.* VI. 44.

(d) *Aph.* V. 55.

(e) CAEL. AURELIAN. *Acut. Morb.* II. 16.

(f) *II. Præd.* XXXVII.

goris est, eaque ad summam quoque linguam perveniunt. Et, cum in iisdem ex abscessibus auxilium sit, eo tamen difficilior sanitas est, quo minus sæpe sub his malis illi subsequuntur.

In coxæ (g) vero doloribus, si vehemens torpor est, frigescitque crus & coxæ, alvusque nisi coacta non reddit, idque, quod excernitur, mucosum est; jamque ætas ejus hominis quadragesimum annum excessit, is morbus erit longissimus, minimumque annuus; neque finiri poterit, nisi aut vere, aut (h) autumno. Difficilis æque curatio est, in eadem ætate, ubi humerorum dolor (i) vel ad manus pervenit, vel ad scapulas tendit, torporemque & dolorem creat, neque bilis vomitu levata est.

Quacunque vero parte corporis membrum aliquod resolutum est, si neque (k) movetur, & emacrescit, in pristinum habitum non revertitur; eoque minus, quo vetustius (l) id vitium est, & quo magis in corpore senili est. Omnique resolutioni nervorum ad medicinam non idonea tempora sunt hiems (m) & autumnus: aliquid sperari potest vere & æstate. Isque morbus mediocris (n) vix (o) sanatur, vehemens sanari non potest. Omnis etiam dolor minus medicinæ paret, qui sursum (p) procedit.

(g) II. *Præd.* XLV. 2. ad 8.

(h) Ex HIPPOCRATE.

(i) II. *Præd.* XLIV. 1. 2.

(k) II. *Præd.* XLII. 8.

(l) II. *Præd.* XLIII. 2. 3.

(m) II. *Præd.* XLIII. 4.

(n) *Aph.* II. 42.

(o) ARETÆUS de *Morb. Diuturn.* 1. 7.

(p) II. *Præd.* XLVI. 9.

Mulieri (q) gravidæ si subito mammæ emacuerunt, abortus periculum est. Quæ neque (r) peperit, neque gravis est, si lac habet, a menstruis defecta est.

Quartana (s) æstiva, brevis: autumnalis fere longa est; maximeque, quæ cœpit hieme adpropinquante. Si sanguis (t) profluxit, deinde secuta est dementia cum distentione nervorum, periculum mortis est. Itemque, si medicamentis (u) purgatum, & adhuc inanem, nervorum distentio oppressit: aut si in magno dolore, extremæ partes frigent. Neque is ad vitam (x) redit, qui ex suspendio, spumante ore, detractus est. Alvus (y) nigra, sanguini atro similis, repentina, sive cum febre, sive etiam sine hac est, perniciofa est.

C A P. IX.

De Morborum curationibus.

COGNITIS indiciis, quæ nos vel spe consolentur, vel metu terreant, ad curationes morborum transeundum est. Ex his quædam communes sunt, quædam propriæ. Communes, quæ pluribus morbis opitulantur. Propriæ, quæ singulis. Ante de communibus dicam. Ex quibus

(q) *Aph.* V. 37.

(r) *Aph.* V. 39.

(s) *Aph.* II. 25.

(t) *Aph.* V. 3.

(u) *Aph.* V. 4.

(x) *Aph.* II. 43.

(y) *Aph.* IV. 21.

tamen quædam non ægros solum, sed sanos quoque sustinent, quædam in adversa tantum valetudine adhibentur.

Omne vero auxilium corporis, aut demit aliquam materiam, aut adjicit, aut evocat, aut reprimat, aut refrigerat, aut calefacit, simulque aut durat, aut mollit. Quædam non uno modo tantum, sed etiam duobus inter se non contrariis adjuvant. Demitur materia, sanguinis detractio, ne, cucurbitula, dejectione, vomitu, frictione, gestatione, omnique exercitatione corporis, abstinentia, sudore. De quibus protinus dicam.

C A P. X.

De sanguinis detractioe per venas (a).

SANGUINEM, incisa vena, mitti novum non est: sed nullum pene morbum esse, in quo non mittatur, novum est. Item, mitti junioribus, & feminis uterum non gerentibus, vetus est. In pueris (b) vero idem experiri, & in senioribus, & in gravidis quoque mulieribus, vetus non est. Siquidem antiqui, primam ultimamque ætatem sustinere non posse hoc auxilii genus judicabant; persuaserantque sibi, mulierem gravidam, quæ ita curata esset (c), abortum esse facturam. Postea vero usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium

(z) ACTUAR. M. M. III. 1.

(a) ACTUAR. M. M. III. 8.

(b) Aphor. V. 31,

debeat. Interest enim, non quæ ætas sit, neque quid in corpore intus geratur, sed quæ vires sint. Ergo, si juvenis imbecillus est; aut si mulier, quæ gravida non est, parum valet, male sanguis mittitur; emoritur enim vis, siquæ supererat, hoc modo erepta. At firmus puer, & robustus senex, & gravida mulier valens, tuto sic curantur.

Maxime tamen in his medicus imperitus falli potest: quia fere minus roboris illis ætatibus subest. Mulierique prægnanti post curationem quoque viribus opus est, non tantum ad se, sed etiam ad partum sustinendum. Non, quicquid aut intentionem animi, aut prudentiam exigit, protinus ejiciendum est; cum præcipua in hoc ars sit, quæ non annos numeret, neque conceptionem solam videat, sed vires (d) æstimet, & ex eo colligat, possit nec ne superesse, quod vel puerum, vel senem, vel in una muliere duo corpora simul sustineat. Interest etiam inter valens corpus, & obesum; inter tenue, & infirmum. Tenuioribus magis sanguis, plenioribus magis caro abundat. Facilius itaque illi detractionem ejusmodi sustinent: celeriusque ea, qui nimium est pinguis, adfligitur. Ideoque vis corporis melius ex venis, quam ex ipsa (e) specie æstimatur.

Neque solum hæc considerata sunt, sed etiam morbi genus quod sit: utrum superans, an deficiens materia læserit: corruptum corpus sit, an integrum. Nam si materia vel deest, vel integra est, istud alienum est. At si vel copia sui male habet, vel corrupta est, nullo modo melius succurritur. Ergo vehemens febris, ubi rubet cor-

(d) SORAN. EPHES. *Isag.* c. 23.

(e) CICERO in *Oratore* c. 2.

pus, plenæque venæ tument, sanguinis detractio-
nem requirit: item viscerum morbi (f), nervo-
rumque resolutio, & rigor, & distentio: quic-
quid denique fauces difficultate spiritus strangu-
lat; quicquid subito supprimit vocem; quisquis
intolerabilis dolor est; & quacumque de causa ru-
ptum aliquid intus atque collisum est: item ma-
lus corporis habitus; omnesque acuti morbi, qui
modo, ut supra dixi, non infirmitate, sed onere
nocent.

Fieri tamen potest, ut morbus quidem id de-
sideret, corpus autem vix pati posse videatur:
sed, si nullum tamen adpareat aliud auxilium,
periturusque sit, qui laborat, nisi temeraria quo-
que via fuerit adjutus, in hoc statu boni medici
est ostendere, quam nulla spes sine sanguinis de-
tractione sit; faterique, quantus in hac ipsa re
metus sit: & tum demum, si exigatur, sanguinem
mittere. De quo dubitare in ejusmodi re non
oportet, satius est enim anceps auxilium experiri,
quam nullum. Idque maxime fieri debet, ubi
nervi resoluti sunt; ubi subito aliquis obmutuit,
ubi angina (g) strangulatur; ubi prioris febris
accessio pene confecit, paremque subsequi verifi-
mile est, neque eam videntur sustinere ægri vi-
res posse.

Cum sit autem minime crudo sanguis mitten-
dus, tamen ne id quidem perpetuum est; neque
enim semper concoctionem res exspectat. Ergo,
si ex superiore parte aliquis decedit, si contusus
est, si ex aliquo subito casu sanguinem vomit,
quamvis paulo ante sumpsit cibum, tamen pro-

(f) PATIN ad CELSUM pag. 238. A. 301.

(g) I. Epid. VI. 26.

tinus ei demenda materia est, ne, si subsederit, corpus adfligat. Idemque etiam in aliis casibus repentinis, qui strangulabunt, dictum erit.

At, si morbi ratio patiatur, tum demum nulla cruditatis suspitione remanente id fiet. Ideoque ei rei videtur aptissimus adversæ valetudinis dies secundus, aut tertius. Sed ut aliquando etiam primo die sanguinem mittere necesse est, sic nunquam utile post diem quartum est, cum jam spacio ipso materia vel exhausta est, vel corpus corripit; ut detractio imbecillum id facere possit, non possit integrum. Quod si vehemens febris urget, in ipso impetu ejus sanguinem mittere, hominem jugulare est; exspectanda ergo intermissio est: si non decedit, cum crescere desiit: si neque remissio speratur, tunc quoque, quamvis peior; sola tamen occasio non omittenda est.

Fere etiam ista medicina, ubi necessaria est, in biduum dividenda est. Satius est enim, primum levare ægrum, deinde perpurgare, quam simul omni vi effusa fortasse præcipitare. Quod si in cura quoque aquæ, quæ inter cutem est, ita respondet; quanto magis necesse est in sanguine respondeat?

Mitti vero is debet, si totius corporis causa sit, ex brachio: si partis alicujus, ex ea ipsa parte, aut certe quam proxima: quia non ubique mitti potest, sed in temporibus, in brachiis, juxta talos. Neque ignoro, quosdam dicere, quam longissime (h) sanguinem inde, ubi lædit, esse mittendum; sic enim averti materiæ cursum; at illo modo in idipsum, quod gravatur, evocari. Sed id-

(h) *De Nat. Hum.* XXII. 4. *De Venis* XIII. 6.

ipsum falsum est; proximum enim locum primo exhaurit: ex ulterioribus autem eatenus sanguis sequitur, quatenus emittitur: ubi is suppressus est, quia non trahitur, ne venit quidem. Videtur tamen usus ipse docuisse, si caput (i) fractum est, ex brachio potius sanguinem mittendum esse: si quod in humero (k) vitium est, ex altero brachio; credo, quia si quid parum cesserit, opportuniore hæ partes injuriæ sunt, quam quæ jam male habent. Avertitur quoque interdum sanguis, ubi alia parte prorumpens, alia emittitur; desinit enim fluere qua nolumus, inde objectis quæ prohibeant, alio dato itinere.

Mittere autem sanguinem cum sit expeditissimum, usum habenti; tamen ignaro difficillimum est. Juncta enim est vena arteriis, his nervi. Ita, si nervum scalpellus adtigit, sequetur nervorum (l) distentio, eaque hominem crudeliter consumit. At arteria (m) incisa neque coit, neque sanescit: interdum etiam, ut sanguis vehementer erumpat, efficit. Ipsius quoque venæ, si forte præcisa est, capita comprimuntur, neque sanguinem emittunt. At si timide scalpellus demittitur, summam cutem lacerat, neque venam incidit. Nonnunquam etiam ea latet, neque facile reperitur; ita multæ res id difficile incipio faciunt, quod perito facillimum est.

Incidenda ad medium vena est. Ex qua cum sanguis erumpit, colorem ejus habitumque oportet

(i) *Quidam vir doctus l. tactum.*

(k) *Aph. VI. 22.*

(l) *De Morb. III. 32.*

(m) *Aph. VI. 18. 19. I. De Morb. VII. 21.*

tet adtendere. Nam si is crassus & niger est, vitiosus est; ideoque utiliter effunditur: (n) si rubet & pellucet, integer est; eaque missio sanguinis adeo non prodest, ut etiam noceat, protinusque is supprimendus est. Sed id evenire non potest sub eo medico, qui scit ex quali corpore sanguis mittendus sit. Illud magis fieri solet, ut æque niger assidue primo die profluat; quod quamvis ita est, tamen si jam satis fluxit, supprimendus est: semperque ante finis faciendus est, quam (o) anima deficiat.

Deligandumque brachium superimposito expresso ex aqua frigida penicillo; & postero die adverso medio digito vena fricanda, ut recens coitus ejus resolvatur, iterumque sanguinem fundat. Sive autem primo, sive secundo die sanguis, qui crassus & niger initio fluxerat, & rubere, & pellucere cœpit, satis materiæ detractum est, atque quod superest, sincerum est: ideoque protinus brachium deligandum, habendumque ita est, donec valens cicatricula sit; quæ celerrime in vena confirmatur.

C A P. XI.

De Sanguinis detractione per Cucurbitulas.

CUCURBITULARUM (a) vero duogenera sunt: æneum, & corneum. Ænea,

(n) CASAUB. in ATHENÆUM *Animadv.* L. 1. c. 20. pag. 60.

(o) SORAN. EPHESIUS *Isagog.* 1. cap. 22.

(a) PROSP. ALPIN. *de Medic. Ægypt.* 11. 13.

altera parte patet; altera, clausa est. Cornea, altera parte æque patens, altera foramen habet exiguum. In æneum, linamentum ardens conjicitur, ac si os ejus corpori aptatur, imprimiturque, donec inhæreat. Cornea, per se corpori imponitur; deinde, ubi ea parte, qua exiguum foramen est, ore spiritus adductus est, superque cera cavum id clausum est, æque inhærescit. Utraque non ex his tantum materiæ generibus, sed etiam ex quolibet alio recte fit. Ac si cætera defecerunt, calyculus quoque aut pultarius, oris compressioris, ei rei commodo aptatur. Ubi inhæsit, si concisa ante scalpello cutis est, sanguinem extrahit: si integra est, spiritum. Ergo ubi materia, quæ intus est, lædit, illo modo: ubi inflatio, hoc imponi solet.

Ufus autem cucurbitulæ præcipuus est ubi non in toto corpore, sed in parte aliqua vitium est, quam exhauriri ad confirmandam valetudinem satis est. Idque ipsum testimonium est, etiam scalpello sanguinem, ubi membro succurritur, ab ea potissimum parte, quæ jam læsa est, esse mittendum: quod nemo cucurbitulam diversæ parti imponit, nisi cum profusionem sanguinis eo avertit; sed ei ipsi, quæ dolet, quæque liberanda est.

Opus esse cucurbitula potest in morbis longis (quamvis & iis jam spacium aliquod accessit) sive corrupta materia, sive spiritu male habente. In acutis quoque quibusdam, si levare corpus debet, & ex vena sanguinem mitti, vires non patiuntur. Idque auxilium ut minus vehemens, ita magis tutum; neque unquam periculosum est, etiamsi in medio febris impe-

tu, etiam si in cruditate adhibetur. Ideoque ubi sanguinem mitti opus est, si incisa vena præceps periculum est, aut nobili in parte corporis vitium est, etiam huc potius confugiendum est; cum eo tamen, ut sciamus, hic ut nullum periculum, ita levius præsidium esse; nec posse vehementi (b) malo, nisi æque vehemens auxilium succurrere.

C A P. XII.

De Dejectione.

DEJECTIONEM autem antiqui variis medicamentis, crebraque alvi ductione in omnibus fere morbis moliebantur: dabantque aut nigrum veratrum, aut filiculam, squamam æris, quam *λεπίδα χαλκῆς* Græci vocant; aut lactucæ marinæ (a) lac, cujus gutta pari adjecta abunde purgat; aut lac vel asininum, vel bubulum, vel caprinum, eique salis paulum adjiciebant, decoquebantque id, & sublati his, quæ coierant, quod quasi serum supererat, bibere cogebant.

Sed medicamenta stomachum fere lædunt. Ideoque omnibus cathartici aloë miscenda est. Alvus si vehementius fluit, aut sæpius ducitur, hominem infirmat. Ergo nunquam in adversa valetudine medicamentum ejus rei causa recte datur, nisi ubi is morbus sine febre est. Ut

(b) *De Arte* XIII. 16. ERASM. *Adag.* malo nodo. CHRYS. *ad Genes* cap. I. *Homil.* VI.

(a) PATIN. *pag.* 248.

cum veratrum nigrum, aut atra bile vexatis, aut cum (b) tristitia infanientibus, aut iis, quorum nervi parte aliqua resoluti sunt, datur. At, ubi febres sunt, satius est ejus rei causa cibos potionisque adsumere, qui simul & alant, & ventrem molliant. Suntque valetudinis genera, quibus ex lacte purgatio convenit.

2. De Alvi ductione (c).

Plerumque vero alvus lotionibus ducenda est; quod, ab ASCLEPIADE (d) quoque sic vituperatum, ut tamen servatum sit, video plerumque seculo nostro, præteriri. Est autem ea moderatio, quam is secutus videtur, aptissima; ut neque sæpe (e) medicina tentetur, & tamen semel, vel summum bis, non omittatur, si caput grave est; si oculi caligant; si morbus majoris intestini est, quod Græci κόλον nominant, si in imo ventre, aut in coxa dolores sunt; si in stomachum quædam biliosa concurrunt, vel etiam pituita eo se, humorve aliquis aquæ similis confert; si spiritus difficiliter redditur; si nihil per se venter excernit; utique, si juxta quoque sterqus est, & intus remanet; aut si stercoreis odorem nihil dejiciens æger ex spiritu suo sentit; aut si corruptum est, quod excernitur, aut si prima inedia febrem non sustulit; aut si sanguinem mitti, cum opus sit, vires non pa-

(b) I. Diat. XXIII. 10. De Insomn. VI. 5. de victu Acut. LVI.

(c) PLUTARCH. de tuend. valet. p. 232.

(d) PLIN. XXVI. 3.

(e) CRATON. Consilia Med. ex ed. SCHOLZU.

tiuntur; tempusve ejus rei præterit; aut si multum ante morbum aliquis potavit; aut si is, qui sæpe, vel sponte, vel casu purgatus est, subito habet alvum suppressam.

Servanda vero illo sunt, ne ante diem tertium ducatur: ne ulla cruditate substantive: ne in corpore infirmo, diuque in adversa valetudine exhausto: neve in eo, cui satis alvus reddit quotidie, quive eam liquidam habet: neve in ipso accessionis impetu, quia, quod tum infusum est, alvo continetur, regressumque in caput, multo gravius periculum efficit. Pridie vero abstinere debet æger, ut aptus tali curationi sit. Eodem die ante, aliquot horis, aquam calidam bibere, ut superiores ejus partes madescant: tum immittenda in alvum est, si levi medicina contenti sumus, pura aqua; si paulo valentiori, mulsæ; si leni, aqua, in qua focum græcum, vel ptisana, vel malva decocta sit: si reprimendi causa, ex (f) verbénis. Acris autem est marina aqua, vel alia sale adjecto: at utraque decocta commodior est. Acrior fit, adjecto vel oleo, vel nitro, vel melle quoque. Si acrior est, eo plus extrahit, sed minus facile sustinetur. Id quod infunditur, neque frigidum esse oportet, neque calidum; ne alterutro modo lædat. Cum infusum est, quantum fieri potest, continere se in lectulo debet æger, nec primæ cupiditati dejectionis protinus cedere; ubi necesse est, tum demum desidere. Fereque eo modo dempta materie, superioribus partibus levatis, morbum ipsum mollit. Cum

(f) Pro quavis herba, sic PLIN. XXVI. c. 10. Satyrii nomine quarvis herbas venerem excitantes nominat.

vero, quotiens res coëgit, desidendo aliquis se exhaust, paulisper debet conquiescere; &, ne vires deficiant, utique eo die cibum adsumere; qui plenior, an exiguus sit dandus, ex ratione ejus accessionis, quæ expectabitur, aut in metu non erit, æstimari oportebit.

C A P. XIII.

De Vomitu (a).

AT vomitus, ut in secunda quoque valetudine sæpe necessarius biliosis est; sic etiam in his morbis, quos bilis concitavit. Ergo omnibus, qui ante febres horrore & tremore vexantur: omnibus, qui cholera laborant: omnibus etiam cum quadam hilaritate insanientibus; & comitiali quoque morbo oppressis necessarius est.

Sed, si acutus morbus est, sicut in cholera; si febris est, inter rigores, asperioribus medicamentis opus non est; sicut in dejectionibus quoque supra dictum est. Satisque est, ea vomitus causa sumi, quæ sanis quoque sumenda esse proposui.

At ubi longi valentesque morbi sine febre sunt, ut comitalis aut insania, veratro quoque albo utendum est. Id neque hieme, neque æstate recte datur: optime, vere: tolerabiliter, autumo. Quisque daturus erit, id agere ante

(a) HIPPOCRAT. T. I. pag. 651. III. De Diet. IV.

debet, ut accepturi corpus (b) humidius sit. Illud scire oportet, omne ejusmodi medicamentum, quod (c) potui datur, non semper ægris prodesse, semper (d) sanis nocere.

CAP. XIV.

De Frictione (a).

DE frictione vero & gestatione adeo multa ASCLEPIADES, tanquam inventor ejus, (b) posuit in eo volumine, quod *Communium Auxiliorum* inscripsit, ut, cum trium tantum faceret mentionem, hujus & vini & gestationis, tamen maximam partem in hoc consumpserit. Oportet autem neque recentiores viros in his fraudare, quæ vel reppererunt, vel recte secuti sunt; & tamen ea, quæ apud antiquiores aliquos posita sunt, authoribus suis reddere. Neque dubitari potest, quin latius quidem, & dilucidius, ubi & quomodo frictione utendum esset, ASCLEPIADES præceperit; nihil tamen reperit, quod non a vetustissimo authore HIPPOCRATE paucis verbis comprehensum sit: qui dixit, *Frictione, si vehemens sit; (c) durari corpus*

(b) *Aph. IV. 13.*(c) *Vomitui.*(d) *Aph. II. 36. IV. 16.*(a) ORIBAS. *Med. Collect.* VI. 13. 17. 18. &c.(b) PLIN. XXVI. 3. MERCUR. *de Arte Gymn.* 1. 7.(c) III. *Diat.* XLII. 9. 10. ORIBAS. *Synops.* 1. 4. PLIN. XXVIII. 4.

corpus: si lenis, molliri: si multa, minui: si modica, impleri. Sequitur ergo, ut tum utendum sit, cum aut adstringendum corpus sit, quod fluens est: aut molliendum, quod induruit: aut digerendum in eo, cui copia nocet: aut alendum id, quod tenue & infirmum est.

Quas tamen species, si quis curiosius æstimet, (quod jam ad medicum non pertinet), facile intelliget, omnes ex una causa pendere, quæ demit. Nam & adstringitur aliquid, eo dempto, quod interpositum, ut id laxaretur, effecerat: & mollitur, eo detracto, quod duritiem creabat: impletur, non ipsa frictione, sed eo cibo, qui postea usque ad cutem, digestionem quadam relaxatam penetrat. Diversarum vero rerum in modo causa est.

Inter unctionem autem & frictionem multum interest. Ungi enim, leniterque pertractari corpus, etiam in acutis & recentibus morbis oportet; in remissione tamen, & ante cibum. Longa vero frictione uti, neque in acutis morbis, neque incrementibus convenit; præterquam cum phreneticis somnus ea quæritur. Amat autem hoc auxilium valetudo longa, & jam a primo impetu inclinata. Neque ignoro, quosdam dicere, omne auxilium necessarium esse incrementibus morbis, non cum jam per se finiuntur. Quod non ita se habet. Potest enim morbus, etiam qui per se finem habiturus est, citius tamen adhibito auxilio tolli; quod duabus de causis necessarium est: & ut quam primum bona valetudo contingat; & ne morbus, qui remanet, iterum, quamvis levi de causa, exaspereetur. Potest enim morbus minus gravis esse, quam fuerit; neque ideo tamen solvi; sed reli-

quibus quibusdam inhærere, quas admotum aliquod auxilium discutiat.

Sed ut, levata quoque adversa valetudine, recte frictio adhibetur; sic nunquam adhibenda, est febre increfcente, verum, si fieri poterit, cum ex toto corpus ea vacabit; sin minus, certe cum ea remiserit. Eadem autem modo in totis corporibus esse debet, ut cum infirmus aliquis implendus: modo in partibus; aut quia ipsa ejus membri imbecillitas id requirit, aut quia alterius. Nam & capitis (d) longos dolores ipsius frictio levat; non in impetu tamen doloris: & membrum aliquod resolutum ipsius frictione confirmatur. Longe tamen sæpius aliud perfricandum est, cum aliud dolet: maximeque cum a summis, aut a mediis partibus corporis evocare materiam volumus; ideoque extremas partes perfricamus.

Neque audiendi sunt, qui numero finiunt, quoties aliquis perfricandus sit. Id enim ex viribus hominis colligendum est. Ut si quis perinfirmus est, potest satis esse quinquagies: si robustior, potest ducenties esse faciendum, inter utrumque deinde, prout vires sunt. Quo fit, ut etiam minus sæpe in muliere, quam in viro: minus sæpe in puero, vel sene, quam in juvene, manus dimovendæ sint.

Denique, si certa membra perfricantur, multa valentique fricatione opus est. Nam neque totum corpus infirmari cito per partem potest, & opus est quam plurimum materiæ digeri, si ve ipsum membrum, si ve per id aliud levamus.

(d) ARETÆUS de Diut. Curat. I. I.

At, ubi totius corporis imbecillitas hanc curationem per totum id exigit, brevior esse debet & lenior; ut tantummodo summam cutem emolliat, quo facilius capax ex recenti novæ materiæ fiat.

In malis jam ægrum esse testatur (e), ubi exterior pars corporis friget, interior cum siti calet, ut supra posui. Sed tunc quoque unicuique in frictione præsidium est, quæ si calorem evocavit, potest alicui medicinæ locum facere.

CAP. XV.

De Gestatione (a).

GESTATIO quoque longis & jam inclinatis morbis aptissima est; utilisque est & his corporibus, quæ jam ex toto febre carent, sed adhuc exerceri per se non possunt; & his, quibus lentæ morborum reliquæ remanent, neque aliter eliduntur. ASCLEPIADES etiam in recenti vehementique, præcipueque ardente febre, ad discutiendam eam, gestatione dixit utendum. Sed id periculose fit; meliusque in quiete ejusmodi impetus sustinetur. Si quis tamen (b) experiri volet, sic experiatur, si lingua non erit aspera, si nullus tumor, nulla durities, nullus dolor visceribus, aut capiti, aut præcordiis suberit. At ex toto, nunquam

(e) *Aph.* IV. 48.

(a) ORIBAS. *Coll. Medic.* VI. 23.

(b) ORIBAS. *Medic. Coll.* VI. 25.

gestari corpus dolens debet, siue id in toto, siue in parte est; nisi tamen solis nervis dolentibus; neque unquam crescente febre, sed in remissione ejus.

Genera (c) autem gestationis plura sunt: quæ adhibenda sunt & pro viribus cujusque, & pro opibus; ne aut imbecillum hominem nimis digerant, aut humili desint.

Gestationum lenissima est navi, vel in portu, vel in flumine; vel lectica, aut scamno: acrior, vehiculo: vehementior, in alto mari (d) navi. Atque hæ ipsæ & intendi & leniri possunt. Si nihil horum est, suspendi lectus debet, & moveri. Si ne id quidem est, at certe uni pedi lecti fulcimentum subjiciendum est, atque ita lectus huc & illuc manu impellendus.

Et levia quidem genera exercitationis infirmis conveniunt: valentiora vero his, qui jam pluribus diebus febre liberati sunt; aut his, qui gravium morborum initia sic sentiunt, ut adhuc febre vacent (quod & in tabe, & in stomachi vitiis, & cum aqua cutem subit, & interdum in morbo regio fit) aut ubi quidam morbi, qualis comitialis, qualis infania est, sine febre, quamvis diu, manent. In quibus adfectibus ea quoque genera exercitationum necessaria sunt, quæ comprehendimus eo loco (e), quo, quemadmodum sani, neque firmi homines se gerere debent, præcepimus.

(c) ORIBAS. *Medic. Coll.* VI. 23.

(d) *Gloss.*

(e) *Lib.* I. c. I. 2.

CAP. XVI.

De Abſtinentia (a).

ABSTINENTIÆ vero duo genera ſunt. Alterum, ubi nihil adſumit æger: alterum, ubi non niſi quod oportet. Initia morborum primum (b) famem, ſitimque deſiderant: ipſi deinde morbi, moderationem, ut neque aliud quam expedit, neque ejus ipſius nimium ſumatur; neque enim convenit juxta inediaꝝ protinus ſatietatem eſſe. Quod ſi ſanis quoque corporibus inutile eſt, ubi aliqua neceſſitas famem fecit; quanto inutilius eſt infirmo, nedum ægro? Neque ulla res (c) magis adjuvat laborantem, quam tempeſtiva abſtinentia.

Intemperantes homines apud nos, ſibi cibi tempora, modum curantibus dant. Rurſus alii; tempora medicis pro dono remittunt, ſibi ipliſ modum vendicant. Liberaliter agere ſe credunt, qui cætera illorum arbitrio relinquunt, in genere cibi liberi ſunt; quaſi quaeratur, quid medico liceat, non quid ægro ſalutare ſit. Cui vehementer nocet; quoties in ejus, quod adſumitur, vel tempore, vel modo, vel genere peccatur.

(a) SORAN. EPHEſ. *Iſag. cap. X.*(b) HIPPOCR. *de Vect. M. T. XV. n. 10.*

(c) PLIN. XXVIII. 4.

CAP. XVII.

De Sudore.

SUDOR duobus modis elicitur; aut sicco calore, aut balneo. Siccus calor est, & arenæ calidæ, (a) & laconici, & clibani, & quarundam naturalium sudationum, ubi a terra profusus calidus vapor ædificio includitur, sicut super (b) Batas in murtetis habemus. Præter hæc, sole quoque, & exercitatione is movetur. Utiliaque hæc genera sunt, quoties humor intus nocet, isque digerendus est. Ac nervorum quoque quædam vitia sic optime curantur. Et cætera infirmis possunt convenire: sol, & exercitatio tantum robustioribus; qui tamen sine febre, vel initio morbi, vel etiam non gravibus morbis tenentur. Cavendum autem est, ne quid horum vel in (c) febre, vel in cruditate tentetur.

At balnei duplex usus est. Nam modo, diffusis febribus, initium cibi plenioris, vinique firmioris, valetudinem facit; modo febrem ipsam tollit. Fereque adhibetur, ubi summam cutem relaxari, evocarique corruptum humorem, & habitum corporis mutari expedit. Antiqui timidius eo utebantur: ASCLEPIADES (d) audacius.

(a) AETIUS *Tetr. I. Serm. III. 9.*(b) Alii Baias, HORAT. *Epist. XV. l. 1.* OVID. *de A. A. L. I.* CASSIODOR. *Var. l. IX. 6.* Baias legit ILL. HALLERUS.(c) *I. de Morb. Mul. LVIII. 14.*

(d) PLIN. XXVI. 3.

Neque terrere autem ea res, si tempeſtiva eſt, debet: at ante tempus, nocet. Quisquis febre liberatus eſt, ſimulatque ea uno die non acceſſionis, tuto lavari poteſt. At ſi circuitum habere ea febris ſolita eſt, ſic ut tertio, quartove die revertatur, quandocunque non acceſſit, balneum tutum eſt. Manentibus vero adhuc febribus, ſi hæ ſunt lentæ, lienefque jamdiu male habent, recte medicina iſta tentatur: cum eo tamen, ne præcordia dura ſint, neve ea tumeant, neve lingua aſpera ſit, neve aut in medio corpore, aut in capite dolor ullus ſit, neve tum febris increſcat.

*ta uel ſi
eo qui
proximus
eſt p. o. h.
Tempus*

Et in his quidem febribus, quæ certum circuitum habent, duo balnei tempora ſunt; alterum, ante horrorem; alterum, febre finita. In his vero, qui lentis febriculis diu detinentur, cum aut ex toto reſceſſit acceſſio; aut ſi id non ſolet, certe lenita eſt, jamque corpus tam integrum eſt, quam maxime eſſe in eo genere valetudinis ſolet.

Imbecillus homo, iturus in balneum, vitare debet, ne ante frigus aliquod experiatur: ubi in balneum venit, pauliſper reſiſtere, expeririſque, num tempora adſtringantur, & an ſudor aliquis oriatur: illud ſi incidit, hoc non ſecurum eſt, inutile eo die balneum eſt: & perungendus eſt iſ leniter, & referendus, vitandumque omni modo frigus, & abſtinentia utendum. At ſi temporibus integris, primum ibi, deinde alibi ſudor incipit, fovendum os aqua calida, tum in folio deſidendum eſt; atque ibi quoque videndum, num ſub primo contactu aquæ calidæ ſumma cutis inhorreſcat, quod vix tamen fieri poteſt, ſi priora recte acceſſerunt; certum autem id ſignum inutileſ balnei eſt.

Ante vero, quam in aquam calidam ſe demit-

tat, an postea aliquis perungi debeat, ex ratione valetudinis suæ cognoscat. Fere tamen (nisi ubi nominatim, ut postea fiat, id præcipietur) moto sudore (e) leniter corpus perungendum, deinde in aquam calidam demittendum est. Atque hic quoque habenda virium ratio est: neque committendum, ut per æstum anima deficiat; sed maturius is auferendus, curioseque vestimentis involvendus est, ut ne ad eum frigus adspiret: & ibi quoque, antequam aliquid adsumat, insudet.

Fomenta quoque calida sunt, milium, sal, arena; quodlibet eorum calefactum, & in linteum coniectum; etiam solum linteum, si minore vi opus est: at si maiore, extincti titiones, involutique panniculis, & sic circumdati. Quinetiam calido oleo replentur (f) utriculi: & in vasa fictilia (quæ a similitudine lenticulas vocant) aqua conjicitur; & sal sacco lineo excipitur, demittiturque in aquam bene calidam, tum super id membrum, quod fovendum est, collocatur. Juxtaque ignem, ferramenta duo ignita sunt, capitibus paulo latioribus: alterum ex his demittitur in siccum salem, & aqua super leviter adspergitur; ubi frigere cœpit, ad ignem refertur: idem & in altero fit; deinde invicem in utroque: intereaque descendit falsus & calidus succus, qui contractis aliquo morbo nervis opitulatur.

His omnibus commune est, digerere id, quod vel præcordia onerat, vel fauces strangulat, vel in aliquo membro nocet. Quando autem quoque

(e) *I. De Morb. Mul. LVIII. 13.*

(f) *DIAGEN. LAERT. l. v. vit. ARISTOT. p. 117. ed. Lond. VALERIOLA observ. 1. observ. LI. in uxore partu difficili laborante.*

utendum sit, in ipsis morborum generibus dicetur.

CAP. XVIII.

Qui cibi, potionesve, aut valentis, aut mediæ, aut imbecillæ materiæ sint.

CUM de his dictum sit, quæ detrahendo juvant: ad ea veniendum est, quæ nos alunt, id est cibum, & potionem. Hæc autem non omnium tantum morborum, sed etiam secundæ valetudinis communia præsidia sunt. Pertinetque ad rem, omnium proprietates nosse: primum, ut fani sciant, quomodo his utantur: deinde, ut exsequentibus nobis morborum curationes, liceat species rerum, quæ adsumendæ necessario erunt, subicere: neque necesse sit subinde singulas eas nominare.

Scire igitur oportet, omnia legumina, quæque ex frumentis panificia sunt, generis valentissimi esse (valentissimum voco, in quo plurimum alimenti est): item omne animal quadrupes domesticum; omnem grandem feram, quales sunt caprea, cervus, aper, onager; omnem grandem avem, quales sunt anser, & pavo, & grus; omnes belluas marinas, ex quibus cetus est, quæque his pares sunt: item mel, & caseum. Quominus mirum est, opus pistorium valentissimum esse, quod ex frumento, adipe, melle, casco (a) constat.

(a) II. Diat. XXI. 10.

In media vero materia numerari ex oleribus debere ea, quorum radices, vel bulbos adsumimus: ex quadrupedibus, leporem: aves omnes a minimis ad phœnicopterum: item pisces omnes, qui salem non patiuntur, solidive saliantur. Imbecillissimam vero materiam esse, omne olus, & quicquid in cauliculo (b) nascitur, qualis est cucurbita, & cucumis, & capparitis, omnia (c) poma, oleas, cochleas, itemque conchyilia.

Sed quamvis hæc ita discreta sint, tamen etiam, quæ sub eadem specie sunt, magna discrimina recipiunt; aliaque res alia vel valentior est, vel infirmior. Siquidem plus alimenti est in pane, quam in ullo alio. Firmius est (d) triticum, quam milium: idipsum, quam hordeum: & ex tritico firmissima filigo; deinde simila; deinde cui nihil ademptum est, quod (e) *αὐτόπυρον* Græci vocant: infirmior est, ex polline: infirmissimus, cibarius panis.

Ex leguminibus vero valentior faba, vel lentacula, quam pisum. Ex (f) oleribus valentior rapa, napique, & omnes bulbi (in quibus cepam quoque, & allium numero), quam pastinaca, vel quæ specialiter radícula adpellatur. Item firmior brassica, & beta, & porrum, quam lactuca, vel cucurbita, vel asparagus.

At ex fructibus furculorum valentiores uvæ, ficus, nuces, palmulæ, quæque poma proprie no-

(b) PATIN. p. 282. 283. & 287.

(c) ID. *ibid.*

(d) II. *De Diet.* X. I. ATHEN. *Deipn.* III. 30. pag. 115.

(e) IDEM *ibid.* cap. 28.

(f) II. *Diet.* XXIV.

minantur. Atque ex his ipsis firmiora, quæ succosa, quam quæ fragilia sunt.

Item ex his (g) avibus, quæ in media specie sunt, valentiores eæ, quæ pedibus, quam quæ volatu magis nituntur: & ex his, quæ volatu fiunt, firmiores sunt grandiores aves, quam minutæ, ut ficedula & turdus. Atque eæ quoque, quæ in aqua degunt, leviorum cibum præstant, quam quæ natandi scientiam non habent.

Inter domesticas vero quadrupedes, levissima fuilla est; gravissima, bubula. Itemque ex feris, quo majus quodque animal, eo robustior ex eo cibus est (h).

Pisciumque eorum, qui ex media materia sunt, quamvis maxime utimur, tamen gravissimi sunt; tum ex quibus salsamenta quoque fieri possunt, qualis lacertus est; deinde hi, qui, quamvis teneriores, tamen duri sunt, ut aurata, corvus, sparus, oculata; tum plani: post quos etiam leviores sunt, lupi, mulque; & post hos, omnes faxatiles.

Neque vero in generibus rerum tantummodo discrimen est, sed etiam in ipsis: quod & ætate fit, & membro, & solo, & cælo, & habitu. Nam quadrupes vel omne animal si lactens est, minus alimenti præstat: itemque quo tenerior pullus cohortalis est. In piscibus quoque media ætas, quæque nondum summam magnitudinem implevit. Deinde ex eodem sue, ungulæ, rostrum, aures, cerebellum. Ex agno, hœdove, cum petiolis totum (i) caput aliquanto, quam cætera membra,

(g) II. *Diat.* XVII.

(h) II. *Diat.* XVIII.

(i) II. *Diat.* XXI. 2.

leviora sunt; adeo ut in media materia poni possint. Ex avibus, colla, alæve recte infirmis annumerantur.

Quod ad solum vero pertinet, frumentum quoque valentius est collinum, quam campestre. Levior (k) piscis inter saxa editus, quam in arena; levior in arena, quam in limo. Quo fit, ut ex stagno, vel lacu, vel (l) flumine eadem genera graviora sint. Leviorque, qui in alto, quam qui in vado vivit. Omne etiam ferum (m) animal domestico levius; & quodcumque humido cœlo, quam quod sicco natum est.

Deinde eadem omnia pingua, quam macra; recentia, quam falsa; nova, quam vetusta, plus alimenti habent. Tum res eadem magis alit jumentum, quam assa; magis assa, quam frixa. Ovum durum valentissimæ materiæ est; molle, vel forbile, imbecillissimæ. Cumque panificia omnia firmissima sint, elota tamen quædam genera frumenti, ut alica, oryza, ptisana, vel ex iisdem facta forbitio, vel pulticula, & aqua quoque madens panis, imbecillissimis annumerari potest.

Ex potionibus vero, quæcunque ex frumento facta est, itemque lac, mulsum, defrutum, passum, vinum aut dulce, aut vehemens, aut mustum, aut magnæ vetustatis, valentissimi generis est. At acetum, & id vinum quod (n) paucorum annorum, vel austerum, vel pingue est, in media materia est. Ideoque infirmis nunquam ejus generis dari debet. Aqua omnium imbecillissima

(k) II. Diet. XVII. 9. ATHENÆUS Deipn. VII. c. 15.

(l) II. Diet. XIX. 1.

(m) II. Diet. XX.

(n) PATIN. p. 299.

est. Firmiorque ex frumento potio est, quo firmius fuit ipsum frumentum: firmior ex eo vino, quod bono solo, quam quod tenui; quodque temperato coelo, quam quod aut nimis humido, aut nimis sicco, nimiumque aut frigido, aut calido natum est. Mulfum, quo plus mellis habet; defrutum, quo magis decoctum; passum, quo ex ficcioris uva est, eo valentius est (o).

Aqua levissima (p) pluvialis est; deinde fontana, tum ex flumine, tum ex puteo; posthæc ex nive, aut glacie; gravior his, ex lacu; gravissima, ex palude. Facilis etiam, & necessaria cognitio est naturam ejus requirentibus. Nam levis, pondere adparet; & ex his, quæ pondere pares sunt, eo melior quæque est, quo celerius (q) & calefit & frigescit; quoque celerius ex ea legumina percoquantur.

Fere vero sequitur, ut, quo valentior quæque materia est, eo minus facile concoquatur; sed si concocta est, plus alat. Itaque utendum est materiæ genere pro viribus; modusque omnibus pro genere sumendus. Ergo imbecillis hominibus, rebus infirmis opus est: mediocriter firmos, media materia optime sustinet: & robustis apta validissima est. Plus deinde aliquis adsumere ex levioribus potest: in his magis, quæ valentissima sunt, temperare sibi debet.

(o) *Aque bonæ malæve signa enumerantur a CA-
SAUBONO in ATHENÆUM Animadv. L. II. c. 7.*

(p) *PALLAD. R. R. I. 17. COLUM. de R. R. I. 5.*

(q) *Aph. V. 26.*

C A P. XIX.

*Quæ natura ac proprietas cujusque rei sit, quæ
vescimur.*

NEQVE hæc sola discrimina sunt; sed etiam aliæ res boni succi, aliæ mali sunt; quæ *εὔχυμα*, & *κακόχυμα* Græci vocant: aliæ lenes, aliæ acres: aliæ crassio rem pituitam in nobis faciunt, aliæ tenuiorem: aliæ idoneæ sunt stomacho, aliæ alienæ. Itemque aliæ inflant, aliæ ab hoc absunt: aliæ calefaciunt, aliæ refrigerant: aliæ facile in stomacho acescunt, aliæ non facile intus corrumpuntur; aliæ movent alvum, aliæ supprimunt: aliæ citant urinam, aliæ tardant: quædam somnum movent, quædam sensus excitant. Quæ omnia ideo noscenda sunt, quoniam aliud alii, vel corpori, vel valetudini, convenit.

C A P. XX.

De his, quæ boni succi sunt.

BONI succi sunt, triticum, filigo, alica, oryza, amyllum, tragus, ptisana (a), lac, caseus mollis, omnis venatio, omnes aves, quæ ex media materia sunt: ex majoribus quoque hæ, quas supra nominavimus: medii inter teneros durosque pisces, ut mullus, & lupus: olera, lactuca, urtica, malva, cucumis, cucurbita, portula-

(a) VARRO R. R. II. 11.

ea, cochleæ, palmulæ: ex pomis quodcumque neque acerbum, neque acidum est: vinum dulce, vel lene, passum, defrutum, oleæ, quæve ex his duobus in alterutro servatæ sunt (b): vulvæ, rostra (c), trunculique suum, omnis pinguis caro, omnis glutinosa, omne jecur, ovum forbile.

CAP. XXI.

De his, quæ mali succi sunt.

MALI vero succi sunt, milium, panicum, hordeum, legumina, caro domestica permacra, omnisque caro falsa, omne (a) falsamentum, garum, vetus caseus, fiser, radiculæ, rapa; napi, bulbi, brassica, magisque etiam cyma ejus, asparagus, beta, cucumis, porrum, eruca, nasturtium, thymum, nepeta, fatureia, hyssopum, ruta, anethum, fœniculum, cuminum, anisum, lapathum, sinapi, allium, cepa, lienes, renes, intestina, pomum quodcumque acidum vel acerbum est, acetum, omnia acria, acida, acerbæ, oleum (b), pisces quoque saxatiles, omnesque, qui ex tenerrimo genere sunt, aut hi, qui rursus nimium duri virosique sunt, ut fere quos stagna, lacus, limosive rivi ferunt, quive in nimiam magnitudinem exceßerunt.

(b) PLIN. *Ep. l. i. Ep. 15.*

(c) In TYRON. *notis occurrit vox Trunculus p. 167.*

(a) ATHEN. *Deipn. III. c. 31. p. 116.*

(b) *Refutat CELSUM NONN. de Re Cibar. lib. 3. c. 13. p. 319.*

C A P. XXII.

Quæ res lenes, quæve acres sint.

LENES autem sunt, sorbitio, pulticula, laganum, amyllum, ptisana, pinguis caro, & quæcunque glutinosa est, quod fere quidem in omni, quæ domestica, fit, præcipue tamen in ungulis, trunculisque suum, in petiolis capitulisque hædorum & vitulorum & agnorum, omnibusque cerebellis. Item lac, &, quæ propria (a) dulcia nominantur, defrutum, passum; nuclei pinei.

Acria sunt, omnia nimis austera, omnia acida, omnia falsa; & mel quidem, quo melius est, eo magis. Item allium, cepa, eruca, ruta, nasturtium, cucumis, beta, brassica, asparagus, sinapi, radícula, intubus, ocimum, lactuca, maximaque olerum pars.

C A P. XXIII.

De his, quæ crassiores, quæve tenuiores pituitas faciunt.

CRASSIOREM autem pituitam faciunt, ova sorbilia, alica, oryza, amyllum, ptisana, lac, bulbi, omniaque fere glutinosa. Extenuant eandem, omnia falsa, atque acria, & acida.

(a) *An non proprie?* ILL. HALL.

CAP. XXIV.

De his, quæ stomacho idonea sunt.

STOMACHO autem apta sunt, quæcunque saultera sunt, & quæ acida, quæque contacta sale modico sunt. Item panis sine fermento, & elota alica, vel oryza, vel ptisana; omnis avis, omnis venatio; atque utraque vel assa, vel elixa: Ex domesticis animalibus bubula: si quid ex cæteris sumitur, macrum potius, quam pingue: ex sue, ungulæ, rostra, aures, vulvæque iteriles. Ex oleribus, intuba, lactuca, pastinaca, cucurbita elixa, sifer: ex pomis, cerasum, morum, sorbum, pirum fragile, quale crustuminum vel Nævianum est: item pira, quæ ponuntur, Tarentina, atque Signina; malum orbiculatum, aut Scandianum, vel Amerinum, vel cotoneum (a) vel Punicum: apsinthium, murices, purpuræ, cochleæ, uvæ ex olla, molle ovum, palmulæ, nuclei pinei (b), oleæ albæ ex (c) dura muria, eadem aceto intinctæ, vel nigræ, quæ in arbore bene permaturuerunt, vel quæ in passio, defrutove versatæ sunt, vinum austerum, licet jam asperum sit, item resinatum: duri ex media materia pisces, ostrea, pectines, murices, purpuræ, cochleæ: cibi, potionesque frigidæ, vel fervidæ.

(a) Suspecta vox. ILL. HALLERO.

(b) MERCURIAL. Var. Lect. I. 3.

(c) MERCURIAL. Var. Lect. II. 26: sed refutatur a L. NONNIO de Re Cibar. L. 3. c. 45. p. 421.

C A P. XXV.

Quæ res alienæ stomacho sint.

ALIENTA vero stomacho sunt, omnia tepida, omnia falsa, omnia jurulenta, omnia (a) prædulcia, omnia pingua, sorbitio, panis fermentatus, idemque vel ex milio, vel ex hordeo, oleum, radices olerum, & quodcunque olus ex oleo garove estur, mel, mulsium, defrutum, passum, lac, omnis caseus, uva recens, ficus & viridis & arida, legumina omnia, quæque inflare consueverunt: item thymum, nepeta, satureia, hyssopum, nasturtium, lapathum, lampfana, juglandes. Ex his autem intelligi potest, non, quicquid boni succi est, protinus stomacho convenire; neque quicquid stomacho convenit, protinus boni succi esse.

C A P. XXVI.

De his, quæ inflant.

INFLANT autem, omnia fere legumina, omnia pingua, omnia prædulcia, omnia jurulenta, multum, atque etiam id vinum, cui nihil adhuc ætatis accessit: ex oleribus, allium, cepa, brassica, omnesque radices, excepto sisere & pasti-

(a) CALVIS. apud SOSIP. CHARIS. *Instit. Gram.* l. 1.

haca, bulbi, ficus etiam aridæ, sed magis virides, uvæ recentes, nuces omnes, exceptis nucleis pineis, lac, omnisque (b) caseus, quicquid denique subcrudum aliquis adsumpsit.

De his, quæ minime inflant.

Minima inflatio fit ex venatione, aucupio, piscibus, pomis, oleis, conchyliis, ovīs vël molli-
bus vel forbilibus, vino vetere. Fœniculum vero,
& anethum, inflationes etiam levant.

C A P. XXVII.

De his, quæ calefaciunt, aut refrigerant.

AT calefaciunt, piper, sal, caro omnis jura-
lenta, allium, cepa, ficus arida, falsamen-
tum, vinum, & quo meracius est, eo magis.

Refrigerant, olera, quorum crudi caules adsu-
muntur, ut intubus, & lactuca: itemque corian-
dum, cucumis, elixa cucurbita, betâ, mora, ce-
rasa, mala austera, pira fragilia, caro elixa, præ-
cipueque acetum, sive cibus ex eo, sive potio ad-
sumitur.

(b) *De Viâ. Acut.* LIX. §.

C A P. XXVIII.

De his, quæ intus facile corrumpuntur.

FACILE autem intus corrumpuntur, panis fermentatus, & quisquis alius quam ex tritico est, & omne pistorium opus, lac, mel; itemque lactentia atque teneri pisces, ostrea, olera, caseus & recens & vetus, crassa vel tenera caro, vinum dulce, mulsum, defrutum, passum; quicquid denique vel jurulentum est, vel nimis dulce, vel nimis tenue.

De his, quæ intus minime vitiantur.

At minime intus vitiantur, panis sine fermento, aves, & eæ potius duriores, duri pisces, neque solum aurata puta, aut scarus, sed etiam loligo, locusta, polypus: item bubula, omnisque dura caro; eademque aptior est, si macra, si salsa est; omniaque falsamenta: cochleæ, murices, purpuræ: vinum austerum, vel refinatum.

C A P. XXIX.

De his, quæ alvum movent.

AT alvum movent, panis fermentatus, magisque si (a) cibarius vel hordeaceus est;

(a) VICTOR. *Variar. Lect.* I. 22.

brassica, si subcruda est, lactuca, anethum, nasturtium, ocimum, urtica, portulaca, radícula, capparís, allium, cepa, malva, lapathum, beta, asparagus, cucurbita, cerasa, mora, poma omnia mitia, ficus etiam arida, sed magis viridis, uvæ recentes pingues, minutæ aves, cochleæ, garum, fassamentum, ostrea, pelorides, echini, musculi, & omnes fere conchulæ, maximeque jus earum; saxatiles, & omnes teneri pisces, sepiarum atramentum; si qua caro adsumitur pinguis, eadem vel jurulenta, vel elixa; aves, quæ natant; mel crudum, lac, lactentia omnia, mulsum, vinum dulce vel falsum, aqua, omnia tenera, tepida (b), dulcia, pingua, elixa, jurulenta, falsa, diluta.

C A P. XXX.

De his, quæ alvum adstringunt.

CONTRA adstringunt, panis ex filigine, vel ex simila; magis, si sine fermento est; magis etiam si tostus est; intenditurque vis ejus etiam, si bis coquitur: pulticula vel ex alica, vel ex panico, vel ex milio; itemque ex iisdem forbitio; & magis, si hæc ante fricta sunt: lenticula, cui vel beta, vel intubus, vel ambubeja, vel plantago adjecta est; magisque etiam, si illa ante fricta est: per se etiam intubus, vel ex plantagine, vel (a) ambubeja fricta; minuta olera, brassica bis decocta; dura ova; magisque, si assa

(b) ATHEN. *Deipn.* III. 33.

(a) SALM. *Exerc. PLIN.* pag. 583. a F. ed. Ultraj.

sunt: minutæ aves, merula, palumbes; magisque, si in posca decocta est: grus, omnesque aves, quæ magis currunt, quam volant; lepus, caprea; jecur ex his, quæ sebum habent, maximeque bubulum, ac sebum ipsum (b): caseus, qui vehementior vetustate fit, vel ea mutatione, quam in eo transmarino videmus; aut si recens est, ex melle, mulsove decoctus: item mel coctum, pira immatura, sorba, magisque ea, quæ torminalia vocantur, mala cotonea, & punica, oleæ vel albæ vel præmaturæ, myrta, palmulæ, purpuræ, murices, vinum resinatum vel asperum, item meracum, acetum, mulsum quod inferbuit, asperum item defrutum, passum, aqua vel tepida vel præfrigida, dura, id est, ea quæ tarde (c) putrescit, ideoque pluviatilis potissimum: omnia dura, macra, austera, aspera, tosta, & in eadem carne, assa potius, quam elixa.

C A P. XXXI.

De his, quæ urinam movent.

URINAM autem movent, quæcunque in horto nascentia boni odoris sunt, ut apium, ruta, anethum, ocimum, mentha, hyssopum, anisum, coriandrum, nasturtium, eruca, fœniculum; præter hæc, asparagus, capparis, nepeta, thymum, fatureia, lampfana, pastinaca, magisque agrestis, radícula, sifer, cepa. Ex venatione, ma-

(b) *De Viâ. Acut.* LIX. 5.

(c) *Al.* putrescit.

xime lepus, vinum tenue, piper & rotundum & longum, sinapi, absinthium, nuclei pinci.

CAP. XXXII.

De his, quæ ad somnum apta sunt.

SOMNO vero aptum est papaver, lactuca, maximeque æstiva, cujus cauliculus jam lacte repletus est, morum, porrum.

De his, qua sensum excitant.

Sensus vero excitant, nepeta, thymum, fatureia, hyssopum, præcipueque pulegium, ruta, & cepa.

CAP. XXXIII.

De his, quæ materiam evocant.

EVOCARE vero materiam multa admodum possunt: sed ea, cum ex peregrinis medicamentis maxime consent, aliisque magis, quam quibus ratione victus succurritur, opitulentur, in præsentia differam: ponam vero ea, quæ prompta, & his morbis, de quibus protinus dicturus sum, apta, corpus erodunt, & sic ex eo, quidquid mali est, extrahunt. Habent autem hanc facultatem, semina erucæ, nasturtii, radiculæ; præcipue tamen omnium, sinapis. Salis quoque & fici eadem vis est.

De his, quæ reprimunt.

Leniter vero simul & reprimunt & molliunt, lana fuccida, ex aceto vel vino, cui oleum adjectum est; contritæ palmulæ; furfures in falsa aqua vel aceto decocti.

At simul reprimunt & refrigerant, herba muralis (parthenium vel perdicium adpellant) ferpyllum, pulegium, ocimum, herba fanguinalis (quam Græci πολύγονον vocant) portulaca, papaveris folia, capreolique vitium, coriandri folia, hyoscyamum, muscus, sifer, apium, folanum (quam σφύγγον Græci vocant) brassicæ folia, intubus, plantago, fœniculi semen, contrita pira vel mala, præcipueque cotonea, lenticula, aqua frigida, maximeque pluvialis, vinum, acetum, & ex horum aliquo madens vel panis, vel farina, vel spongia, vel lacinia, vel lana fuccida, vel etiam linteolum, creta cimolia, gypsum, melinum, myrteum (a), rosa, acerbum oleum, verbenarum confusa cum teneris caulibus folia; cujus generis sunt olea, cupressus, myrtus, lentiscus, tamarix, ligustrum, rosa, rubus, laurus, hederæ, punicum malum.

Sine frigore autem reprimunt, cocta cotonea, malicorium, aqua calida, in qua verbenæ coctæ sunt, quas supra proposui, pulvis vel ex fece vini, vel ex myrti foliis, amaræ nuces.

De his, quæ calefaciunt.

Calefacit vero, ex qualibet farina cataplasma;

(a) PATIN. p. 328.

five ex tritici, five ex farris, five hordei, five ervi, vel lolii, vel milii, vel panici, vel lenticulæ, vel fabæ, vel lupini, vel lini, vel fœni græci, ubi ea deferbuit, calidaque imposita est. Valentior tamen ad id omnis farina est ex mulso, quam ex aqua, cocta. Præterea cyprinum, irinum; medulla, adeps ex fele juncta oleo, magisque, si vetus est; sal, nitrum, git, piper, quinquefolium.

De his, quæ durant, aut emolliunt.

Fereque, quæ vehementer & reprimunt & refrigerant, durant: quæ autem calefaciunt & digerunt, ea emolliunt: præcipueque ad emolliendum potest cataplasma ex lini vel fœni græci semine.

His autem omnibus, & simplicibus, & permixtis, varie medici utuntur, ut magis, quid quisque persuaferit sibi, adpareat, quam quid evidenter compererit.



LIBER TERTIUS.

CAP. I.

De morborum generibus.

PRÆVISIS omnibus, quæ pertinent ad universa genera morborum, ad singulorum curationes veniam. Hos autem in duas species Græci diviserunt; aliosque ex his acutos, alios longos esse dixerunt. Ideoque, quoniam non semper eodem modo respondebant, eosdem alii inter acutos, alii inter longos retulerunt. Ex quo plura eorum genera esse, manifestum est.

Quidam enim breves acutique sunt, qui cito vel tollunt hominem, vel ipsi cito finiuntur. Quidam longi, sub quibus neque sanitas in propinquo, neque exitium est. Tertiumque genus eorum est, qui modo acuti, modo longi sunt; idque non in febribus tantummodo, in quibus frequentissimum est; sed in aliis quoque fit. Atque etiam, præter hos, quartum est; quod neque acutum dici potest, quia non perimit; neque utique longum, quia, si occurritur, facile sanatur. Ego, cum de singulis dicam, cujus quisque generis sit, indicabo.

Dividam autem omnes in eos, qui in totis corporibus consistere videntur, & eos, qui oriuntur in partibus. Incipiam a prioribus, pauca de omnibus præfatus. In nullo quidem morbo plus fortuna sibi vindicare quam ars: ars, quam natura,

potest: utpote cum, repugnante (a) natura, nihil medicina proficiat. Magis tamen ignoscendum medico est parum proficienti in acutis morbis, quam in longis. Hic enim breve spacium est, intra quod, si quod auxilium non profuit, æger exstinguitur: ibi & deliberationi, & mutationi remediorum tempus patet; adeo ut raro; si inter initia medicus accessit, obsequens æger sine illius vitio pereat. Longus tamen morbus cum penitus insedit, quod ad difficultatem pertinet, acuto par est. Et acutus quidem, quo vetustior est; longus autem, quo recentior, eo facilius curatur.

Alterum illud ignorari non oportet, quod non omnibus ægris eadem auxilia conveniunt. Ex quo incidit, ut alia atque alia summi authores, quasi sola, venditaverint, prout cuique cesserant. Oportet itaque, ubi aliquid non respondet, non tanti putare authorem, quanti ægrum, & experiri (b) aliud atque aliud. Sic tamen, ut in acutis morbis cito mutetur, quod nihil prodest: in longis, quos tempus, ut facit, sic etiam solvit, non (c) statim condemnetur, si quid non statim profuit: minus vero removeatur, si quid paulum saltem juvat; quia profectus tempore expletur.

(a) HIPPOCRAT. *Lex. T. II.* 10. SENECA *de Tranq. An. c. VI.*

(b) HIPPOCRAT. *de A. T. XX. 6.*

(c) PHILO *Judaus de JOSEPHO pag. 331. ed. 1631.*

(d) COEL. AURELIAN. *Tard. Pass. IV. 3. pag. 454.*

C A P. II.

Quomodo morbi cognoscantur, & an increſcant, an minuantur; & qua ratione ab initio, qui languere incipit, curari debeat.

PROTINUS autem inter initia ſcire facile eſt, quis acutus morbus, quis longus ſit: non in his ſolum, in quibus ſemper ita ſe habet; in his quoque, in quibus variat. Nam ubi ſine intermiſſionibus acceſſiones & dolores graves urgent, acutus morbus eſt. Ubi lenti dolores, lentæve febres ſunt, & ſpatia inter acceſſiones porriguntur, acceduntque ea ſigna, quæ in priore (a) volumine expoſita ſunt, longum hunc futurum eſſe, maniſeſtum eſt.

Videndum etiam eſt, morbus an increſcat, an conſiſtat, an minuat: quia quædam remedia increſcentibus morbus, plura inclinatis conveniunt. Eaque, quæ creſcentibus apta ſunt, ubi acutus increſcens urget, in remiſſionibus potius experienda ſunt.

Increſcit autem morbus, dum gravioreſ dolores, acceſſioneſque veniunt; hæque & ante, quam proximæ, revertuntur, & poſtea deſinunt. Atque in longis quoque morbis, etiam tales notas non habentibus, ſcire licet, increſcere, ſi ſomnus incertus eſt, ſi deterior concoctio, ſi fetidiores dejectiones, ſi tardior ſenſus, ſi pigrior mens, ſi percurrit corpus frigus aut calor,

(a) II. c. v.

¶ id magis pallet. Ea vero, quæ contraria his sunt, decedentis ejus notæ sunt.

Præter hæc, in acutis (b) morbis ferius æger alendus est, nec nisi jam inclinatis; ut inedia, dempta materia, impetum frangat. In longis maturius, ut sustinere spatium adfecturi mali possit. At, si quando is non in toto corpore, sed in parte est; magis tamen ad rem pertinet, vim totius corporis moliri, quam partis; cum per eam partes ægræ sanentur. Multum etiam interest, ab initio quis recte curatus sit, an perperam: quia curatio minus his prodest, in quibus assidue frustra fuit. Si quis temere habitus, adhuc integris viribus vivit, admota curatione, momento restituitur.

Sed cum ab his cœperim, quæ notas quasdam futuræ adversæ valetudinis exhibent, curationum quoque principium ab animadversione ejusdem temporis faciam. Igitur, si quid ex his, quæ proposita sunt, incidit, omnium optima sunt, (c) quies & abstinentia: si quid bibendum, aqua; idque interdum uno die fieri satis est; interdum si terrentia manent, biduo: proximeque abstinentiam sumendus est cibus exiguus, bibenda aqua, postero die etiam vinum, deinde invicem alternis diebus, modo aqua, modo vinum, donec omnis causa metus finiatur; per hæc enim sæpe instans gravis morbus discutitur.

Plurimique falluntur, dum se primo die protinus subluros languorem, aut exereitatione, aut balneo, aut coacta dejectione, aut vomitu,

(b) *Aph.* I. 4. § 10.

(c) *LI V.* 22. c. 18.

aut sudationibus, vino sperant; non quod non interdum id incidat, aut non decipiat, sed quod sæpius fallat; solaque abstinencia sine ullo periculo medeatur. Cum præsertim etiam pro modo terroris moderari liceat: &, si leviora indicia fuerunt, satis sit a vino tantum abstinere, quod subtractum plus, quam si cibo aliquid dematur, adjuvat: si paulo graviora, satis sit, non aquam tantum bibere, sed etiam cibo carnem subtrahere: interdum panis quoque minus, quam pro consuetudine adsumere, humidoque cibo esse contentum, & olere potissimum. Satisque sit, tum ex toto a cibo, a vino, ab omni motu corporis abstinere, cum vehementes notæ terruerunt. Neque dubium est, quin vix quisquam, qui non dissimulavit, sed per hæc mature morbo occurrat, ægrotet.

C A P. III.

De Febrium generibus.

ATQUE hæc quidem sanis facienda sunt, tantum causam metuentibus; sequitur vero curatio febrium, quod & in toto corpore, & vulgare maxime morbi genus est. Ex his una (a) quotidiana, altera tertiana, altera quartana est. Interdum etiam longiore circuitu quædam redeunt, sed id raro evenit. In prioribus, & morbi sunt, & medicina.

Ac quartanæ quidem (b) simpliciores sunt.

(a) *I. Epidem. III. 14. &c.*

(b) *Ibidem 17.*

Incipiunt fere ab horrore; deinde calor erumpit; finitaque febre biduum integrum est; ita quarto die revertitur.

Tertianarum vero duo genera sunt. Alterum eodem modo, quo quartana, & incipiens, & desinens; illo tantum interposito discrimine, quod unum diem præstat integrum, tertio redit. Alterum longe perniciosius, quod tertio quidem die revertitur, ex octo autem & quadraginta horis fere sex & triginta per accessionem occupat (interdum etiam vel minus, vel plus), neque ex toto (c) remissione desistit; sed tantum levius est. Id genus plerique medici *ἡμικριταῖον* appellant.

Quotidianæ vero variæ sunt, & multiplices. Aliæ enim protinus a calore incipiunt, aliæ a frigore, aliæ ab horrore. Frigus voco, ubi extremæ partes membrorum inalgescunt: horrorem, ubi totum corpus intremitt. Rursus aliæ sic desinunt, ut ex toto sequatur integritas: aliæ sic, ut aliquantum quidem minuatur ex febre, nihilominus tamen quædam reliquiæ remaneant, donec altera accessio accedat: ac sæpe aliæ vix quicquam aut nihil remittunt, sed ita, ut cœpere, continuant. Deinde, aliæ fervorem ingentem habent, aliæ tolerabilem: aliæ quotidie pares sunt, aliæ impares; atque invicem altero die leniores, altero vehementiores: aliæ tempore eodem postridie revertuntur, aliæ vel serius vel celerius: aliæ diem noctemque accessione & decessione implent, aliæ minus, aliæ plus; aliæ, cum decedunt, sudorem movent, aliæ non movent; atque alias per sudorem ad integritatem venit, &

(c) *Est proprium verbum medicorum, GRONOV. ad SENECA. Epist. 53.*

alias corpus tantum imbecillius redditur. Accessiones etiam, modo singulæ singulis diebus fiunt, modo binæ pluresve concurrunt. Ex quo sæpe evenit, ut quotidie plures accessiones remissionesque sint; sic tamen, ut unaquæque alicui priori respondeat.

Interdum vero accessiones quoque confunduntur, sic ut notari neque tempora earum, neque spatia possint. Neque verum est, quod dicitur, a quibusdam, nullam febrem inordinatam esse, nisi aut ex vomica, aut ex inflammatione, aut ex ulcere. Facilior enim semper curatio foret, si hoc verum esset; nam, quod evidentes causæ faciunt, facere etiam abditæ possunt. Neque de re, sed de verbo controversiam movent, qui, cum aliter aliterque in eodem morbo febres accedunt, non easdem inordinate redire, sed alias aliasque subinde oriri dicunt. Quod tamen ad curandi rationem nihil pertineret, etiamsi vere diceretur. Tempora quoque remissionum modo liberalia, modo vix ulla sunt.

C A P. IV.

De curationum diversis generibus,

ET febrium quidem ratio maxime talis est. Curationum vero diversa genera sunt, prout authores aliquos habent. ASCLEPIADES officium esse medici dicit; *ut tuto, ut celeriter, ut jucunde curet*. Id votum est: sed fere periculosa esse nimia & festinatio & voluptas solet. Qua vero moderatione utendum sit, ut quantum fieri potest, omnia ista contingant, prima semper
habita

habita salute, in ipsis partibus curationem considerandum erit.

Et ante omnia quæritur, primis diebus æger qua ratione continendus sit. Antiqui, medicamentis quibusdam datis, concoctionem moliebantur; eo quod (a) cruditatem maxime horrebant: deinde eam materiam, quæ lædere videbatur, ducendo sæpius alvum subtrahebant. ASCLEPIADES medicamenta sustulit; alvum non toties, sed fere tamen in omni morbo, subduxit. Febre vero ipsa præcipue se ad remedium uti professus est. Convellendas etiam vires ægri putavit, luce, vigilia, siti ingenti; sic, ut ne os quidem primis diebus elui fineret. Quo magis falluntur, qui per omnia jucundam ejus disciplinam esse concipiunt. Etenim ulterioribus quidem diebus cubantis etiam luxuriæ subscripsit, primis vero tortoris vicem exhibuit.

Ego autem, medicamentorum dari potiones, & alvum duci non nisi raro debere, concedo. Et id non ideo tamen agendum, ut ægri vires convellantur, existimo: quoniam ex imbecillitate summum periculum est. Minui ergo tantum materiam superantem oportet; quæ naturaliter digeritur, ubi nihil novi accedit. Itaque abstinendus a cibo primis diebus est, & in luce habendus æger (nisi infirmus) interdiu, quoniam corpus ista quoque digerit; isque cubare quam maximo conclavi debet.

Quod ad sitim vero somnumque pertinet, moderandum est, ut interdiu vigilet; noctu, si fieri potest, conquiescat: ac neque potest, ne-

(a) *Aph.* 1. 22.

que nimium siti crucietur. Os etiam ejus elui potest, ubi & siccum est, & ipsi foetet; quamvis id tempus aptum potioni non est. Commodique ERASISTRATUS dixit, sæpe, interiore parte hominem non requirente, os & fauces requirere; neque ad rem, male haberi ægrum, pertinere. Ac primo quidem sic tenendus est.

Optimum vero medicamentum est, opportune cibus datus; qui quando primum dari debeat, quæritur. Plerique ex antiquis tarde dabant, sæpe quinto die, sæpe sexto, & id fortasse vel in Asia, vel in Ægypto, cæli ratio patitur. ASCLEPIADES, ubi ægrum triduo per omnia fatigaverat, quartum diem cibo destinabat. At THEMISON nuper, non, quando cœpisset febris, sed quando desisset, aut certe levata esset, considerabat, &, ab illo tempore expectato die tertio, si non accesserat febris, statim: si accesserat, ubi ea vel desierat, vel, assidue inhærebat, si certe se inclinaverat, cibum dabat.

Nihil autem horum utique perpetuum est. Nam potest primo die primus cibus dandus esse, potest secundo, potest tertio, potest non nisi quarto, aut quinto; potest post unam accessione, potest post duas; potest post plures. Refert enim, qualis morbus sit, quale corpus, quale cælum, quæ ætas, quod tempus anni. Minimeque, in rebus multum inter se differentibus, perpetuum esse præceptum temporis potest. In morbo, qui plus virium aufert, celerius cibus dandus est: itemque eo (b) cælo, quo magis digerit. Ob quam causam in Africa

(b) *Aph.* I. 15.

ea nullo die æger abstinere recte videtur. Maturius etiam puero, quam juveni: ætate, quam hieme, dari debet (c).

Unum illud, & semper, & ubique servandum est, ut ægri vires subinde adsidens medicus inspiciat; & quamdiu supererunt, abstinencia pugnet; si imbecillitatem vereri cœperit, cibo subveniat. Id enim ejus officium est, ut ægrum^t, neque imbeciliorem fame perdat. Idque apud *Supervacuū* ERASISTRATUM quoque invenio: qui, quamvis pa-*matrinū* rum docuit, quando venter, quando corpus ip-*onach* sum exinanirétur; dicendo tamen, hæc esse videnda, & tum cibum dandum, cum corpori deberetur, fatis ostendit, dum vires superessent, dari non oportere; ne deficerent, consulendum esse.

Ex his autem intelligi potest, ab uno medico multos non posse curari: eumque, si artifex est, idoneum esse, qui non multum ab ægro recedit. Sed, qui quæstui serviunt, quoniam is major ex populo est, libenter amplectuntur ea præcepta, quæ sedulitatem non exigunt; ut in hac ipsa re. Facile est enim dies vel accessiones numerare his quoque, qui ægrum raro vident: ille adsideat necesse est, qui, quod solum opus est, visurus est, quando nimis imbecillus futurus sit, nisi cibum acceperit. In pluribus tamen ad initium cibi dies quartus aptissimus esse consuevit.

Est autem alia etiam de diebus (d) ipsis dubitatio, quoniam antiqui potissimum (e) impa-

(c) *Aph.* 1. 9.

(d) *I. Epidem.* III. *De Partu septim.* VII. VIII.

(e) *JULIAN. Imper. Epist.* pag. 207.

res sequebantur, eosque, tanquam tunc de ægris iudicaretur, *αριστος* (f) nominabant (g). Hi erant dies tertius, quintus, septimus, nonus, undecimus, quartusdecimus, unus & vigesimus; ita ut summa potentia septimo, deinde quarto-decimo, deinde uni & vigesimo daretur. Igitur sic ægros nutriebant, ut dierum imparium accessiones expectarent: deinde postea cibum, quasi levioribus accessionibus instantibus, darent: adeo ut HIPPOCRATES, (h) si alio die febris desisset, recidivam timere sit solitus.

Id ASCLEPIADES jure ut vanum repudiavit; neque in nullo die, quia par imparve esset, ægris vel majus vel minus periculum esse dixit. Interdum enim peiores dies pares sunt; & opportunius post februm accessiones cibus datur. Nonnumquam etiam in ipso morbo, dierum ratio mutatur; fitque gravior, qui remissior esse consueverat. Atque ipse quartusdecimus par est, in quo esse magnam vim antiqui fatebantur. Qui cum octavum primi naturam habere contendere, ut ab eo secundus septenarius inciperet, ipsi sibi repugnabant, non octavum, neque decimum, neque duodecimum diem sumendo, quasi potentior: plus enim tribuebant nono, & undecimo. Quod cum fecissent sine ulla probabili ratione, ab undecimo, non ad tertiumdecimum, sed ad quartumdecimum transibant. Est etiam apud HIPPOCRATEM, ei, quem septimus dies liberaturus sit, quartum esse gravissimum. Ita, illo quoque authore, in die pari &

(f) CÆL. AUREL. *Acut. Morb.* I. 14.

(g) *Aph.* II. 23. 24.

(h) *Aph.* IV. 61.

gravior febris esse potest, & certa futuri nota. Atque idem alio loco quartum quemque diem, ut in utrumque efficacissimum adprehendit; id est, quartum, septimum, undecimum, quartumdecimum, decimumseptimum; in quo ab impari ad paris rationem transit. Et ne in hoc quidem propositum conservavit: cum a septimo die undecimus, non quartus, sed quintus sit.

Adeo adparet, quacumque ratione ad numerum respexerimus, nihil rationis, sub illo quidem auctore, reperiri. Verum in his quidem antiquos tunc celebres admodum Pythagorici numeri fefellerunt: cum hic quoque medicus non numerare dies debeat, sed ipsas accessiones intueri; & ex his conjectare, quando dandus cibus sit.

Illud autem magis ad rem pertinet, scire, cibumne oporteat dari, cum jam bene venæ conquieverunt, aut etiamnum manentibus reliquiis febris. Antiqui enim quam integerrimis corporibus alimentum offerebant. ASCLEPIADES, inclinata quidem febre, sed adhuc tamen inhærente. In quo vanam rationem secutus est: non quod non sit interdum maturius cibus dandus, si mature timetur altera accessio: sed quod scilicet non nisi quam sanissimo dari debeat (i); minus enim corrumpitur, quod integro corpori infertur.

Neque tamen verum est, quod THEMISONI videbatur, si duabus horis integer futurus esset æger, satius tunc dare; ut ab integro corpore potissimum diduceretur. Nam si diduci tam celeriter posset, id esset optimum. Sed cum hoc breve tempus non præstet, satius est, principia cibi a decedente febre, quam reliquias ab incipiente excipi.

(i) *Aph.* I. 19.

Ita, si longius tempus secuturum est, quam integerrimo dandus est: si etiam breve antequam ex toto integer fiat. Quo loco vero integritas est, eodem est remissio, quæ maxime in febre continua potest esse.

At hoc quoque quæritur, utrum tot horæ expectandæ sint, quot febrem habuerunt: satis sit, primam partem earum præteriri, ut ægris jucundius insadat, quibus interdum non vacat. Tutissimum est autem ante totius accessionis tempus præterire: quamvis, ubi longa febris fuit, potest indulgeri ægro maturius, dum tamen ante minimum pars dimidia prætereatur. Idque non in ea sola febre, de qua proxime dictum est, sed in omnibus ita servandum est.

C A P. V.

*De Februm speciebus, & singularum curationibus:
& primo, quando cibus febricantibus dandus sit.*

HÆC magis per omnia genera februm perpetua sunt: nunc ad singulas earum species descendam. Igitur si semel tantum accessit, deinde desinit, eaque vel (a) inguine, vel ex lassitudine, vel ex æstu, aliave simili re fuit, sic, ut interior nulla causa metum fecerit, postero die, cum tempus accessionis ita transiit, ut nihil moveret, cibus dari potest.

(a) *Malim sanguine vel ingluvie, quomodo enim ex inguine posset oriri febris? dein enumerat causas externas, quas inter, inguen censer non potest.*

At, si ex alto calor venit; & gravitas vel capitis vel præcordiorum secuta est; neque adparet, quid corpus confuderit; quamvis unam accessionem secuta integritas est: tamen, quia tertiana timeri potest, expectandus est dies tertius; &, ubi accessionis tempus præteriit; cibus dandus est, sed exiguus; quia quartana quoque timeri potest. At die quarto demum, si corpus integrum est, eo cum fiducia utendum. Si vero postero, tertiove, aut quarto die secuta febris est; scire licet, morbum esse. Sed tertianarum, quartanarumque (quarum & certus circuitus, & finis integer, & liberaliter quietata tempora sunt) expeditior ratio est; de quibus suo loco dicam.

Nunc vero eas explicabo, quæ quotidie urgent. Igitur tertio quoque die cibus ægro commodissime datur; ut alter febrem minuat, alter viribus subveniat. Sed is dari debet, si quotidiana febris est, quæ ex toto desinat, simulatque corpus integrum factum est: sin, quamvis non accessiones, febres tamen junguntur, & quotidie quidem increseunt, sed sine integritate tamen remittunt, cum corpus ita se habet, ut major remissio non expectetur: si altero die gravior, altero levior accessio est, post graviolem. Fere vero graviolem accessionem levior (b) nox sequitur: quo fit, ut graviolem accessionem nox quoque tristior antecedit. At, si continuatur febris, neque levior unquam fit; & dari cibum necesse est, quando dari debeat, magna dissensio est.

Quidam, quia febre (c) remissius mutationem

(b) *Aph. II. 13.*

(c) CÆL. AUREL. *Morb. Chronic. II. 14. p. 427.*
 BUXTORF. *Lex. Chald. p. 540.*

tempus ægris est, tunc putant dandum. Quod si respondet, non quia mane est, sed quia remissio est ægris, dari debet. Si vero ne tunc quidem ulla requies ægris est, quia hoc ipso pejus id tempus est, quod, cum sua natura melius esse debeat, morbi vitio non est, simulque insequitur tempus meridianum, a quo cum omnis æger fere pejor fiat, timeri potest, ne ille magis etiam, quam ex consuetudine, urgeatur. Igitur alii vespere tali ægro cibum dant. Sed, cum eo (d) tempore fere pessimi (e) sint, qui ægrotant, verendum est, ne, si quid tunc moverimus fiat, aliquid asperius. Ob hæc alii differunt ad mediam noctem, decurso jam gravissimo tempore, eodemque longissime distante. Securius vero datur antelucanis horis; quibus omnes fere maxime dormiunt; deinde matutino tempore; quod natura sua levissimum est.

Si vero febres vagæ sunt: quia verendum est, ne cibum statim sublequantur; quandocunque quis ex accessione levatus est, tunc debet adsumere. At, si plures accessiones eodem die veniunt, considerare oportet, pares ne per omnia (quod vix fieri potest) an impares. Si per omnia pares sunt: post eam potius accessionem cibum dari debet, quæ non inter meridiem & vespere[m] desinit. Si impares sunt: considerandum est, quo distent. Nam si altera gravior, altera levior est, post gravio[re]m dari debet: si altera longior, altera brevior, post longiorem: si altera gravior, altera longior est, considerandum est, utra magis adfligat, illa vi, an hæc tempore, & post eam dandus est. Sed plane plurimum interest, quantæ qualesque inter eas re-

(d) CÆL. AUREL. A. M. L. I. c. 15. pag. 48.

(e) ACHILL. TATIUS de CLITOPHONT. pag. 21.

missiones sint. Nam, si post alteram febrem motio manet, post alteram integrum corpus est; integro corpore, cibo tempus aptius est.

Si semper febricula manet, sed alterum tamen longius tempus remissionis est; id potius eligendum est: adeo ut, ubi accessiones continuantur, protinus, inclinata priore, dandus cibus sit. Etenim perpetuum est, ad quod omne consilium dirigi potest; cibum quam maxime semper ab (f) accessione futura reducere: &, hoc salvo, dare quam integerrimo corpore. Quod non inter duas tantum, sed etiam inter plures accessiones servabitur.

Sed, cum sit aptissimum, tertio quoque die cibum dare; tamen, si corpus infirmum est, quotidie dandus: multoque magis, si continentes febres sine remissione sunt; quantoque magis corpus adfligit; aut si duæ pluresve accessiones eodem die veniunt. Quæ res efficit, ut & a primo die protinus cibus dari quotidie debeat, si protinus venæ conciderunt: & sæpius eodem die, si inter plures accessiones subinde vis corpori deest.

Illud tamen in his servandum est; ut post eas febres minus cibi detur, post quas, si per corpus liceret, omnino non daretur. Cum vero febris instet, incipiat, augeatur, consistat, decedat, deinde in decessione consistat, aut finiatur, scire licet, optimum cibo tempus esse febre finita: deinde, cum decessio ejus consistit: tertiam, si necesse est, quandocumque decedit: cætera omnia periculosa esse.

Si tamen propter infirmitatem necessitas urget, satius esse, consistente jam incremento febris, ali-

(f) *Aph. I. II.*

quid offerre, quam incrementum: fatius esse, instante, quam incipiente: cum eo tamen, ut nullo tempore is, qui deficit, non sit sustinendus.

Neque hercule satis est, ipsas tantum febres medicum intrare, sed etiam totius corporis habitum, & ad eum dirigere curationem; seu supersunt vires, seu defunt, seu quidam mali adfectus interveniunt. Cum vero semper ægros securos agere conveniat, ut corpore tantum, non etiam animo laborent: tum præcipue, ubi cibum sumperunt. Itaque, si qua sunt, quæ exasperatura eorum animos sunt; optimum est, ea, dum ægrotant, eorum notitiæ subtrahere: si id fieri non potest, sustinere tamen post cibum, postque somni tempus, & cum expectati sunt, tum exponere.

C A P. VI.

Quando potiones febricitantibus dari expediat.

SED de cibo facilius quidem cum ægris ratio est: quoniam sæpe stomachus hunc respuit, etiamsi mens concupiscit. De potione vero ingens pugna est; eoque magis, quo major febris est. Hæc enim sitim accendit, & tum maxime aquam exigit, cum illa periculosissima est. Sed docendus æger est, ubi febris conquieverit, protinus sitim quoque quieturam: longioremque accessum fore, si quod ei datum fuerit alimentum: ita celerius eum desinere sitire, qui non bibit. Necessè est tamen, quanto facilius etiam fami famem, quam sitim sustinent, tanto magis ægris in potione, quam in cibo indulgere. Sed

primo quidem die nullus humor dari debet: nisi subito sic venæ conciderunt, ut cibus quoque dari debeat. Secundo vero, cæterisque etiam, quibus cibus non dabitur, tamen, si magna sitis urgebit, potio dari potest.

Ac ne illud quidem, ab HERACLIDE TARENTINO dictum, ratione caret: ubi aut bilis ægrum, aut cruditas male habet, expedire quoque per modicas potiones misceri novam materiam corruptæ. Illud videndum est, ut, qualia tempora cibo leguntur, talia potioni quoque: ubi sine illo datur, deligantur, cum ægrum dormire cupiemus: quod fere sitis prohibet. Satis autem convenit, cum omnibus (a) febricitantibus nimius humor alienus sit, tum præcipue esse feminis, quæ ex partu in febres inciderunt.

Sed cum tempora cibo potionique febris & remissionis ratio det, non est expeditissimum scire, quando æger febricitet, quando melior sit, quando deficiat: sine quibus dispensari illa non possunt. Venis enim maxime credimus (b), fallacissimæ rei; quia sæpe istæ lentiores celerioresque sunt, & ætate, & sexu, & corporum natura. Et plerunque satis sano corpore, si stomachus infirmus est, nonnumquam etiam incipiente febre, subeunt & quiescunt: ut imbecillus is videri possit, cui facile laturo gravis instat accessio. Contra sæpe eas concitat & resolvit sol, & balneum, & exercitatio, & metus, & ira, & quilibet alius animi adfectus; adeo ut, cum primum medicus venit, sollicitudo ægri dubitantis, quomodo illi se

(a) *Aphor. I. 16.*

(b) *PANCIROLE observ. IV.*

habere videatur, eas movet. Ob quam causam (c), periti medici est, non protinus ut venit, apprehendere manu brachium : sed primum residere hilari vultu, percunctarique, quemadmodum se habeat; &, si quis ejus metus est, eum probabili sermone lenire; tum deinde ejus carpo manum admovere. Quas venas autem conspectus medici movet, quam facile mille res turbant!

Altera res est, cui credimus, calor, æque fallax. Nam hic quoque excitatur æstu, labore, somno, metu, sollicitudine.

Igitur intueri quidem etiam ista oportet : sed his non omnia credere. Ac protinus quidem scire, non febricitare eum, cujus venæ naturaliter ordinatæ sunt, teporque talis est, qualis esse sanis solet : nec protinus etiam sub calore motuque febrem sese concipere : sed ita, si summa quoque arida inæqualiter cutis est; si calor & in fronte est, & ex intimis præcordiis oritur; si spiritus ex naribus cum fervore prorumpit; si color, aut rubore, aut pallore novo mutatus est; si oculi graves, & aut persicci, aut subhumidi sunt; si sudor, cum sit, inæqualis est; si venæ non æquis intervallis moventur. Ob quam causam medicus neque in tenebris, neque a capite ægri debet residere; sed illustri loco adversus eum, ut omnes notas, ex vultu quoque cubantis perspiciat.

Ubi vero febris fuit, atque decrevit, spectare oportet, num tempora, partesve corporis aliæ paulum madescant, quæ sudorem venturum esse testentur. Ac si qua ejus nota est, tunc demum dare potui calidam aquam; cujus salubris effectus

(c) *De decent. ornatu* T. IX. X. PALLAD. *Sophist.* in *L. V. Epidem.* pag. m. 201. ACTUAR. *de M. M.* II. 1.

est, si sudorem per omnia membra diffundit. Hujus autem rei causa, continere æger sub veste satis multa manus debet; eademque crura, pedesque contegere: qua mole plerique ægros in ipso impetu febris, potissimeque ubi ardens ea est, male habent. Si sudare corpus cœpit, linteum tepescere oportet, paulatimque singula membra detergere. At ubi fudor omnis finitus est, aut si is non venit, ubi quam maxime tepuit, & idoneus esse cibo æger videtur, sub veste leniter ungendus est, tum detergendus, deinde ei cibus dandus.

Cibus (*d*) autem febricitantibus humidus est aptissimus, aut humori certe quam proximus: utique ex materia quam levissima; maximeque (*e*) sorbitio: eaque, si magnæ febres fuerunt, quam tenuissima esse debet. Mel quoque despumatum huic recte adjicitur, quo corpus magis nutriatur: sed id, si stomachum offendit, supervacuum est, sicut ipsa quoque sorbitio. Dari vero in vicem ejus potest, vel intrita ex aqua calida, vel alica elota; si firmus est stomachus, & compressa alvus, ex aqua mulsa; si vel ille languet, vel hæc profluit, ex posca.

Et primo quidem cibo ita satis est: secundo vero aliquid adjici potest, ex eodem tamen genere materiæ, vel olus, vel conchylium, vel pomum. At, dum febres quidem crescunt, hic solus idoneus cibus est. Ubi vero aut desinunt, aut levantur, semper quidem incipiendum est ab aliquo ex materia levissima, adjiciendum vero aliquid ex

(*d*) I. *Aph.* 16.

(*e*) HIPPOCR. de *Vet. M.* XI. XII.

media, ratione habita subinde & virium hominis, & morbi.

Adponendi vero ægro varii cibi (sicut ASCLEPIADES præcepit) tum demum sunt, ubi fastidio urgetur, neque fatis vires sufficiunt; ut paulum ex singulis degustando, famem vitet. At si neque vis, neque cupiditas deest, nulla varietate sollicitandus æger est; ne plus adsumat, quam concoquat. Neque verum est, quod ab eo dicitur, facilius concoqui cibos varios: eduntur quidem facilius; ad concoctionem autem materiæ genus & modus pertinent.

Neque inter magnos dolores, neque incrementum (f) morbo, tutum est, ægrum cibo impleri; sed ubi inclinata jam in melius valetudo est.

Sunt aliæ quoque observationes in febribus necessariæ; atque id quidem videndum est, quod quidam solum præcipiunt, an adstrictum corpus sit, an profluat. Quorum alterum strangulat, alterum digerit. Nam, si adstrictum est, ducenda alvus est, movenda urina, eliciendus omni modo sudor. In hoc genere morborum sanguinem etiam misisse, concussisse vehementibus gestationibus corpus, in lumine habuisse, imperasse famem, sitim, vigiliam prodest. Utile est etiam ducere in balneum, prius demittere in solium, tum ungere, iterum ad solium redire, multaque aqua fovere inguina; interdum etiam oleum in folio cum aqua calida miscere; uti cibo rarius & ferius, tenui, simplici, molli, calido, exiguo; maximeque oleis, qualia sunt, lapathum, urtica, malva; vel jure etiam concharum, muscutorumve, aut locu-

(f) *Aph.* I. 7. 8.

starum : neque danda caro, nisi elixa, est. At potio esse debet magis liberalis, & ante cibum, & post hunc, & cum hoc, ultra quam sitis coget. Poteritque a balneo etiam pingue jus, aut dulcius dari vinum : poterit semel, aut bis interponi Græcum falsum.

Contra vero, si corpus profluet, sudor coerendus, quies adhibenda erit; tenebris, somnoque; quodocunque volet, utendum; non nisi levi gestatione corpus agitandum, & pro genere mali subveniendum. Nam, si venter fluit, aut si stomachus non continet, ubi febris decrevit, liberaliter oportet aquam tepidam potui dare, & vomere cogere; nisi aut fauces, aut præcordia, aut latus dolet, aut vetus morbus est.

Si vero sudor exercet, duranda cutis est, vel nitro, vel sale; quæ cum oleo miscentur. At, si levius id vitium est, oleo corpus ungendum est: si vehementius, rosa (g), vel melino, vel myrteo, cui vinum austerum sit adjectum.

Quisquis autem fluore æger est, cum venit in balneum, prius ungendus, deinde in solum demittendus est. Si in cute vitium est, frigida quoque, quam calida aqua melius utetur.

Ubi ad cibum ventum est, dari debet his valens, frigidus, siccus, simplex, qui quam minime corrumpi possit, panis tostus, caro assa, vinum austerum, vel certe subausterum; &, si venter profluit, calidum: si sudores nocent, vomitusve sunt, frigidum.

(g) Nonne potius rosaceo legendum?

C A P. VII.

Quomodo pestilentes febres curari debeant.

DESIDERAT etiam propriam animadversionem in febribus pestilentiae casus. In hac minime utile est, aut fame, aut medicamentis uti, aut ducere alvum. Si vires sinunt, sanguinem mittere optimum est; præcipueque, si cum ardore febris est. Si id parum tutum est, ubi febris aut tenuata est, aut levata, vomitu pectus purgare. Sed in hoc maturius, quam in aliis morbis, ducere in balneum opus est; vinum calidum, & meracius dare, & omnia glutinosa: inter quæ quoque carnem, generis ejusdem. Nam quo celerius ejusmodi tempestates corripiunt, eo maturius auxilia, etiam cum quadam temeritate, rapienda sunt.

Quod si puer est, qui laborat; neque tantum robur ejus est, ut sanguis mitti possit, cucurbitulis ei utendum est; ducenda alvus vel aqua vel ptisanæ cremore; tum demum is levibus cibis nutriendus. Et ex toto non sic pueri, ut viri, curari debent.

Ergo, ut in alio quoque genere morborum, parcius in his agendum est: non facile sanguinem mittere, non facile ducere alvum, non cruciare vigilia, fameve, aut nimia siti, non vino curare.

Vomitum post febrem eliciendus est: deinde dandus cibus ex levissimis; tum is dormiat: postero die, si febris manet, abstineat: tertio, ad similem cibum redeat. Dandaque opera est, quan-

tum

tum fieri potest, ut inter opportunam abstinentiam cibo opportuno, omissis cæteris, nutriatur.

2. *Curatio ardentis febris.*

Si vero ardens febris extorret, nulla medicamenti danda potio est; sed in ipsis accessionibus oleo & aqua refrigerandus est: quæ miscenda manu sunt, donec albescant. Etiam amplo conclavi tenendus, quo multum & purum aerem trahere possit; neque multis vestimentis strangulandus, sed admodum levibus tantum velandus est. Possunt etiam super stomachum imponi, folia vitis in aqua frigida tincta. Ac ne siti quidem nimia vexandus est. Alendus maturius est, id est a die tertio, & ante cibum iisdem perungendus.

Si pituita in stomacho coit, inclinata jam accessione, vomere cogendus est; & tunc dandum frigidum olus, aut pomum, ex his, quæ stomacho conveniunt. Si siccus manet stomachus, protinus vel ptisanæ, vel alicæ, vel oryzæ cremor dandus est, cum quo recens adeps cocta sit. Cum vero in summo incremento morbus est, utique non ante diem quartum, magna siti antecedente, frigida aqua copiose præstanda est, ut bibat etiam ultra satietatem; & cum jam venter & præcordia ultra modum repleta, satisque refrigerata sunt, vomere debet.

Quidam ne vomitum quidem exigunt; sed ipsa aqua frigida, tantum ad satietatem data, pro medicamento utuntur. Ubi utrumlibet factum est, multa veste operiendus est, & collocandus, ut dormiat. Fereque post longam sitim & vigiliam, post multam satietatem, post infractum calprem, plenius somnus venit; per quem ingens sudor effunditur, idque præsentissimum auxilium est: sed

in his tantum, in quibus præter ardorem, nulli dolores, nullus præcordiorum tumor; nihil prohibens, vel in pulmone, vel in faucibus; non ulcus, non defectio, non profluvium alvi fuit.

Si quis autem in hujusmodi febre leniter (a) tussit, is neque vehementi siti conflictari, neque bibere aquam frigidam debet; sed eo modo curandus est, quo in cæteris febribus præcipitur.

C A P. VIII.

Curatio semitertianæ febris, quæ ἡμιτρίαιος dicitur.

AT, ubi id genus tertianæ est, quod ἡμιτρίαιος Medici adpellant, magna cura opus est, ne id fallat. Habet enim plerumque frequentiores accessiones decessionesque, ut aliud morbi genus videri possit; porrigiturque febris in horas viginti quatuor, & triginta sex; ut, quod idem est, non idem esse videatur.

Et magnopere necessarium est, neque dari cibum, nisi in ea remissione, quæ vera est; & ubi ea venit, protinus dari. Plurimique sub alterutro curantis errore subito moriuntur. Ac, nisi magnopere aliqua res prohibet, inter initia sanguis mitti debet; tum dari cibum, qui neque incitet febre, & tamen longum ejus spatium sustineat.

(a) *Aphor. IV. 54.*

C A P. IX.

Curatio lentarum febrium.

NONNUNQUAM etiam lentæ febres sine ulla remissione corpus tenent; ac neque cibo, neque ulli remedio locus est. In hoc casu medici cura esse debet, ut morbum mutet: fortasse enim curationi opportunior fiet. Sæpe igitur ex aqua frigida, cui oleum sit adjectum, corpus ejus pertractandum est, quoniam interdum sic evenit, ut horror oriatur, & fiat initium quoddam novi motus; exque eo, cum magis corpus incaluit, sequatur etiam remissio. In his frictio quoque ex oleo & sale salubris videtur.

At, si diu frigus est, & torpor, & jactatio corporis, non alienum est, in ipsa febre dare (a) mulsi tres aut quatuor cyathos, vel cum cibo vinum bene dilutum. Intenditur enim sæpe ex eo febris, & major ortus calor simul & priora mala tollit, & spem remissionis, inque ea curationis ostendit.

Neque hercule ista curatio nova est, qua nunc quidam traditos sibi ægros, qui sub cautioribus medicis trahebantur, interdum (b) contrariis remediis sanant. Siquidem apud antiquos quoque ante HEROPHILUM & ERASISTRATUM, maximeque post HIPPOCRATEM fuit PETRON quidam, qui febricitantem hominem, ubi acce-

(a) *Mulsæ Rom. Leg.*(b) *SENEC. de Clem. 1. 9.*

perat, multis vestimentis operiebat, ut simul calorem ingentem, sitimque excitaret. Deinde, ubi paulum remitti cœperat febris, aquam frigidam potui dabat; ac, si moverat sudorem, explicuisse se ægrum judicabat: si non moverat, plus etiam aquæ frigidæ ingerebat, & tum vomere cogebat. Si alterutro modo febre liberaverat, protinus suillam asinam, & vinum homini dabat. Si non liberaverat, decoquebat aquam sale adjecto, eamque bibere cogebat, ut vomendo ventrem purgaret.

Et intra hæc omnis ejus medicina erat. Eaque non minus grata fuit his, quos HIPPOCRATIS successores non refecerant; quam nunc est his, quos HEROPHILI vel ERASISTRATI æmuli diu tractos non expedierunt. Neque ideo tamen non est temeraria ista medicina; quia plures, si protinus a principiis exceptit, interemit.

Sed, cum eadem omnibus convenire non possint, fere, quos ratio non restituit, temeritas (c) adjuvat. Ideoque ejusmodi medici melius alienos ægros, quam suos nutriunt. Sed est circumspecti quoque hominis, & novare interdum, & augere morbum, & febres accendere: quia curationem, ubi id, quod est, non recipit, potest recipere id, quod futurum est.

(c) *Exemp. vide apud VALLERIOLAM lib. 3. obs. 4.*



C A P. X.

Remedia in febris ad capitis dolorem, & præcordiorum inflammationem, & ariditatem, & scabritiem lingua.

CONSIDERANDUM etiam est, febres ne solæ sint, an alia his quoque mala accedant; id est, num caput doleat, num lingua aspera, num præcordia intenta sint. Si capitis dolores sunt, rosam cum aceto miscere oportet, & id ingerere, deinde habere duo pitacia, quæ latitudinem frontis, longitudinemque æquent: ex his invicem alterum in aceto & rosa habere, alterum in fronte; aut intinctam iisdem lanam succidam imponere. Si acetum offendit, pura rosa utendum est. Si rosa ipsa lædit, oleo acerbo. Si ista parum juvant, teri potest vel iris arida, vel nuces amaræ, vel quælibet herba ex refrigerantibus. Quorum quidlibet ex aceto impositum, dolorem minuit; sed magis aliud in alio. Juvat etiam panis cum papavere injectus, vel cum rosa, cerussa, spumave argenti. Olfacere quoque vel serpyllum, vel anethum, non alienum est.

At, si in præcordiis inflammatio & dolor est, primo superimponenda sunt cataplasmata reprimentia; ne, si calidiora fuerint, plus eo materiæ concurrat. Deinde, ubi prima inflammatio se remisit, tunc demum ad calida & humida veniendum est; ut ea, quæ remanserunt, discutiant. Notæ vero inflammationis sunt quatuor, rubor, & tumor, cum calore, & dolore. Quo magis erravit ERASISTRATUS, qui febrem nullam sane hac esse dixit.

Ergo, si sine inflammatione dolor est, nihil imponendum est; hunc enim statim ipsa febris solvet. At, si neque inflammatio, neque febris, sed tantum præcordiorum dolor est; protinus calidis & siccis fomentis uti licet. Si vero lingua sicca est, & scabra, detergenda primum penicillo est ex aqua calida: deinde ungenda mixtis inter se rosa & melle. Mel purgat, rosa reprimat, simulque siccescere non finit. At si scabra non est, sed arida, ubi penicillo deterfa est, ungi rosa debet, cui ceræ sit paulum adjectum.

C A P. XI.

Remedia contra frigus, quod febrem præcedit.

SOLET etiam ante febres esse frigus; idque vel molestissimum morbi genus est. Ubi id exspectatur, omni potione prohibendus æger est: hæc enim paulo ante data, multum malo adjicit. Item maturius veste multa tegendus est. Admovenda partibus his, pro quibus metuimus, sicca & calida fomenta: sic, ut ne statim vehementissimi calores incipiant, sed paulatim incrementum accipiant. Perfricandæ quoque eæ partes manibus unctis ex vetere oleo sunt, eique adjiciendum aliquid ex calefacientibus. Contentique medici quidam una frictione, etiam ex quolibet oleo, sunt. In harum febrium remissionibus nonnulli tres quatuor sorbitionis cyathos, etiamnum manente febre, dant: deinde, ea bene finita, reficiunt stomachum cibo frigido & levi. Ego tum hoc puto tentandum, cum parum cibis, semel & post febrem datus, prodest.

Sed curiose prospiciendum est, ne tempus re-

missionis decipiat. Sæpe enim in hoc quoque genere valetudinis jam minui febris videtur, & rursus intenditur. Itaque ei remissioni credendum est, quæ etiam immoratur, & jactationem, fervoremque corporis, quem ζέως Græci vocant, minuit. Illud satis convenit, si quotidie pares accessiones sunt, quotidie parvum cibum dandum: si impares, post graviorem, cibum; post levio-rem, aquam mulsam.

C A P. XII.

Curatio horroris in febribus.

HORROR autem eas fere febres antecedit, quæ certum habent circuitum, & ex toto remittuntur; ideoque (a) tutissimæ sunt, maximeque curationes admittunt. Nam ubi incerta tempora sunt, neque alvi ductio, neque balneum, neque vinum, neque medicamentum aliud recte datur. Incertum est enim, quando febris ventura sit: ita fieri potest, ut, si subito venerit, summa in eo pernicies sit, quod auxilii causa fuit inventum. Nihilque aliud fieri potest, quam ut primis diebus bene abstineat æger: deinde, sub decessu febris ejus, quæ gravissima est, cibumumat.

At ubi certus circuitus est, facilius omnia illa tentantur; quia facilius proponere nobis & accessionum & decessionum vices possumus. In his autem, cum (b) veteraverunt, utilis fames non est.

(a) *Aph.* IV. 43.(b) Inveteraverunt, RITTERSHUS. *ad PHAEDR.* I. Fab. 2.

Primis tantummodo diebus ea pugnandum est; deinde dividenda curatio est, & ante horror, tum febris discutienda. Igitur cum primum aliquis inhorruit, & ex horrore incaluit, dare ei oportet potui tepidam aquam subfalsam, & vomere eum cogere: nam fere talis horror ab his oritur, quæ biliosa in stomacho resederunt. Idem faciendum est, si proximo quoque circuitu æque accessit: sæpe enim sic discutitur. Jamque, quod genus febris sit, scire licet.

Itaque sub expectatione proximæ accessionis, quæ instare tertia potest, deducendus in balneum est; dandaque opera est, ut per tempus horroris in folio sit. Si ibi quoque senserit, nihilominus idem sub expectatione accessionis quartæ faciat: siquidem eo quoque modo sæpe is discutitur. Si nec balneum quidem profuit, ante accessionem alium edat, aut bibat calidam aquam cum pipere: siquidem ea quoque adsumpta calorem movent; qui horrorem non admittit. Deinde eodem modo, quo in frigore præceptum est, antequam inhorrescere possit, operiatur; fomentisque protinus calidioribus totum corpus circumdare convenit, maximeque involutis extinctis testis & titionibus.

Si nihilominus horror perruperit, multo oleo calefacto inter ipsa vestimenta perfundatur; cui æque ex calefacientibus aliquid sit adjectum: adhibeaturque frictio, quantam is sustinere poterit, maximeque in manibus & pedibus: & spiritum ipse contineat. Neque desistendum est, etiamsi horror redit; sæpe enim pertinacia juvantis malum corporis vincit.

Si quid evomuit, danda aqua tepida, iterumque vomere cogendus est; utendumque eisdem est, donec horror finiatur. Sed præter hæc ducenda alvus est, si tardius horror quiescet; siquidem id

quoque exonerato corpore prodest. Ultima post hæc auxilia sunt, gestatio & ambulatio. Cibus autem in ejusmodi morbis maxime dandus est, qui mollem alvum præstet, ac caro glutinosa. Vinum cum dabitur, austerum sit.

C A P. XIII.

Curatio quotidiana febris.

HÆc ad omnes circuitus febrium pertinent: discernendæ tamen singulæ sunt, sicut rationem habent dissimilem. Si quotidiana est, tri-duo primo magnopere abstinere oportet; tum cibis, altero quoque die uti. Si res inveteraverit, post febrem experiri balneum, & vinum; magisque, si horrore sublato, hæc superest.

C A P. XIV.

Curatio tertianæ febris.

SI vero tertiana, quæ ex toto intermittit, aut quartana est; mediis diebus, & ambulationibus uti oportet, aliisque exercitationibus, & unctionibus. Quidam ex antiquioribus medicis CLEOPHANTUS, in hoc genere morborum, multo ante accessionem, caput ægri multa (a) calida aqua perfundebar, deinde vinum dabat. Quod, quamvis pleraque ejus viri præcepta secutus est

(a) *Aph. VII. 42.*

ASCLEPIADES, recte tamen præteriit: est enim anceps.

Ipse, si tertiana febris est, tertio die post accessionem dicit alvum duci oportere: quinto, post horrorem vomitum elicere; deinde post febrem, sicut illi mos erat, adhuc calidis dare cibum & vinum: sexto die, in lectulo detineri: sic enim fore, ne septimo die febris accedat. Id sæpe fieri posse, verisimile est. Tutius tamen est, hoc ipso ordine tria remedia, vomitus, alvi ductio, vini potus, per triduum, id est, die tertio, & quinto, & septimo tentare: nec vinum, nisi post accessionem, die septimo bibere.

Si vero primis diebus discussus morbus non est, inciditque in vetustatem, quo die febris expectabitur, in lectulo se contineat; post febrem perfricetur: tum, cibo adsumpto, bibat aquam; postero die, quo a cibo vacat, & ab exercitatione unctioneque, aqua tantum contentus conquiescat. Et id quidem optimum est. Si vero imbecillitas urgebit, & post febrem vinum; & medio die paulum cibi debebit adsumere.

C A P. XV.

Curatio quartanæ febris

E ADEM in quartana facienda sunt. Sed cum hæc tarde (a) admodum finiatur, nisi primis diebus discussa est, diligentius ab initio præcipiendum est, quid in ea debeat fieri. Igitur, si cui cum horrore febris accessit, eaque desit,

(a) I. *Epidem.* III. 17.

eodem die & postero tertioque continere se debet, & aquam tantummodo calidam primo die post febrem sumere; biduo proximo, quantum fieri potest, ne hanc quidem: quarto die, si cum horrore febris revertitur, (b) vomere; sicut ante præceptum est: deinde post febrem, modicum cibum sumere, vini quadrantem. Postero tertioque die abstinere; aqua tantummodo calida, si sitis est, adsumpta.

Septimo die balneo frigus prævenire, abstinere, continere se debet, & aqua tantummodo calida, si sitis est, uti: ac tum ita nono die balneo frigus prævenire, &, si febris redierit, ducere alvum; ubi ex eo corpus conquieverit, inunctione vehementer perfricari, eodem modo sumere cibum, & vino biduo proximo se abstinere, frictione servata. Decimo tertio die rursus balneum experiri; &, si postea febris accessit, æque perfricari, vinum copiosius bibere. Ac si proximum est, ut quies tot dierum, & abstinencia cum cæteris, quæ præcipiuntur, febrem tollant.

Si vero nihilominus remanet, aliud ex toto sequendum est curationis genus; idque agendum, ut, quod diu sustinendum est, corpus facile sustineat. Quo minus etiam curatio probari HERACLIDIS TARENTINI debet, qui primis diebus ducendam alvum, deinde abstinendum in septimum diem dixit. Quod ut sustinere aliquis possit; tamen etiam febre liberatus vix refectioni valebit; adeo, si febris sæpius accesserit, concidet. Igitur, si tertio decimo die morbus remanebit, balneum neque ante febrem, neque post eam tentandum erit; nisi interdum jam horrore discusso. Hor-

(b) *De Affect.* XIX. 2.

ror ipse per eadem, quæ supra præscripta sunt, expugnandus. Deinde post febrem oportebit ungi, & vehementer perfricari; cibum & validum, & fortiter adsumere; vino uti, quanto libebit: postero die, cum satis quieverit, ambulare, exerceri, ungi, perfricari fortiter; cibum accipere sine vino: tertio die abstinere.

Quo die vero febrem exspectabit, ante surgere, & (c) exerceri, dareque operam oportet, ut in ipsam exercitationem tempus febris incurrat: sic enim sæpe illa discutitur. At, si in opere occupavit, tum demum se recipere. In ejusmodi valetudine, medicamenta sunt, oleum, frictio, exercitatio, cibus, vinum. Si venter adstrictus est, solvendus est.

Sed hæc facile validiores faciunt: sin imbecillitas occupavit, pro exercitatione gestatio est. Si ne hanc quidem sustinet, adhibenda tamen frictio est. Si hæc quoque vehemens onerat, intra quietem, & unctionem, & cibum consistendum est; dandaque opera est, ne qua cruditas in quotidianam id malum vertat. Nam quartana neminem (d) jugulat: sed, si ex ea facta quotidiana est, in malis æger est; quod tamen, nisi culpa vel ægri (e) vel curantis, nunquam fit.

C A P. XVI.

Curatio duarum quartanarum.

At, si duæ quartanæ sunt, neque, quas proposui, exercitationes adhiberi possunt: aut

(c) ARISTOT. *Probl. Sect. II.* 58.

(d) TULPIUS *Observ. l. 3. cap.* 53.

(e) HIPPOCR. *I. Epidem. Sect. III.* 4.

ex toto quiescere opus est, aut, si id difficile est, leniter ambulare, hinc considerare, diligenter involutis pedibus & capite. Quoties febris accessit & desiit, cibum modicum sumere, & vinum; reliquo tempore, nisi imbecilitas urget, abstinere.

At, si duæ febres pene junguntur, post utramque cibum sumere: deinde vacuo tempore, & moveri aliquantum, & post unctionem cibo uti.

Cum vero vetus quartana raro, nisi vere, (a) solvatur, utique eo tempore adtendendum est, ne quid fiat, quod valetudinem impediat. Prodestque in vetere quartana, mutare subinde victus genus, a vino ad aquam, ab aqua ad vinum, a lenibus cibis ad acres, ab acribus ad lenes transire: esse radicem, deinde vomere: jureve pulli gallinacei ventrem resolvere: oleo ad frictiones adjicere calefacientia: ante accessionem sorbere, vel aceti cyathos duos, vel unum sinapis, cum tribus Græci vini falsi, vel mista paribus potionibus; & in aqua diluta, piper, castoreum, laser, myrrham. Per hæc enim similiaque corpus agitandum est, ut moveatur ex eo statu, quo detinetur.

Si febris quievit, diu meminisse ejus diei convenit: eoque vitare frigus, calorem, cruditatem, lassitudinem. Facile enim revertitur, nisi a sano quoque aliquandiu timetur.

C A P. XVII.

Curatio quotidiana febris, quæ ex quartana facta sit.

AT, si ex quartana, quotidiana facta est: cum id initio inciderit, per biduum abstinere

(a) *Epidem. VI. Sec. VI. 42.*

oportet, vespere frictione uti, & aquam tantummodo potui dare; tertio die sæpe fit, ne febris accedat. Sed siue fuit, siue non fuit, cibus post accessionis tempus est dandus: &, si manet, per biduum abstinencia, quanta maxima imperari corpori potest, & fricatione quotidie utendum est.

C A P. XVIII.

De tribus insania generibus: & primo de ejus curatione, quæ a Græcis Φρενίτις dicitur.

ET febrium quidem curatio exposita est. Superfunt vero alii corporis adfectus, qui huic superveniunt, ex quibus eos, qui certis partibus assignari possunt, protinus jungam. Incipiam ab insania, primamque hujus ipsius partem adgrediar, quæ & acuta, & in febre est. Græci Φρενίτις adpellant.

Illud ante omnia scire oportet, interdum in accessione ægros desipere, & loqui aliena. Quod non quidem leve est; neque incidere potest, nisi in febre vehementi, non tamen æque pestiferum est; nam plerumque breve esse consuevit; levatoque accessionis impetu, protinus mens redit. Neque id genus morbi remedium aliud desiderat, quam quod in curanda febre præceptum est.

Phrenitis (a) vero tum demum est, cum continua dementia esse incipit, aut cum æger, quamvis adhuc sapiat, tamen quasdam vanas imagines

(a) TRALLIAN. I. 13. CÆL. AURELIAN. Præf. Lib. 1. Acutor. Morb. pag. 7.

accipit: perfecta est, ubi mens illis imaginibus addicta est. Ejus autem plura genera sunt: siquidem ex phreniticis alii hilares, alii tristes sunt: alii facilius continentur, & intra verba desipiunt; alii insurgunt, & violenter quædam manu faciunt: atque ex his ipsis, alii nihil nisi impetu peccant, alii etiam artes adhibent; summamque speciem sanitatis in captandis malorum operum occasionebus præbent; sed exitu deprehenduntur.

Ex his autem eos, qui intra verba desipiunt, aut leviter etiam manu peccant, onerare asperioribus coercionibus supervacuum est. Eos vero, qui violentius se gerunt, vincere convenit; ne vel sibi vel alteri noceant. Neque credendum est, si vinctus aliquis, dum levare vinculis cupit, sanum jam se fingat; quamvis prudenter & miserabiliter loquatur, quoniam is dolus insanientis est.

Fere vero antiqui tales ægros in tenebris habebant; eo quod illis contrarium esset, exterreri; & ad quietem animi tenebras ipsas conferre aliquid judicabant. At ASCLEPIADES, tanquam ipsis tenebris terrentibus, (b) in lumine habendos eos dixit. Neutrum tamen perpetuum est. Alium enim lux, alium tenebræ magis turbant; reperiunturque, in quibus nullum discrimen deprehendi, vel hoc, vel illo modo possit. Optimum itaque est, (c) utrumque experiri; & habere eum, qui tenebras horret, in luce; eum, qui lucem, in tenebris. At ubi nullum tale discrimen est, æger, si vires habet, loco lucido; si non habet, obscuro continendus est.

(b) CÆL. AUREL. *M. A. l. i. c. 15. p. 40.*

(c) CÆL. AUREL. *Acut. Morb. lib. 9. ARETÆUS de Curat. Acut. l. i.*

Remedia vero adhibere, ubi maxime furor urget, supervacuum est: simul enim febris quoque increfcit. Tum itaque nihil nifi continendus æger est. Ubi vero res patitur, feftinanter fubvenien- dum est. ASCLEPIADES perinde effe dixit, his fanguinem (d) mitti, ac fi (e) trueidentur: hanc rationem fecutus, quod neque infania effet, nifi cum febre intenta; neque fanguis, nifi in remiffione ejus, recte mitteretur. Ipfe in his fomnum multa friftione quæfivit. Sed cum & intentio febris fomnum impediat; & friftio non, nifi in remiffione ejus, utilis fit: hoc quoque auxilium debuit præterire.

Quid igitur est? Multa in præcipiti (f) periculo recte fiunt, alias omittenda. Et continua quoque febris habet tempora, quibus, etfi non remittit, non tamen crefcit. Estque hoc, ut non optimum, fic fatis tamen fecundum remediis tempus. Quod fi vires ægri patiuntur, fanguis quoque mitti debet.

Nec minus dubitari poteft, an alvus ducenda fit. Tum interposito die, convenit caput ad (g) cutem tondere: deinde aqua fovere, in qua verbenæ aliquæ decoctæ fint ex reprimentibus: aut prius fovere, deinde tondere, & iterum fovere: ac noviffime rofa caput naresque implere; offerre etiam naribus rutam, ex aceto contritam, & movere fternutamenta medicamentis ad id efficacibus.

Quæ

(d) V. S. quando & qualis conveniat CÆL. AUREL. Acut. Morb. I. c. 10.

(e) CÆL. AURELIAN. Acut. Morb. I. 25.

(f) VALLERIOLA Observ. I. lib. I.

(g) CÆL. AUREL. Acut. Morb. I. 10. & c. 15.

Quæ tamen facienda sunt in his, quibus vires non defunt. Si vero imbecillitas est, rosa tantum caput!, adjecto serpyllo, similive aliquo, made-
faciendum est. Utiles etiam in quibuscumque vi-
ribus herbæ duæ sunt, solanum & muralis, si
simul ex utraque, succo expressio, caput implea-
tur. Cum se febris remiserit, frictione utendum
est: parcius tamen in his, qui nimis hilares, quam
in his, qui nimis tristes sunt.

Adversus omnium autem sic insipientium ani-
mos gerere se pro cuiusque natura necessarium
est. Quorumdam enim vani metus levandi sunt:
sicut in homine prædivite famem timente incidit;
cui subinde falsæ hæreditates nunciabantur. Quo-
rumdam audacia coercenda est: sicut in his fit, in
quibus continendis plagæ quoque adhibentur. Quo-
rumdam etiam intempestivus risus objurgatione &
minis prohibendus est. Quorumdam discutiendæ
tristes cogitationes: ad quod symphonix, & cym-
bala, strepitusque proficiunt.

Sæpius tamen adfentiendum, quam repugnan-
dum est: paulatimque, & non evidenter, ab his,
quæ stulte dicuntur, ad meliora mens abducenda.
Interdum etiam elicienda ipsius intentio: ut fit
in hominibus studiosis literarum, quibus liber le-
gitur, aut recte, si delectantur; aut perperam,
si id ipsum eos offendit. Emendando enim ad-
vertere animum incipiunt. Quin etiam recitare,
si qua meminerunt, cogendi sunt. At cibum quo-
que quosdam non desiderantes reduxerunt hi, qui
inter epulantes eos collocaverunt.

Omnibus vero sic adfectis somnus & difficilis,
& præcipue necessarius est: sub hoc enim pleri-
A. Corn. Celsi Opera. L

que (h) fanescunt. Prodest ad id, atque etiam ad mentem ipsam componendam, crocinum unguentum cum irino in caput datum. Si nihilominus vigilant, quidam somnum moliantur potui dando aquam, in qua papaver aut hyoscyamus decocta sint: alii mandragoræ mala pulvino subjiunt: alii vel amomum, vel fycamini lachrymam fronti inducunt. Hoc nomen apud Medicos reperio. Sed cur Græci morum *συνάμινον* (i) adpellant, cum mori nulla lachryma sit? Sic vero significatur lachryma arboris in Ægypto nascentis, quam ibi *κόμρον* adpellant. Plurimi decoctis papaveris corticibus, ex ea aqua cum spongia os & caput subinde foveant.

ASCLEPIADES ea supervacua esse dixit: quoniam in lethargum sæpe convertunt. Præcipit autem, ut primo die, a cibo, potione, somno abstineretur: vespere ei daretur potui aqua: tum frictio admoveretur lenis, ita ut ne manum quidem, qui fricaret, vehementer imprimeret: postero deinde die, iisdem omnibus factis, vespere ei daretur sorbitio & aqua, rursusque frictio adhiberetur. Per hanc enim nos consecuturos, ut somnus accedat. Id interdum fit, & quidem adeo, ut, illo confitente, nimia fricatio etiam lethargi periculum adferat. Sed si sic somnus non accessit, tum demum illis medicamentis arcessendus est: habita scilicet eadem moderatione, quæ hic quoque necessaria est; ne, quem obdormire volumus, excitare postea non possimus. Confert etiam aliquid ad somnum filanus juxta cadens;

(h) *Aph. II. 2.*

(i) BODÆUS a STAPEL ad THEOPHRAST. *Histor. Plant. IV. 2.*

vel gestatio (k) post cibum, & noctu; maximeque lecti suspensi motus.

Neque alienum est, si neque sanguis ante missus est, neque mens constat, neque somnus accedit, (l) occipitio inciso cucurbitulam admove: quæ quia levat morbum, potest somnum facere. Moderatio autem in cibo quoque adhibenda est: nam neque æger est implendus, ne infaniam: neque jejuno utique vexandus est, ne imbecillitate in cardiacum incidat. Opus est autem cibo infirmo, maximeque forbitione, & potione aquæ mulsæ, cujus ternos cyathos hieme, æstate vero quatuor dedisse satis est.

Alterum genus infaniæ est, quod spatium longius recipit; quia fere sine febre incipit, leves deinde febriculas excitat: & consistit in tristitia, quam videtur bilis (m) atra contrahere. In hac utilis detractio sanguinis est. Si quid hanc prohibet, prima est abstinentia: secunda, per album veratrum vomitumque purgatio: post utrumlibet, adhibenda bis die frictio est. Si magis valet, frequens etiam exercitatio; in jejuno vomitus; cibus, sine vino, dandus ex media materia est. Quam quoties posuero, scire licet, etiam ex infirmissima dari posse; dum ne ea sola quis utatur: valentissimam tantummodo esse removendam.

Præter hæc, servanda alvus est quam tenerri-
ma: removendi terrores, & potius bona spes ad-
ferenda: quærenda delectatio ex fabulis, ludis-
que, quibus maxime capi sanus adfueverat: lau-

(k) CÆL. AUREL. *A. M. I.* 15. pag. 46.

(l) CÆL. AUREL. *I. c.* 11. pag. 27.

(m) ARETÆUS *de Morb. Diut. l.* 6. TRALLIAN.
L. 16.

danda, si qua sunt, ipsius opera, & ante oculos ejus ponenda: leviter objurganda vana tristitia; subinde admonendus, in his ipsis rebus, quæ sollicitant, cur non potius lætitiæ, quam sollicitudinis causa sit. Si febris quoque accessit, sicut aliæ febres curanda est.

Tertium infantiæ genus est ex his longissimum; adeo ut vitam ipsam non impediat; quod robusti corporis esse consuevit. Hujus autem species duæ sunt. Nam quidam imaginibus, non mente fallunt; qualem insanientem AJACEM vel ORESTEM poetarum fabulæ ferunt: quidam animo desipiunt.

Si imagines fallunt, ante omnia videndum est, tristes, an hilares sint. In tristitia, nigrum veratrum dejectionis causa, in hilaritate, album, ad vomitum excitandum, dari debet. Idque, si in potione non accipit, panis adjiciendum est, quo facilius fallat. Nam, si bene se purgaverit, ex magna parte morbum levabit. Ergo etiam, si semel datum veratrum parum profecerit, interposito tempore iterum dari debet.

Neque ignorare oportet, leviorum esse morbum cum (n) risu, quam serio insanientium. Illud quoque perpetuum est in omnibus morbis, ubi ab inferiore parte purgandus aliquis est, (o) ventrem ejus ante solvendum esse: ubi a superiore, comprimendum.

Si vero consilium insanientem fallit, tormentis quibusdam optime curatur. Ubi perperam aliquid dixit, aut fecit; fame, vinculis, plagis coercendus est. Cogendus est & attendere, & ediscere

(n) *Aph.* VI. 53.

(o) *Aph.* VII. 70.

aliquid, & meminisse. Sic enim fiet, ut paulatim metu cogatur considerare, quid faciat. Subito etiam terreri, & expavescere, in hoc morbo prodest; & fere, quicquid animum vehementer perturbat. Potest enim quædam fieri mutatio, cum ab eo statu mens, in quo fuerat, abducta est. Interest etiam, si ipse sine causa subinde rideat, an moestus demissusque sit. Nam dementis hilaritas terroribus his, de quibus supra dixi, melius curatur. Si nimia tristitia est, prodest lenis, sed multa bis die frictio: item super caput aqua frigida infusa, demissumque corpus in aquam & oleum.

Illa communia sunt: infanientes vehementer exerceri debere; multa frictione uti; neque pinguem carnem, neque vinum adsumere; cibis uti post purgationem, ex media materia, quam levissimis; non oportere esse vel solos, vel inter ignotos, vel inter eos, quos aut contemnant, aut negligant; mutare debere regiones, & si mens redit, annua peregrinatione esse jactandos.

Raro, sed aliquando tamen, ex metu delirium nascitur. Quod genus insanientium, specie simile, similique victus genere curandum est: præterquam quod in hoc insanix genere solo recte vinum datur.

CAP. XIX.

De Cardiacis (a).

His morbis præcipue contrarium est id genus, quod *καρδιακόν* a Græcis nominatur quam-

(a) CÆL. AURELIAN. *Acut. Morb.* II. 30. 31.
TRALLIAN. VII. 9.

vis sæpe ad eum phrenitici transeunt: siquidem mens in illis laborat, in hoc vero constat. Id autem nihil aliud est, quam nimia imbecillitas corporis; quod, stomacho languente, immodico sudore digeritur. Licetque protinus scire id esse, ubi venarum exigui imbecillique pulsus sunt; sudor autem supra consuetudinem, & modo, & tempore, ex toto thorace, & cervicibus, atque etiam ex capite prorumpit, pedibus tantummodo, & cruribus ficiioribus, atque frigidis. Acuti id morbi genus est.

Curatio prima est, supra præcordia imponere, quæ reprimunt, cataplasmata: secunda, sudorem cohibere. Id præstat acerbum oleum, vel rosa, vel melinum, aut myrteum. Quorum aliquo corpus leniter perungendum; ceratumque ex aliquo horum tum imponendum est.

Si sudor vincit, delinendus homo est vel gypso, vel argenti spuma, vel cimolia creta, vel subinde horum pulvere respergendus. Idem præstat pulvis ex contritis aridæ myrti vel rubi foliis, aut ex austeri & boni vini arida fece. Pluraque similia sunt, quæ si defunt, satis utilis est quilibet ex via pulvis injectus. Super hæc vero, quo minus corpus insudet, levi veste debet esse contactus, positusque loco non calido, fenestris patentibus, sic ut perflatus quoque aliquis accedat.

Tertium auxilium est, imbecillitati jacentis cibo vinoque succurrere. Cibus non multus quidem, sed sæpe tamen nocte ac die dandus est; ut nutriat, neque oneret. Is esse debet ex infirmissima materia, & stomacho aptus. Nisi autem necesse est, ad vinum festinare non oportet. Si verendum est, ne deficiat, tum & intrita ex hoc, & hoc ipsum austerum quidem, sed tamen tenue, meraculum, egelidum subinde & li-

beraliter dandum est; adjecta polenta, si modo is æger parum cibi adsumit. Idque vinum esse debet, neque nullarum virium, neque ingentium: recteque tota die ac nocte, duas vel tres heminas æger bibet; si vastius corpus est, plus etiam: si cibum non accipit, perunctum ante perfundere aqua frigida convenit, & tum dare.

Quod si stomachus resolutus parum continet, & ante cibum; & post eum sponte vomere oportet; rursusque post vomitum cibum sumere. Si ne is quidem manserit, sorbere vini cyathum, interpositaque hora, sumere iterum. Si id quoque stomachus reddiderit, totum corpus bulbis contritis superillinendum est: qui, ubi inaruerunt, efficiunt, ut vinum in stomacho contineatur, exque eo toti corpori calor venisque vis redeat.

Ultimum auxilium est, in alvum ptisanæ vel alicæ cremorem ex inferioribus partibus indere, siquidem id quoque vires tuetur. Neque alienum est, naribus quoque æstuantis admoveere, quod reficiat; ut est rosa & vinum: &, si qua in extremis partibus frigent, unctis & calidis manibus fovere. Per quæ si consequi potuimus, ut & sudoris impetus minuatur, & vita prorogetur, incipit jam tempus ipsum esse præsidio. Ubi esse in tuto videtur; verendum tamen est, ut ne in eandem imbecillitatem cito recidat. Itaque, vino tantum remoto, quotidie validiorem cibum debet adsumere, donec satis virium corporis redeat.



C. A. P. XX.

De Letbargicis.

ALTER quoque morbus est, aliter phrenitico (a) contrarius. In eo difficilior somnus, prompta ad omnem audaciam mens est: in hoc marcor, & inexpugnabilis pene dormiendi necessitas; λήθαργον Græci nominarunt. Id quoque genus (b) acutum est, &, nisi succurritur, celeriter jugulat.

Proinde ex eo ægros (c) quidam excitare nituntur, admotis his, per quæ sternutamenta evocantur, & his, quæ odore foedo movent, qualis est pix usta, lana succida, piper, veratrum, castoreum, acetum, allium, cepa. Juxta etiam galbanum incendunt, aut cornu cervinum: si non est, quodlibet aliud. Hæc enim cum comburuntur, odore foedo movent.

THARRIAS vero quidam, accessionis esse id malum, dixit, levatique, cum ea decessit. Itaque eos, qui subinde excitant, sine usu male habere. Interest autem, in decessione expergiscatur æger, an cum febris levatur, aut, levata quoque ea, somnus urgeat. Nam si expergiscitur, adhibere ei, ut sopito, supervacuum est; neque enim vigilando melior fit; sed per se, si melior est, vigilat. Si vero continens ei somnus est, utique ex-

(a) ALEX. TRALL. l. 14.

(b) CÆL. AUR. M. A. l. II. c. I.

(c) TRALLIAN. l. 15. ARETÆUS de Morb. Acut. Curat. l. 2.

citandus est; sed his temporibus, quibus febris levissima est, ut excernat aliquid, & sumat.

Excitat autem validissime repente aqua frigida superinfusa. Post remissionem itaque, perunctum oleo multo totum corpus, tribus aut quatuor amphoris totum per caput perfundendum est. Sed hoc utemur, si æqualis ægro spiritus erit, si mollia præcordia. Sin aliter hæc erunt, ea potiora, quæ supra comprehensa sunt. Et, quod ad somnum quidem pertinet, commodissima hæc ratio est.

Medendi autem causa, caput radendum; deinde posca fovendum est, in qua laurus, aut ruta decocta sit. Altera vero die imponendum castoreum, aut ruta ex aceto contrita, aut lauri baccae, aut hedera cum rosa & aceto. Præcipueque proficit, & ad excitandum hominem, naribus admotum, & ad morbum ipsum depellendum, capiti frontive impositum sinapi. Gestatio etiam in hoc morbo prodest: maximeque opportune, quanta maxima inveniri poterit. Aptissima autem sorbitio est, donec morbus decrescere incipiat. Si autem quotidie gravis accessio est, hæc quotidie datur: si alternis, post graviolem, sorbitio, post leviolem, mulsa aqua. Vinum quoque cum tempestivo cibo datum non mediocriter adjuvat.

Quod si post longas febres ejusmodi torpor accessit, cætera eadem servanda sunt. Ante accessionem autem, tribus quatuorve horis, si venter adstrictus est, dandum est castoreum cum scamonea; si non est, per se ipsum castoreum cum aqua dandum est. Si præcordia mollia sunt, cibis utendum est plenioribus: si dura, in iisdem sorbitionibus subsistendum; imponendumque præcordiis, quod simul & reprimat & emolliat.

CAP. XXI.

(a) *De Hydropicis.*

SED hic quidem acutus est morbus. Longus vero fieri potest eorum, quos aqua inter cutem male habet: nisi enim primis diebus succurritur, in ὕδρωπα, quam Græci vocant, incidunt. Ejus tres species sunt. Nam modo, ventre vehementer intento, creber intus, ex motu spiritus, sonus est: modo corpus inæquale est, tumoribus aliter aliterque per totum id orientibus: modo intus in uterum aqua contrahitur; &, moto corpore, ita movetur, ut impetus ejus conspici possit. Primum, τυμπανίτην: secundum, λευκοφλεγματίαν, vel ὑπὸ τὴν σάρκα; tertium, ἀσκίτην Græci nominarunt. Communis tamen omnium est humoris nimia abundantia: ob quam ne ulcera (b) quidem in his ægris facile sanescunt. Sæpe vero hoc malum per se incipit: sæpe alteri vetusto morbo, maximeque quartanæ, supervenit.

Facilius in servis, quam in liberis tollitur, quia cum desideret famen, sitim, & mille alia tædia, longamque patientiam, promptius iis succurritur, qui facile coguntur, quam quibus inutilis libertas est. Sed ne hi quidem, qui sub alio sunt, si ex toto sibi temperare non possunt, ad salutem perducuntur. Ideoque non ignobilis medicus, CHRYSIPPI discipulus, apud ANTIGONUM regem, amicum quendam ejus, notæ intemperantiæ, medio-

(a) ARETÆUS *de Diuturn. Morb. II. I.*(b) *Aph. VI. 8.*

criter eo morbo implicitum, negavit posse sanari. Cumque alter medicus Epirotes PHILIPPUS se sanaturum polliceretur; respondit, illum ad morbum ægri respicere; se, ad animum. Neque eum res fefellit. Ille enim cum summa diligentia non medici tantummodo, sed etiam regis custodiretur, tamen malagmata sua devorando, bibendoque suam urinam, in exitium sese præcipitavit.

Inter initia tamen, non difficillima curatio est, si imperata sunt corpori, quies, sitis, inedia. At si malum inveteravit, non sine magna mole discutitur (c). METRODORUM tamen, EPICURI discipulum, referunt, cum hoc morbo tentaretur, neque æquo animo necessariam sitim sustineret, ubi diu abstinuerat, solitum bibere, deinde evomere. Quod, si redditur, quicquid receptum est, multum tædio demit: si a stomacho retentum est, morbum auget; ideoque in quolibet tentandum non est.

Sed si febris quoque est, hæc in primis submovenda est per eas rationes, per quas huic succurri posse propositum est. Si sine febre æger est, tum demum ad ea veniendum est, quæ ipsi morbo mederi solent. Atque hic quoque, quæcumque species est, si nondum nimis occupavit, iisdem auxiliis opus est. Multum ambulandum, currendum aliquando, & superiores maxime partes sic perfricandæ, ut calorem in cutem evocet: inter quæ, spiritum ipse contineat.

Evocandus est sudor, non per exercitationem tantum, sed etiam in arena calida, vel laconico, vel clibano, similibusque aliis: maximeque utiles

(c) *Ejus vitam describit* DIOGENES LAERTIUS.

sunt naturales, & siccae sudationes; quales super (d) Bajas habemus in myrtetis. Balneum, atque omnis humor alienus est. Jejuno recte catapotia dantur, facta ex duabus apsinthii, myrrhæ tertia parte.

Cibus esse debet ex media (e) quidem materia, sed tamen generis durioris. Potio non ultra danda est, quam ut vitam sustineat: optimaque est, quæ urinam movet. Alvum moliri cibo melius est, quam medicamento. Si tamen res coget, ex his aliquid, quæ id præstant, erit decoquendum, eaque aqua potui danda. Videntur autem hanc facultatem habere, iris, nardum, crocum, cinnamomum, cassia, myrrha, balsamum, galbanum, ladanum, œnanthe (f), panaces, cardamomum, hebenus, cupressi semen, uva taminia; quam *σαφίδα ἀγρία* Græci nominant, abrotanum, rosæ folia, acorum, amaræ nuces, tragoriganum, styrax, costum, junci qualrati & rotundi flos; illum *κὺπερον*, hunc *σχάινον* Græci vocant; quæ quoties posuero, non quæ hic nascuntur, sed, quæ inter aromata adferuntur, significabo. Primo tamen, quæ lenissima ex his sunt, id est, rosæ folia, vel nardi spica, tentanda sunt. Vinum quoque utile est austerum, sed quam tenuissimum.

Commodum est etiam, lino quotidie ventrem metiri, &, qua comprehendit alvum, notam imponere: postero quoque die videre, plenius corpus sit, an extenuetur; id enim, quod extenuatur, medicinam sentit. Neque alienum est, me-

(d) CICERO *Epist. ad Fam.* IX. 12.

(e) Vide *supra* II. 18.

(f) RHODIUS *ad* SCRIBON. LARGI *Comp.* V. pag. 37.

tiri & potionem ejus, & urinam; nam si plus humoris excernitur, quam adsumitur, ita demum secundæ valetudinis spes est. ASCLEPTADES in eo, qui ex quartana in hydropa deciderat, se abstinentia bidui, & fricatione usum; tertio die, jam & febre, & aqua liberato, cibum, & vinum dedisse, memoriæ prodidit. Hactenus communiter de omni specie præcipi potest: si vehementius malum est, diducenda ratio curandi est.

Ergo, si inflatio, & ex ea dolor creber est, utilis quotidianus, aut altero quoque die post cibum, vomitus est. Fomentis deinde siccis calidisque utendum est. Si per hæc dolor non finitur, necessariæ sunt sine ferro cucurbitulæ. Si ne per has quidem tormentum tollitur, incidenda cutis est, & tum his utendum.

Ultimum auxilium est, si cucurbitulæ nihil profuerunt, per alvum infundere copiosam aquam calidam, eamque recipere. Quin etiam quotidie ter quarerve opus est uti fricatione vehementi, cum oleo & quibusdam calefacientibus. Sed in hac frictione a ventre abstinendum est. Imponendum vero in eum crebrius sinapi, donec cutem erodat; ferramentisque candentibus pluribus locis venter exulcerandus est, & servanda ulcera diutius. Utiliter etiam scilla cocta deligatur super cutim. Sed diu post has inflationes abstinendum est ab omnibus inflantibus.

At, si id vitium est, cui λευκοφλαγματία nomen est, eas partes, quæ tument, subjicere soli oportet; sed non nimium, ne febriculam incendat: si is vehementior est, caput velandum est, utendumque fricatione, madefactis tantum manibus aqua, cui sal & nitrum & olei paulum sit adjectum; sic, ut aut pueriles aut muliebres manus adhibeantur, quo mollior earum tactus sit. Idque si vires pa-

tiuntur, ante meridiem, tota hora; post meridiem, semihora fieri oportet. Utilia sunt etiam cataplasmata, quæ reprimunt; maximeque, si corpora teneriora sunt.

Incidendum quoque super talum, quatuor fere digitis, ex parte interiore est; quo per aliquot dies frequens humor feratur: atque ipsos tumores incidere altis plagis oportet: concutiendumque corpus est multa gestatione, atque, ubi inductæ vulneribus cicatrices sunt, adjiciendum exercitationibus & cibis, donec corpus ad pristinum statum revertatur.

Cibus valens esse debet, & glutinosus, maximeque caro. Vinum, si per stomachum licet, dulcius; sed ita, ut invicem biduo triduoque, modo aqua, modo id bibatur. Prodest etiam lactucæ marinæ, quæ grandis juxta mare nascitur, semen, cum aqua potui datum. Quod si valens est, qui id accipit, ei scilla cocta simul super ventrem deligatur. Authoresque multi sunt, inflatis vesicis pulsandos tumores esse.

Si vero id morbi genus est, quo in uterum multa aqua contrahitur, ambulare, sed magis modice oportet; malagma, quod digerat, impositum habere; idque ipsum superimposito triplici panno, fascia, non nimium tamen vehementer, adstringere; quod a THARRIA profectum, servatum esse a pluribus video.

Si jecur, aut lienem adfectum esse, manifestum est, ficum pinguem contusam, adjecto melle, superponere. Si per talia auxilia venter non siccat, sed humor nihilominus abundat, celeriori via succurrere, ut is per ventrem ipsum emitatur.

Neque ignoro, ERASISTRATO displicuisse hanc curandi viam; morbum enim hunc jocinoris pu-

tavit : ideoque illud esse sanandum ; frustra-
quam emitti, quæ, vitiato illo, subinde renasca-
tur. Sed primum, non hujus visceris unius hoc
vitium est. Nam & splene adfecto, & in totius
corporis malo habitu fit. Deinde, ut inde coepe-
rit, tamen aqua nisi emittitur, quæ contra natu-
ram ibi substitit, & jocinori, & cæteris interio-
ribus partibus nocet. Convenitque, corpus nihi-
lominus esse curandum. Neque enim sanat emis-
sus humor, sed medicinæ locum facit, quam in-
tus inclusus impedit.

Ac ne illud quidem in controversiam venit,
quin non omnes in hoc morbo sic curari possint;
sed juvenes robusti, qui vel ex toto carent febre,
vel certe satis liberales intermissiones habent. Nam
quorum stomachus corruptus est, quive ex atra-
bile huc deciderunt, quique malum corporis ha-
bitum habent, idonei huic curationi non sunt.

Cibus autem, quo die primum humor emissus
est, supervacuum est, nisi si vires defunt. In se-
quentibus diebus, & his vinum meracius quidem,
sed non ita multum dari debet, paulatimque re-
vocandus æger est ad exercitationes, fricationes,
solem, sudationes, fatigationes, & idoneos cibos,
donec ex toto convalescat. Balneum rarum res
amat; & frequentiore in jejuno vomitum. Si
æstas est, in mari natâre commodum est. Ubi
convaluit aliquis, diu tamen alienus ei veneris
usus fit.

C A P. XXII.

De Tabæ, & ejus speciebus.

DIUTIUS sæpe & periculosius tabes eos male habet, quos invasit. Atque hujus quoque plures (a) species sunt. Una est, qua corpus non alitur, &, naturaliter semper aliquibus decedentibus, nullis vero in eorum locum subeuntibus, summa macies oritur; &, nisi occurritur, tollit; (b) ἀτροφίαν hanc Græci nominant. Ea duabus fere de causis incidere consuevit. Aut enim nimio timore aliquis minus, aut aviditate nimia plus, quam debet, adsumit: ita vel, quod deest, infirmat: vel, quod superat, corrumpitur.

Altera species est, quam Græci καχεξίαν adpellant: ubi malus corporis habitus est; ideoque omnia alimenta corrumpuntur. Quod fere fit, cum longo morbo vitata corpora, etiamsi illo vacant, refectionem tamen non accipiunt; aut cum malis medicamentis corpus adfectum est; aut, cum diu necessaria defuerunt; aut, cum inusitados & inutiles cibos aliquis adsumpsit, aliquidve simile incidit. Huic, præter tabem, illud quoque nonnunquam accidere solet, ut per assiduas pustulas, aut ulcera, summa cutis exasperetur, vel aliquæ corporis partes intumescant.

Tertia

(a) Erant apud veteres qui tabem & longos morbos inducere poterant, PHILO JUDEUS de specialib. leg. 16. pag. 792. & 1691.

(b) CÆL. AUREL. *Morb. Chron. II. 14.*

Tertia est, longeque periculosissima species, quam Græci φθίσις nominaverunt. Oritur fere a capite: inde in pulmonem distillat. Ex hoc exulceratio accidit, & febricula lenis fit; quæ etiam, cum quievit, tamen repetit. In ea quoque frequens tussis est, & pus excreatur; interdum cruentum aliquid. Quicquid excreatum est, si in ignem (c) impositum est, mali odoris est. Itaque, qui de morbo dubitant, hac nota utuntur.

(d) Cum hæc genera tabis sint, animadvertere primum oportet, quid sit in quo laboratur. Deinde, si tantum non ali corpus adparet, causam ejus adtendere; &, si cibi minus adsumpsit aliquis quam debuit, adjicere oportet: sed paulatim, ne si corpus insuetum subita multitudine oneraverit, stomachus gravetur, & concoctionem impediat. Si vero plus justo quis adsumere solitus est, abstinere uno die; deinde ab exiguo cibo incipere; quotidie adjicere, donec ad justum modum perveniat. Præter hæc convenit ambulare locis quam maxime frigidis, sole vitato: per manus quoque exerceri.

Si infirmior est, gestari, ungi, perfricari, si potest, maxime per seipsum, sæpius eodem die, & ante cibum, & post eum, sic ut interdum oleo quædam adjiciantur calefacientia, donec insudet. Prodestque jejuno prehendere per multas partes cutem, & adtrahere, ut relaxetur; aut, imposita resina, & abducta, subinde idem facere. Utile est etiam interdum balneum, sed post cibum exiguum. Atque in ipso folio recte cibi aliquid adsumitur:

(c) *Aphor. V. II.*

(d) CÆL. AURELIAN. *Morb. Chron. II. 14. p. 421.* TRALLIAN. V. 2.

aut si sine hoc fricatio fuit, post eam protinus. Cibi vero esse debent ex his, qui facile concoquantur, maximeque alunt. Ergo vini quoque, sed austeri, necessarius usus est, movendæ urinæ.

At si malus habitus corporis est, primum abstinendum est; deinde alvus ducenda; tum paulatim cibi dandi, adjectis exercitationibus, unctionibus, fricationibus. Utilius his frequens balneum est, sed jejunis; etiam usque ad sudorem. Cibus vero opus est copiosis, variis, boni succi, quique etiam minus facile corrumpantur, vino austero. Si nihil reliqua proficiunt, sanguis mittendus est; sed paulatim, quotidieque pluribus diebus, cum eo, ut cætera quoque eodem modo ferventur.

Quod si mali plus est, & vera phthisis est, inter initia protinus occurrere necessarium est: neque facile enim hic morbus, cum inveteraverit, evincitur. Opus est, si vires patiuntur (e), longa navigatione, cæli mutatione sic, ut densius quam id est, ex quo discedit æger, petatur. Ideoque aptissime Alexandriam ex Italia itur. Fereque id posse inter principia corpus pati debet, cum hic morbus ætate firmissima maxime oriatur, id est ab anno (f) duodevigesimo usque ad annum quintum & trigesimum. Si id imbecillitas non finit, nave tamen, sed non longe, vectari commodissimum est. Sin navigationem aliqua res prohibet, lectica, vel alio modo corpus movendum est: tum a negotiis abstinendum est, omnibusque rebus, quæ sollicitare animum possunt: somno indulgendum: cavendæ destillationes, ne, si quid

(e) ARETÆUS de Diuturn. Curat. I. 8. TRALLIAN. VII. 2. PLIN. N. H. XXVIII. 4.

(f) Aphor. V. 9. VIII. 7.

cura levarit, exasperent; & ob id vitanda cruditas, simulque & sol, & frigus: os obtegendum, fauces velandæ, tussicula suis remediis finienda: &, quamdiu quidem febricula incurfat, huic interdum abstinentia, interdum etiam tempestivis cibis medendum: eoque tempore bibenda aqua. Lac (g) quoque, quod in capitis doloribus, & in acutis febribus, & per eas facta nimia siti, ac, sive præcordia tument, sive biliosa urina est, sive sanguis fluxit, pro veneno est; in (h) phthisi tamen, sicut in omnibus longis difficilibusque febriculis, recte dari potest.

Quod si febris aut nondum incurfat, aut jam remisit, decurrendum est ad modicas exercitationes, maximeque ambulationes, item lenes fricationes. Balneum alienum est. Cibus esse debet primo acer, ut allium, porrum, idque ipsum ex aceto, vel ex eodem intubus, ocimum, lactuca: deinde lenis sorbitio ex ptisana, vel ex alica, vel ex amylo, lacte adjecto. Oryza quoque, &, si nihil aliud est, far idem præstat. Tum invicem modo his cibis, modo illis utendum est: adjiciendaque quædam ex media materia, præcipue vero ex prima, cerebellum, vel pisciculus, & his similia. Farina etiam cum sevo ovillo caprinove mista, deinde incocta, pro medicamento est. Vinum adsumi debet leve austerum.

Haftenus non magna mole pugnatur. Si vehementior noxa est, ac neque febricula, neque tussis quiescit, tenuarique corpus adparet, validioribus auxiliis opus est. Exulcerandus est ferro candenti, uno loco sub mento, altero in gutture,

(g) *Aph.* v. 64.

(h) *Ibidem.*

duobus ad mammam utramque; item sub imis ossibus scapularum, quas ὀμοπλάτας Græci vocant, sic, ne sanescere sinas ulcera, nisi tussis finita fuerit: cui per se quoque medendum esse, manifestum est. Tunc ter quaterque die vehementer extremæ partes perfricandæ sunt: thorax leni manu pertractandus; post cibum intermittenda hora, & perfricanda crura, brachiaque. Interpositis denis diebus, demittendus æger in solium est, in quo sit aqua calida & oleum. Cæteris diebus bibenda aqua: tum vinum, si tussis non est, potui frigidum dandum: si vero est, egelidum.

Utile est etiam in remissionibus quotidie cibos dari: frictiones gestationesque similiter adhiberi: quarto, aut quinto die fumere, interdum herbam sanguinalem ex aceto, vel plantaginem esse. Medicamentum est etiam vel plantaginis succus per se, vel (i) marrubii, si cum melle sit incoctus; ita ut illius cyathus forbeatur, hujus cochleare plenum paulatim delingatur; vel inter se mista, & incocta resinæ terebinthinæ pars dimidia, butyri & mellis pars altera.

Præcipua tamen ex his omnibus sunt victus, vehiculum, & navis, & forbitio. Alvus (k) cita utique vitanda est. Vomitus in hoc morbo frequens, perniciosus est, maximeque sanguinis. Qui meliusculus esse cœpit, adjicere debet exercitationes, fricationes, cibos: deinde ipse se, suppresso spiritu, perfricare; diu abstinere a vino (l), balneo, venere.

(i) TRALLIAN. V. 3. pag. 276.

(k) Aph. V. 12. 14. TRALLIAN. II. 2. p. 313.

(l) COLUM. I. 6.

CAP. XXIII.

(a) *De Comitiali morbo.*

INTER notissimos morbos est etiam is, qui (b) comitalis, vel major nominatur: Homo subito concidit, ex ore spumæ moventur, deinde interposito tempore ad se redit, & per seipsum confurgit. Id genus sæpius viros, quam feminas occupat; ac solet quidem etiam longum esse, usque ad mortis diem, & vitæ non periculosum. Interdum tamen cum recens est, hominem consumit; & sæpe eum, si remedia non sustulerunt, in (c) pueris veneris, in puellis menstruorum initium tollit. Modo cum distentione membrorum aut nervorum prolabitur aliquis: modo sine illa.

Quidam hos quoque iisdem, quibus lethargicos, excitare conantur: quod admodum supervacuum est; &, quia ne lethargicus quidem his sanatur; &, quia, cum possit ille nunquam expergisci atque ita fame interire, hic ad se utique revertitur.

Ubi concidit aliquis, si nulla nervorum distentio accessit, utique (d) sanguis mitti debet: si accessit, non utique mittendus est, nisi alia quoque hortantur. Necessarium autem est, ducere alvum, vel nigro veratro purgare, vel utrumque

(a) ARETÆUS *de Diuturn.* M. I. 1. c. 4.

(b) *Vocatur lues deifica, morbus Sacer.*

(c) *Aph. II. 45. V. 7.*

(d) VALLERIOI. l. 3. *Obs.* 7.

facere, si vires patiuntur: tunc caput tondere, oleoque & aceto perungere; cibum post diem tertium, simul ac transiit hora, qua concidit, dare. Neque forbitiones his aut alioqui molles, & faciles cibi; neque caro, minimeque fuilla convenit; sed mediæ materiæ: nam & viribus opus est, & (e) cruditates cavendæ sunt.

Cum quibus fugere oportet solem, balneum, ignem, omniaque calefacientia: item, frigus, vinum, venerem, loci præcipitis conspectum, omniumque terrentium, vomitum, lassitudinem, sollicitudines, negotia omnia: &, ubi tertio die cibus datus est, intermittere quartum, & invicem alterum quemque; eadem hora cibi servata, donec quatuordecim dies transeant. Quos ubi morbus excessit, acuti vim deposuit: at si manet, curandus jam ut longus est.

Quod si non, quo die primum is incidit, medicus accessit; sed is, qui cadere consuevit, post ei traditus est; protinus eo genere victus habito, qui supra comprehensus est, exspectandus est dies, quo prolabor; utendumque tum vel sanguinis (f) missione, vel ductione alvi, vel nigro veratro, sicut præceptum est. In sequentibus deinde diebus, per eos cibos, quos proposui, vitatis omnibus, quæ cavenda dixi, nutriendus est.

Si per hæc morbus finitus non fuerit, confugiendum erit ad album veratrum; ac ter quoque aut quater eo utendum, non ita multis interpositis diebus; sic tamen, ne iterum unquam sumat, nisi conciderit. Mediis autem diebus vires ejus

(e) TRALLIAN. I. 15.

(f) CÆL. AURELIAN. *Tard. Pass.* I. 4. p. 272.

erunt nutriendæ; quibusdam, præter ea, quæ supra scripta sunt, adjectis. Ubi mane expectatus est, corpus ejus leniter ex oleo vetere (cum capite, excepto ventre) permulceatur: tum ambulatione quam maxime longa & recta utatur: post ambulationem loco tepido vehementer & diu, ac non minus ducenties, nisi infirmus erit, perfricetur: deinde super caput multa aqua frigida perfundatur; paulum cibi adsumat; conquiescat; rursus ante noctem ambulatione utatur; iterum vehementer perfricetur, sic ut neque venter, neque caput contingatur: post hæc cœnet, interpositisque tribus aut quatuor diebus, uno aut altero acria adsumat.

Si ne per hæc quidem fuerit liberatus, caput radatur; ungatur oleo vetere, adjecto aceto & nitro; perfundatur aqua falsa; bibat jejunos ex aqua castoreum; nulla aqua, nisi decocta, potioni causa utatur. Quidam jugulati (g) gladiatoris calido sanguine poto tali morbo se liberarunt. Apud quos miserum auxilium tolerabile miserius malum fecit.

Quod ad medicinam vero pertinet, ultimum est, juxta talum, ex utroque crure paulum sanguinis mittere: occipitium incidere, & cucurbitulas admove: ferro candente in occipitio quoque & infra, qua summa vertebra cum capite committitur, adurere duobus locis, ut per ea perniciosus humor evadat. Quibus si finitum ma-

(g) PLIN. XXVIII. I. LANG. *Epist.* 14. *lib.* 1. MINUCIUS FELIX *pag.* 34. *Vide duo exempla ejus novam indicantia apud TULPIUM Obs.* l. 4. c. 4.

lum non fuerit, prope est, ut perpetuum sit. Ad levandum id, tantummodo utendum erit exercitatione, cibisque his, qui supra comprehensi sunt: præcipueque vitanda omnia, quæ ne fierent, ex cepimus.

C A P. XXIV.

De Regio morbo.

ÆQUE notus est morbus, quem interdum arquaturn (a), interdum regium nominant. Quem HIPPOCRATES ait, si post septimum diem (b) febricitante ægro supervenit, tutum esse, mollibus tantummodo præcordiis substantibus. DIOCLES ex toto, si post febrem oritur, etiam prodesse; si post hunc febris, occidere. Color autem cum morbum detegit, maxime oculorum, in quibus, quod album esse debet, fit luteum. Soletque accedere & sitis, & dolor capitis, & frequens singultus, & præcordiorum dextra parte durities; &, ubi corporis vehemens motus est, spiritus difficultas, membrorumque resolutio: atque, ubi diutius manet morbus, totum corpus cum pallore quodam inalbescit.

Primo die abstinere ægrum oportet: secundo ducere alvum: tum, si febris est, eam victus genere discutere: si non est, scammoneam potui dare, vel cum aqua betam albam contritam, vel cum

(a) PLIN. H. N. 22. c. 24.

(b) Aph. IV. 62.

aqua mulsa nuces amaras, apsinthium, anisum, sic, ut pars hujus minima sit. ASCLEPIADES aquam quoque falsam, & quidem per biduum, purgationis causa bibere cogebat, iis, quæ urinam movent, rejectis. Quidam, superioribus omissis, per hæc, & per eos cibos, qui extenuant, idem se consequi dicunt.

Ego utique, si satis virium est, validiora; si parum, imbecilliora auxilia præfero. Si purgatio fuit, post eam triduo primo modice cibum oportet adsumere ex media materia, & vinum bibere Græcum falsum, ut solutio ventris remaneat: tum altero triduo validiores cibos, & carnis quoque aliquid esse, intraque aquam manere: deinde ad superius genus victus reverti, cum eo, ut magis fatietur; omissio Græco vino bibere nigrum austerum; atque ita per hæc variare, ut interdum acres quoque cibos interponat, interdum ad falsum vinum redeat.

Per omne vero tempus utendum est exercitatione, fricatione, &, si hiems est, balneo; si æstas, frigidis natationibus: lecto etiam, & conclavi (c) cultiore, usu, loco, ludis, lascivia, aliis, per quæ mens exhilaretur: ob quæ regius morbus dictus videtur. Malagma quoque, quod digerat, super præcordia datum prodest; vel arida ibi ficus imposita, si jecoris aut lienis adfectus est.

(c) SEREN. SAMMON. *de Regio morbo.*

C A P. XXV.

(a) *De Elephantia.*

IGNOTUS autem pene in Italia, frequentissimus in quibusdam regionibus is morbus est, quem ἐλεφαντίασι Græci vocant; isque longis adnumeratur. Quo totum corpus adficitur ita, ut ossa quoque vitiari dicantur. Summa pars corporis crebras maculas crebrosque tumores habet. Rubor earum paulatim in atrum colorem convertitur. Summa cutis inæqualiter crassa, tenuis, dura, mollisque, quasi squamis quibusdam exasperatur, corpus emacrescit, os, suræ, pedes intumescunt. Ubi vetus morbus est, digiti in manibus pedibusque sub tumore conduntur; febricula oritur, quæ facile tot malis obrutum hominem consumit.

Protinus ergo inter initia sanguis per biduum mitti debet; aut nigro veratro venter solvi. Adhibenda triduum, quanta sustinere potest, inedia est: paulum deinde vires reficiendæ, & ducenda alvus: posthæc, ubi corpus levatum est, utendum est exercitatione, præcipueque cursu: sudor primum labore ipsius corporis, deinde etiam siccis sudationibus evocandus: fricatio adhibenda: moderandumque inter hæc, ut vires conserventur: balneum rarum esse debet: cibus sine pinguibus, sine glutinosis, sine infantibus. Vinum, præterquam primis diebus, recte datur. Corpus contrita plantago & illita optime tueri videtur.

CAP. XXVI.

De Attonitis.

ATTONITOS quoque raro videmus, quorum & corpus & mens stupet. Fit interdum morbo; hunc ἀποπληξίαν Græci adpellant. His sanguis mittendus est. Veratro quoque albo, vel alvi ductiōne utendum. Tum adhibendæ fricationes; & ex media materia minime pingues cibi; quidam etiam acres: & a vino abstinendum.

CAP. XXVII.

De resolutione nervorum.

AT resolutio nervorum frequens ubique morbus est, Sed interdum tota corpora, interdum partes infestat. Veteres authores illud (a) ἀποπληξίαν; hoc παράλυσιν nominaverunt; nunc utrumque παράλυσιν adpellari video. Solent autem, qui per omnia membra vehementer resoluti sunt, celeriter rapi; ac si correpti non sunt, diutius quidem vivunt, sed raro tamen ad sanitatem perveniunt; & plerumque miserum spiritum trahunt, memoria quoque amissa. In partibus vero nonnunquam acutus, sæpe longus, fere (b) infanabilis morbus est.

(a) CÆL. AURELIAN. *Acut. Morb. III. 5.*

(b) ARETÆUS de *Morb. Diuturn. I. 7.*

(c) Si omnia membra vehementer resoluta sunt, sanguinis detractio vel occidit, vel liberat. Aliud curationis genus vix unquam sanitatem restituit; sæpe mortem tantum differt; vitam interim infestat. Post sanguinis missionem, si non redit & motus & mens, nihil spei superest: si redit, sanitas quoque prospicitur.

At, ubi pars resoluta est, pro vi & malo corporis, vel sanguis mittendus est, vel alvus ducenda. Cætera eadem in utroque casu facienda sunt. Siquidem vitare præcipue convenit frigus; paulatimque ad exercitationes revertendum est, sic, ut ingrediatur ipse protinus, si potest. Si id crurum imbecillitas prohibet, vel gestetur, vel motu lecti concutiat: tum id membrum, quod deficit, si potest, per se; sin minus, per alium moveatur, & vi quadam ad consuetudinem suam redeat.

Prodest etiam torpentis membri summam cutem exasperasse, vel urticis cæsam, vel imposto sinapi, sic, ut ubi rubere cœperit corpus, hæc removeantur. Scilla quoque contrita bulbi-que contriti cum thure recte imponuntur. Neque alienum est, resina cutem tertio quoque die diutius vellere; pluribus etiam locis, aliquando sine ferro, cucurbitulas admovere. Unctioni vero aptissimum est vetus oleum, vel nitrum aceto & oleo admixtum. Quinetiam fovere aqua calida marinâ; vel, si ea non est, tamen salsa, magnopere necessarium est. Ac, si quo loco vel naturales, vel etiam manufactæ tales natationes sunt, iis potissimum utendum est; præcipueque

in his agitanda membra, quæ maxime deficiunt: si id non est, balneum tamen prodest.

Cibus esse debet ex media materia, maximeque ex venatione: potio, sine vino, aquæ calidæ. Si tamen vetus morbus est, interponi quarto vel quinto die purgationis causa vinum Græcum salsum potest. Post cœnam utilis vomitus est.

2. *De Doloꝛe nervoꝝum.*

Interdum vero etiam nervoꝝum doloꝛ oriri solet. In hoc casu non vomere, non medicamentis urinam movere, non exercitatione sudores, ut quidam præcipiunt, expedit. Bibenda aqua est bis die. In lectulo leniter fatis diu corpus perfricandum est; deinde, retento spiritu, in ipsa exercitatione potius superiores partes movendæ: balneo raro utendum: mutandum subinde peregrinationibus cælum. Si doloꝛ est, ea ipsa pars sine oleo, nitro ex aqua perungenda est; deinde involvenda, subjienda pruna lenis, & sulphur; atque ita id suffumigandum; aliquamdiu, faciendum, sed jejuno, cum bene jam concoxerit. Cucurbitulæ quoque sæpe dolenti parti admovendæ sunt, pulsandusque leniter inflatis vesicis bubulis is locus est. Utile est etiam sebum miscere cum cumini & urticæ contritis seminibus, sic, ut omnium par modus sit, idque imponere: fovere aqua, in qua sulphur decoctum sit. Utriculi quoque recte imponuntur aqua calida repleti, aut bitumen cum hordeacea farina mixtum. Atque in ipso potissimum doloꝛe, utendum gestatione vehementi est; quod in aliis doloꝛibus pessimum est.

3. *De Tremore nervorum.*

Tremor autem nervorum æque vomitu medicamentisque urinam moventibus intenditur. Inimica etiam habet balnea, affasque sudationes. Bibenda aqua est: acri ambulatione utendum, item unctionibus, frictionibusque, maxime per seipsum: pila similibusque superiores partes dimovendæ: cibo quolibet utendum, dummodo concoctioni utique studeatur. Secundum cibum, curis abstinendum: rarissima venere utendum est. Si quando quis in eam prolapsus est, tum oleo leniter diuque in lectulo perfricari manibus puerilibus potius, quam virilibus, debet.

4. *De Suppurationibus internis.*

Suppurationes autem, quæ in aliqua interiori parte oriuntur, ubi ortæ fuerint, primum id agere oportet per ea cataplasmata, quæ reprimunt, ne coitus inutilis materiæ fiat; deinde, si hæc victa sunt, ut per ea malagmata, quæ digerunt, dissipetur. Quod si consecuti non sumus, sequitur, ut evocetur: deinde, ut mature scat; omnis tum (*) vomicæ finis est, ut rumpatur. Indiciumque est, pus vel alvo vel ore redditum. Sed nihil facere oportet, quominus, quicquid est puris, exeat. Utendum maxime sorbitionibus est, & aqua calida.

Ubi pus ferri desiit, transeundum ad faciles quidem, sed tamen validiores & frigidos cibos, frigidamque aquam sic, ut ab egelidis tamen initium fiat; primoque cum melle quædam edenda,

(*) Nonne potius enim?

ut nuclei pinei, vel græcæ nuces, vel avellanæ. Postea submovendum idipsum, quod maturius induci cicatrix possit. Medicamentum eo tempore ulceri est, succus adsumptus vel porri vel marrubii, & omni cibo porrum ipsum adjectum. Oportebit autem uti in his partibus, quæ non adficiuntur, fricationibus, item ambulationibus lenibus. Vitandumque erit, ne vel luctando, vel currendo, vel alia ratione fanescentia ulcera exasperentur. In hoc enim morbo perniciosus, ideoque omni modo cavendus sanguinis vomitus est.



LIBER QUARTUS.

CAP. I.

De humani corporis interioribus sedibus.

HACTENUS reperiuntur ea genera morborum, quæ in totis corporibus ita sunt, ut iis certæ sedes assignari non possint: nunc de his dicam, quæ sunt in partibus. Facilius autem omnium interiorum morbi (a) curationesque in notitiam venient, si prius eorum sedes breviter ostendero.

Caput igitur, eaque, quæ in ore sunt, non lingua tantummodo palatoque terminantur, sed etiam, quatenus oculis nostris exposita sunt. In dextra sinistraque circa guttur venæ grandes, quæ σφαιρίδες nominantur; itemque arteriæ (quas καρτίδες vocant) sursum procedentes ultra aures feruntur. Atque in ipsis cervicibus glandulæ positæ sunt, quæ interdum cum dolore intumescunt.

Deinde duo itinera incipiunt: alterum, (b) asperam arteriam nominant; alterum, stomachum. Arteria exterior ad pulmonem; stomachus interior ad ventriculum fertur; illa spiritum: hic cibum recipit. Quibus cum diversæ viæ sint, quæ coeunt, exigua in arteria sub ipsis faucibus lingua est: quæ, cum spiramus, adtollitur; cum cibum

(a) SORAN. EPHES. *Isagog. cap. XII.*

(b) i. e. Gulam. MERCURIAL. *Var. lect. I. c. I.*

cibum potionemque adsumimus, arteriam claudit. Ipsa autem arteria, dura & cartilaginosa, in gutture adsurgit; cæteris partibus residit. Constat ex circulis quibusdam, compositis ad imaginem earum vertebrarum, quæ in spina sunt; ita tamen, ut ex parte exteriori aspera, ex interiori, stomachi modo levis sit, eaque descendens ad præcordia cum pulmone committitur. Is spongiosus, ideoque spiritus capax, & a tergo spinæ ipsi junctus, in duas (c) fibras, ungulæ bubulæ modo, dividitur. Huic cor adnexum est, natura (d) musculosum, in pectore sub sinisterrima mamma situm; duosque quasi ventriculos habet.

At sub corde atque pulmone, transversum ex valida membrana septum est, quod a præcordiis uterum diducit, æque nervosum; multis etiam venis per id discurrentibus; a superiore parte, non solum intestina, sed jecur quoque lienemque discernit. Hæc viscera proxime, sed infra tamen posita, dextra sinistraque sunt.

Jecur a dextra parte sub præcordiis ab ipso septo orsum, intrinsecus cavum, extrinsecus gibberum est; quod prominens leviter ventriculo insidet, & in quatuor fibras dividitur. Ex inferiore vero parte ei fel inhæret. At lien in sinistra, non eidem septo, sed intestino adnexus est, natura mollis & rarus, longitudinis crassitudinisque modicæ; isque paulum a costarum regione in uterum excedens, ex maxima parte sub

(c) HIPPOCR. *Coac. Sent.* 300. VAN DER LIN-
EN *Med. Physiol.* c. IV. p. 239.

(d) HIPPOCR. *de Corde T. IV.*

his conditur; atque hæc quidem juncta sunt. Renes vero divisi: qui lumbis sub imis coxis inhærent, in parte earum resimi, ab altera rotundi; & qui venosi sunt, & tunicis super contiguntur. Ac viscerum quidem hæ sedes sunt

Stomachus vero, qui intestinorum principium est, nervosus a septima spinæ vertebra incipit, ac circa præcordia cum ventriculo committitur. Ventriculus autem, qui receptaculum cibi est, constat ex duobus tergoribus;isque in lienem & jecur positus est; utroque ex his paulum super eum ingrediente. Suntque etiam membranulæ tenues, per quas inter se tria ista connectuntur, jungunturque ei septo, quod transversum esse, supra posui. Inde ima ventriculi pars paulum in dexteriores partem conversa, summum intestinum coarctatur. Hanc juncturam *πυλωρόν* Græci vocant, quoniam portæ modo in inferiores partes ea, quæ excreturi sumus, emittit.

Ab ea jejunum intestinum incipit, non ita implicitum; cui tale vocabulum est, quia nunquam, quod accepit, continet; sed protinus in inferiores partes transmittit. Inde tenuius intestinum est, in sinus vehementer implicitum: orbes vero ejus per membranulas singuli cum interioribus connectuntur; qui in dexteriores partem conversi, & e regione dexteroris coxæ finiti, superiores tamen partes magis complent. Deinde id intestinum cum crassiore altero transverso committitur; quod a dextra parte incipiens, in sinisteriores pervium & longum est, in dexteriores non est; ideoque cæcum nominatur. At id, quod pervium est, late fusum atque sinuatum, minusque quam superiora intestinalia nervosum, ab utraque parte huc atque illuc volutum, magis tamen sinisteriores inferiorisque

partes tenens, contingit jecur atque ventriculū: deinde cum quibusdam membranulis a sinistro rene venientibus jungitur; atque hinc ad dextra recurvatum in ima dirigitur, qua excernit; ideoque id ibi rectum intestinum nominatur. Contegit vero universa hæc omentum, ex inferiore parte leve & adstrictum, ex superiore mollius. Cui adeps quoque innascitur; quæ sensu, sicut cerebrum quoque & medulla, caret.

At a renibus singulæ venæ, colore albæ, ad vesicam feruntur; *ὑπὸ τῆρας* Græci vocant, quod per eas inde descendentem urinam in vesicam distillare concipiunt. Vesica autem in ipso sinu nervosa & duplex, cervice plena atque carnosa, jungitur per venas cum intestino, eoque offe, quod pubi subest: ipsa soluta atque liberior est; aliter in viris atque in feminis posita. Nam in viris juxta rectum intestinum est, potius in sinistram partem inclinata: in feminis super genitale earum posita est, &, superne lapsa, ab ipsa vulva sustinetur. Tum in masculis iter urinæ spatiosius & compressius a cervice hujus descendit ad colem: in feminis brevius & plenius, super vulvæ cervicem se ostendit.

Vulva autem in virginibus quidem admodum exigua est: in mulieribus vero nisi gravidæ sunt, non multo major, quam ut manu comprehendatur. Ea, recta tenuataque cervice, quam canalem vocant, contra mediam alvum orsa, inde paulum ad dexteriores coxam convertitur; deinde super rectum intestinum progressa, illis feminæ latera sua innectit. Ipsa autem ilia inter coxas & pubem imo ventre posita sunt. A quibus ac pube abdomen sursum versus ad præcordia pervenit; ab exteriori parte, evidenti cute; ab

interiore levi membrana inclusum; quæ omento jungitur; *πρωτόναιος* autem a Græcis nominatur.

C A P. II.

De curationibus morborum, qui nascuntur a capite.

HIS veluti in conspectum quemdam, quatenus scire curanti necessarium est, adductis, remedia singularum laborantium partium exsequar, orsus a capite: sub quo nomine nunc significo eam partem, quæ capillitio tegitur: nam oculorum, aurium, dentium dolor, & si quis similis est, alias erit explicandus.

2. *De Capitis dolore.*

In capite autem interdum acutus & pestifer morbus est, quem *κεφαλαίαν* Græci vocant. Cujus notæ sunt, (a) horror validus, nervorum resolutio, oculorum caligo, mentis alienatio, vomitus, sic ut vox supprimatur; vel sanguinis ex naribus cursus, sic ut corpus frigescat, anima deficiat. Præter hæc, dolor intolerabilis, maxime circa tempora, vel occipitium. Interdum autem in capite longa imbecillitas, sed neque gravis, neque periculosa, per hominis ætatem est. Interdum gravior dolor, sed brevis, neque tamen mortiferus; qui vel vino, vel cruditate, vel frigore, vel igne, aut sole contrahitur.

Hique omnes dolores modo in febre, modo

finē hac sunt; modo in toto capite, modo in parte; interdum sic, ut oris quoque proximam partem excrucient.

Præter hæc etiam invenitur genus, quod potest longum esse: ubi humor cutem inflat, eaque intumescit, & prementi digito cedit: ὄδρονέφαλον Græci adpellant.

Ex his id, quod secundo loco positum est, dum leve est, qua sit ratione curandum, dixi, (a), cum persequeretur ea, quæ sani homines in imbecillitate partis alicujus facere deberent. Quæ vero auxilia sint capitis, ubi cum febre dolor est, eo loco explicitum est, quod febrium curatio exposita est: nunc de cæteris dicendum est.

Ex quibus id, quod acutum est, & id, quod supra consuetudinem intenditur, idque, quod ex subita causa, etsi non pestiferum, tamen vehemens est, primam curationem habet, qua sanguis mittatur. Sed id, nisi intolerabilis est dolor, supervacuum est. Satiusque est abstinere a cibo; si fieri potest, etiam a potione: si non potest, aquam bibere. Si postero die dolor remanet, alvum ducere, sternutamenta evocare, nihil adsumere, nisi aquam. Sæpe enim dies unus aut alter totum dolorem hac ratione discutit, utique si ex vino vel cruditate origo est.

Si vero in his auxilii parum est, tondere oportet ad cutem: deinde considerandum est, quæ causa dolorem excitavit. Si calor, aqua frigida multa perfundere caput expedit; spongiam concavam imponere, subinde aqua frigida expressam; ungere rosâ & aceto, vel potius his tinctam lanam succidam imponere, aliave refrigerantia cataplas-

(a) *Lib. I. c. 4.*

mata. At si frigus nocuit, caput oportet perfundere aqua calida marina, vel certe falsa, aut in qua laurus decocta sit; tum caput vehementer perfricare; deinde calido oleo implere & veste velare: quidam etiam id devinciunt; alii cervicalibus vestimentisque onerant, & sic levantur: alios calida cataplasmata adjuvant. Ergo etiam, ubi causa incognita est, videre oportet, refrigerantia magis, an calefacientia leniant, & his uti, quæ experimentum approbarit.

At si parum causa discernitur, perfundere caput, primum aqua calida, sicut supra præceptum est, vel falsa, vel ex lauro decocta, tum frigida posca. Illa in omni vetusto capitis dolore communia sunt: sternutamenta excitare, inferiores partes vehementer perfricare, gargarizare (a) his, quæ salivam movent, cucurbitulas temporibus & occipitio admovere, sanguinem ex naribus detrahere, resina subinde tempora pervellere, & imposito sinapi exulcerare ea, quæ male habent, ante linteolo subjecto, ne vehementer erodat, candentibus ferramentis, ubi dolor est, ulcera excitare, cibum semper modicum cum aqua sumere: ubi levatus est dolor, in balneum ire, ibi multa aqua prius calida, deinde frigida caput perfundi. Si discussus ex toto dolor est, etiam ad vinum reverti; sed postea semper, antequam quicquam aliud, aquam bibere.

Difficile est id genus, quod humorem in caput contrahit. In hoc tonderi ad cutem necessarium est: deinde imponere sinapi, sic ut exulceret; si id parum profuit, scalpello utendum est. Illa cum hydropicis communia sunt, ut exerceatur, insu-

(b) SORAN. EPHES. *Isag.* c. 6.

det, vehementer perfricetur, cibus potionibusque utatur urinam præcipue moventibus.

2. *De morbo, qui circa faciem nascitur.*

Circa faciem vero morbus innascitur, quem Græci (a) *κυνικὸν σπασμὸν* nominant. Is cum acuta febre oritur. Os cum rictu quodam pervertitur, ideoque nihil aliud est, quam distortio oris. Accedit crebra coloris in facie totoque corpore mutatio: somnus in promptu est.

In hoc sanguinem mittere optimum est. Si finitum eo malum non est, ducere alvum. Si ne sic quidem discussum est, albo veratro vomitum movere. Præter hæc necessarium est vitare solem, lassitudinem, vinum. Sed si discussum his non est, utendum est cursu, & fricatione in eo, quod læsum est, leni & multa; in reliquis partibus breviori, sed vehementi. Prodest etiam movere sternutamenta, caput radere, idque perfundere aqua calida vel marina, vel certe falsa, sic ut ei quoque sulphur adjiciatur: post perfusionem iterum perfricari, sinapi manducare; eodemque tempore adfectis oris partibus ceratum, integris item sinapi, donec erodat, imponere. Cibus aptissimus ex media materia est.

3. *De resolutione lingue.*

At si lingua resoluta est, quod interdum per se, interdum ex morbo aliquo fit, sic ut sermo hominis non explicetur; oportet gargarizare

(a) ARETÆUS *de Morb. Diuturn.* I. 7. CÆLIUS AURELIAN. *Tard. Pass.* II. 2.

ex aqua, in qua thymum, vel hyssopum, vel nepeta decocta sit; aquam bibere; caput, & os, & ea quæ sub mento sunt, & cervicem vehementer perfricare; laesere linguam ipsam linere; manducare, quæ sunt acerrima, id est sinapi, allium, cepam; magna vi luctari, ut verba exprimantur; exerceri retento spiritu, caput sæpe aqua frigida perfundere, nonnunquam multam esse radiculam, deinde vomere.

4. (a) *De distillatione ac gravedine.*

Distillat autem humor de capite interdum in nares, quod lene est; interdum in fauces, quod pejus est; interdum etiam in pulmonem, quod pessimum est. Si in nares distillaverit, tenuis per has pituita profluit, caput leniter dolet, gravitas in eo sentitur, frequentia sternutamenta sunt. Si in fauces, has exasperat, tussiculam movet. Si in pulmonem, præter sternutamenta & tussim, est etiam capitis gravitas, lassitudo, sitis, æstus, biliosa urina.

Aliud autem, quamvis non multum distans, malum, gravedo est. Hæc nares claudit, vocem obtundit, tussim siccam movet. Sub eadem vero falsa est saliva, sonant aures, venæ moventur in capite, turbida urina est. Hæc omnia *καρῖδας* HIPPOCRATES nominat. Nunc video apud Græcos in gravedine hoc nomen fervari: distillationes, *καταρῖδες* adpellari. Hæc communia & breviora; sed si neglecta sunt, longa esse consueverunt. Nihil pestiferum est, nisi quod pulmonem exulcerat.

Ubi aliquid ejusmodi sentimus, protinus absti-

nere a sole, a balneo, a vino venire debemus. Inter quæ unctione & adsueto cibo nihilominus uti licet. Ambulatione tantum non acri, sed recta utendum est, & post eam caput atque os supra quinquagies perfricandum. Raroque fit ut si biduo, vel certe triduo nobis temperavimus, id vitium non levetur. Quo levato, si in distillatione crassa facta pituita est, vel in gravedine, nares magis pallent, balneo utendum est, multaue aqua prius calida, post egelida, fovendum os, caputque; deinde cum cibo pleniore vinum bibendum. At, si æque tenuis die quarto pituita est, vel nares æque clausæ videntur, adsumendum est vinum Amineum, austerum; deinde rursus biduo aqua, post quæ ad balneum, & ad consuetudinem revertendum est.

Neque tamen ipsis diebus quibus aliqua omit-tenda sunt, expedit tamquam ægros agere: sed cætera omnia quasi sanis facienda sunt, præterquam si diutius aliquem & vehementius ista sollicitare consuerunt; huic enim quædam curiosior observatio necessaria est.

Igitur huic, si in nares vel in fauces distillavit, præter ea quæ supra retuli, protinus primis diebus multum ambulandum est, perfricandæ vehementer inferiores partes, levior fricatio adhibenda thoraci erit, levior capiti, demenda adsueto cibo pars dimidia, sumenda ova, amyllum, similiaque, quæ pituitam faciunt crassiolem, siti, quanta maxima sustineri potest, pugnandum est. Ubi per hæc idoneus aliquis balneo factus, eoque usus est, adjiciendus est cibo pisciculus, aut caro; sic tamen, ne protinus justus modus cibi sumatur: vino meraco copiosius utendum est.

At si in pulmonem quoque distillat, multo magis & ambulatione & frictione opus est, eadem-

que adhibita ratione in cibus. Si non fatis illi proficiunt, acrioribus utendum est, magis somno indulgendum est, abstinendumque a negotiis omnibus, aliquando, sed ferius, balneum tentandum.

In gravedine autem, primo die quiescere, neque esse, neque bibere, caput velare, fauces lana circumdare: postero die surgere, diu abstinere a potione, aut, si res cocgerit, non ultra heminam aquæ adsumere: tertio die panis non ita multum ex parte interiore cum pisciculo; vel levi carne sumere, aquam bibere: si quis sibi temperare non potuerit, quo minus pleniore victu utatur, vomere: ubi in balneum ventum est, multa aqua calida caput & os fovere usque ad sudorem, tum ad vinum redire. Post quæ vix fieri potest, ut idem incommodum maneat; sed, si manserit, utendum erit cibus frigidis, aridis, levibus, humore quam minimo, servatis frictionibus exercitationibusque, quæ in omni tali genere valetudinis necessariæ sunt.

C A P. III.

De Cervicis morbis (a).

A CAPITE transitus ad-cervicem est; quæ gravibus admodum morbis obnoxia est. Neque tamen alius importunior (b) acutiorque morbus est, quam is, qui quodam rigore nervorum, modo caput scapulis, modo mentum pectori ad-

(a) GALEN. *Introd. in Med.* c. 13. (b) ARETÆUS *de Morb. Acut.* I. 6.

nectit, modo rectam & immobilem cervicem intendit. Primum Græci (c) ὀπισθότονον, sequentem ἐμπροσθότονον, ultimum τέτανον (d) adpellant: quamvis minus subtiliter quidam indiscretis his nominibus utuntur. Ea sæpe intra quartum (e) diem tollunt: si hunc evaserunt, sine periculo sunt.

Eadem omnia ratione curantur; idque convenit. ASCLEPIADES utique (f) mittendum sanguinem credidit. Id quidam utique vitandum esse dixerunt, eo quod maxime tum corpus calore egeret; isque esset in sanguine venarum. Hoc quidem falsum est, neque enim natura sanguinis est, ut utique caleat; sed ex his, quæ in homine sunt, is celerrime vel calefcit, vel refrigescit. Mitti vero nec ne debeat, ex his intelligi potest, quæ de sanguinis missione præcepta sunt. Utique autem recte datur (g) castoreum, & cum hoc piper, vel laser. Deinde opus est fomento humido & calido. Itaque plerique aqua calida multa cervices subinde perfundunt: id in præsentia adlevat; sed opportuniore nervos frigori reddit, quod utique vitandum est.

Utilius igitur est, cerato liquido primum cervicem perungere; deinde admoveve vesicas bubulas vel utriculos (h) oleo calido repletos, vel ex farina calidum cataplasma, vel piper cum ficu contusum. Utilissimum tamen est, humido sale (i)

(c) CÆL. AUREL. *Morb. Acut.* III. 6.

(d) SUID. *in ead. voce.*

(e) *Aph.* V. 6.

(f) CÆL. AUREL. *Acut. Morb.* III. 8.

(g) MARCELL. *de Medic. c. XVIII.* pag. 320.

(h) CÆL. AUREL. *Acut. Morb.* III. 8.

(i) MARCELL. *de Med. c. XVIII.* pag. 320.

fovere, quod quomodo fieri debeat, jam ostendi. Ubi eorum aliquid factum est, admove-re ad ignem, vel si æstas est, in sole ægrum oportet; maximeque oleo vetere; si id non est, (k) Syriaco; si ne id quidem est, adipe (l) quam vetustissima cervicem, & scapulas, & spinam perfri-care.

Fricatio cum omnibus vertebrais hominum utilis sit, tum iis præcipue, quæ in collo sunt. Ergo die nocteque interpositis tamen quibusdam temporibus, hoc remedio utendum est: dum intermit-titur, imponendum (m) malagma aliquod ex ca-lescentibus. Cavendum vero & præcipue frigus, ideoque in eo conclavi, quo curatur æger, ignis continuus esse debet, maximeque tempore antelu-cano, quo præcipue frigus intenditur. Neque inu-tile erit, caput attonsum habere, idque irino vel cyprino calido madefacere, & superimposito pileo velare: nonnunquam etiam in calidum oleum to-tum descendere, vel in aquam calidam, in qua fœnum græcum decoctum sit, & adjecta olei pars tertia. Alvus (n) quoque ducta sæpe superiores partes resolvit.

Si vero etiam vehementius dolor crevit, admo-vendæ cervicibus cucurbitulæ sunt, sic ut cutis incidatur. Eadem aut ferramentis aut sinapi adu-renda. Ubi levatus est dolor, moverique cervix cœpit, scire licet, cedere remediis morbum. Sed diu vitandus cibus, (o) quisquis mandendus est.

(k) PLIN. N. H. XV. 7.

(l) MARCELL. de Med. c. XVIII. pag. 320.

(m) MARCELL. de Med. c. XVIII. pag. 320.

(n) Aph. VII. 5.

(o) CÆL. AUREL. Morb. Acut. III. 8.

Sorbitationibus utendum, itemque ovis forbilibus, aut e pullis mollibusve jus aliquod adfumendum. Id si bene processerit, jamque ex toto recte se habere cervices videbuntur, incipiendum erit a pulicula, vel intrita bene madida. Celerius tamen etiam panis mandendus, quam vinum gustandum: siquidem hujus usus præcipue periculosus; ideoque in longius tempus differendus est.

CAP. IV.

(a) *De Faucium morbis: & primum de Angina*

UT hoc autem morbi genus circa totam cervicem; sic alterum, æque pestiferum acutumque, in faucibus esse consuevit. Nostri anginam vocant: apud Græcos nomen prout species est. Interdum enim neque rubor, neque tumor ullus adparet; sed corpus aridum est, vix spiritus trahitur; membra solvuntur, id (b) συνάγχην vocant. Interdum lingua faucesque cum rubore intumescunt, vox nihil significat, oculi vertuntur, facies pallet, singultusque est, ὡς συνάγχην vocatur. Illis communia sunt; æger non cibum devorare, non potionem potest; spiritus ejus intercluditur. Levius est, ubi (c) tumor tantummodo & rubor est, cætera non ~~sentiantur~~ *παρὰ συνάγχην* adpellant.

(a) ARETÆUS de Morb. Acut. I. 7.

(b) CÆL. AUREL. Morb. Acut. III. c. 1, 2, 3, 4. ÆGINET. III. 27. D. HIERONYM. in Job cap. VII.

(c) Aph. VI. 37.

Quicquid est, si vires patiuntur, (d) sanguis mittendus est, etsi non abundat: secundum est ducere alvum. Cucurbitula quoque recte sub mento, & circa fauces admovetur; ut id, quod strangulat, evocet. Opus est deinde fomentis humidis, nam sicca spiritum elidunt. Ergo admoveere spongas oportet: quæ melius in calidum oleum, quam in calidam aquam subinde dimittuntur. Efficacissimumque est hic quoque, salem calidis cum facellis superponere. Tum commodum est, hyssopum, vel nepetam, vel thymum, vel apsinthium, vel etiam furfures, aut ficus aridas, cum mulla decoquere, eaque gargarizare: post hæc palatum ungere vel felle taurino, vel eo medicamento, quod ex moris est. Polline etiam piperis recte respergitur.

Si per hæc parum proficitur, ultimum est, incidere fatis altis plagis sub ipsis maxillis supra colum, & in palato circa uvam, vel eas venas, quæ sub (e) lingua sunt; ut per ea vulnera morbus erumpat. Quibus si non fuerit æger adjutus, scire licet a malo victum esse. Si vero his morbus levatus est, jamque fauces cibum & potum capiunt, facilis ad bonam valetudinem recursus est. Atque interdum natura (f) quoque adjuvat, si ex angustiore sede vitium transit in latiore. Itaque rubore & tumore in præcordiis orto, scire licet fauces liberari.

Quicquid autem eas levarit, incipiendum est ab humidis, maximeque aqua mulla: deinde adsu-

(d) MARCELL. de Med. c. XV. pag. 303.

(e) MARCELL. de Med. c. XV. p. 305.

(f) Aph. VI. 37.

mendi molles & non acres cibi sunt, donec fauces ad pristinum habitum revertantur. Vulgo audio (g), si quis (h) pullum hirundinum ederit, angina toto anno non periclitari. Servatumque eum ex (i) sale, cum is morbus urget, comburi, carbonemque ejus contritum in aquam mulsam, quæ potui detur, infriari, & prodesse. Id cum idoneos authores ex populo habeat, neque habere quicquam periculi possit, quamvis in monumentis medicorum non legerim, tamen inferendum huic operi meo credidi.

2. De Difficultate spirandi.

EST etiam circa fauces malum, quod apud Græcos aliud aliudque nomen habet, prout se intendit. Omne in difficultate spirandi consistit: sed hæc dum modica est, neque ex toto strangulat, (k) δύσπνοια adpellatur: cum vehementior est, ut spirare æger sine sono & anhelatione non possit, (l) ἄσθμα: cum accessit id quoque, ne nisi recta cervice (m) spiritus trahatur, ὀρθόπνοια. Ex quibus id, quod primum est, potest diu aliquem trahere: duo infrequentia acuta esse consueverunt. His communia sunt; quod propter angustias, per quas spiritus evadit, (n) sibilum elidit; dolor

(g) PLIN. *Histor. N. X. c. 33.*

(h) PLIN. *H. N. XXX. 4.*

(i) IDEM *ibidem.*

(k) CÆL. AUREL. *Tard. Passion. III. 1. ÆGINET. III. 29.*

(l) HIERONYM. in *JOB cap. IX.*

(m) Sublimis spiritus dicitur HORATIO. *Vide Not. DAN. HEINS. ad HORAT. I. 15. vers. 31.*

(n) TRALLIAN. *L. 2.*

in pectore præcordiisque est, interdum etiam in scapulis,isque modo decedit, modo revertitur, adhæc tussicula accedit.

Auxilium vero est, nisi aliquid prohibet, in sanguinis detractiōe. Neque id satis est, sed lac caprinum calidum jejuno dandum; &, si non febricit, venter solvendus est. Liquanda alvus, interdum etiam ducenda, quibus extenuatum corpus incipit spiritum trahere commodius. Caput autem etiam in lecto sublime habendum est: thorax fomentis, cataplasmatisque calidis, aut siccis, aut etiam humidis adjuvandus est; & postea malagma superimponendum, vel ceratum ex cyprino, vel irino unguento. Sumenda deinde jejuno in potum mulsa, vel aqua, cum qua vel hyssopus cocta, vel contrita capparis radix sit. Deligitur etiam utiliter, aut nitrum, aut (o) nasturtium, alliumve frictum, deinde contritum & cum melle mixtum: simulque coquuntur mel, galbanum, resina terebinthina: ubi autem coierunt, ex his, quod fabæ magnitudinem habet, quotidie sub lingua liquatur; aut sulphuris ignem non experti p*. & quadrans abrotani p*. in vini cyatho teruntur, idque tepefactum forbetur.

Est etiam non vana opinio, vulpinum jecur (p), ubi siccum & aridum factum est, contundi oportere, pollinemque ex eo potioni adspergi; vel ejusdem pulmonem quam recentissimum assum, sed sine ferro coctum, edendum esse. Præter hæc, forbitionibus & lenibus cibis utendum est: interdum vino tenui austero: nonnunquam vomitu. Profunt etiam,

(o) CÆL. AURELIAN. *Tard. Pass.* III. 1.

(p) SCRIBON LARG. c. 19. *Comp.* 76. PLIN. H. N. XXVIII. 13.

etiam, quæcumque urinam movent: sed nihil magis, quam ambulatio lenta penè usque ad lassitudinem; fricatio multa, præcipue inferiorum partium, vel in sole, vel ad ignem, & per seipsum, & per alios, usque ad sudorem.

3. De Faucium exulceratione.

In interiore vero faucium parte interdum exulceratio esse consuevit. In hac plerique extrinsecus cataplasmatibus calidis, fomentisque humidis utuntur. Volunt etiam vaporem calidum ore recipi; per quem molliores alii partes eas fieri dicunt, opportunioreque vitio jam hærenti. Sed, si bene sic vitari morbus potest, tuta illa præsidia: si metus ejus est, supervacua sunt. Utique autem perfricare fauces periculosum est; exulcerat enim. Neque utilia sunt, quæ urinæ movendæ sunt apta: quia possunt, dum transeunt, ibi quoque pituitam extenuare; quam suppressi melius est.

ASCLEPIADES multarum rerum, quas ipsi quoque secuti sumus, author bonus, acetum ait quam acerrimum esse sorbendum; hoc enim sine ulla noxa comprimere ulcera. Sed id suppressere sanguinem potest; ulcera ipsa sanare non potest. Melius huic rei licium est; quod idem quoque æque probat: vel porri, vel marrubii succus, vel nuxes Græcæ (q) cum tragacantho contritæ & cum passo mixtæ, vel lini semen contritum & cum dulci vino mixtum. Exercitatio quoque ambulan-

(q) Amygdalæ. Vide RHODII Lexicon SCRIBONIANUM. MACROBIUM SATURN. II. 14.

di currendique necessaria est. Fricatio a pectore
vehemens toti inferiori parti adhibenda.

Cibi vero esse debent, neque nimium acres,
neque asperi; mel, lenticula, tragus, lac, ptisana,
pinguis caro, præcipueque porrum, & quic-
quid cum hoc mixtum est.

Potionis quam minimum esse convenit. Aqua
dari potest, vel pura, vel in qua malum coto-
neum, palmulæve decoctæ sunt. Gargarizationes
quoque lenes: si hæ parum proficiunt, reprimen-
tes utiles sunt.

Hoc genus neque acutum est, & potest esse non
longum: curationem tamen maturam, ne vehemen-
ter & diu lædat, desiderat.

4. *De Tussi.*

Tussis vero fere propter faucium exulceratio-
nem molesta est: quæ multis (7) modis contrahi-
tur. Itaque, illis restitutis, ipsa finitur. Solet ta-
men interdum per se quoque male habere: & vix,
cum vetus facta est, eliditur; ac modo arida est,
modo pituitam facit vel citat.

Oportet autem hyssopum altero quoque die bi-
bere: spiritu retento currere, sed minime in pul-
vere: ac lectione uti vehementi; quæ primo im-
peditur a tussi, post eam vincit: tum ambulare:
deinde per manus quoque exerceri, & pectus diu
perfricare. Post hæc quam pinguissimæ ficus un-
cias tres, super prunam incoctas, esse.

Præter hæc, si humida est, profunt fricationes
validæ, cum quibusdam calefacientibus, sic, ut
caput quoque simul vehementer perfricetur: item

cucurbitulæ pectori admotæ; sinapi ex parte exteriori faucibus impositum, donec leviter exulceret; potio ex menta, nucibusque Græcis & amylo; primoque adsumptus panis aridus, deinde aliquis cibus lenis.

At, si sicca tussis est, cum ea vehementissime urget, adjuvat vini austeri cyathus adsumptus; dum ne amplius id, interposito tempore aliquo, quam ter aut quater fiat: item laseris quam optimi paululum devorare opus est; porri vél marubii succum adsumere; scillam delingere; acetum ex ea, vel certe acre forbere, aut cum spica allii contriti duos vini cyathos.

Utilis etiam in omni tussi est peregrinatio, navigatio longa, loca maritima, natationes. Cibus interdum mollis, ut malva, ut urtica: interdum acer, ut lac cum allio coctum. Sorbitiones, quibus laser sit adjectum, aut in quibus porrum incoctum tabuerit. Ovum quoque forbile, sulphure adjecto, forbeatur. In potum vero primum aqua calida, deinde invicem aliis diebus hæc, aliis vero vinum.

(f) §. *De Sanguinis sputo*

Magis terreri potest aliquis, cum sanguinem expuit; sed id modo minus, modo plus periculi habet. Exit enim modo ex gingivis, modo ex ore, & quidem ex hoc interdum etiam copiose, sed sine tussi, sine ulcere, sine gingivarum ullo vitio; ita ut nihil exscreetur. Verum ut ex na-

(f) ARETÆUS de *Morb. Acutis* II. 2. CÆL. AURELIAN. *Morb. Chronic. Lib. II.* c. 9.

ribus, sic ex ore aliquando prorumpit. Atque interdum sanguis profluit, interdum simile aquæ quiddam, in qua caro recens lota est. Nonnunquam autem is a summis faucibus fertur, modo exulcerata ea parte, modo non exulcerata; sed aut ore venæ alicujus adaperto, aut tuberculis quibusdam natis, ex hisque sanguine erumpente. Quod ubi incidit, neque lædit potio aut cibus, neque quicquam, ut ex ulcere, excreatur. Aliquando vero, gutture & arteriis exulceratis, frequens tussis sanguinem quoque extundit. Interdum etiam fieri solet, ut aut ex pulmone, aut ex pectore, aut ex latere, aut jocinore feratur. Sæpe feminae, quibus sanguis per menstrua non respondet, hunc exspuunt. Authoresque medici ferunt, vel exesa parte aliqua sanguinem exire (t); vel rupta, vel ore alicujus venæ patefacto. Primam διαβρωσιν, secundam ἰσχυροχασμὸν, tertiam ἀναστόμωσιν adpellant. Ultima minime nocet; prima gravissime. Ac sæpe quidem evenit, uti sanguinem (u) pus sequatur.

Interdum autem, qui sanguinem ipsum suppressit, satis ad valetudinem profuit. Sed si secuta ulcera sunt, si pus, si tussis est, prout sedes ipsa est, ita varia & periculosa genera morborum fiunt. Si vero sanguis tantum fluit, expeditius & remedium & finis est. Neque ignorari oportet, eis, quibus fluere (x) sanguis solet, aut quibus spina dolet, coxæve, aut post cursum vehementem vel ambulationem, dum febris absit, non

(t) CÆL. AURELIAN. *Tard. Pass.* II. 9. 10. ARETÆUS *Morb. Acutor. Cur.* II. TRALLIAN. VII. 1.

(u) *Aph.* VII. 78.

(x) *Aph.* VII. 37.

esse inutile sanguinis mediocre profluvium : idque per urinam redditum ipsam quoque lassitudinem solvere. Ac ne in eo quidem terribile esse, qui ex superiore loco decidit : si tamen in ejus urina nihil aliud (y) novabit. Neque vomitum hujus afferre periculum, etiam cum repetit, si ante confirmare & implere corpus licuit : & ex toto nullum nocere, qui in corpore robusto, neque nimius est, neque tussim aut calorem movet. Hæc pertinent ad universum : nunc ad ea loca, quæ proposui, veniam.

Si ex gingivis exit, portulacam manducasse satis est. Si ex ore, continuasse eo merum vinum : si id parum proficit, acetum. Si inter hæc quoque graviter erumpit, quia consumere hominem potest, commodissimum est, impetum ejus, admodum (z) occipitio cucurbitula, sic ut cutis, quoque incidatur, avertere. Si id mulieri, cui menstrua non feruntur, evenit, eandem cucurbitulam, incisus inguinibus ejus, admovere.

At, si ex faucibus, interioribusve partibus processit, & metus major est, & cura major adhibenda, sanguis mittendus est ; &, si nihilominus ex ore processit, iterum tertioque, & quotidie paulum aliquid : protinus autem debet forbere vel acetum, vel etiam cum thure plantaginis aut porri succum ; imponendaque extrinsecus supra id, quod dolet, lana succida ex aceto est, & id spongia subinde refrigerandum. ERASISTRATUS horum crura quoque & femora brachiaque pluribus locis deligabat. Id ASCLEPIADES adeo non pro-

(y) Notabit.

(z) MARCELL. *de Med.* c. X. pag. 288.

desse, ut etiam inimicum esset, proposuit. Sed id sæpe commode respondere experimenta testantur.

Neque tamen pluribus locis deligari necesse est; sed sat est infra inguina, & super talos, summosque humeros, etiam brachia. Tum, si febris urget, danda est sorbitio; & potui aqua, in qua aliquid ex his, quæ alvum adstringunt, decoctum sit. At, si abest febris, vel elota alica, vel panis ex aqua frigida, & molle quoque ovum dari potest potui, vel idem, quod supra scriptum est, vel vinum dulce, vel aqua frigida: sed sic bibendum erit, ut sciamus, huic morbo sitim prodesse.

Præter hæc necessaria sunt quies, securitas, silentium. Caput hujus quoque cubantis sublime esse debet; recteque tondetur. Facies sæpe aqua frigida fovenda est. At inimica sunt vinum, balneum, Venus, in cibo oleum, acriora (aa) omnia, item calida fomenta, conclave calidum & inclusum, multa vestimenta corpori injecta, etiam fricationes, nisi ubi bene sanguis conquievit. Tum vero incipiendum est a brachiis, cruribusque; a thorace abstinendum. In hoc casu per hiemem, locis maritimis; per æstatem, mediterraneis opus est.

C. A. P. V.

De Stomachi morbis.

FAUCIBUS subest stomachus; in quo plura
(a) longa vitia incidere consueverunt. Nam

(aa) CÆL. AUREL. *Acut. Morb. II. 24.*

(a) CÆL. AURELIAN. *Tard. Pass. III. 2. TRALLIAN. VII. 3.*

modo ingens calor, modo inflatio hunc, modo inflammatio, modo exulceratio adficit. Interdum pituita, interdum bilis adoritur. Frequentissimumque est ejus malum, quo resolvitur: neque ulla re magis aut adficitur, aut corpus adficit.

Ut diversa autem vitia ejus, sic etiam remedia sunt. Ubi exæstuat, aceto cum rosa extrinsecus subinde fovendus est; imponendusque pulvis cum oleo; & ea cataplasmata, quæ simul & reprimunt, & molliunt. Potui, nisi quid obstat, gelida aqua præstanda.

Si inflatio est, profunt admotæ (b) cucurbitulæ; neque incidere cutem necesse est: profunt sicca & calida fomenta, sed non vehementissima. Interponenda abstinencia est. Utilis in jejuno potio est apsinthii, aut hyssopi, aut rutæ. Exercitatio (c) primo levis, deinde major adhibenda est; maximeque, quæ superiores partes moveat, quod genus in omnibus stomachi vitiis aptissimum est. Post exercitationem opus est unctione, fricatione, balneo quoque nonnunquam, sed rarius; interdum alvi ductione; cibis deinde calidis, neque infantibus: eodemque modo calidis potionibus, primo aquæ; post, ubi resedit inflatio, vini austeri. Illud quoque in omnibus stomachi vitiis præcipiendum est, ut, quo modo se quisque æger refecerit, eodem sanus utatur; nam redit huic imbecillitas sua, nisi iidem defenditur bona valetudo, quibus reddita est.

At si inflammatio aliqua est, quam fere tumor

(b) Sub scapulis, uti duobus exemplis confirmat ALOISII MUNDELLA *Epist.* 7. pag. 125. & seqq.

(c) Equitatio. PLIN. XXVIII. 4. in fine.

& dolor sequitur, prima sunt quies, & abstinentia; lana sulphurata circumdata; in jejuno apsinthium.

Si ardor stomachum urget, aceto cum rosa subinde fovendus est: deinde cibus quidem utendum est modicis; imponenda vero extrinsecus quæ simul & reprimunt & molliunt: deinde, his detractis, utendum calidis ex farina cataplasmatibus, quæ reliquias digerant: interdum alvus ducenda: adhibenda exercitatio, & cibus plenior.

At, si exulceratio stomachum infestat, eadem fere facienda sunt, quæ in faucibus exulceratis præcepta sunt. Exercitatio, fricatio inferiorum partium adhibenda. Adhibendi lenes & glutinosi cibi; sed citra satietatem. Omnia acria atque acida removenda. Vino, si febris non est, dulci, aut, si id inflat, certe leni utendum; sed neque perfrigido, neque nimis calido.

Si vero pituita stomachus impletur, necessarius modo in jejuno, modo post cibum vomitus est. Utilis exercitatio, gestatio, navigatio, fricatio. Nihil edendum, bibendumque, nisi calidum; vitatis tantum his, quæ pituitam contrahere consueverunt.

Molestius est, si stomachus bile vitiosus est. Solent autem hi, qui sic tentantur, interpositis quibusdam diebus, hanc, & quidem, quod pessimum est, atram vomere. His recte alvus ducitur: portiones ex apsinthio dantur: necessaria gestatio, navigatio, &, si fieri potest, ex nausea vomitus: vitanda cruditas: sumendi cibi faciles & stomacho non alieni, vinum austerum.

Vulgatissimum vero pessimumque stomachi vitium est resolutio, id est, cum cibi non (d) te-

nax est, soletque definere ali corpus, ac sic tabe consumi. Huic generi inutilissimum balneum est. Lectiones, exercitationesque superioris partis necessariae, item unctiones, fricationesque: hinc perfundi frigida, atque in eadem natare, canalibus ejusdem subjicere etiam stomachum ipsum, & magis etiam a scapulis id quod contra stomachum est: consistere in frigidis, medicatisque fontibus, quales (e) Cutiliarum Sumbruinarumque sunt, salutare est.

Cibi quoque adsumendi sunt frigidi, qui potius difficulter coquuntur, quam facile vitiantur. Ergo plerique, qui nihil aliud concoquere possunt, bubulam coquunt. Ex quo colligi potest, neque avem, neque venationem, neque piscem dari debere, nisi generis durioris. Potui quidem aptissimum est vinum frigidum, vel certe bene calidum meracum, potissimum (f) Rheticum, vel Allobrogicum, aliudve, quod & austerum & resina conditum est: si id non est, quam asperrimum, maximeque (g) Signinum.

Si cibus non continetur, danda aqua, & eliciendus plenior vomitus est; iterumque dandus cibus, & tum admovendae duobus infra stomachum digitis cucurbitulae, ibidemque duabus aut tribus horis continendae sunt.

Si simul & vomitus, & dolor est, imponenda supra stomachum est lana succida, vel spongia (h) ex aceto, vel cataplasma, quod refrigeret, Perfri-

(e) PLIN. II. 95. & XXXI. 2. VITRUVIUS VIII. 3. CÆL. AUREL. *Tard. Pass. V. 2. pag. 518.*

(f) SERV. ad VIRG. II. Georg. 96. SÆTON. in August. c. 77. PLIN. XIV. 6.

(g) PLIN. *ibidem.*

(h) TRALLIAN. VII. 7.

canda vero non diu, sed vehementer brachia, & crura, & calefacienda.

Si plus doloris est, infra præcordia quatuor digitis cucurbitula utendum est: protinus dandus panis ex posca frigida. Si non continuit, post vomitum leve aliquid ex his, quæ non aliena stomacho sint. Si ne id quidem tenuit, singuli cyathi vini, singulis interpositis horis, donec stomachus consistat. Valens etiam medicamentum est, radiculae succus: valentius, acidi punici mali, cum pari modo succi, qui ex dulci punico malo est, adjecto etiam intubi succo, & mentæ, sed hujus minima parte; quibus tantundem, quantum ex his omnibus est, aquæ frigidæ quam optime miscetur. Id enim plus quam vinum ad comprimendum stomachum potest. Supprimendus autem vomitus est, qui per se venit, etsi nausea est.

Sed si coacuit intus cibus, aut computruit, quorum utrumlibet ructus ostendit, ejiciendus est; protinusque, cibus adsumptis iisdem, quos proxime posui, stomachus restituendus. Ubi sublatus est præsens metus, ad ea redeundum est, quæ supra præcepta sunt.

C A P. VI.

De Laterum doloribus.

STOMACHUS lateribus cingitur; atque in his quoque vehementes dolores esse consuerunt. Eorum initium vel ex frigore, vel ex ictu, vel ex nimio (a) cursu, vel ex morbo est. Sed in-

(a) ARETÆUS *De Morb. Acut.* I. 10. TRALL. VI 1.

terdum id malum intra dolorem est: isque modo tarde, modo celeriter solvitur; interdum ad perniciem quoque procedit; oriturque acutus morbus, qui *πλευριτικός* a Græcis nominatur. Huic dolori lateris, febris (b) & tussis accedit: & per hanc exscreatur, si tolerabilis morbus est, pituita; si gravis, sanguis. Interdum etiam sicca tussis est, quæ nihil emolitur; idque vitio primo gravius, secundo tolerabilius est.

Remedium vero est magni & recentis doloris, sanguis (c) missus. At, si levior, si vetustior casus est, vel supervacuum, vel ferum id auxilium est; confugiendumque ad cucurbitulas est, ante summa cute incisa. Recte etiam sinapi ex aceto super pectus imponitur, donec ulcera pustulasque excitet; & tum medicamentum, quod humorem illuc citet. Præter hæc, circumdare primum oportet latus hapso lanæ sulphuratæ: deinde, cum paululum inflammatio se remisit, ficcis & calidis fomentis uti. Ab his transitus ad malagmata est.

Si vetustior dolor remanet, novissime resina imposita discutitur. Utendum cibus potionibusque calidis: vitandum frigus. Inter hæc tamen non alienum est extremas partes oleo & sulphure perfricare. Si levata tussis est, leni lectione uti: jamque & acres cibos, & vinum meracius adsumere. Quæ ita a medicis præcipiuntur. Attamen sine his rusticos nostros epota ex aqua trixago satis adjuvare dicitur.

Hæc in omni lateris dolore communia sunt: plus negotii est, si acutus quoque morbus is fa-

(b) CÆL. AUR. *Acut. Morb. II. 13.*

(c) IDEM *ibidem cap. 18.*

ctus est. In hoc, præter ea, quæ supra posita sunt; hæc animadvertenda sunt: ut cibus sit quam maxime tenuis & lenis, præcipueque sorbitio, ea, que ex ptisana potissimum, aut jus in quo porrus cum pullo gallinaceo coctus sit: idque non si tertio die detur: si tamen per vires licebit: potui vero aqua mulsa, in qua hyssopum, aut ruta decocta sit.

Quæ quibus temporibus danda sint, ex ratione vel adauctæ, vel levatæ febris adparebit, sic, ut in remissione quam maxima dentur: cum eo tamen, ut sciamus, non esse ejus generis tussi aridas fauces committendas, sæpe enim, ubi nihil est, quod excreetur, continuatur, & strangulat. Ob quam causam dixi etiam pejus id genus esse tussis, quod nihil, quam quod pituitam moveret. Sed his vinum forbere, ut supra præcepimus, morbus ipse non patitur: in vicem ejus, cremor ptisanæ sumendus est.

Ut his autem in ipso morbi fervore sustinendus æger est, sic, ubi paulum is se remisit, alimenta pleniora, & vini quoque aliquid dari potest; dum nihil detur, quod aut refrigeret corpus, aut fauces asperet. Si in refectiōe vero manserit tussis, intermittere oportebit uno die; posteroque, cum cibo vini paulo plus adsumere. At, invalescente quoque tussi, tum non erit alienum, ut supra quoque positum est, vini cyathos forbere; sed in hoc genere valetudinis, dulce, vel certe lene commodius est. Si malum inveteravit, athletico victu corpus firmandum est.

C. A. P. VII.

De Viscerum morbis: & primo, de Pulmone.

ACOMPAGINE corporis ad viscera transeundum est; & imprimis ad pulmonem veniendum. Ex quo vehemens & acutus morbus oritur, quem *πνεύμωνιτις* Græci vocant. Ejus hæc conditio est (a). Pulmo totus adficitur; hunc casum ejus subsequitur tussis, bilem vel pus trahens; præcordiorum totiusque pectoris gravitas, spiritus difficultas, magnæ febres, continua vigilia, cibi fastidium, tabes (b). Id genus morbi plus periculi quam doloris habet.

Oportet, si satis validæ vires sunt, sanguinem (c) mittere: sin minores, cucurbitulas sine ferro præcordiis admove. Quod si satis valet, gestando ægrum, digerere: si parum, intra domum tantum dimovere. In potionem autem hyssopum dare, cum quo ficus arida sit incocta; aut aquam mulsam, in qua vel hyssopum, vel ruta decocta sit. Fricatione uti diutissime in scapulis, proxime ab his in brachiis, & pedibus, & cruribus, leniter contra pulmonem; idque bis quotidie facere.

Quod ad cibum vero pertinet, huic nec falsis opus est, neque acribus, neque amaris, neque alvum adstringentibus, sed paulo lenioribus. Ergo primis diebus danda est sorbitio ptisanæ, vel ali-

(a) CÆLIUS AURELIAN. *Acut. Morb. II. 26. 27.*
ARETÆUS de *Morb. Diut. I. 12.*

(b) *Aph. VII. 11.*

(c) CÆL. AUREL. *Acut. Morb. II. 29.*

cæ, vel oryzæ, cum qua recens adeps cōcta sit. Cum hac, forbile ovum, nuclei pinei: ex melle, panis, vel elota alica ex aqua mulsa. Potui danda deinde non solum pura aqua, sed etiam mulsa egelida; aut, si æstas est, etiam frigida; nisi quid obstat. Hæc autem altero quoque die, incrementum morbo dare satis est.

Ubi incrementum constitit, quantum res patitur, ab omnibus abstinendum est, præterquam aqua egelida. Si vires desunt, adjuvandæ sunt aqua mulsa. Profuntque adversus dolores imposita calida fomenta, vel ea, quæ simul & reprimunt & emolliunt. Prodest etiam impositus super pectus sal bene contritus, cum cerato mixtus; quia leviter cutem erodit, eoque impetum materiæ, qua pulmo vexatur, evocat. Utile etiam aliquod malagma est ex his, quæ materiam trahunt.

Neque alienum est, dum premit morbus, clausis fenestris ægrum continere: ubi paulum levatus est, ter aut quater die, fenestris aliquantulum apertis, (d) purum aerem recipere. Deinde in refectione pluribus diebus a vino abstinere; gestatione, fricatione uti, forbitionibus, & prioribus cibis adjicere, ex oleribus porrum; ex carne, ungulas, & summa trunculorum, atque pisciculos, sic, ut diu nihil nisi molle & lene sumatur.

(d) Parvum vult RHODIUS in *Lexico* SCRIBON. V. æliguum vinum.



C A P. VIII.

De Hepaticis.

ALTERIUS quoque visceris morbus, id est. Jecinoris, æque modo longus, modo acutus esse consuevit; *ἥπατις* Græci vocant. Dextra parte sub præcordiis vehemens dolor est: idemque ad latus dextrum, & ad jugulum, (a) humerumque partis ejusdem pervenit: nonnunquam manus quoque dextra torpēt: horror validus est. Ubi male est, bilis evomitur: interdum singultus prope strangulat. Et hæc quidem acuti morbi signa sunt. Longioris vero, ubi suppuratio in jecinore est; dolorque modo finitur, modo intenditur; dextra parte præcordia dura sunt, & tument; post cibum major spiritus difficultas est: accedit maxillarum quædam resolutio. Ubi inveteravit malum, venter & crura pedesque intumescunt; pectus atque humeri, circaque jugulum utrumque extenuatur.

In initio sanguinem mittere optimum est: tum venter solvendus est; si non potest aliter, per nigrum veratrum. Imponenda extrinsecus cataplasmata; primum quæ reprimant; deinde calida, quæ diducant; quibus recte iris vel apsinthium adjicitur: post hæc, malagma. Dandæ vero forbitiones sunt, omnesque cibi & calidi, & qui non multum alunt, & fere qui pulmonis quoque dolori conveniunt; præterque eos, qui

(a) ARÆTEUS de Diuturn. Morb. I. 13. CÆL. AUREL. Tard. Passion. III. 4.

urinam movent, potionesque ad id efficaces. Utilia in hoc morbo sunt thymum, fatureia, hyssopum, nepeta, amaracum, sesamum, lauri baccae, pini flos, herba sanguinalis, mentha, ex malo cotoneo medium, columbae jecur recens & crudum. Ex quibus quaedam per se esse, quaedam adjicere vel forbitioni vel potioni licet; sic tamen, ut parce adsumantur. Neque alienum est, apsinthium contritum ex melle & pipere, ejusque catapotium quotidie devorare.

Abstinendum utique est ab omnibus frigidis; neque enim res ulla magis jecur laedit. Fricationibus utendum in extremis partibus. Vitandus omnis labor, omnis vehementior motus: ne spiritus quidem diutius continendus est. Ira, trepidatio, pondus, jactus, cursus, in hoc inimica sunt. Perfusio corporis multa prodest ex aqua, si hiems est, calida; si aestas, tepida: itemque liberalis unctio, & in balneo sudor.

Si vero jecur vomica (b) laborat, eadem facienda sunt, quae in cæteris interioribus suppurationibus. Quidam etiam ultra id scalpello (c) aperiunt, & ipsam vomicam adurunt.

C A P.

(b) ARET. de Morb. Diut. Curat. I. 13.

(c) Aph. VII. 45.



CAP. IX.

De Lienosis. (a)

AT lienis ubi adfectus est, intumescit, simulque cum eo pars sinistra; quæ & dura est, & prementi renititur; venterque intentus est: aliquis etiam cruribus tumor est. Ulcera aut omnino non sanescunt, aut certe cicatricem vix recipiunt. In intenta ambulatione, vel cursu, dolor, & quædam difficultas est.

Hoc vitium quies auget; itaque exercitatione & labore opus est: habita tamen ratione, ne febrem ista, si nimium processerit, excitent. Unciones (b), frictionesque, & sudores necessarii sunt. Dulcia omnia inimica sunt: item lac & caseus. Acida autem maxime conveniunt. Ergo acetum acre per se forbere, & magis etiam, quod scilla conditum est, expedit. Edenda sunt falfamenta, vel oleæ ex muria duræ; lactucæ intinctæ in aceto; intubi (c) quoque & betæ ex eodem; & sinapi, armoracæ, & pastinacæ: de carnibus vero ungulæ, rostra, aves macræ, ejusdemque generis venatio. Potui vero jejuno dari debet apsinthium aquæ incoctum: at post cibum aqua (d) a ferrario fabro, in qua candens ferrum

(a) CÆL. AUREL. *Tard. Pass.* III. 4. ARET. *de Morb. Diut.* I. 14. MARCELL. *de Medic. cap.* XXIII. p. 345.

(b) NICOL. MYREPS. *de Ung. Sect.* III. c. 64. 65. 69. 86. 87.

(c) NONN. *de Re Cib.* I. 12.

(d) SCRIBON. LARG. c. 32. c. 132.

subinde extinctum fit: hæc enim vel præcipue lienem coercet; quod animadversum est in his animalibus, quæ apud hos fabros educata exiguos lienes habent. Potest etiam dari vinum tenue, austerum; omniaque in cibis & potionibus, quæ urinæ movendæ sunt: præcipueque ad id valet vel trifolii semen, vel cuminum, vel apium, vel serpyllum, vel cytissus, vel thymum, vel hyssopum, vel satureia; hæc enim inde commodissime videntur humorem educere. Lienis quoque bubulus utiliter esui datur: præcipueque eruca & nasturtium lienem extenuant.

Imponenda quoque extrinsecus sunt, quæ levent: fit ex unguentariis glandulis, quas *μυροβαλάνες* (e) Græci vocant: fit ex lini & nasturtii semine, quo vinum & oleum adjicitur: fit ex cupresso viridi, & arida ficu: fit ex sinapi, cui sevi hircini a renibus quarta pars ponderis adjicitur, teriturque in sole, & protinus imponitur. Multisque modis huic rei capparum aptum est. Nam & ipsum cum cæbo adsumere, & muriam ejus cum aceto forbere commodum est. Quin etiam extrinsecus radicem contritam, vel corticem ejus cum furfuribus, aut ipsum cappari cum melle contritum imponere expedit. Malagmata quoque huic rei aptantur.

(e) SRIBON. LARG. XXXII. c. 131.



CAP. X.

De Renum morbis (a).

AT renes ubi adfecti sunt, diu male habent. Pejus vero est, si frequens biliosus vomitus accedit. Oportet conquiescere: cubare moliter: solvere alvum; si aliter non respondet, etiam ducere: sæpe desiderare in aqua calida: neque cibum, neque (b) potionem frigidam adsumere: abstinere ab omnibus falsis, acribus, acidis, pomis: bibere liberaliter: adjicere modo cibo, modo potioni piper, porrum, ferulam, album papaver; quæ maxime inde urinam movere consueverunt.

Auxilio quoque his exulceratis sunt, si adhuc ulcera purganda sunt, cucumeris femina detractis corticibus sexaginta, nucleï ex pinu silvestri quindecim, anisi quod tribus digitis sumi possit, croci paulum, contrita & in duas mulsi portiones divisa.

Si vero dolor tantum levandus est, ejusdem cucumeris femina triginta, iidem nucleï viginti, nuces græcæ quinque, croci paululum, contrita & cum lacte potui data. Ac insuper quoque recte quædam malagmata injiciuntur; maximeque ea, quæ humori extrahendo su-

(a) *ARETEUS. de Diut. Morb. II. 3. Curat. Morb. Diut. II. 3. CÆLIUS. AUREL. Tard. Pass. V. 3.*

(b) *PLIN. de R. M. lib. V. cap. 32.*

C A P. XI.

De Intestinorum morbis: & primo Cholera.

A VISCERIBUS ad intestina veniendum est; quæ sunt & acutis & longis morbis obnoxia. Primoque facienda mentio est cholerae; quia commune id stomachi atque intestinorum vitium videri potest. Nam simul & dejectio (a) & vomitus est: præterque hæc inflatio est, intestina torquentur, bilis supra infraque erumpit, primum aquæ similis, deinde ut in ea recens caro lota esse videatur, interdum alba, nonnunquam nigra, vel varia. Ergo eo nomine morbum hunc *χολέραν* Græci nominarunt. Præter ea vero, quæ supra comprehensa sunt, sæpe etiam crura manusque contrahuntur, urget sitis, anima deficit; quibus concurrentibus, non mirum est, si subito quis moritur. Neque tamen ulli morbo minori momento succurritur.

Protinus ergo, ubi ista cœperunt, aquæ tepidæ (b) quamplurimum bibere oportet, & vomere. Vix unquam ea sine vomitu sumitur: sed etiamsi non incidit, tamen corruptæ miscuisse novam materiam prodest; parisque sanitatis est, vomitum esse suppressum. Si id incidit, protinus ab omni potione abstinendum est. Si vero tormina sunt, oportet frigidis & humidis fomentis stomachum fovere: vel, si venter dolet, iisdem

(a) ARETÆUS de Morb. Acut. II. 5. CÆL. AUREL. Acut. Morb. III. 19.

(b) TRALLIAN. VII. 14.

egelidis, sic ut venter ipse mediocriter calentibus juvetur.

Quod si vehementer & vomitus, dejectio, & fitis vexant, & adhuc subcruda sunt, quæ vomuntur, nondum vino maturum tempus est: aqua, neque ea ipsa frigida, sed potius egelida danda est. Admovendumque naribus est pulegium ex aceto, vel polenta vino adpersa, vel mentha, vel quod secundum naturam est.

At cum discussa cruditas est, tum magis verendum est, ne anima deficiat. Ergo tum confugiendum est ad (c) vinum. Id esse, oportet tenue, odoratum, & cum aqua frigida mixtum, vel polenta adjecta, vel infracto pane; quem ipsum quoque adsumere expedit: quotiesque aliquid aut stomachus, aut venter effudit, toties per hæc vires restituere.

ERASISTRATUS primo tribus vini guttis, aut quinis adspargendum potionem esse dixit; deinde paulatim merum adjiciendum. Is, si ab initio vinum dedit, & metus cruditatis secutus est, non sine causa fecit: si vehementem infirmitatem adjuvari posse tribus guttis putavit, erravit.

At si inanis & homo, & crura ejus contrahuntur, interponenda potio apsinthii est. Si extremæ partes corporis frigent, ungendæ sunt calido oleo, cui ceræ paulum sit adjectum; calidisque fomentis nutriendæ. Si ne sub his quidem quies facta est, extrinsecus contra ventriculum ipsum cucurbitula admovenda est, aut sinapi superimponendum.

(c) ARETÆUS. *Acut. Morb. Curat II.* 4.

Ubi is constitit, dormire oportet: postero die utique a potione abstinere: die tertio in balneum ire: paulatim se cibo reficere; somnoque, quisquis facile adquiescit; vitetque lassitudinem, & frigora.

Si post suppressam choleram febricula manet, alvum duci necessarium est: tum cibis vinoque utendum est.

Sed hic quidem morbus & (d) acutus est, & inter intestina stomachumque versatur sic, ut, cujus potissimum partis sit, non facile dici possit.

C A P. XII.

De Cæliaco ventriculi morbo.

IN ipsius vero ventriculi porta consistit is, qui & longus esse consuevit, & κοιλιακός a Græcis nominatur. Sub hoc venter indurefcit, dolorque ejus est: alvus nihil reddit, ac ne spiritum quidem (a) transmittit: extremæ partes frigescunt: difficulter spiritus redditur.

Commodissimum est inter initia calida cataplasmata toti ventri imponere, ut dolorem leniant. Post cibum vomere, atque ita ventrem exinanire. Proximis deinde diebus cucurbitulas sine ferro ventri & coxis admovere. Ventrem ipsum liquare dato lacte, & vino falso, frigido. Si tempus anni patitur, etiam viridibus ficis; sic tamen, ne quis aut cibus, aut humor universus detur,

(d) HIPPOCRAT, VII. Epidem. XL, 20. TRALLIAN. VII. 14.

(a) Plane contrarium dicit MARCELLUS c. XXVII. pag. 363.

sed paulatim. Ergo per intervalla temporis sat est cyathos binos ternosve adsumere, & cibum pro portione hujus: commodeque facit cyatho lactis cyathus aquæ mistus, & sic datus. Cibique calentes & acres utiliores sunt: adeo ut lacti quoque recte contritum allium adjiciatur.

Procedente vero tempore, opus est gestari; maximeque navigare: perfricari ter aut quater die sic, ut nitrum oleo adjiciatur; perfundi aqua calida post cibum; deinde sinapi imponere per omnia membra, excepto capite, donec arrochantur & rubent; maximeque si corpus durum & virile est; paulatim deinde faciendus est transitus ad ea, quæ ventrem comprimunt. Assa caro danda, valens, & quæ non facile corrumpatur: in potum vero, pluvialis aqua decocta; sed quæ per binos ternosve cyathos bibatur.

Si vetus vitium est, oportet laser quam optimum ad piperis magnitudinem devorare: altero quoque die vinum vel aquam bibere; interdum interposito cibo, singulos vini cyathos sorbere: ex inferiori parte infundere aquam pluviatilem egelidam; maximeque, si dolor in imis partibus remanet.

C A P. XIII.

De Tenuioris intestini morbo.

INTRA ipsa vero intestina consistunt duo morbi: quorum unus in tenuiore, alter in pleniore est. Prior acutus est: insequens esse longus potest. **DIOCLES CARYSTIUS** tenuioris intestini mor-

bum (a) *χόρδαψον*, plenioris *εἰλεόν* nominavit. A plerisque video nunc illum priorem *εἰλεόν*, hunc *κολικόν* nominari. Sed prior modo supra umbilicum, modo sub umbilico dolorem movet. Fit in alterutro loco inflammatio: nec alvus, nec spiritus (b) infra transmittitur. Si superior pars adfecta est, cibus: si inferior, stercus per os redditur: si utralibet, metus est. Adjicitur periculo, si vomitus (c) biliosus, mali odoris, aut varius, aut niger est.

Remedium est, sanguinem mittere; vel cucurbitulas pluribus locis admoveere, non ubique cute incisa: id enim duobus aut tribus locis fatis est: ex cæteris spiritum evocare abunde est. Tum animadvertere oportet, quo loco malum sit; solet enim contra id tumere. Et si supra umbilicum est, alvi ductio utilis non est. Si infra est, alvum ducere interdum, ut ERASISTRATO (d) placuit, optimum est; & sæpe id auxilii in his partibus magnum remedium est. Ducitur autem percolato pitisanæ cremore, cum oleo & melle sic, ut præterea nihil adjiciatur. Si nihil tumet, duas manus imponere oportet supra summum ventrem, paulatimque deducere; invenietur enim mali locus; qui necesse est renitatur: & ex eo demum deliberari poterit, ducenda, nec ne alvus sit.

Illa communia sunt: calida cataplasmata admoveere, eaque imponere a mammis usque ad inguina, & spinam; ac sæpe mutare: brachia, cruraque perfricare: demittere totum hominem in cali-

(a) CÆL. AUREL. *Acutor. Morb. III. 17.*

(b) ARETÆUS *de Morb. Acut. II. 6.*

(c) *Aph. VII. 10.*

(d) CÆL. AUREL. *Acut. Morb. III. 17. pag. 219. 220.*

dum oleum. Si dolor non quiescit, etiam in alvum ex parte inferiore tres aut quatuor cyathos calidi olei dare. Ubi per hæc consecuti sumus, ut ex inferiore parte spiritus transmittatur, offerre potui mulsam tepidam non multam; (nam ante magna cura vitandum est, ne quod bibat): si id commodè cessit, adjicere forbitionem.

Ubi dolor & febricula quierunt, tum demum uti cibo pleniorè; sed neque inflante, neque valido, ne intestina adhuc imbecilla lædantur; potui vero nihil præterquam puram aquam. Nam sive quid vinolentum sive acidum est, id huic morbo alienum est. Ac postea quoque vitare oportet balneum, ambulationem, gestationem, cæterosque corporis motus. Nam facile id malum redire consuevit; & cum frigus subit, sive aliqua jactatio, nisi bene jam confirmatis intestinis, revertitur.

CAP. XIV.

De Morbo intestini plenioris (a).

IS autem morbus, qui in intestino pleniorè est, in ea maxime parte est, qua cæcum esse proposui. Vehemens fit inflatio, vehementes dolores, dextra magis parte: intestinum verti videtur; quod prope spiritum elidit. In plerisque post frigora cruditatesque oritur, deinde quiescit; & per ætatem sæpe repetens sic cruciat, ut vitæ spatium nihil demat.

• (a) TRALLIAN. X. 1. ARETÆUS de Morb. Diuturn. II. 8. CÆL. AURELIAN. Tard. Pass. IV. 7.

Ubi is dolor cepit, admoveere sicca & calida fomenta oportet; sed primo lenia, deinde validiora; simulque fricatione ad extremas partes, id est, crura brachiaque materiam evocare. Si discussus non est, qua dolet, cucurbitulas sine ferro defigere. Est etiam medicamentum ejus rei causa comparatum, quod *κολικόν* nominatur. Id se reperisse CASSIUS gloriabatur: magis prodest potui datum; sed impositum quoque extrinsecus, digerendo spiritum, dolorem levat.

Nisi finito vero tormento, recte neque cibus neque potio adsumitur. Quo victu sit utendum iis, qui hoc genere tentantur, jam mihi dictum est.

Confectio medicamenti quod κολικόν nominatur, ex his (b) constat.

Costi, anisi, castorei, singulorum P*. III. petroselinii P*. IV. piperis longi, & rotundi, singulorum P*. V. papaveris lacrymæ, junci rotundi, myrrhæ, nardi, singulorum P*. VI. quæ melle excipiuntur. Id autem & devorari potest, & ex aqua calida sumi.

C A P. XV.

De Torminibus.

PROXIMA his inter intestinorum mala, tormina esse consueverunt; *δυσεντερία* Græce vocatur. Intus intestina (a) exulcerantur: ex his cruor

(b) SCRIB. LARG. cap. XXIX. Com. 120. NICOL. MYREPS. *sect.* XXXI. de Catapl. cap. 5.

(a) TRALL. VIII. 9. ARETÆUS de Morb. Diuturn. II. 9. HIPPOCR. de Affectionib. XXIV.

manat; isque modo cum stercore aliquo semper liquido, modo cum quibusdam quasi mucosis excernitur; interdum simul quædam (b) carnosæ descendunt. Frequens deijciendi cupiditas, dolorque in ano est. Cum eodem dolore exiguum aliquid emittitur: atque eo quoque tormentum intenditur; idque post tempus aliquod levatur, exiguaque requies est, somnus interpellatur, febricula oritur, longoque tempore id malum, cum inveteraverit, aut tollit hominem, aut, etiamsi finitur, excruciat.

Oportet inprimis conquiescere; siquidem omnis agitatio exulcerat: deinde jejunum forbere vini cyathum, cui contrita radix quinquefolii sit adjecta; imponere cataplasmata super ventrem, quæ reprimunt; quod in superioribus ventris morbis non expedit: quotiesque defecit, subluere aqua calida, in qua decoctæ verbenæ sint: portulacam vel coctam, vel ex dura muria edisse; cibos potionesque eas, quæ adstringunt alvum.

Si vetustior morbus est, ex inferioribus partibus tepidum infundere vel ptisanæ cremorem, vel lac, vel adipem liquatam, vel medullam cervinam, vel oleum, vel cum rosa butyrum, vel cum eadem album crudum ex ovis, vel aquam, in qua lini semen decoctum sit; vel, si somnus non accedit, vitellos cum aqua, in qua rosæ floris folia cocta sint. Levant enim dolorem hæc, & mitiora ulcera efficiunt; maximeque utilia sunt, si cibi quoque secutum fastidium est. THEMI-

(b) *Aph.* IV. 26.

SON (c) muria dura quam asperrima sic utendum memoriae prodidit.

Cibi vero esse debent, qui leniter ventrem adstringant. At ea, quæ urinam moveant, si id consecuta sunt, in aliam partem humorem avertendo, profunt: si non sunt consecuta, noxam augent; itaque nisi in quibus prompte id facere consuerunt, non sunt adhibenda. Potui, si febricula est, aqua pura calida, vel ea, quæ ipsa quoque adstringat, dari debet: si non est, vinum leve, austerum.

Si pluribus diebus nihil remedia illa juverunt, vetusque jam vitium est, aquæ bene frigida potio adsumpta ulcera adstringit, & initium secundæ valetudinis facit. Sed ubi venter suppressus est, protinus ad calidam potionem revertendum est.

Solet autem interdum etiam putris sanies, pessimique odoris descendere: solet & interdum purus sanguis profluere. Si superius vitium est, alvus aqua mulsa delui debet; tum deinde etiam infundi, quæ supra comprehensa sunt. Valensque est etiam adversus cancerem intestinorum, minii gleba cum falis hemina contrita: sin minus, mista his aqua in alvum datur. At, si sanguis profluit, cibi potionesque esse debent, quæ adstringant.

(c) CÆL. AUREL. *Tard. Pass.* IV. 6. GALEN. *Meth. Med.* XII. c. 1. JOAN. BAPT. SYLVAT. *Med. Hist.* 62.



C A P. XVI.

De Levitate intestinorum. (a)

EX torminibus (b) interdum intestinorum levitas oritur; qua continere nihil possunt, & quicquid adsumptum est, inconfectum protinus reddunt. Id interdum ægros trahit, interdum præcipitat.

In hoc utique adhibere oportet comprimentia; quo facilius tenendi aliquid intestini vis sit. Ergo & super pectus ponatur sinapi; exulcerataque cute, malagma, (c) quod humorem evocet: & ex verbenis decocta in aqua desideat; & cibos potionesque adsumat, quæ alvum adstringunt, & frigidis utatur perfusionibus.

Oportet tamen prospicere, ne, simul hic omnibus admotis, vitium contrarium per immodicas inflammationes oriatur. Paulatim ergo firmari intestina debebunt, aliquibus quotidie adjectis. Et cum in omni fluore ventris, tum in hoc præcipue necessarium est, non quoties libet desiderare, sed quoties necesse est, ut hæc ipsa mora in consuetudinem ferendi oneris intestina deducat.

Alterum quoque, quod æque ad omnes similes adfectus pertinet, in hoc maxime servandum est; ut, cum pleraque utilia insuavia sint, qualis est plantago, & rubi, & quicquid malicorio mixtum est, ea potissimum ex his dentur, quæ ma-

(a) HIPPOCR. *de Affection. T. XXV.* ARETÆUS *de Morb. Diuturn. II. 10.*

(b) *Aph. VII. 76.*

(c) NICOL. MYREPS. *Secl. XXXIV. c. 9.*

xime æger volet. Deinde, si omnia ista fastidiet, ad excitandam cibi cupiditatem, interponatur aliquid minus utile, sed magis gratum. Exercitationes & fricationes huic quoque morbo necessariæ sunt: & cum his sol-, ignis, balneum, vomitus (d) (ut HIPPOCRATI visum est; etiam albo veratro (e), si cætera parum proficient) evocatus.

C A P. XVII.

De Lumbricis alvum occupantibus.

NONNUNQUAM autem lumbrici quoque occupant alvum; hique modo ex inferioribus partibus; modo, quod foedius, ore (a) reduntur. Atque interdum latos eos, qui peiores sunt; interdum teretes videmus.

Si lati sunt, aqua potui dari debet, in qua lupinum, aut cortex mori decoctus sit; aut cui adjectum sit contritum vel hyssopum, vel piperis acetabulum, scammonæ paulum. Vel etiam pridie, cum multum allium ederit, vomat. Posteroque die mali punici tenues radículas colligat, quantum manu comprehendet; easque contusas in aquæ tribus sextariis decoquat, donec tertia pars superfit; huic adjiciat nitri paulum, & jejunus bibat. Interpositis deinde tribus horis,

(d) *Aph.* IV. 12.

(e) *De Viâ Acutor.* LVI. 6. *Quatenus sc. fluxio ex capite, de Affect.* XXV. 6.

(a) *SEREN. SAM.* XXX. 5. *CÆL. AURELIAN.* *Tard. Pass.* IV. 8.

duas potiones fumat talis aquæ, vel muriæ duræ huic adjectæ; tum desideat, subiecta calida aqua in pelve.

Si vero teretes sunt, qui pueros maxime exercent, & eadem dari possunt, & quædam leviora; ut contritum semen urticæ, aut brassicæ, aut cumini cum aqua, vel mentha (b) cum eadem, vel apsinthium decoctum, vel hyssopum ex aqua mulsæ, nasturtii semen cum aceto contritum. Edisse etiam & lupinum, & allium prodest; vel in alvum oleum subter dedisse.

CAP. XVIII.

De Tenesmo.

EST autem aliud levius omnibus proximis; de quibus supra dictum est, quod *τενερσμός* Græci vocant. Id neque acutis neque longis morbis annumerari debet, cum facile (a) tollatur, neque unquam per se jugulet. In hoc æque atque in torminibus frequens desidendi (b) cupiditas est; æque dolor, ubi aliquid excernitur. Descendunt autem pituitæ (c) mucisque similia; interdum etiam leviter subcruenta; sed his interponuntur nonnunquam ex cibo quoque recte cocta.

Desidere oportet in (d) aqua calida; sæpiusque

(b) SEREN. SAMMON. XXX. II.

(a) PLIN. H. N. XXVIII. 14.

(b) MARCELL. de Med. c. XXVIII. pag. 372.

(c) HIPPOCRAT. de Affection. T. XXVII.

(d) HIPPOCRAT. de Fistul.

ipsum anum nutrire; cui rei plura medicamenta idonea sunt: butyrum (e) cum rosa; acacia ex aceto liquata; emplastrum id, quod τετραφάρμακον Græci vocant, rosa liquatum, alumen lanæ circumdatum, & ita adpositum; eademque ex inferiore parte indita, quæ torminum auxilia sunt: eadem verbenæ decoctæ, ut inferiores partes foveantur. Alternis vero diebus aqua alternis leve & austerum (f) vinum bibendum est, Potio esse debet egelida & frigidæ propior: ratio victus talis, qualem ad tormina supra præcepimus.

C A P. XIX.

De ventris fluxu.

LEVIOR etiam, dum recens, dejectio, ubi & liquida alvus, & sæpius quam ex consuetudine fertur. In qua interdum tolerabilis dolor est, interdum gravissimus; idque pejus est. Sed uno die fluere alvum sæpe pro valetudine est: atque etiam pluribus, dum febris absit, & intra septimum diem id conquiescat. Purgatur enim corpus, &, quod intus læsorum erat, utiliter effunditur. Verum spatium periculosum est; interdum enim tormina ac febriculas excitat, viresque consumit.

Primo die quiescere satis est; neque impetum ventris prohibere. Si per se desit, balneo uti, paulum

(e) AL TAALLIAN. VIII. 6.

(f) CÆLIUS AUREL. Tard. Pass. IV. 6.

paulum cibi capere: si mansit, abstinere non solum a cibo, sed etiam a potione. Postero die, si nihilominus liquida alvus est, æque conquiescere; paululum adstringentis cibi fumere. Tercio die in balneum ire; vehementer omnia præter ventrem perfricare; ad ignem lumbos, scapulasque admove; cibis uti, sed ventrem contrahentibus; vino non multo, meraco. Si postero quoque die fluet, plus edisse, sed vomere etiam. Ex toto, donec conquiescat, contra siti, fame, vomitu niti. Vix enim fieri potest, ut, post hanc animadversionem, alvus non contrahatur.

Alia via est, ubi velis suppressimere, cœnare, deinde vomere: postero die lecto conquiescere, vesperi ungi, sed leviter: deinde panis circa felibram ex vino (a) Aminæo mero fumere; tum assum aliquid, maximeque avem; & postea vinum idem bibere aqua pluviatili mixtum, idque usque quintum diem facere, iterumque vomere. Frigidam autem assidue potionem esse debere, contra priores authores ASCLEPIADES adfirmavit, & quidem quam frigidissimam. Ego experimentis quemque in se credere debere existimo, calida potius, an frigida utatur.

Interdum autem evenit, ut id malum, pluribus diebus neglectum, curari difficilius possit. A vomitu oportet incipere: deinde postero die vesperi tepido loco ungi; cibum modicum adsumere, vinum meracum quam asperrimum; impositam super ventrem habere cum cerato rutam. In hoc autem adfectu corporis neque ambulatio-

(a) VIRGIL. *Georg.* II. 97. AUSEN. *Epist.* V. vers. 13.

ne; neque fricatione opus est: vehiculo fediſſe, vel magis etiam equo, prodeſt: neque enim ulla res magis inteſtina confirmat.

Si vero etiam medicamentis, utendum eſt, aptiſſimum eſt, quod ex pomis fit. Vindemiæ tempore in grande vas conſiſcienda ſunt pira atque mala ſilveſtria; ſi ea non ſunt, (b) Tarentina viridia, vel Signina, mala (c) Scandiana, vel (d) Amerina, (e) myrrhapiæ: hiſque adjicienda ſunt cotonea, & cum ipſis corticibus ſuis punica, ſorba, &, quibus magis utimur, etiam torminalia, ſic ut hæc tertiam ollæ partem teneant: tum deinde ea muſto inplenda eſt; coquendumque id, donec omnia, quæ indita ſunt, liquata, in unitatem quandam coeant. Id guſtui non inſuave eſt: &, quandocumque opus eſt adſumptum leniter, ſine ulla ſtomachi noxa, ventrem tenet: duo aut tria cochlearia uno die ſumpſiſſe, ſatis eſt.

Alterum valentius genus: myrti baccas legere, ex hiſ vinum exprimere, id decoquere, ut decima pars remaneat, ejuſque cyathum ſorbere.

Tertium, quod quandocumque fieri poteſt, malum punicum excavare, exemptiſque omnibus ſeminibus, membranas, quæ inter ea fuerunt, iterum conſicere: tum infundere cruda ova, ruſticulaque miſcere: deinde malum ipſum ſuper prunam imponere; quod, dum humor intus eſt,

(b) PLIN. H. N. XV. 15.

(c) SCRIBON. LARG. *Comp.* 104. PLIN. H. N. XV. 15.

(d) GATAKER. *Adverſar. Miſcellan. cap. 5. pag. 35.* J. RHODIUS ad SCRIBON. LARG. *Comp.* 64.

(e) Myrrapia PLIN. H. N. XV. 15.

non aduritur: ubi, siccum esse cœpit, remove oportet, extractumque cochleari, quod intus est, edisse. Hoc, aliquibus adjectis, majus momentum habet. Itaque etiam in piperatum conjicitur, misceturque cum sale & pipere, esturque ex his.

Edenda est pulicula etiam, cum qua paulum ex favo vetere coctum sit. Et lenticula cum malicorio cocta, rubique cacumina in aqua decocta, & ex oleo atque aceto adsumpta, efficacia sunt: ut & ea aqua, in qua vel palmulæ, vel malum cotoneum, vel arida forba, vel rubi decocti sunt, potata; quod genus significo, quoties potionem dandam esse dico, quæ adstringat. Tritici quoque hemina in vino Aminæo austerò decoquitur; idque triticum jejuno ac sitienti datur; superque id vinum id sorbetur; quod jure valentissimis medicamentis annumerari potest. Atque etiam potui datur vinum Signinum, vel resinatum austerum, vel quodlibet austerum. Contunditurque cum corticibus, seminibusque suis punicum malum, vinoque tali miscetur: idque vel merum sorbet aliquis, vel bibit mixtum. Sed medicamentis uti, nisi in vehementibus malis, supervacuum est.

C A P. XX.

De vulvæ morbo.

EX vulvâ quoque feminis vehemens malum nascitur: proximeque ab stomacho, vel adficitur hæc, vel corpus adficit. Interdum etiam

sic exanimat, ut tanquam comitiali (a) morbo prosteruat. Distat tamen hic casus, eo quod neque oculi vertuntur, nec spumæ profluunt, nec nervi distenduntur: sopor tantum est: Id vitium quibusdam feminis crebro revertens perpetuum evadit.

Ubi incidit, si fatis virium est, (b) sanguis missus adjuvat: si parum est, cucurbitulæ tamen defigendæ sunt in inguinibus. Si diutius aut jacet aut alioqui jacere consuevit, admoveere oportet naribus extinctum ex lucernâ linamentum, vel aliud ex his, quæ fœdioris esse, (c) odoris retuli, quod mulierem excitet. Idemque aquæ frigidæ perfusio efficit. Adjuvatque ruta contrita cum melle, vel ex cyprino ceratum, vel quodlibet calidum & humidum cataplasma, naturalibus pube tenus impositum. Inter hæc etiam perfricare coxas, & poplites oportet.

Deinde, ubi ad se rediit, circumcidendum vinum est in totum annum (d) etiam si casus idem non revertitur. Fricatione quotidie utendum totius quidem corporis, præcipue vero ventris, & poplitum. Cibus ex media materia dandus. Si napi super imum ventrem tertio quoque aut quarto die imponendum, donec corpus rubeat.

Si durities manet, mollire commode videtur solanum in lac demissum, deinde contritum, & cera alba atque medulla cervina cum irino; aut

(a) ARETÆUS de Morb. Acut. II. 11.

(b) IDEM de Curat. Acut. II. 10.

(c) HIPPOCR. II. de Morb. Mulier. LX. 10. 11.

(d) ARETÆUS de Curat. Acut. II. 10.

(e) Delet RITTERSHUSIUS ad PHÆDRUM Lib. VI. fab. 20.

sebum taurinum vel caprimum cum rosa mistum. Dandum potui etiam vel castoreum est, vel git, vel anethum. Si parum pura est, purgetur junco quadrato. Si vero vulva exulcerata est, ceratum ex rosa fiat: etiam recens suilla adeps, & ex ovis album misceatur, idque adponatur; vel album ex ovo cum rosa mistum, adjecto quo facilius consistat, contritæ rosæ pulvere. Dolens vero vulva sulphure suffumigari debet.

At, si purgatio nimia mulieri nocet, remedio sunt cucurbitulæ, cute incisa, inguinibus (f) vel etiam sub mammis admotæ. Si maligna purgatio est, subjicienda sunt (g) coercentia. Id faciunt etiam albæ (h) violæ, nigrum papaver cum melle adsumptum; & gummi cum trito semine apii liquatum, & cum cyatho passî datum.

Præter hæc, in omnibus vulvæ doloribus idoneæ potiones sunt, quæ ex odoribus fiunt, id est spica nardi, croco, cinnamomo, casia, similibusque. Idemque etiam decocta lentiscus præstat. Si tamen intolerabilis dolor est, & sanguis profuit, etiam sanguinis detractio apta est; aut certe coxis admotæ cucurbitulæ cute incisa,

2. De Urinæ nimia profusione. (i)

At cum urina super potionum modum mingitur, & jam sine dolore profluens maciem & periculum facit, si tenuis est, opus est exercitatio-

(f) *Aph. V. 50.*

(g) *Hic magna lacuna est. MORG.*

(h) *MERCURIALIS Var. Lect. Lib. I. c. 3. videtur olivas legisse, quo loco multa de olivis albis.*

(i) *ARETÆUS de Morbis Diutur. II. 2. ÆGINET. II. 14. & III. 45. TRALL. IX. 8.*

ne & fricatione, maximeque in sole, vel ad ignem. Balneum rarum esse debet, neque longa in eo mora: cibus comprimens: vinum (b) austerum meracum; per æstatem, frigidum; per hiemem, egelidum; sed tantum, quantum minimum sit. Infirma alvus quoque vel ducenda vel lacte purganda est.

Si crassa urina est, vehementior esse debet & exercitatio, & fricatio; longior in balneo mora: cibus opus est teneris: vinum idem. In utroque morbo vitanda omnia sunt, quæ urinam movere confuerunt.

C A P. XXI.

De Seminis nimia ex naturalibus profusione. (a)

EST etiam circa naturalia vitium, nimia profusio feminis, quod sine venere, sine nocturnis (b) imaginibus sic fertur, ut, interposito spatio, tabe hominem consumat.

In hoc adfectu salutare sunt vehementes fricationes, perfusiones, natationesque quam frigidissimæ: neque cibi, nec potio, nisi frigida adsumpta. Oportet autem vitare cruditates, & omnia infantia: nihilque ex his adsumere, quæ contrahere semen videntur; qualia sunt, filigo, simila, ova, alica, amyllum, omnis caro glutinosa, piper, eruca, bulbi, nuclei pinei. Neque alienum

(h) ARETÆUS de Curat. Diut. II. 2.

(a) ARET. de Mora. Diut. II. 5. & de Cur. Diut. II. 5. TRAL. XI. 9.

(b) GÆL. AUREL. Tard. Pass. V. 5.

est, fovere inferiores partes aqua, decocta ex verbenis comprimantibus, ex iisdem aliqua cataplasmata imo ventri inguinibusque circumdare; præcipueque ex aceto, Vitare autem oportet rutam, & ne supinus dormiat.

C A P. XXII.

De Coxarum morbis. (a)

SUPEREST, ut ad extremas partes corporis veniam, quæ articulis inter se conferuntur. Initium a coxis faciam. Harum ingens dolor esse consuevit: isque hominem sæpe debilitat, & quosdam non dimittit. Eoque id genus difficillime curatur, quod fere post (b) morbos vi pestifera huc se inclinat: quod ut alias partes liberat, sic hanc ipsam quoque adfectamprehendit.

Fovendum primum aqua calida est: deinde utendum calidis cataplasmatibus. Maxime prodesse videtur, aut cum hordeacea farina, aut cum ficu ex aqua decocta mixtus capparis cortex concisus; vel lolii farina ex vino diluto cocta, & mixta cum arida fece; quæ quia refrigescunt, imponere noctu malagmata (c) commodius est. Inulæ quoque radix contusa, & postea ex vino austero cocta, & late super coxam imposita, inter valentissima auxilia est. Si ista non solverunt, sale calido & humido utendum est.

(a) Equitatio. PLIN. XXVIII. cap. 4. in fine. II. Præd. XLV. ARET. de Diut. II. 12.

(b) ARET. de Curat. Diut. II. 12.

(c) NICOLAUS MYREPS. Sect. XXXIV. c. 12.

Si ne sic quidem finitus dolor est, aut tumor ei accedit, incisa cute admovendæ sunt cucurbitulæ: movenda urina: alvus, si compressa est, ducenda. Ultimum est, & in uteri quoque morbis efficacissimum, tribus aut quatuor locis super coxam, (d) cutem candentibus ferramentis exulcerare. Fricatione quoque utendum est, maxime in sole, & eodem die sæpius: quo facilius ea, quæ coeundo nocuerunt, digerantur. Ea que, si nulla exulceratio est, etiam ipsis coxis, si est, cæteris partibus adhibenda est. Cum vero sæpe aliquid exulcerandum candenti ferramento sit, ut materia inutilis evocetur, illud perpetuum est, non, ut primum fieri potest, hujus generis ulcera sanare; sed ea trahere, donec id vitium, cui per hæc opitulamur, conquiescat.

C A P. XXIII.

De Genuum dolore. (a)

COXIS proxima genua sunt; in quibus ipsis nonnunquam dolor esse consuevit. In iisdem autem cataplasmatibus cucurbitulisque præsidium est: sicut etiam, cum in humeris, aliisque commissuris dolor aliquis exortus est. Equitare ei, cui genua dolent, inimicissimum omnium est. Omnes autem ejusmodi dolores, ubi inveteraverunt, vix citra unctionem finiuntur.

(d) *Aphor. VI. 60.*(a) MARCELL. *de Med. c. XXXIV.*

CAP. XXIV.

De Manuum & pedum articularumque vitiis. (a)

IN manibus pedibusque articularum vitia frequentiora longioraque sunt. Quæ in podagricis chiragricisve esse consueverunt, ea raro vel (b) castratos, vel (c) pueros ante feminæ coitum, vel (d) mulieres, nisi quibus menstrua suppressa sunt, tentant.

Ubi sentire cœperunt, (e) sanguis mittendus est; id enim inter initia statim factum, sæpe annuam, nonnunquam perpetuam valetudinem bonam præstat. Quidam etiam, cum asinino lacte potu ex toto se aluissent, in perpetuum hoc malum evaserunt. Quidam, cum toto anno a vino, mulso, venere sibi temperassent, securitatem totius vitæ consecuti sunt: idque utique post primum dolorem servandum est, etiamsi quievit. Quod si jam consuetudo ejus facta est, potest quidem aliquis esse securior his temporibus, quibus dolor se remisit: majorem vero curam adhibere debent hi, quibus id revertitur; quod fere (f) vere autummove fieri solet.

Cum vero dolor non urget, mane gestari debet; deinde ferri, aut inambulatione leni se dimovere, &, si podagra est, interpositis tempo-

(a) CÆL. AUREL. *Tard. Pass.* V. 2. TRALL. XI. I. ARET. *de Morb. Diut.* II. 12.

(b) *Aph.* VI. 28.

(c) *Aph.* VI. 30.

(d) *Aph.* VI. 29.

(e) CHESNEAU IV. I. *de Arthrit.* pag. 419. 420. WILLIS cap. 14. *de Arthrid.*

(f) *Aph.* VI. 55.

ribus exiguis, invicem modo sedere, modo ingredi; tum, antequam cibum capiat, sine balneo, loco calido leniter perfricari, sudare, perfundi aqua egelida: deinde cibum sumere ex media materia (g), interpositis rebus urinam moventibus, quotiesque plenior est, evomere.

Ubi dolor vehemens urget, interest, sine tumore is sit, an tumor cum calore, an tumor jam etiam obcaluerit. Nam, si tumor nullus est, calidis fomentis opus est. Aquam marinam, vel muriam duram fervere oportet, deinde in pelvem conjicere, & cum jam homo pati potest, pedes demittere superque pallam dare, & vestimento tegere; paulatim deinde juxta labrum ipsum ex eadem aqua leniter infundere, ne calor intus destituat; ac deinde noctu cataplasmata (h) calefacientia imponere, maximeque hibisci (i) radicem ex vino coctam.

Si vero tumor calorque est, utilioraque sunt refrigerantia, recteque in aqua quam (k) frigidissima articuli continentur; sed neque quotidie, neque diu fiat, ne nervi indurescant. Imponendum vero est cataplasma, quod refrigeret: neque tamen in hoc ipso diu permanendum; sed ad ea transeundum, quæ sic reprimunt, ut emolliant.

Si major est dolor, papaveris cortices in vino coquendi, miscendique cum cerato sunt, quod ex rosa factum sit: vel ceræ adipis suillæ tantumdem una liquandum, deinde his vinum miscendum, atque ubi, quod ex eo impositum est, in-

(g) Optime, quia materia serosa est.

(h) ARETÆUS de Curat. Diut. II. 12.

(i) PLIN. H. N. Lib. XX. c. 4.

(k) Aph. V. 25.

caluit, detrahendum, & subinde aliud imponendum est.

Si vero tumores etiam obcaluerunt, & dolent, levat spongia imposita, quæ subinde ex oleo, vel aceto, vel aqua frigida exprimitur; aut pari portione inter se mista, pix, cera, alumen. Sunt etiam plura idonea manibus pedibusque (1) malagmata. Quod si nihil superimponi dolor patitur, id, quod sine tumore est, fovere oportet spongia, quæ in aquam calidam demittatur, in qua vel papaveris cortex, vel cucumeris sylvestris radix decocta sit; tum inducere articulis crocum cum succo papaveris & ovillo lacte.

At si tumor est, foveri quidem debet aqua egelida, in qua lentiscus, aliave ex reprimentibus verbenæ decocta sit: induci vero medicamentum ex nucibus amaris cum aceto tritis; aut ex cerussa, cui contritæ herbæ muralis succus sit adjectus. Lapis etiam, qui carnem edit, quem *σαρκοφάγον* Græci vocant, excisus sic, ut pedes capiat, demissos eos, cum dolent, retentosque ibi levare consuevit. Ex quo in Affo (m) sepulchra faciunt. Et lapidi Affo (n) gratia est ad juvandum.

Ubi dolor & inflammatio se remiserunt, (quod intra dies (o) triginta fit, nisi vitium hominis accessit) modicis excercitationibus, abstinentia, unctionibus lenibus utendum est sic, ut etiam

(1) NICOL. MYREPS. *Señ. XXXIV. cap. 10.*
II. SCRIB. LARG. c. *XLI. Comp. 158. 159.*

(m) PLIN. *H. N. XXXVI. 17.*

(n) PLIN. *loco cit.* ORIBAS. *Synops II. 56.*

(o) *Alii quadraginta, Aph. VI. 49.*

cum acopo, vel liquido cerato cyprino articuli perfricentur. Equitare podagricis quoque alienum est.

Quibus vero articulorum dolor certis temporibus revertitur, hos ante & curioso victu cavere oportet, ne inutilis materia corpori supersit: & crebriore vomitu, & si quis ex corpore metus est, vel alvi ductione uti, vel lacte purgari. Quod ERASISTRATUS in podagricis (p) expulit: ne in inferiores partes factus cursus pedes replet: cum evidens sit omni purgatione non superiora tantummodo, sed etiam inferiora exinaniri.

C A P. XXV.

De Refectione convalescentium a morbo.

EX quocunque autem morbo quis convalescit, si tarde confirmatur, vigilare prima luce debet; nihilominus in lecto conquiescere: circa tertiam horam leniter unctis manibus corpus permulcere. Deinde delectationis causa, quantum juvat, ambulare, circumcisa omni negotiosa actione. Tum gestari diu: multa fricatione uti: loca, cælum, cibos sæpe mutare. Ubi tri-duo quatrduove vinum bibit, uno aut etiam altero die interponere aquam. Per hæc enim fiet, ne in vitia tabem inferentia incidat, & ut mature vires suas recipiat. Cum vero ex toto convalescerit, periculose vitæ genus subito mutabit, & inordinate aget. Paulatim ergo debebit, omis- sis his legibus, eo transire, ut arbitrio suo vivat.

(p) Libro quo de Podagra scripsit, CÆLIUS AUREL, *Tard. Pass. II, in fine.*

LIBER QUINTUS.

PRÆFATIO.

DIXI de his malis corporis, quibus victus ratio maxime subvenit, nunc transeundum est ad eam medicinæ partem, quæ magis medicamentis pugnat. His multum antiqui authores tribuerunt, & ERASISTRATUS, & hi qui se *ἐμπειρικοὶ* nominaverunt; præcipue tamen HEROPHILUS, deductique ab illo viri; adeo ut nulum morbi genus sine his curarent. Multaque etiam de facultatibus medicamentorum memoriæ prodiderunt, qualia sunt vel ZENONIS, vel ANDREÆ, vel APOLLONII, qui MUS cognominatus est.

Horum autem usum ex magna parte ASCLEPIADES non sine causa sustulit; &, cum omnia fere medicamenta stomachum lædant, malique succi sint, ad ipsius victus rationem potius omnem curam suam transtulit. Verum, ut illud in plerisque morbis utilius est, sic multa admodum corporibus nostris incidere consuerunt, quæ sine medicamentis ad sanitatem pervenire non possunt. Illud ante omnia scire convenit, quod omnes medicinæ partes ita connexæ sunt (a), ut ex toto separari non possint; sed ab eo nomen trahant, a quo plurimum petunt. Ergo ut illa, quæ victu curat, aliquando medicamentum adhibet; sic

(a) SCRIBON. LARG. c. 68.

illa, quæ præcipue medicamentis pugnat, adhibere etiam rationem victus debet; quæ multum admodum in omnibus malis corporis proficit. Sed cum omnia medicamenta proprias facultates habeant, ac sæpe simplicia opitulentur, sæpe mista; non alienum videtur ante proponere & nomina, & vires, & misturas eorum: quo minor ipsam curationem exsequentibus mora sit.

CAPUT I.

De simplicibus facultatibus quarumcumque rerum, ex quibus medicamenta sunt: & primo de his, quæ sanguinem supprimunt.

SANGUINEM supprimunt, atramentum futorium, quod Græci χαλκανδρον adpellant, chalcitis, acacia, & ex aqua lycium, thus, aloe, gummi, plumbum combustum, porrum, herba sanguinalis, creta vel cimolia vel figularis, misy, frigida aqua, vinum, acetum, alumen, melinum, squama (a) & ferri & æris; atque hujus quoque duæ species sunt, alia tantum æris, alia rubri æris.

CAP. II.

Quæ vulnus glutinent.

GLUTINANT vulnus, myrrha, thus, gummi, præcipueque acanthinum, psyllium, tra-

(a) Et utriusque ferri legendum dicit RUBRUS p. 193.

gacantha, cardamomum, bulbi, lini semen, nasturtium, ovi album, gluten, ichthyocolla, vitis alba, contusæ cum testis suis cochleæ, mel coctum, spongia vel ex aqua frigida, vel ex vino, vel ex aceto expressa : ex iisdem lana succida, si levis plaga est : etiam (a) aranea.

Reprimunt, alumen & scissile, quod *σχισδν* vocatur, & liquidum, melinum, auripigmentum, ærugo, chalcitis, atramentum futorium.

C A P. III.

Quæ concoquant, & moveant pus.

CONCOQUUNT & movent pus, nardum, myrrha, costus, balsamum, galbanum, propolis, styrax, thuris & fuligo & cortex, bitumen, pix, sulphur, resina, sebum, adeps, oleum.

C A P. IV.

Quæ aperiant vulnera (a).

VULNERA aperiunt tanquam ora in corporibus, quod *ἀνατομῆν* Græce dicitur, cinnamomum, balsamum, panaces, juncus quadratus, pulegium, flos albæ violæ, bdellium, galbanum, resina terebinthina & pinea, propolis, oleum vetus, piper, pyrethrum, chamæpitys, uva taminia, sulphur, alumen, rutæ semen.

(a) PETRON. Sat. c. 58.

(a) ORIBAS. Synops. II. 42. 47.

C A P. V.

Quæ purgent.

PURGANT, ærugo, auripigmentum, quod ^{ἀρσενικόν} a Græcis nominatur (huic autem & sandarachæ in omnia eadem vis; sed validius est) squama æris, pumex, iris, balsamum, styrax, thus, thuris cortex, resina, & pinea, & terebinthina liquida, œnanthe, lacerti stercus, sanguis columbæ, & palumbi, & hirundinis, ammoniacum, bdellium (quod in omnia idem, quod ammoniacum, potest; sed hoc valentius est) abrotinum, ficus arida, coccum Gnidium (a), scobis eboris, omphacium, radícula, coagulum, sed maxime leporinum (cui eadem, quæ cæteris coagulis, facultas, sed utique validior est) fel taurinum, vitellus crudus, cornu cervinum, gluten, mel crudum, misy, chalcitis, crocum, uva taminia, spuma argenti, galla, squama æris, lapis hæmatites, minium, costum, sulphur, pix cruda, sebum, adeps, oleum, ruta, porrum, lenticula, ervum.

C A P. VI.

Quæ rodant.

RODUNT, alumen liquidum, sed magis rotundum, ærugo, chalcitis, misy, squama æris;

(a) CASAUBONUS ad CAPITOLIN. in Verum; pag. 436.

æris, sed magis rubri, æs combustum, sandaracha, minium sinopicum, casia, balsamum, myrrha, thuris cortex, galbanum, resina terebinthina liquida, piper utrumque, sed rotundum magis, cardamomum, auripigmentum, calx, nitrum, & spuma ejus, apii semen, narcissi radix, omphacium, alcyonium, oleum ex amaris nucibus, allium, mel crudum, vinum, lentiscus, squama ferri, fel taurinum, scammonia, uva taminia, cinnamomum, styrax, rutæ semen, resina, narcissi semen, sal, nuces amaræ (*), ut oleum earum, atramentum futorium, chrysocola, concharum cinis.

C A P. VII.

Quæ exedant corpus.

EXEDUNT corpus, acaciæ succus, hebenus, ærugo, squama æris, chrysocola, cinis Cyprius, nitrum, cadmia, spuma argenti, hypocistis, diphryges, sal, auripigmentum, sulphur, eruca, sandaracha, salamandra, alcyonium, æris flos, chalcitis, atramentum futorium, ochra, calx, acetum, galla, alumen, lac caprifici, vel lactucæ marinæ, quæ τινδυμᾶλλος a Græcis nominatur, fel, thuris fuligo, spodium, lenticula, mel, oleæ folia, marrubium, lapis hæmatites, & (a) Phrygius, & Asius, & scissilis, misy, vinum, acetum.

(*) Nonne potius aut?

(a) PLIN. H. N. XXXVI. 19.

C A P. VIII.

Quæ adurant (a).

ADURUNT, auripigmentum, atramentum futorium, chalcitis, misy, ærugo, calx, charta combusta, sal, squama æris, fex combusta, myrrha, stercus & lacerti, & columbæ, & palumbi, & hirundinis, piper, coccum Gnidium, allium, diphryges, lac utrumque (quod proximo capite supra comprehensum est) veratrum & album & nigrum, cantharides, corallium, pyrethrum, thus, salamandra, eruca, sandaracha, uva taminia, chrysocolla, ochra, alumen scissile, ovillum stercus, cenanthe.

C A P. IX.

Quæ crustas ulceribus inducant.

EADEM fere crustas ulceribus tanquam igne adustis inducunt, sed præcipue chalcitis, utique si cocta est, flos æris, ærugo, auripigmentum, misy, & id quoque magis coctum.

(a) ORIBAS. *Synops. II.* 48.

CAP. X.

Quæ crustas ulceribus resolvant.

CRUSTAS vero has resolvit, farina triticea cum ruta, vel porro, aut lenticula, cui mellis aliquid adjectum est.

CAP. XI.

Quæ discutiant ea, quæ in aliqua parte corporis coierunt.

AD discutienda vero ea, quæ in corporis parte aliqua coierunt, maxime possunt, abrotonum, helenium, amaracus, albâ viola, mel, lilium, sansucus, cyperus, lac, fertula campana, serpyllum, cupressus, cedrus, iris, viola purpurea, narcissus, rosa, crocum, prasium, juncus quadratus, nardum, cinnamomum, casia, ammoniacum, cera, resina, uva taminia, spuma argenti, styrax, ficus arida, tragoriganus, lini & narcissi semen, bitumen, sordes ex gymnasio, pyrites lapis, aut molaris, crudus vitellus, amaræ nuces, sulphur.

CAP. XII.

Quæ evocent, & educant.

EVOCAT & educit, ladanum, alumen rotundum, hebenus, lini semen, omphacium, fel,

chalcitis, bdellium, resina terebinthina & pinea, propolis, ficus arida decocta, sterqus columbæ, pumex, farina lolii, grossi in aqua cocti, elaterium, lauri baccæ, nitrum, sal.

C A P. XIII.

Quæ exasperata levant.

LÆVANT id, quod exasperatum est, spodium, hebenus, gummi, ovi album, lac, tragacanthum.

C A P. XIV.

Quæ carnem nutriant, & ulcus impleant.

CARNEM alunt, & ulcus implent, resina pinea, ochra (a) Attice, mel, asteriace, cera, butyrum.

C A P. XV.

Quæ molliant.

MOLLIUNT, æs combustum, terra Eretria, nitrum, papaveris lachryma, ammoniacum, bdellium, cera, sebum, adeps, oleum, ficus arida, sesamum, fertula campana, narcissi & radix

(a) Gorraus Defn. Medic. V. ὄχρα.

& semen, rosæ folia, coagulum, vitellus crudus, amaræ nuces, medulla omnis, stimmi, pix, cochlea cocta, cicutæ semen, plumbi retrimentum, *σικεριν μαλὶβδω* Græci vocant, panaces, cardamomum, galbanum, resina, uva taminia, styrax, iris, balsamum, sordēs ex gymnasio, sulphur, butyrum, ruta.

C A P. XVI.

Quæ cutem purgent

CUTEM purgat mel, sed magis, si est cum galla, vel ervo, vel lenticula, vel marrubio, vel iride, vel ruta, vel nitro, vel ærugine.

C A P. XVII.

De misturis simplicium rerum; & de ratione ponderum.

EXPOSITIS simplicibus facultatibus, dicendum est, quemadmodum misceantur, quæque ex his fiant. Miscentur autem variè, nèque hujus ullus modus est, cum ex similibus alia demantur, alia adjiciantur; iisdemque servatis, ponderum ratio mutetur. Itaque, cum facultatum materia non ita multiplex sit, innumerabilia misturarum genera sunt; quæ comprehendī si possent, tamen esset supervacuum. Nam & iidem effectus intra paucas compositiones sunt, & mutare eas cuilibet, cognitis facultatibus, facile est. Itaque contentus his ero, quas accepi velut nobilissimas.

In hoc autem volumine eas explicabo, quæ vel desiderari in prioribus potuerunt; vel ad eas curationes pertinent, quas protinus hic comprehendam sic, ut tamen, quæ magis communia sunt, simul jungam. Si qua singulis, vel etiam paucis commodata sunt, in ipforum locum differam.

Sed & ante sciri volo, in uncia pondus denariorum septem esse. Unius deinde denarii pondus dividi a me in sex partes, id est sextantes (a), ut idem in sextante denarii habeam, quod Græci habent in eo, quem ὀβολόν (b) adpellant. Is ad nostra pondera (c) relatus paulo plus dimidio scrupulo facit.

2. Quid (d). Malagma, & Emplastrum, & Pastillus inter se differant.

Malagmata vero, atque emplastra, pastillique, quos τροχίσκος Græci vocant, cum plurima eadem habeant; differunt eo, quod malagmata maxime ex floribus eorumque etiam furculis, emplastra pastillique magis ex quibusdam metallicis fiunt. Deinde malagmata confusa abunde mollescunt: nam super integram cutem injiciuntur: laboriose vero conteruntur ea, ex quibus emplastra pastillique fiunt; ne lædant vulnera, cum imposita sunt. Inter emplastrum autem & pastillum hoc interest, quod emplastrum utique liquati aliquid accipit: in pastillo tantum arida medicamenta aliquo humore junguntur.

(a) RHOD. de Ponderib. pag. 24.

(b) IDEM ibidem p. 27.

(c) IDEM ibidem p. 24.

(d) REINES. Variar. Lect. II. 8. p. 189.

Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis alius non pinguis humor accessurus est; & ea rursus ex eo teruntur. Ea vero, quæ liquari possunt, ad ignem simul liquantur; & si quid olei misceri debet, tum infunditur. Interdum etiam aridum aliquod ex oleo prius coquitur. Ubi facta sunt, quæ separatim fieri debuerunt, in unum omnia miscentur.

At pastilli hæc ratio est. Arida medicamenta contrita humore non pingui, ut vino vel aceto, coguntur, & rursus coacta, inarescunt: atque, ubi utendum est, ejusdem generis humore diluuntur. Tum emplastrum imponitur, pastillus illinitur, aut alicui molliori, aut cerato miscetur.

C A P. XVIII.

*De Malagmatis (a).*I. *Malagma adversus calidas podagras.*

His cognitis, primum malagmata subjiciam; quæ fere non sunt refrigerandi, sed calefaciendi causa reperta. Est tamen, quod refrigerare potest; ad calidas podagras aptum. Habet gallæ & immaturæ & alterius, coriandri seminis, cicutæ, lachrymæ aridæ, gummi, singulorum plenum acetabulum, cerati eloti, quod περιχυμένον Græci vocant, selibram. Reliqua fere calefaciunt. Sed quædam digerunt materiam, quædam extrahunt,

(a) ÆGINETA VII. 18. ORIBAS. *Synops.* III.

quæ ἐπισπαστικά vocantur: pleraque certis partibus membrorum accommodata sunt.

2. *Malagma ad materiam extrahendum.*

SI materia extrahenda est, ut in hydropico, in lateris dolore, in incipiente abscessu, in supuratione quoque mediocri, aptum est id, quod habet resinæ aridæ, nitri, ammoniaci, galbani, singulorum p.*. ceræ p.*. Aut in quo hæc sunt: æruginis rasæ, thuris, singulorum p. II.*. ammoniaci, salis p. VI.*. squamæ æris, ceræ, singulorum p. VIII.*. resinæ aridæ p. XII.*. aceti cyathus. Idem præstat cumini, farina cum struthio, & melle p. II.*.

3. *Malagma ad jecur dolens.*

Si jecur dolet, id in quo est balsami lachrymæ p. XII.*. costi, cinnamomi, cassiæ corticis, myrrhæ, croci, junci rotundi, balsami feminis, iridis Illyricæ, cardamomi, amomi, nardi, singulorum p. XVI.*. Quibus adjicitur nardinum unguentum, donec cerati crassitudo sit. Et hujus quidem recentis usus est: si vero servandum est, resinæ terebinthinæ p. XVI.*. ceræ p. X.*. ex vino leni contunduntur, & cum eo miscentur.

4. *Malagma ad lienem.*

At, si lienis torquet (*dolor*) glandis, quam *μυροβαλαδενον* Græci vocant, cortex & nitrum paribus portionibus contunduntur, respergunturque aceto quam acerrimo: ubi cerati crassitudinem habet, linteo, ante in aqua frigida madefacto, inlinitur, & sic imponitur, supraque farina hordeacea inji-

citur: sed manere ibi non amplius sex horis debet, ne lienem consumat: satiusque est id bis, aut ter fieri.

5. *Malagma commune pluribus.*

Commune autem & jecinori, & lieni, & abscessibus, & strumæ, parotidibus, articulis, calibus quoque suppurantibus, aut aliter dolentibus, etiam concoctioni ventris, LYSIAS composuit ex his: opopanax, galbani, resinæ, singulorum p. II.*. ammoniaci, bdellii, ceræ, sevi taurini, iridis aridæ p. v.*. cachryos acetabulo, piperis granis (b) quadraginta; quæ contrita irino unguento temperantur.

6. *Malagma ad laterum dolorem.*

Ad laterum autem dolores compositio est (c) APOLLOPHANIS: in qua sunt resinæ terebinthinæ, thuris fuliginis, singulorum p. IV.*. bdellii, ammoniaci, iridis: sevi aut vitulini, aut caprini a renibus, visci, singulorum p. IV.*. Hæc autem omnem dolorem levat, dura emollit, mediocriter calefacit.

7. *Ad idem ANDRÆ.*

Ad idem valet ANDRÆ quoque malagma, quod etiam resolvit, humorem educit, pus ma-

(b) RHODIUS de Ponderib. pag. 26.

(c) ORIBAS. Synops. III. CÆL. AUREL. Acut. M. II. 24. Dicitur Polyarchion MARCEL. de Medic. c. XX. ÆGIN. VII. 18.

turat; ubi id maturum est, cutem rumpit, & ad cicatricem perducit. Prodest impositum minutis majoribusque abscessibus: item articulis, & coxis, & pedibus dolentibus: item, si quid in corpore collisum est, reficit: præcordia quoque dura & inflata emollit: ossa extrahit: ad omnia denique valet, quæ adjuvare calor potest. Id habet ceræ p. XI. *. visci, sycamini, quam alias sycomorum vocant, lachrymæ, singulorum p. I. *. piperis & rotundi & longi, ammoniaci thymiamatis, bdellii, iridis Illyricæ, cardamomi, xylobalsami, thuris masculi, myrrhæ, resinæ aridæ, singulorum p. X. *. pyrethri, cocci Gnidii, spumæ nitri, falsi ammoniaci, radicis aristolochiæ Creticæ, cucumeris agrestis radicis, resinæ terebinthinæ liquidæ, singulorum p. XX. *; quibus adjicitur unguenti irini, quantum satis est ad ea mollienda, atque cogenda.

8. *Malagnata ad resolvenda, quæ adstricta sunt; & mollienda, quæ dura sunt; & digerenda, quæ coeunt.*

Præcipuum vero est ad resolvenda, quæ adstricta sunt, mollienda, quæ dura sunt, digerenda, quæ coeunt, id, quod ad POLYARCHUM auctorem refertur. Habet junci quadrati, cardamomi, thuris fuliginis, amomi, ceræ, resinæ liquidæ, pares portiones.

9. *Aliud malagma ad eadem.*

Aliud ad eadem NILEI: crocomagmatis, quod quasi recrementum ejus est, p. IV. *. ammoniaci thymiamatis, ceræ, singulorum p. XXX. *. ex qui-

bus duo priora ex aceto teruntur, cera cum rosa liquatur, & tum omnia junguntur.

10. *Malagma MOSCHI ad molliendum.*

Proprie etiam dura mollit id, quod MOSCHI esse dicitur. Habet galbani unciam, thuris fuliginis p. III. *. ceræ, ammoniaci thymiamatis trientes (d), picis aridæ p. II. *. aceti heminas tres.

11. *Malagma MEDI (d*) ad digerenda, quæ coeunt.*

Fertur etiam ad digerenda, quæ coeunt, sub authore MEDO: quod habet ceræ p. III. *. panacis p. *. femis, squamæ æris, aluminis rotundi, item scissilis, singulorum p. I. *. plumbi combusti p. I. *. & femis.

12. *Malagma PANTHEMI ad eadem.*

Ad eadem PANTHEMUS utebatur, calcis p. *. femis, sinapis contriti, item fœni græci, aluminis, singulorum p. I. *. fevi bubuli p. II. *. & femis.

13. *Malagma ad strumas.*

Ad strumam multa malagmata invenio. Credo autem, quo pejus id malum est, minusque facile discutitur, eo plura esse tentata; quæ in personis varie responderunt. ANDREAS author est, ut hæc misceantur: urticæ seminis p. I. *. piperis rotundi, bdellii, galbani, ammoniaci thymiamatis,

(d) RHODIUS de Ponderib. p. 12.

(d*) Forte MEDII.

resinæ aridæ, singulorum p. iv. *. resinæ liquidæ, ceræ, pyrethri, piperis longi: lactucæ marinæ feminis, sulphuris ignem non experti, quod ἀστυον vocatur, pares portiones.

14. *Aliud MICONIS ad idem.*

Hoc autem MICONIS (e) est: fecis aridæ, aceti, spumæ nitri, falis ammoniaci, sinapis, cardamomi, radicis cucumeris silvestris, resinæ, singulorum p. iv. *. Quæ ex leni vino contunduntur.

15. *Aliud Malagma ad idem valens.*

Expeditius ad idem fit, quod habet visci, felini stercoreis, resinæ, sulphuris ignem non experti pares portiones.

Et in quo est sulphuris p. i. *. lapidis, quem pyriten vocant, p. iv. *. cumini (f) acetabulum.

Item in quo est lapidis ejusdem pars una, sulphuris duæ partes, resinæ terebinthinæ partes tres.

16. *Malagma ad strumam, & phymata.*

Arabis autem cujusdam est ad strumam; & orientia tubercula, quæ φύματα vocantur, quod hæc digerit. Habet myrrhæ, falis ammoniaci, thuris, resinæ & liquidæ & aridæ, crocomagmatidis, ceræ, singulorum p. i. *. lapidis ejus, quem πύριον vocant, p. iv. *. quibus quidam adjiciunt sulphuris p. ii. *.

(e) PLIN. H. N. XX. 23. Mictionis, ubi alii Myconis, meminit.

(f) Jo. RHODIUS de Ponderib. p. 34.

17. *Malagma ad strumam, & tubera, & κερυνώδη.*

Est etiam proficiens in struma; & in his tuberculis, quæ difficulter concoquuntur; & in his, quæ κερυνώδη vocantur, quod ex his constat: sulphuris p. II *. nitri p. IV. *. myrrhæ p. VI. *. fuliginis thuris p. *. semis, falis ammoniaci p. III. *. ceræ p. I. *.

18. *Malagma PROTARCHI ad parotidas, & favum, & mala ulcera.*

PROTARCHUS autem ad παρωτίδας atque tubercula, quæ μελικηρίδες, id est favi, vel ζιμχτα nominantur, mala ulcera: pumicis, resinæ pineæ liquidæ, thuris fuliginis, spumæ nitri, iridis, singulorum p. VIII. *. cum ceræ p. IX. *. miscbat, hisque olei cyathum & dimidium adjiciebat.

19. *Malagma adversus panum, & phymata.*

At adversus panum, tum primum orientem, quod φυγεθλον Græci vocant, & omne tuberculum, quod φῦμα nominatur, miscetur ochra, quæ Attice nominatur, cum duabus partibus similæ, hisque, dum contunduntur, subinde mel intillatur, donec malagmatis crassitudo sit.

20. *Malagma adversus phymata.*

Discutit etiam omne tuberculum, quod φῦμα vocatur, id, quod habet calcis, spumæ nitri, piperis rotundi, singulorum p. I. *. galbani p. II. *. falis p. IV. *. quæ excipiuntur cerato ex rosa factō.

21. *Malagma ad supprimendum omne, quod abscedit.*

Supprimit quoque omne, quod abscedit, id, in quo est galbani, fabæ fressæ, singulorum p. i. *. myrrhæ, thuris, corticis ex radice capparidis, singulorum p. iv. *. Satisque omnia abscedentia digerit murex combustus, & bene contritus, aceto subinde adjecto.

22. *Mragma ad sanguinem supprimendum.*

At, si plus fatis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinæ & aridæ & liquidæ pineæ; item ex lentis, thuris, iridis, singulorum p. ii. *.

23. *Malagma ad carcinomata & phymata lenienda.*

Carcinomata vero & phymata commode his leniuntur: galbani, visci, ammoniaci, resinæ terebinthinæ singulorum p. i. *. sevi taurini p. *. semis, fecis combustæ quam maxima portione, dum id siccius non faciat, quam esse malagma oportet.

24. *Malagma ad faciem contusam ejusque livorem.*

Quod si facie contusa livor subcruentus est, hæc compositio nocte & die imposita tollit. Aristolochiæ, thapsiæ, singulorum p. ii. *. bdellii, styracis, ammoniaci thymiamatis, galbani, resinæ aridæ, & ex lentisco liquidæ, thuris masculi, iridis Illyricæ, ceræ, singulorum p. iv. *.

Eidem faba quoque imposita proficit.

25. *Malagmata ἀνατομικὰ ad aperiendum.*

Sunt etiam quædam malagmata, quæ ἀνατομικὰ Græci vocant, quoniam aperiendi vim habent. Quale est, quod ex his constat: piperis longi, spumæ nitri, singulorum p. II. *. erysimi p. IV. *. quæ cum melle miscentur. Idoneæque etiam strumæ aperiendæ sunt.

Ejus generis, vehementiusque ex his est, quod habet calcis p. IV. *. piperis grana sex, nitri, ceræ singulorum p. X. *. mellis p. III. *. olei heminam.

26. *MICONIS Malagma, ad resolvendum aperiendumque ac purgandum*

MICONIS quoque est, quod resolvit, aperit, purgat. Habet alcyonium, sulphur, nitrum, pumicem, pari pondere; quibus tantum picis, & ceræ adjicitur, ut fiat cerati crassitudo.

27. *Malagma ad ossa & nervos.*

Ad ossa autem ARISTOGENIS fit ex his: sulphuris p. I. *. resinæ terebinthinæ, nitri spumæ, & ex scilla partis interioris, plumbi eloti, singulorum p. II. *. thuris fuliginis p. VIII. *. ficus aridæ quam piuguiissimæ, fevi taurini, singulorum p. VIII. *. ceræ p. XII. *. iridis Macedonicæ p. VI. *. sesami fricti acetabulum; maximeque nervis & articulis malagma hoc convenit.

28. *Malagma EUTHYCLEI ad articulos, & ad omnem dolorem.*

EUTHYCLEI quod est, & ad articulos, &

omnem dolorem, & ad vesicæ, & recenti cicatrice contractos articulos, quas ἀγκύλας Græci nominant, conveniens, habet fuliginis thuris acetabulum, resinæ tantumdem, galbani sine fureculis fescunciam, ammoniaci, bdellii, singulorum p. *. ceræ p. *. semis.

Aliud item fit, quod habet iridis, ammoniaci, galbani, nitri, singulorum p. XIV. *. resinæ liquidæ p. VI. *. ceræ p. XVI. *.

29. *Malagma SOSAGORÆ ad dolores articulorum.*

Ad dolores articulorum SOSAGORÆ: plumbi combusti, papaveris lachrymæ, corticis hyoscyami, styracis, peucedani, sevi, resinæ, ceræ par pondus.

30. *CHRYSIPI Malagma, ad idem valens.*

Est & CHRYSIPI: resinæ liquidæ, sandarachæ, piperis, singulorum p. XII. *. quibus ceræ paululum adjicitur.

31. *CTESIPHONTIS Malagma ad idem valens, & ad parotidas, & phymata, & strumam.*

CTESIPHONTIS: ceræ Creticæ, resinæ terebinthinæ, nitri quam ruberrimi, singulorum p. *. semis, olei cyathi tres. Sed id nitrum ante per triduum, instillata aqua, teritur, & cum sextario ejus incoquitur, donec omnis humor consumatur. Prodest vero ea compositio etiam ad parotidas, phymata, strumam, omnemque coitum humoris emolliendum.

32. *Malagma ad articulos.*

Ad articulos, fici quoque aridæ partem nepetæ mistam; vel uvam taminiam sine feminibus cum pulegio recte aliquis imponit.

33. *Malagma ARISTONI, adversus podagras & recentia phymata, & omnes dolores.*

Eadem podagræ præsidio sunt. Sed ad eam fit ARISTONIS quod habet nardi, cinnamomi, cassiæ, chamæleontis, junci rotundi, singulorum p. VIII. *. fevi caprini ex irino liquati p. XX. *. iridis p. I. *. quæ in aceto quam acerrimo jacere per XX. dies debet. Idem autem etiam recentia phymata doloresque omnes discutit.

34. *THEOXENI Malagma ad pedum dolores.*

At THEOXENUS ad pedum dolores, fevi a renibus partem tertiam, salis partes duas miscebat, hisque membranulam illitam imponebat; tum superiniciebat ammoniacum thymiana in aceto liquatum.

35. *NUMENII Malagma ad podagram; cæterosque articulos induratos.*

At NUMENIUS podagram, cæterosque articulos induratos hoc molliebat: abrotoni, rosæ aridæ, papaveris lachrymæ, singulorum p. III. *. resinæ terebinthinæ p. IV. *. thuris, spumæ natri, singulorum p. VIII. *. iridis, aristolochiæ, singulorum p. XII. *. ceræ p. III. *. quibus ad-

jicitur cedriæ cyathus unus, olei laurini cyathi tres, olei acerbi sextarius.

36. DEXII *Malagma, si quando callus in articulos increvit.*

Si quando autem in articulis callus increvit, DEXIUS docuit imponere, calcis p. IV. *. cerussæ p. VIII. *. resinæ pineæ p. XX. *. piperis grana XXX. ceræ p. II. *. Quibus, dum contunduntur, hemina vini lenis instillatur.

C A P. XIX.

De Emplastris. (a)

EX emplastris autem nulla majorem usum præstant, quam quæ cruentis protinus vulneribus injiciuntur; *ἔνομα* Græci vocant. Hæc enim reprimunt inflammationem, nisi magna vis eam cogit; atque tum illius quoque impetum minuunt, & glutinant vulnera, quæ id non patiuntur, & cicatricem iisdem inducunt. Constant autem ex medicamentis non pinguibus, ideoque *ἀλίπαντα* a Græcis nominantur.

I. Barbarum *Emplastrum nigrum*, quod cruentis protinus vulneribus injicitur.

Optimum ex his est, quod Barbarum (b) nominatur. Habet enim æruginis rasæ p. XII. *.

(a) P. ÆGINETA VII. 17.

(b) SCRIBON. LARG. c. LXXVII. c. 207.

spumæ argenti p. xx. *. aluminis, picis aridæ, resinæ pineæ aridæ, singulorum p. i. *. quibus adjiciuntur olei & aceti singulæ heminæ.

2. *CHOACON Emplastrum nigrum, ad idem valens.*

Alterum ad idem, quod CHOACON vocant, habet spumæ argenti p. x. *. resinæ aridæ tantumdem; sed spuma prius ex tribus olei heminis coquitur. His duobus emplastris color niger est; qui fere talis fit, ex pice atque resina: ut ex bitumine nigerrimus; ex minio ruber; ex cerussa, albus.

3. *Basilicon Emplastrum nigrum ad idem. (c)*

Paucæ admodum compositiones sunt, in quibus aliquid misturæ varietas novat. Ergo id quoque nigrum est, quod *Βασίλικον* nominatur. Habet opopanacis p. i. *. galbani p. ii. *. picis, & resinæ, singulorum p. x. *. olei dimidium cyathum.

4. *Smaragdinum Emplastrum ad idem.*

At, quod perviride est, *Smaragdinum* appellatur; in quo sunt resinæ pineæ p. iii. *. ceræ p. i. *. æruginis p. *. semis, thuris pollinis p. ii. *. olei tantumdem, & aceti, quo pollen & ærugo in unum cogantur.

5. *Emplastrum rufum ad idem. (d)*

Est etiam coloris fere rufi, quod celeriter ad

(c) ORIBAS. *Synopf. III.*

(d) SCRIBON. *LARG. c. LXXXIII.*

cicatricem vulnera perducere videtur. Habet thuris p. I. *. resinæ p. II. *. squamæ æris p. III. *. spumæ argenti p. XX. *. ceræ p. c. *. olei heminam.

6. Παρακαλλητικόν *Emplastrum ad idem.*

Præterea est, quod παρακαλλητικόν a glutinando vocant. Constat ex his: bituminis, aluminis scissilis p. IV. *. spumæ argenti p. IV. *. & olei veteris hemina.

7. Cephalicum emplastrum PHILOTÆ, capiti con-
(3) veniens.

Præterea sunt quædam generis ejusdem, quæ, quia capitibus fractis maxime conveniunt, κεφαλικά a Græcis nominantur. PHILOTÆ compositio habet terræ Eretriæ, chalcitidis, singulorum p. IV. *. myrrhæ, æris combusti, singulorum p. X. *. ichthyocollæ p. VI. *. æruginis rasæ, aluminis rotundi, misyos crudi, aristolochiæ, singulorum P. VIII. *. squamæ æris p. XX. *. thuris masculi p. II. *. ceræ p. I. *. rosæ, & olei acerbi, ternos cyathos, aceti quantum fatis est, dum arida ex eo conteruntur.

8. *Emplastrum viride ad idem valens.*

Aliud ad idem viride. Habet æris combusti, squamæ æris, myrrhæ, ichthyocollæ, singulorum p. VI. *. misyos crudi, æruginis rasæ, aristolochiæ, aluminis rotundi, singulorum p. VIII. *. ceræ p. VI. *. olei heminam, aceti quod fatis sit.

9. *Tetrapharmacum Emplastrum, ad pus movendum. (e)*

Puri autem movendo non aliud melius quam quod expeditissimum est, & (f) τετραφάρμακον a Græcis nominatur. Habet pares portiones ceræ, picis, resinæ, sevi taurini; si id non est, vitulini.

10. *Enneapharmacum Emplastrum, ad pus movendum, & ad purgandum valens.*

Alterum ad idem, (g) ἐννεαφάρμακον nominatur, quod magis purgat. Constat ex novem rebus, cera, melle, sevo, resina, myrrha, rosa, medulla vel cervina vel vitulina vel bubula, œsypo, butyro. Quorum quoque pondera paria miscentur.

II. *Emplastra, quibus utriusque rei facultas est.*

Sunt autem quædam emplastra, quibus utriusque rei facultas est, quæ nisi singula habenda sit, meliora sunt; alias deteriora, nec, nisi cum utraque opus est, aut in singulis singulorum inopia, utenda veniunt: sed in copia rejicienda sunt; his potius adhibitis, quæ id proprie, quod eo tempore opus est, consequuntur. Exempli causa duo proponam.

Attalum Emplastrum ad vulnera.

Est igitur ad vulnera *Attalum*: quod habet squa-

(e) SCRIBON. LARG. cap. LXXXI. c. 211.

(f) CASAUB. ad SPARTIANI ADRIANUM c. 21. pag. 192.

(g) IDEM ibidem & pag. 232.

mæ æris p. VI. *. thuris fuliginis p. XV. *. ammoniaci tantumdem, resinæ terebinthinæ liquidæ p. XXV. *. fevi taurini tantumdem, aceti heminas tres, olei sextarium.

Judæi Emplastrum, fracto capiti accomodatum.

At inter ea, quæ fracto capiti accomodantur, habent quidam id, quod ad authorem Judæum (b) refertur. Constat ex his: falis p. VI. *. squamæ æris rubri, æris combusti, singulorum p. XII. *. ammoniaci thymiamatis, thuris fuliginis, resinæ aridæ, singulorum p. VI. *. resinæ Colophonis, ceræ, fevi vitulini curati, singulorum p. XX. *. additur aceti sesquicyathus, olei minus cyathio (i). Quæ *τετραπνευμένα* Græci adpellant, nos curata vocamus; cum ex sevo puta omnes membranulæ diligenter exemptæ sunt, aut ex alio medicamento.

12. *Emplastra ἐπισπαστικά. (k)*

Sunt etiam quidam emplastra nobilia ad extrahendum; quæ ipsa quoque *ἐπισπαστικά* nominantur. Quale est, quod, quia lauri baccas habet, *διὰ δακτυλίων* adpellatur. In eo est, resinæ terebinthinæ p. X. *. nitri, ceræ, picis aridæ, baccarum lauri, singulorum p. XX. *. olei paululum. Quoties autem baccam, aut nucem, aut simile aliquid posuero, scire oportebit, antequam expendatur, ei summam pelliculam esse demendam.

(h) AETIUS. *Tetrab. IV. Serm. III. 14.*

(i) RHODIUS *de Ponderib. & Mensur. pag. 35.*

(k) SCRIBON. LARG. *cap. LXXXVI.*

13. *Aliud*, διὰ δαφνίδων, *ad extrahendum*, & *pus movendum*.

Aliud eodem nomine, quod puri quoque movendo est. Sevi vitulini, ammoniaci thymiamatis, picis, ceræ, nitri, baccarum lauri, resinæ aridæ, aristolochiæ, pyrethri, pares portiones.

14. *PHILOCRATIS Emplastrum*, *ad extrahendum* & *pus movendum*.

Præter hæc, est *PHILOCRATIS*: quod habet falis ammoniaci p. VII. *. aristolochiæ p. VIII. *. ceræ, resinæ terebinthinæ, fuliginis thuris, singulorum p. XV. *. spumæ argenti p. XXXII. *. Quibus, ut pus quoque moveant, iridis p. III. *. galbani p. VI. *. adjiciuntur.

15. *Ῥωιδες Emplastrum*, *ad extrahendum*.

Optimum tamen ad extrahendum est id quod a similitudine fordium Ῥωιδες Græci adpellant. Habet myrrhæ, croci, iridis, propolis, bdellii, capitulorum punici mali, aluminis scissilis & rotundi, misyos, chalcitidis, atramenti futorii cotti, opopanacis, falis ammoniaci, visci, singulorum p. IV. *. aristolochiæ p. VIII. *. squamæ æris p. XVI. *. resinæ terebinthinæ p. LXXV. *. ceræ, & sevi vel taurini vel hircini, singulorum p. c. *.

16. *Emplastrum HECATÆI*, *ad extrahendum*.

HECATÆO quoque authore emplastrum generis ejusdem fit ex his: galbani p. II. *. fuliginis thuris p. IV. *. picis p. VI. *. ceræ, & resinæ

terebinthinæ, singulorum p. VIII. *. quibus paulum irini unguenti miscetur.

17. Alexandrinum *Emplastrum viride, ad extrahendum.*

Valensque ad idem emplastrum viride *Alexandrinum* est. Habet aluminis scissilis p. VIII. *. falis ammoniaci p. VII. *. squamæ æris p. XVI. *. myrrhæ, thuris, singulorum p. XVIII. *. ceræ p. CL. *. resinæ Colophonix aut pineæ p. CXC. *, olei heminam, aceti sextarium.

18. *De Emplastris exedentibus.*

Quædam autem sunt emplastra exedentia, quæ ^{ἐκτρίκτα} Græci vocant, quale est id, quod habet resinæ terebinthinæ, fuliginis thuris, singulorum p. II. *. squamæ æris p. I. *. ladani p. II. *. aluminis tantundem, spumæ argenti p. IV. *.

19. *Emplastrum, quod exest corpus, ossa resolvit, & supercrescentem carnem coercet.*

Exest etiam vehementer corpus, atque ossa quoque resolvit, & supercrescentem carnem coercet id, quod habet spumæ argenti, squamæ æris, uncias singulas; nitri ignem non experti, lapidis Asii, aristolochiæ p. sextantes (1), ceræ, resinæ terebinthinæ, thuris, olei veteris, atramenti futorii, falis ammoniaci p. semis, æruginis rase p. (m) bessum, aceti scillitici heminam, vini Aminæi tantundem.

(1) JO. RHODIUS. de Ponderib. pag. 13.

(m) IDEM ibidem. p. 11. 12.

20. *Emplastra adversus morsus, & alia recentiora vulnera.*

Emplastrum DIOGENIS nigrum.

Sunt etiam adversus morsus quædam accommodata; quale est DIOGENIS nigrum: quod habet bituminis, ceræ, resinæ pineæ aridæ, singulorum p. XX. *. spumæ argenti p. c. *. olei (n) sextarium.

Aut in quo sunt squamæ æris p. IV. *. cerussæ, & æruginis rasæ singulorum p. VIII. *. ammoniaci p. XII. *. ceræ, resinæ pineæ, singulorum p. XXV. *. spumæ argenti p. c. *. olei sextarium. Aut in quo sunt squamæ æris p. XIV. *. galbani p. VI. *. cerussæ, & æruginis rasæ, singulorum p. VIII. *. ammoniaci p. XII. ceræ, resinæ pineæ, singulorum p. LX. *. ex quibus spuma argenti concoquitur.

21. *Ephesium Emplastrum rubrum, ad idem valens.*

Rubrum quoque emplastrum, quod Ephesium vocatur, huc aptum est. Habet resinæ terebinthinæ p. II. *. galbani p. IV. *. minii sinopici p. VI. *. thuris fuliginis p. VI. *. ceræ p. VIII. spumæ argenti p. LVI. *. olei veteris heminam.

22. *Aliud Emplastrum, ad idem valens.*

Idem id, quod ex his constat; squamæ æris, thuris fuliginis, singulorum p. IV. *. galbani p. VI. *. falis ammoniaci p. XII. z. *. ceræ p. XXV. *.

(n) IDEM *ibidem* pag. 27.

olei tribus heminis. Hæc autem aliis quoque recentioribus vulneribus recte imponuntur.

23. *Λευκὸν Emplastrum*, non gravibus vulneribus accommodata, & maxime senilibus.

Sunt etiam alba lenia, λευκὸν Græci vocant, fere non gravibus vulneribus accommodata, præcipueque senilibus. Quale est quod habet cerussæ p. LII. *. fevi vitulini curati, & ceræ, singulorum p. LVIII. *. olei heminas tres, ex quibus ea cerussa coquitur.

24. *Elephantinum Emplastrum*. (o)

Aliud, quod habet cerussæ p. XX. *. ceræ p. IV. *. olei heminam, aquæ sextarium. Quæ quoties adjiciuntur cerussæ vel spumæ argenti, scire licet, illa ex his coquenda esse. Est autem ea percandida compositio, quæ supra posita est, ideoque elephantina nominatur.

25. *Lenia Emplastrum*.

Lenia quoque quædam emplastra sunt, quæ (p) λευκὰ fere Græci nominant; ut id quod habet minii p. IV. *. spumæ argenti p. XXV. *. ceræ, & adipis suillæ, singulorum p. XXXV. *. vitellos ovorum quatuor.

26. *Emplastrum lene*.

Alia compositio generis ejusdem : ceræ, resinæ

(o) ORIBAS. *Synops.* l. III.

(p) PLIN. XXIII. 9. & XXXIII. 6.

terebinthinæ , singulorum p. v. *. cerussæ p. viii. *. spumæ argenti , plumbi retrimenti , (σκαρίαν μολυβδης Græci vocant) singulorum p. x. *. cicini olei , & myrtei , singulorum heminæ tertia.

27. ARCHAGATHI *Emplastrum lene.*

Alia , quæ ad authorem ARCHAGATHUM refertur ; misyos cocti , æris combusti , singulorum p. iv. *. cerussæ coctæ p. viii. *. resinæ terebinthinæ p. x. spumæ argenti p. vi. *.

28. *Emplastra ejusdem generis , ad leniendum apta.*

Etiamnum generis ejusdem : spumæ argenti , ceræ , adipis suillæ , singulorum p. xxvii. *. vitelli cocti , rosæ hemina.

Aut compositio hæc : cerati ex oleo myrteo facti partes tres , adipis suillæ pars quarta , paululum ex plumbi retrimento. Aut hæc compositio : spumæ argenti (q) selibra , ex olei hemina , & aquæ marinæ altera , cocta donec bullire desierit , cui paulum ceræ sit adjectum. Aut hæc : pares portiones ceræ , sevi , stibii , spumæ argenti , cerussæ.

C A P. XX.

De Pastillis.

Et primo de his , qui ad recentia vulnera glutinanda , sanandaque apti sunt.

PASTILLI quoque facultates diversas habent. Sunt enim ad recentia vulnera glutinanda sa-

(q) RHODIUS de Ponderib. pag. 12.

nandaque apti. Qualis est, qui habet chalcitidis, misyos, spumæ nitri, floris æris, gallæ, aluminis scissilis modice cocti, singulorum p. I. *. æris combusti, capitulorum mali punici, singulorum p. III. *. Hunc oportet diluere aceto, ac sic, ubi vulnus glutinandum est, illinere. At, si nervosus aut musculosus is locus est, commodius est cerato miscere, sic ut illius octo partes, nona hujus sit.

I. *Alius Pastillus ad glutinanda vulnera.*

Alius ad idem. Constat ex his: bituminis, aluminis scissilis, singulorum p. I. *. æris combusti p. IV. *. spumæ argenti p. XI. *. olei sextario.

2. *De Sphragide Pastillo, quem POLYIDAS confecit ad glutinandum vulnus.*

[Sed longe POLYIDÆ (a) celeberrimus est: σφραγίς autem nominatur. Qui habet aluminis scissilis p. IV. *. atramenti futorii p. II. *. myrrhæ p. V. *. aloes tantundem, capitulorum punici mali, fellis taurini, singulorum p. VI. *, quæ contrita vino austero excipiuntur.

3. *Pastillus ad ulcera sordida, & nigritiem in auribus, naribus, & in obscænis partibus, inflammationesque eorum.*

Ad ulcera sordida, & nigritiem in auribus,

(a) CÆL. AUREL. de Acut. Morb. III. 3.

naribus, obſcœnis partibus, inflammationeſque eorum: chryſocollæ p. I. *. atramenti ſutorii, aluminis ſciſſilis, ſingulorum p. II. *. halicacabi corticis p. IV. *. minii p. VI. *. ſpumæ argenti p. XII. *. ceruſſæ p. XVI. *. quæ ex aceto coguntur, &, ubi utendum eſt, diluuntur.

4. *Pastillus ANDRONIS ad uvam inflammata, ad naturalia ſordida, etiam cancro laborantia.*

ANDRONIS (e) vero eſt ad uvam inflammata, ad naturalia ſordida, etiam cancro laborantia: gallæ, atramenti ſutorii, myrrhæ, ſingulorum p. I. *. ariſtolochiæ, aluminis ſciſſilis, ſingulorum p. II. *. capitulorum punici mali p. XXV. *. ex paſſo coactorum &, cum uſus exigit, aceto vel vino dilutorum, prout valentius aut levius vitium eſt, cui medendum eſt.

5. *Pastillus ad fiſſa ani, vel ora venarum fundentia ſanguinem, vel cancrum.*

Proprie autem ad ani fiſſa, vel ora venarum fundentia ſanguinem, vel cancrum valet: æruginis p. II. *. myrrhæ p. IV. *. gummi p. VIII. *. thuris p. XII. *. ſtibii, lachrymæ papaveris, acaciæ, ſingulorum p. XVI. *. quæ ex vino & teruntur, & in ipſo uſu deliquantur.

6. *Pastillus ad expellendum calculum ex veſica.*

Expellere autem ex veſica cum urina calculum

(e) ORIBAS. *Synops. III.* GALEN. *de Comp. Med. ſecund. loc. III.* 3.

videtur hæc compositio : cassiæ ; croci ; myrrhæ ; costi, nardi ; cinnamomi ; dulcis radicis, balsami, hyperici pares portiones conteruntur ; deinde vinum lenè instillatur, & pastilli fiunt ; qui singuli habeant p. i. *. hique singuli quotidie mane jejuno dantur.

C A P. XXI.

De Pessis.

HÆC tria compositionum genera, id est, quæ in malagmatis, emplastris, pastillisque sunt, maximum præcipueque varium usum præstant. Sed alia quoque utilia sunt : ut ea quæ feminis subjiciunt ; *πεσσις* Græci vocant. Eorum hæc proprietas est : medicamenta composita molli lana excipiuntur, eaque lana naturalibus conditur.

1. *Ad sanguinem evocandum.*

Ad sanguinem autem evocandum, cauneis duabus adjicitur nîtri p. i. *. aut allii semen conteritur, adjicitur myrrhæ paululum, & unguento fusino miscetur. Aut cucumeris sylvestris pars interior ex lacte muliebri diluitur.

2. *Ad vulvam molliendam.*

Ad vulvam molliendam, ovi vitellus, & fœnum Græcum, & rosa, & crocum temperantur. Aut elaterii p. iii. *. falis tantundem, uvæ tami-niæ p. vi. *. melle excipiuntur.

3. *Alia Pessī compositio, ad idem valens.*

Aliud BOETHO (a) autore: quod habet croci, resinæ terebinthinæ, singulorum p. IV. *. myrrinæ p. III. *. rosæ p. I. *. fevi vitulini p. III. *. ceræ p. II. *. miscentur.

4. *Ad inflammationes vulvæ NUMENII pessus.*

Optima autem adversus inflammationes vulvæ NUMENII compositio est, quæ habet croci p. III. *. ceræ p. I. *. butyri p. VIII. *. adipis anserinæ p. XII. *. vitellos coctos duos, rosæ minus cyatho.

5. *Ad ejiciendum e vulva infantem mortuum.*

Si vero infans intus decessit, quo facilius ejiciatur, malicorium ex aqua terendum, eoque utendum est.

6. *Si mulier vitio locorum concidit, qua curatione utendum sit.*

Si concidere vitio locorum mulier solet, cochleæ cum testis suis comburendæ, conterendæque, deinde his mel adjiciendum.

7. *Si mulier non comprehendit.*

Si non comprehendit, adeps leonina ex rosa mollienda est.

(a) Ejus meminit CICERO de Divin. II. 21.

CAP. XXII.

De medicamentis, quibus aridis utimur.

I. *Ad carnem supercrescentem exedendam.*

QUÆDAM misturæ medicamentorum sunt, quibus aridis neque coactis utimur sic, ut inspergamus; aut cum aliquo liquido mixta illinamus: quale est, ad carnem supercrescentem exedendam, quod habet squamæ æris, fuliginis thuris, singulorum p. I. *. æruginis p. II. *. Hæc autem eadem cum melle purgant ulcera; & cum cera, implent. Misy quoque & galla, si paribus portionibus misceantur, corpus consumunt: eaque vel arida inspergere licet, vel excepta cadmia illinire.

2. *Ad putrem carnem continendam, ne ultra serpat, eamque leniter exedendam, plures compositiones.*

Putrem vero carnem continet, neque ultra serpere patitur, & leniter exest; mel vel cum lenticula, vel cum marrubio, vel cum oleæ foliis, ante ex vino decoctis. Item fertula campana in mulso cocta, deinde contrita. Aut calx cum cerato. Aut amaræ nuces cum allio, sic ut hujus pars tertia sit, paululumque his croci adjiciatur.

Aut quod habet spumæ argenti p. VI. *. cornu bubuli combusti p. XII. *. olei myrtei, & vini cyathos ternos.

Aut quod ex his constat: floris punici mali, atramenti futorii, aloes, singulorum p. II. *. aluminis

minis scissilis, thuris, singulorum p. IV. *. gallæ p. VIII. *. aristolochiæ p. X. *.

Vehementius idem facit, etiam adurendo, auripigmentum cum chalcitide, & aut nitro, aut calce, aut charta combusta. Item sal cum aceto.

Vel ea compositio, quæ habet chalcitidis, capitulorum mali punici, aloes, singulorum p. II. *. aluminis scissilis, thuris, singulorum p. IV. *. gallæ p. VIII. *. aristolochiæ p. X. *. mellis quantum satis sit ad ea cogenda.

Vel cantharidum, sulphuris, singulorum p. I. *. lolii p. III. *. quibus adjicitur picis liquidæ quantum satis est ad jungendum.

Vel chalcitis quoque cum resina & ruta mixta: aut cum eadem resina diphryges: aut uva taminia cum pice liquida.

Idem vero possunt & feces vini combustæ, & calcis & nitri pares portiones. Vel aluminis scissilis p. I. *. thuris, sandarachæ, nitri, singulorum p. I. *. gallæ p. VIII. *. aristolochiæ p. X. *. mellis quantum satis est.

3. HERÆ compositio (a).

Est etiam HERÆ compositio, quæ habet myrrhæ, chalcitidis, singulorum p. II. *. aloes, thuris, aluminis scissilis, singulorum p. IV. *. aristolochiæ, gallæ immaturæ, singulorum p. VIII. *. malicorii contriti p. XX. *.

4. Judæi compositio.

Est & Judæi: in qua sunt calcis partes duæ,

(a) ORIBAS. *Synops. Lib. III. de Pastillis.*

nitri quam ruberrimi pars tertia: quæ urina im-
puberis pueri coguntur, donec strigmenti crassitu-
do sit. Sed subinde is locus, cui id illinitur, ma-
defaciendus est.

5. JOLLÆ compositio.

At JOLLAS, chartæ combustæ, sandarachæ,
singulorum p. i. *. calcis p. ii. p. auripigmenti
tantumdem miscebat.

6. *Ad sanguinis profluvia vel ex membrana cere-
bri; vel aliis locis; & ad cancrum, & ad in-
ducendam cicatricem, & ad coercendam carnem
increfcentem.*

Si vero ex membrana, quæ super cerebrum
est, profluit sanguis, vitellus combustus & con-
tritus inspergi debet. Si ex alio loco sanguinis pro-
fluvium est, auripigmenti, squamæ æris, singu-
lorum p. i. *. sandarachæ p. ii. *. marmoris co-
cti p. iv. *. inspergi debent. Eadem cancro quo-
que obfistunt. Ad inducendam cicatricem, squa-
mæ æris, thuris fuliginis, singulorum p. ii. *.
calcis p. iv. p. Eadem increfcentem quoque car-
nem coercent.

7. TIMÆI compositio ad ignem sacrum, vel
cancrum.

TIMÆUS autem ad ignem sacrum, & ad can-
crum his utebatur: myrrhæ p. ii. *. thuris, atra-
menti futorii, singulorum p. iii. *. sandarachæ,
auripigmenti, squamæ æris, singulorum p. iv. *.
gallæ p. vi. *. cerussæ combustæ p. viii. *. Ea-

dem vel arida inspersa, vel melle excepta idem præstant.

8. *Ad sternutamenta excitanda.*

Sternutamenta vero & albo veratro, vel struthio coniecto in nares excitantur, vel his mistis; piperis, veratri albi, singulorum p. *. III. castorei p. I. *. spumæ nitri p. II. *. struthii p. III. *.

9. *Gargarizationes quibus fieri debeant.*

Gargarizationes autem aut levandi causa fiunt, aut reprimendi, aut evocandi. Levant, lac, cremor vel ptisanæ, vel furfurum. Reprimit autem aqua, in qua vel lenticula, vel rosa, vel rubus, vel cotoneum malum, vel palmulæ decoctæ sunt. Evocant, sinapi, piper.

C A P. XXIII.

De Antidotis, & quibus malis opitulentur.

ANTIDOTA raro, sed præcipue interdum necessaria sunt, quia gravissimis casibus opitulantur. Ea recte quidem dantur collis corporibus vel per ictus, vel ubi ex alto deciderunt, vel in viscerum, laterum, faucium, interiorumque partium doloribus. Maxime autem desideranda sunt adversus venena, vel per morsus, vel per cibos, aut potiones nostris corporibus inserta.

1. *Compositio antidoti.*

Unum est, quod habet lachrymæ papaveris p. *. z. acori, malabathri p. v. *. iridis Illyricæ,

gummi, singulorum p. II. *. anisi p. III. *. nardi Gallici, foliorum rosæ aridorum, cardamomi, singulorum p. IV. *. petroselinii p. *. III. z. trifolii p. v. *. cassiæ nigrae, filis, bdellii, carpobalsami, feminis papaveris albi, singulorum p. *. z. styracis p. *. v. z. myrrhae, opopanacis, nardi Syri, thuris masculi, hypocistidis succi, singulorum p. VI. *. castorei p. VI. *. costi, piperis albi, galbani, resinæ terebinthinæ, croci, floris junci rotundi, singulorum p. VI. *. z. dulcis radice p. VIII. *. z. quæ melle vel passo excipiuntur.

2. *Aliud antidotum (a), AMBROSIA nominatum, quod ZOPYRUS PTOLEMEO regi composuit.*

Alterum, quod ZOPYRUS regi PTOLEMEO dicitur composuisse, atque AMBROSIAM nominasse, ex his constat: costi, thuris masculi, singulorum p. v. *. piperis albi p. *. z. floris junci rotundi p. II. *. cinnamomi p. III. *. cassiæ nigrae p. IV. *. croci Cilicii p. *. IV. z. myrrhae, quam stacten nominant, p. v. *. nardi Indici p. *. v. z. quæ singula contrita melle cocto excipiuntur: deinde, ubi utendum est, id, quod (b) Ægyptiæ fabæ magnitudinem impleat, in potione vini diluitur.

3. *Antidotum MITHRIDATIS (c).*

Nobilissimum autem est MITHRIDATIS;

(a) AMBROSIAE JUNII CRISPI meminit MARCELLUS de Medic. cap. XXIII. pag. 345.

(b) RHODIUS de Ponderib. p. 25.

(c) PLIN. H. N. XXIII. 8.

quod quotidie fumendo rex ille dicitur adversus venenorum pericula tutum corpus suum reddidisse. In quo hæc sunt: costi p. *. z. acori p. v. *. hyperici, cumini, sagapeni, acaciæ fucci, iridis Illyricæ, cardamomi, singulorum p. II. *. anisi p. III. *. nardi Gallici, gentianæ radicis, aridorum rosæ foliorum, singulorum p. IV. *. papaveris lachrymæ, petroselini, singulorum p. *. IV. z. cassiæ, fileris, lolii, piperis longi, singulorum p. VI. *. styracis p. *. v. z. castorei, thuris, hypocistidis fucci, myrrhæ, opopanax, singulorum p. VI. *. malabathri folii p. VI. *. floris junci rotundi, resinæ terebinthinæ, galbani, dauci Cretici seminis, singulorum p. *. v. z. nardi, opobalsami, singulorum p. *. VI. z. thlaspis p. *. VI. radicis Ponticæ p. VII. *. croci, zinziberis, cinnamomi, singulorum p. *. VIII. Hæc contrita melle excipiuntur, & adversus venenum, quod magnitudinem nucis Græcæ impleat, ex vino datur. In cæteris autem adfectibus corporis pro modo eorum, vel quod (d) Ægyptiæ fabæ, vel ervi magnitudinem impleat, fatis est.

C A P. XXIV.

*De Acopis. (a)*I. *Acopum nervis utile.*

ACOPA quoque utilia nervis sunt. Quale est, quod habet floris junci rotundi p. *.

(d) J. RHODIUS de Ponderib. p. 26.

(a) SCRIBON. LARG. cap. CLIV. c. 26.

II. zz. costi, junci quadrati, lauri baccarum, ammoniaci, cardamomi, singulorum p. *. IV. z. myrrhæ, æris combusti, singulorum p. VII. *. iridis Illyricæ, ceræ, singulorum p. IV. *. Alexandrini calami, junci rotundi, aspalathi, xylobalsami, singulorum p. XVIII. *. fevi p. I. *. unguenti irini cyathum.

2. *Acopum Elæodes, nervis utile.*

Alterum, quod *ἐλαιῶδες* vocant, hoc modo fit: ceræ p. *. z. olei tantundem, resinæ terebinthinæ ad nucis juglandis magnitudinem simul incoquantur: deinde infusa in mortario teruntur, instillaturque subinde quam optimi mellis acetabulum, tum irini unguenti, & rosæ terni cyathi.

3. *Εὔχρηστα ad ulcera purganda & implenda.*

Εὔχρηστα autem Græci vocant liquida, quæ illinuntur. Quale est, quod fit ad ulcera purganda & implenda, maxime inter nervos, paribus portionibus inter se mixtis, butyri, medullæ vitulinæ, fevi vitulini, adipis anserinæ, ceræ, mellis, resinæ terebinthinæ, rosæ, olei cicini. Quæ separatim omnia liquantur, deinde liquida miscentur, & tum simul teruntur. Et hoc quidem magis purgat: magis vero emollit, si pro rosa cyprus infunditur.

4. *Ad sacrum ignem.*

Ad sacrum ignem: spumæ argenti p. VI. *. cornu bubuli combusti p. II. *. conteruntur, adjiciturque invicem vinum, & id, quod specia-

liter (b) sic vocatur, & myrteum, donec utriusque terni cyathi conficiantur.

C A P. XXV.

De catapotiiis.

- I. *Catapotium ad somnum accersendum, & levationem doloris, & simul ad coquendum.*

CATAPOTIA quoque multa sunt, variisque de causis fiunt. Ἀνοδονα vocant, quæ somno dolorum levant. Quibus uti, nisi nimia necessitas urget, alienum est. Sunt enim ex vehementibus medicamentis, & stomacho alienis. Prodest tamen etiam ad concoquendum, quod habet papaveris lachrymæ, galbani, singulorum p. I. *. myrrhæ, castorei, piperis, singulorum p. II. *. Ex quibus, quod erui magnitudinem habet, satis est devorasse.

2. *Catapotium valentius ad somnum.*

Alterum, stomacho pejus, ad somnum valentius, ex his fit: mandragoræ p. *. z. apii feminis, item hyoscyami feminis, singulorum p. IV. *. quæ ex vino teruntur. Unum autem ejusdem magnitudinis, quæ supra posita est, abunde est sumpsisse.

(b) Omnes edit. Sil. cujus meminit PLIN. H. N. XXXIII. 13. Plura loco congeffit RHODIUS ad SRIBON. LARG. cap. XXX. c. 126. & in Lexico.

3. *Catapotium ad plurimos dolores per somnum leniendos.*

Sive autem capitis dolores, sive ulcera, sive lippitudo, sive dentes, sive spiritus difficultas, sive intestinorum tormenta, sive inflammatio vulvæ, sive coxæ est, sive jecoris, aut lienis, aut lateris torquet, sive vitio locorum aliqua prolabitur & obmutescit, occurrit dolori per quietem ejusmodi catapotium. Silis, acori, rutæ silvestris feminis, singulorum p. II. *. castorei, cinnamomi, singulorum p. II. *. papaveris lachrymæ, panacis radicis, mandragoræ malorum aridorum, junci rotundi floris, singulorum p. II. *. piperis grana LVI. Hæc per se contrita, rursus instillato subinde passo, simul omnia teruntur, donec crassitudo sordium fiat. Ex eo paulum aut devoratur, aut aqua diluitur, & potui datur.

4. *Catapotium aliud ad multa valens.*

Quinetiam silvestris papaveris, cum jam ad excipiendam lachrymam maturum est, manipulus, qui manu comprehendi potest, in vas demittitur, & superinfunditur aqua, quæ id contegat, atque ita coquitur. Ubi jam bene manipulus is coctus est, ibidem expressus projiciatur; & cum eo humore passum pari mensura misceatur, inferveatque, donec crassitudinem sordium habeat. Cum infrixit, catapotia ex eo fiunt, ad nostræ (a) fabæ magnitudinem, habentque usum multiplicem. Nam & somnum faciunt, vel

(a) RHODIUS de Ponder pag. 25.

per se adsumpta, vel ex aqua data: & aurium dolores levant, adjectis exiguo modo rutæ succo, ac passo: & tormina supprimunt ex vino liquata: & inflammationem vulvæ coercent, mista cerato ex rosa facto, cum paululum his croci quoque accessit: & ex aqua fronti inducta, pituitam in oculos decurrentem tenent.

5. *Catapodium ad inducendum somnum, quem vulva dolens prohibuit.*

Item, si vulva dolens somnum prohibet, croci p. II. *. anisi, myrrhæ, singulorum p. I. *. papaveris lachrymæ p. IV. *. cicutæ feminis p. VIII. *. miscentur, excipiunturque vino veteri, &, quod lupini magnitudinem habet, in tribus cyathis aquæ diluitur. Id tamen in febre periculose datur.

6. *Ad jecur sanandum.*

Ad sanandum jecur, nitri p. *. z. croci, myrrhæ, nardi Gallici, singulorum p. I. *. melle excipiuntur, daturque, quod Ægyptiæ fabæ magnitudinem habeat.

7. *Ad finiendos dolores lateris.*

Ad lateris dolores finiendos, piperis, aristolochiæ, nardi, myrrhæ pares portiones.

8. *Ad thoracis dolores finiendos.*

Ad thoracis, nardi p. I. *. thuris, cassiæ, singulorum p. III. *. myrrhæ, cinnamomi, sin-

gulorum p. vi. *. croci p. viii. *. resinæ terebinthinæ quadrans, mellis heminæ tres.

9. *Catapotium* ATHENIONIS *ad tussim.*

Ad tussim, ATHENIONIS: myrrhæ, piperis, singulorum p. i. *. castorei, papaveris lachrymæ, singulorum p. i. *. Quæ separatim contusa postea junguntur, & ad magnitudinem fabæ nostræ, bina catapotia mane, bina noctu dormituro dantur.

10. *Catapotium* HERACLIDIS *Tarentini ad tussim & somnum.*

At, si tussis somnum prohibet, ad utrumque HERACLIDIS Tarentini: croci p. i. *. cinamomi, castorei, papaveris lachrymæ, singulorum p. i. *. myrrhæ, piperis longi, costi, galbani, singulorum p. *. z.

11. *Catapotium ad purganda ulcera in faucibus tussientibus.*

Quod si purganda sunt ulcera in faucibus tussientibus: panacis, myrrhæ, resinæ terebinthinæ, singulorum p. v. *. galbani p. *. z. hyssopi p. *. z. conterenda sunt, hisque hemina mellis adjicienda, & quod digito excipi potest, devorandum est.

12. *Colice* CASSII *medici.*

Colice vero CASSII ex his constat: (b) croci,

(b) Forte costi uti libro IV. c. 14. sed malim ibi lege-

anisi, castori, singulorum p. III. *. petroselini p. IV. *. piperis & longi, & rotundi, singulorum p. V. *. papaveris lachrymæ, junci rotundi, myrrhæ, nardi, singulorum p. VI. *. quæ melle excipiuntur. Id autem & devorari potest, & ex aqua calida fumi.

13. *Ad infantem mortuum aut secundas expellendas.*

Infantem vero mortuum, aut secundas expellit aquæ potio, cui falis ammoniaci p. I. *, aut cui dictami Cretici p. I. *. adjectum est.

14. *Laborantibus ex partu quid dari debeat.*

Ex partu laborantibus, erysimum ex vino tepido jejunis dari debet.

15. *Ad adjuvandum vocem.*

Vocem adjuvat, thuris p. I. *. in duobus cythis vini datum.

16. *Adversus difficultatem urinæ.*

Adversus urinæ difficultatem: piperis longi, castorei, myrrhæ, galbani, papaveris lachrymæ, croci, costi, uncix singulæ, styracis, resinæ terebinthinæ pondo sextantes, mellis apsinthii cyathus. Ex quibus ad magnitudinem fabæ Ægyptiæ mane & cœnato dari debet.

re croci, ita SCRIBON. LARG. cap. XXIX. cujus descriptio in aliis variat.

17. *Arteriaces compositio quomodo fiat.*

Arteriace vero hoc modo fit: cassiæ, iridis, cinnamomi, nardi, myrrhæ, thuris, singulorum p. i. *. croci p. i. *. piperis (c) grana xxx. ex passi tribus sextariis decoquuntur, donec mellis crassitudo his fiat. Aut croci, myrrhæ, thuris, singulorum p. i. *. conjiciuntur in passi eundem modum, eodemque modo decoquuntur. Aut ejusdem passi heminæ tres usque eo coquuntur, donec extracta inde gutta indurescat, & adjicitur tritæ cassiæ p. i. *.

C A P. XXVI.

De quinque generibus noxarum corporis.

CUM facultates medicamentorum proposuerim, genera, in quibus noxa corpori est, proponam. Ea quinque sunt. Cum quid extrinsecus læsit, ut in vulneribus. Cum quid intra seipsum corruptum est, ut in cancro. Cum quid innatum est, ut in vesica calculus. Cum quid increvit, ut vena, quæ intumescens in varicem convertitur. Cum quid deest, aut cum curta pars aliqua est.

Ex his alia sunt: in quibus medicamenta, alia in quibus plus manus proficit. Ergo, dilatis his, quæ præcipue scalpellum (a) & manum postulant, nunc de his dicam, quæ maxime medicamentis

(c) pag. 252. 257.

(a) aut vel ac.

egent. Dividam autem hanc quoque curandi partem¹, sicut priorem; & ante dicam de his, quæ in quamlibet partem corporis incidunt: tum de his, quæ certas partes infestant. Incipiam a vulneribus.

I. *De vulneribus, qua per tela inferuntur.*

In his autem ante omnia scire medicus debet, quæ insanabilia sint, & quæ difficilem curationem habeant, quæ promptiorem. Est enim prudentis hominis, primum eum, qui servari (b) non potest, non adtingere, nec subire speciem ejus, ut occisi, quem fors ipsius interemit. Deinde, ubi gravis metus sine certa, tamen desperatione est, indicare necessariis periclitantis, in difficili (c) rem esse: ne, si victa ars malo fuerit, vel ignorasse, vel fefellisse videatur.

Sed ut hæc prudenti viro conveniunt: sic rursus histrionis est, parvam rem adtollere, quo plus præstitisse videatur. Obligari æquam est confessione promptæ rei, quo curiosius etiam circumspiciat, ne, quod per se exiguum est, majus curantis negligentia fiat.

2. *Quæ vulnera insanabilia sint.*

(d) Servari non potest, cui basis cerebri, cui cor, cui stomachus, cui jecinoris portæ, cui in spina (e) medulla percussa est; cuique aut pulmo

(b) HIPPOCRATES. *de Arte T. IV. 6. XXIII. §. 6.* APULIUS *de Doct. PLAT. Lib. II.* CICERO *ad ATT. Lib. XVI. Ep. 15.* RITTERSHUS. *ad ISID. PELUSIOT. Lib. II. Ep. 16.*

(c) ÆGINET. *VI. 88.*

(d) *Aph. VI. 18. Coac. Not. III. 387. II. Prædict. XIX. XXII.*

(e) *Exemplum vide apud TULPIUM Obs. Lib. III. c. 27.*

medius, aut jejunum, aut (f) tenuius intestinum, aut ventriculus, aut renes vulnerati sunt; cuive circa fauces grandes venæ, vel arteriæ præcisæ sunt.

3. *Qua vulnera difficilem curationem habeant.*

Vix autem ad sanitatem perveniunt, quibus ulla parte aut pulmo, aut jocinoris crassum, aut membrana, quæ continet cerebrum, aut lienis, aut vulva, aut vesica, aut ullum intestinum, aut septum transversum vulneratum est. Hi quoque in præcipiti sunt, in quibus usque ad grandes intusque conditas venas in alis vel poplitibus mucro defedit. Periculosa etiam vulnera sunt, ubi cunque venæ majores sunt, quoniam exhaustire hominem profusione sanguinis possunt.

Idque evenit non in alis tantum, atque poplitibus; sed etiam in his venis, quæ ad anum testiculosque perveniunt. Præter hæc malum vulnus est, quodcunque in alis vel feminibus, vel inanibus locis, vel inter digitos est. Item quodcunque musculum, aut nervum, aut arteriam, aut membranam, aut os, aut cartilagine læsit.

4. *Quæ vulnera tutiorem curationem habeant.*

Tutissimum omnium, quod in (g) carne est. Et hæc quidem loco vel pejora, vel meliora sunt. Modo vero periculum facit, quodcunque magnum est.

5. *Observationes in vulnris genere & figura.*

Aliquid etiam in vulnris genere figuraque est. Nam pejus est, quod etiam collisum, quam quod

(f) Aph. VI. 24. Coac. Not. III. 379. 389.

(g) HIPPOCR. Coac. Not. III. 390. & I. de Morb. III. 5.

tantum discissum est; adeo ut acuto quoque, quam retuso telo; vulnerari commodius sit.

Pejus etiam vulnus est, ex quo aliquid excisum est; ex quove caro alia parte abscissa, alia dependet.

Pessima quæque plaga (h) curva est: tutissima, quæ lineæ modo recta est. Quo deinde propius huic illive figuræ vulnus est, eo vel deterius vel tolerabilius est.

6. *Ætatis observatio, & corporis, & vitæ,
& temporis.*

Quinetiam confert aliquid & ætas, & (i) corpus, & vitæ propositum, & anni tempus: quia facilius sanescit puer vel adolescens, quam senior: valens, quam infirmus: neque nimis tenuis, neque nimis plenus, quam si alterum ex his est: integri habitus, quam corrupti: exercitatus, quam iners: sobrius & temperans, quam vino venerique deditus.

Opportunissimumque curationi tempus (k) verum est; aut certe neque fervens, neque frigidum; siquidem vulnera & nimius calor & nimium frigus infestant; maxime tamen horum varietas; ideoque perniciosissimus autumnus est.

7. *Signa eorum, quæ intus læsa sunt.*

Sed pleraque ex vulneribus oculis subjecta sunt: quorundam ipsæ sedes indices sunt, quas alio loco demonstravimus, cum positus interiorum partium ostendimus. Veruntamen, quia quædam vicina sunt, interestque, vulnus in summa parte sit, an penitus penetraverit, necessarium est no-

(h) II. Præd. XXIV. 2. Coac. Præn. III. 389.

(i) II. Prædiç. XIX. 7.

(k) Aph. VI. 47.

tas subjicere, per quas quid intus ictum sit, scire possimus; & ex quibus vel spes, vel desperatio oriatur.

8. *Signa percussæ cordis (l).*

Igitur, corde percusso, sanguis multus fertur, venæ languescunt, color pallidissimus, sudores frigidi, malique odoris, tanquam in ægroto corpore oriuntur: extremisque partibus frigidis (m) matura mors sequitur.

9. *Signa pulmonis icti (n).*

Pulmone icto, spirandi difficultas est: sanguis ex ore spumans, ex plaga rubens, simulque etiam spiritus cum sono fertur: in vulnus inclinari juvat: quidam sine ratione confurgunt. Multi si in ipsum vulnus inclinati sunt, loquuntur: si in aliam partem, obmutescunt.

10. *Signa jecinoris vulnerati.*

Jecinoris autem vulnerati notæ sunt: multus sub dextra parte præcordiorum profusus sanguis: ad spinam reducta præcordia; in ventrem cubandi dulcedo; punctiones, doloresque usque ad jugulum, junctumque ei latum scapularum os, intenti; quibus nonnunquam etiam biliosus vomitus accedit.

11. *Signa*

(l) ÆGINET. VI. 88.

(m) Aph. VIII, 12.

(n) ÆGINET. VI. 88.

II. *Signa percussorum renum.*

Renibus vero percussis, dolor ad inguina testiculosque descendit: difficulter urina redditur; eaque aut est cruenta, aut cruor fertur.

12. *Signa vulnerati lienis.*

At, liene icto, sanguis niger a sinistra parte prorumpit: præcordia cum ventriculo ab eadem parte indurescunt: sitis ingens oritur: dolor ad jugulum, sicut jocinore vulnerato, venit.

13. *Signa percussæ vulvæ.*

At, cum vulva percussa est, dolor in inguinibus, & coxis, & feminibus est: sanguinis pars per vulnus, pars per naturam descendit: vomitus bilis insequitur. Quædam obmutescunt; quædam mente labuntur; quædam, sui compotes, nervorum oculorumque dolore urgeri se confitentur; morientesque eadem, quæ corde vulnerato, patiuntur.

14. *Signa percussæ cerebri, vel membrane ejus.*

Si cerebrum membranave ejus vulnus accepit. sanguis per nares, quibusdam etiam per aures exit; fereque bilis (o) vomitus insequitur: quorundam sensus obtunduntur, adpellatique ignorant: quorundam trux vultus est: quorundam oculi, quasi resoluti, huc illucque moventur: fereque tertio,

(o) *Aph. VI. 50. ÆGINET. VI. 88. HIPPOC. Coac. Not. III. 383. 384.*

vel quinto die delirium accedit. Multorum etiam nervi (p) distenduntur. Ante mortem autem plerique fascias, quibus caput deligatum est, lacerant, ac nudum vulnus frigori objiciunt.

15. *Signa stomachi percussi.*

Ubi stomachus autem percussus est, singultus, & bilis vomitus insequitur: si quid cibi vel potionis adsumptum est, id redditur cito: venarum motus elanguescunt: sudores tenues oriuntur; per quos extremæ partes frigescent.

16. *Signa jejuni intestini, & ventriculi vulnerati, & aliorum intestinorum (q).*

Communes vero jejuni intestini & ventriculi vulnerati notæ sunt. Nam cibus & potio per vulnus exeunt: præcordia indurescunt: nonnunquam bilis per os redditur.

Intestino tantum sedes inferior est. Cætera intestina icta vel stercus (r), vel odorem ejus exhibent.

17. *Signa percussæ medullæ, quæ in spina est.*

Medulla vero, quæ in spina est, discissa, nervi resolvuntur, aut distenduntur: sensus intercidit: interposito tempore aliquo, sine voluntate inferiores partes vel semen, vel urinam, vel etiam stercus excernunt.

(p) ÆGIN. VI. 90.

(q) IDEM *ibid.* 88.

(r) VALLERIOLA *Obs. Lib. II. obs. 9.*

18. *Signa septi transversi percussi.*

At, si septum transversum percussum est, præcordia sursum contrahuntur, spina dolet, spiritus rarus est, sanguis spumans fertur.

19. *Signa vesicæ vulneratæ.*

Vesica vero vulnerata, dolent inguina: quod super pubem est, intenditur: pro urina, sanguis; at ex ipso vulnere urina descendit: stomachus adficitur; itaque aut bilem vomunt, aut singultiunt: frigus, & ex eo mors sequitur.

20. *De sanguine, & sanie, & pus, & eorum speciebus: quandoque meliora, deteriorave sint.*

His cognitis, etiamnum quædam alia noscenda sunt, ad omnia vulnera ulceraque, de quibus dicturi sumus, pertinentia. Ex his autem exit sanguis, sanies, pus. Sanguis omnibus notus est. Sanies est tenuior hoc, varie crassa, & glutinosa, & colorata. Pus crassissimum albidissimumque, glutinosius & sanguine & sanie.

Exit autem sanguis ex vulnere recenti, aut jam fanescente. Sanies est inter utrumque tempus. Pus ex ulcere jam ad sanitatem spectante.

Rursus & sanies & pus quasdam species Græcis nominibus distinctas habent. Est enim quædam sanies, quæ vel ἰχώρ, vel μελίχραι nominatur. Est pus, quod ἐλαϊώδες adpellatur. ἰχώρ (f) tenuis, subalbidus, ex malo ulcere exit, maximeque ubi,

(f) MERCURIAL. *Variar. Leß. IV. 12.*

nervo læso, inflammatio secuta est. *Μελίκερα* crassior est, glutinosior, & subalbida, mellique albo subsimilis. Fertur hæc quoque ex malis ulceribus, ubi nervi circa articulos læsi sunt; & inter hæc loca, maxime ex genibus. *Ελαϊώδες* tenue, subalbidum, quasi unguinosum colore, atque pinguitudine oleo albo non dissimile, adparet in magnis ulceribus sanescentibus.

Malus est autem sanguis, nimium aut tenuis, aut crassus; colore vel lividus, vel niger; aut pituita mistus, aut varius. Optimus calidus, rubens, modice crassus, non glutinosus. Itaque protinus ejus vulneris expedita magis curatio est, ex quo sanguis bonus fluxit. Itemque postea spes in his major est, ex quibus melioris generis quæque proveniunt.

Sanies igitur mala est, multa, nimis tenuis, livida, aut pallida, aut nigra, aut glutinosa, aut mali odoris, aut quæ ipsum ulcus, & junctam ei cutem erodit. Melior est non multa, modice crassa, subrubicunda, aut subalbida.

Ρυχά autem pejor est multus, crassus, sublividus aut subpallidus, glutinosus, ater, calidus, mali odoris. Tolerabilior est subalbidus, quique cætera omnia contraria prioribus habet.

Melicera autem mala est, multa, & percrassa; melior, quæ & tenuior, & minus copiosa est.

Pus inter hæc optimum est. Sed id quoque pejus est, multum, tenue, dilutum; magisque, si ab initio tale est: itemque, si colore fero simile, si pallidum, si lividum, si feculentum. Præter hæc, si male olet; nisi tamen locus hunc odorem excitat. Melius est, quo minus est, quo crassius, quo albidius: itemque, si leve est, si nihil olet, si æquale est. Modo tamen, convenire & magnitudini vulneris, & tempori debet. Nam plus ex

maiore, plus nondum solutis inflammationibus naturaliter fertur.

Ελαϊώδες quoque pejus est multum, & parum pingue: quo minus autem, quoque idipsum pinguius, eo melius est.

21. *Curatio adversus profusionem sanguinis in vulneribus (t).*

Quibus exploratis, ubi aliquis ictus est, qui fervari potest, protinus prospicienda duo sunt: ne sanguinis profusio, neve inflammatio interimat. Si profusionem timemus (quod ex sede vulneris, & ex magnitudine ejus, & ex impetu ruentis sanguinis intelligi potest) siccis linamentis vulnus implendum est, supraque imponenda spongia ex aqua (u) frigida expressa, ac manu super comprimenda. Si parum sic sanguis conquiescit, sæpius linamenta mutanda sunt. Et, si sicca parum valent, aceto madefacienda sunt. Id vehemens ad sanguinem supprimendum est: ideoque quidam id vulneri infundunt.

Sed alius rursus metus subest; ne, nimis valenter ibi retenta materia, magnam inflammationem postea moveat. Quæ res efficit, ut neque rodentibus medicamentis, neque adurentibus, & ob idipsum inducentibus crustam, (quamvis pleraque ex his sanguinem supprimunt) sit utendum: sed, si semel ad ea decurritur, his potius, quæ mitius idem efficiunt.

Quod si illa quoque profluvio vincuntur, ve-

(t) ÆGINET. IV. 53. AETIUS *Tetrab.* IV. *Serm.* II. 51.

(u) *Frigidam potui exhibet* AETIUS *Tetr.* I. *Serm.* III. c. 145. CELS. p. 204. 31.

næ, quæ sanguinem fundunt, apprehendendæ, circaque id, quod ictum est, duobus locis deligandæ intercidendæque sunt, ut & in se ipsæ coeant, & nihilominus ora præclusa habeant. Ubi ne id quidem res patitur, possunt ferro candenti aduri. Sic etiam fatis multo sanguine effuso ex eo loco, quo neque nervus, neque musculus est, ut puta in fronte, vel superiore capitis parte, commodissimum est, cucurbitulam admoveere adversa parte, ut illuc sanguinis cursus revocetur.

22. *Curationes adversus vulnorum inflammationem.*

Et adversus profusionem quidem in his auxilium est: adversus inflammationem autem, in ipso sanguinis cursu. Ea timeri potest, ubi læsum est vel os, vel nervus, vel cartilago, vel musculus, aut ubi parum sanguinis pro modo vulneris fluxit. Ergo quoties quid tale erit, sanguinem mature suppressere non oportebit; sed pati fluere, dum tutum erit, adeo ut, si parum fluxisse videbitur, mitti quoque ex brachio debeat; utique, si corpus juvenile, & robustum, & exercitatum est: multoque magis, si id vulnus ebrietas præcessit. Quod si musculus læsus videbitur, præcidendus erit; nam percussus, mortiferus est: præcifixus, sanitatem recipit.

23. *De glutinatione vulnorum.*

Sanguine autem vel suppresso, si nimius erumpit; vel exhausto, si per se parum fluxit; longe optimum est, vulnus glutinari. Potest autem id, quod vel in cute, vel etiam in carne est; si nihil ei præterea mali accedit. Potest caro, alia parte

dependens, alia inhærens; si tamen etiamnum integra est, & conjunctione corporis fovetur.

In his vero, quæ glutinantur, duplex curatio est. Nam si plaga in molli parte est, sui debet: maximeque, si discissa auris ima est, vel imus nasus, vel frons, vel bucca, vel palpebra, vel labrum, vel circa guttur cutis, vel venter. Si vero in carne vulnus est, hiatque, neque in unum oræ facile adtrahuntur, futura quidem aliena est: imponendæ vero fibulæ sunt (*ἀγκύρας* Græci nominarunt) quæ oras, paulatim tamen, contrahant; quo minus lata postea cicatrix sit.

Ex his autem colligi potest, utrum id quoque, quod alia parte dependens; alia inhærebit, si alienatum adhuc non est, futuram, an fibulam postulet. Ex quibus neutra ante debet imponi, quam intus vulnus purgatum est: ne quid ibi concreti sanguinis relinquatur. Id enim & in pus vertitur, & inflammationem movet, & glutinari vulnus prohibet. Ne linamentum quidem, quod suppressendi sanguinis causa inditum est, inibi relinquendum est, nam id quoque inflamat.

Comprehendi vero futura, vel fibula, non cutem tantum, sed etiam aliquid ex carne, ubi suberit hæc, oportebit; quo valentius hæreat, neque cutem abrumpat. Utraque optima est ex (x) (y) acia molli, non nimis torta, quo mitius corpori insideat. Utraque neque nimis rara, neque nimis crebra injicienda est. Si nimis rara est, non continet: si nimis crebra est, vehementer

(x) De ea librum scripsit JOAN. RHODIUS. TURNER. *Adversf.* XVII. 21.

(y) H. F. ab AQUAPENDENTE, *Oper. Chirurg.* P. I. c. 17. pag. 70. SALMASIUS *Epist.* 45. § 49.

adfacit; quia, quo facpius acus corpus transivit, quoque plura loca injectum vinculum mordet, eo majores inflammationes oriuntur; magisque æstate.

Neutra etiam vim ullam desiderat: sed ea hætenus utilis est, qua cutis ducentem quasi sua sponte subsequitur. Fere etiam fibulæ latius vulnus esse patiuntur: futura oras jungit, quæ ne ipsæ quidem inter se contingere ex toto debent; ut si quod intus humoris concreverit, sit que emanet. Si quod vulnus neutrum horum recipit, id tamen purgari debet.

Deinde omni vulnere primo imponenda est spongia ex aceto expressa. Si sustinere aliquis aceti vim non potest, vino utendum est. Levis plaga fuvatur etiam, si ex aqua frigida expressa spongia imponitur. Sed ea, quocunque modo imposita est, dum madet, prodest: itaque, ut inarescat, non est committendum.

Licetque sine peregrinis, & conquistis, & compositis medicamentis vulnus curare. Sed si quis huic parum confidit, imponere medicamentum debet, quod sine sevo compositum sit ex his, quæ cruentis vulneribus apta esse proposui: maximeque si caro est, *Barbarum*: si nervi, vel cartilago, vel aliquid ex eminentibus, quales aures, vel labra sunt, *POLYBI* sphragidem. *Alexandrinum* quoque viride nervis idoneum est: eminentibusque partibus ea, quam Græci *ῥιντρυ* vocant.

Solet etiam, colliso corpore, exigua parte findi cutis. Quod ubi incidit, non alienum est, scalpello latius aperire; nisi muscoli, nervique juxta sunt, quos incidi non expedi; ubi satis diductum est, medicamentum imponendum est.

At, si id, quod collisum est, quamvis parum diductum est, latius tamen aperiri propter nervos aut musculos non licet; adhibenda sunt ea, quæ humorem leniter extrahant; præcipueque ex his, id, quod *ῥιπιδες* vocari proposui. Non alienum est etiam, ubicunque vulnus est grave, impositum, quo id juvetur, insuper circumdare lanam succidam ex aceto & oleo: vel cataplasma, si mollis is locus est, quod leniter reprimat; si nervosus, aut musculosus, quod emolliat.

24. *Quomodo vulnus ligari conveniat.*

Fascia vero ad vulnus deligandum linea aptissima est: eaque lata esse debet, ut semel injecta non vulnus tantum, sed paululum utrinque ejus comprehendat. Si ab altera parte caro magis recessit, ab ea melius adtrahitur: si æque ab utraque, transverse comprehendere oras debet; aut si id vulneris ratio non patitur, media primum injicienda est, ut tum in utramque partem ducatur. Sic autem deliganda est, ut & contineat; nec adstringat: quod non continetur, elabitur: quod nimis adstrictum est, cancro periclitatur. Hinc sæpius fascia circuire debet: æstate, quoties necesse est. Tum extrema pars ejus inferioribus acu adsuenda est; nam nodus vulnus lædit, nisi tamen longe est.

Porro neminem decipi decet, ut propriam viscera curationem requirant, de quibus supra posui. Nam plaga ipsa curanda extrinsecus, vel futura, vel alio medicinæ genere est. In visceribus nihil movendum est; nisi, si quid aut ex jocino-

re, aut liene, aut pulmone duntaxat extremo dependeat, id præcidatur. Alioquin vulnus interius ea victus ratio eaque medicamenta sanabunt, quæ cuique visceri convenire superiore libro proposui.

25. *Quomodo vulnerato agendum sit.*

His ita primo die ordinatis, homo in lecto collocandus est; isque si grave vulnus est, abstinere, quantum vires patiuntur, ante inflammationem, cibo debet: bibere, donec sitim finiat, aquam calidam; vel, si æstas est, ac neque febris, neque dolor est, etiam frigidam.

Adeo tamen nihil perpetuum est, sed semper pro vi corporis æstimandum, ut imbecillitas etiam cibum protinus facere necessarium possit; tenuem scilicet, & exiguum, qui tantum sustineat. Multique etiam ex profluvio sanguinis intermorientes ante ullam curationem vino (aa) reficiendi sunt; quod alioqui inimicissimum vulneri est.

26. *De notis vulnorum.*

Nimis vero (bb) intumescere vulnus, periculosum: nihil (cc) intumescere, periculosissimum est. Illud indicium magnæ inflammationis: hoc, emortui corporis est. Protinusque, si mens homini consistit, si nulla febris accessit, scire licet, mature vulnus sanum fore.

At ne febris quidem terrere debet, si in mag-

(aa) ATHEN. Deipnos. L. I. c. 8. pag. 10.

(bb) Aph. v. 66.

(cc) II. Epidem. III. 128.

no vulnere, dum inflammatio est, permanet. Illa perniciofa est, quæ vel levi vulnere supervenit, vel ultra tempus inflammationis durat, vel delirium movet: vel si nervorum (*dd*) rigorem aut distentionem, quæ ex vulnere orta est, ea non finit.

Vomitum quoque biliosum non voluntarius, vel protinus, ut percussus est aliquis, vel dum inflammatio manet, malum signum est in his duntaxat, quorum vel nervi, vel etiam nervosi loci vulnerati sunt. Sponte tamen vomere, non alienum est; præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est.

27. *De curationibus vulnerum.*

(*ee*) Biduo sic vulnere habito, tertio die id aperiendum, detergendaque sanies ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die, rursus detecto vulnere, considerandus color est. Quod si lividus, aut pallidus, aut varius, aut niger est; scire licet, malum vulnus esse; idque, quodcumque animadversum est, terrere nos potest. Album, aut rubicundum esse vulnus, commodissimum est. Item cutis dura, crassa, dolens, periculum ostendit. Bona signa sunt, ubi hæc sine dolore, tenuis, & mollis est. Sed si glutinatur vulnus, aut leviter intumuit, eadem sunt imponenda, quæ primo fuerunt.

(*dd*) *Aph. IV. 57. II. 26.*

(*ee*) *De Fractur. XXXIII. 5.*

Si gravis inflammatio est, neque glutinandi spes est, neque movetur, aquæ quoque (ff) calidæ necessarius usus est, ut materiam digerat; & duri-
ritiam emolliat, & pus citet. Ea sic temperanda est, ut manu contingenti jucunda sit; & usque eo adhibenda, donec aliquid minuisse ex tumore caloremque ulceri magis naturalem reddidisse videatur.

Post id fomentum, si late plaga non patet, imponi protinus emplastrum debet, maximeque, si grande vulnus est, tetrapharmacum; si in articulis, digitis, locis cartilagineis, *ῥυπαῖδες*.

At si latius hiat, idem illud emplastrum liquari ex irino unguento oportet, eoque inlita linamenta disponi per plagam: deinde emplastrum supra dari, & super id lanam succidam; minusque etiam, quam primo, fasciæ adstringendæ sunt.

28. *Curationes propriæ articulorum.*

Sed propria quædam in articulis visenda sunt. In quibus si præcisi nervi sunt, qui continebant, debilitas (gg) ejus partis sequitur. Si id dubium est, & ex acuto telo plaga est, & ea transversa, commodior est, si ex retuso, & gravi est, nulum in figura discrimen est: at videndum est, pus supra articulum, an infra nascatur. Si sub eo nascitur, albumque & crassum diu fertur, nervum præcisum esse credibile est: magisque, quo majores dolores inflammationesque, & quo maturius excitatæ sunt. Quamvis autem non abscessus nervus est; tamen, si circa durus tumor diu

(ff) *Aph. V. 22.*

(gg) *Coac. Pran. III. 385. I. de Morb. III. 2.*

permanet, necesse est, & diuturnum ulcus esse, & sanato quoque eo, tumorem permanere: futurumque est, ut tarde membrum id vel extendatur, vel contrahatur.

Major tamen in extendendo mora est, ubi recurvato articulo curatio adhibita est; quam in recurvando eo, quod rectum continuerimus. Collocari quoque membrum, quod ictum est, ratione certa debet. Si glutinandum est, ut superius sit: si in inflammatione est, ut in neutram partem inclinatum sit, si jam pus profuit, ut devexum sit.

Optimum etiam medicamentum, (hh) quies est. Moveri, & ambulare, nisi sanis, alienum est. Minus tamen periculosum his est, qui in capite vel brachiis, quam qui in inferioribus partibus vulnerati sunt. Minimeque ambulatio convenit, femine, aut crure, aut pede laborante.

Locus, in quo cubat, tepidus esse debet. Balneum quoque, dum parum vulnus purum est, inter res infestissimas est. Nam id & tumidum & fordidum reddit. Ex quibus ad cancerum transitus esse consuevit. Lenis fricatio recte adhibetur; sed his partibus, quæ longe absunt a vulnere.

29. *Vulnus quomodo purgandum est.*

Inflammatione finita, vulnus purgandum est. Id optime faciunt tincta in melle linamenta: supraque id emplastrum vel τετραφάρμακον vel ἐνειαφάρμακον dandum est. Tum demum vero purum ulcus est, cum rubet, ac nimium neque siccum, neque humidum est. At, quodcumque sensu ca-

(hh) HIPPOCR. de Ulcer. T. II. 3.

ret; quod non naturaliter sentit; quod nimium aut aridum aut humidum est; quod aut albidum, aut lividum, aut nigrum est; id purum non est.

30. *Quomodo vulnus implendum est.*

Purgato vulnere, sequitur ut impleatur, jamque calida aqua eatenus necessaria est, ut sanies removeatur. Lanæ fuccidæ supervacuum usus est: lota melius circumdatur. Ad implendum autem vulnus proficiunt quidem etiam medicamenta aliqua: itaque ea adhiberi non alienum est; ut butyrum cum rosa, & exigua mellis parte; aut cum eadem parte mellis aut cum eadem rosa, τετραφάρμακον; aut ex rosa linamenta.

Plus tamen proficit balneum rarum. Cibi boni fucci; vitatis omnibus acribus. Sed jam plenioribus, avis, & venatio, & suilla elixa dari potest. Vinum omnibus, dum febris, dum inflammatio est, alienum est: itemque usque ad cicatricem, si nervi, musculive vulnerati sunt; etiam, si alte caro.

At, si plaga in summa cute generis tutioris est, potest non pervetus, modice tamen datum, ad implendum quoque proficere. Si quid molliendum est, quod in nervosis locis, musculosisque necessarium est, cerato quoque super vulnus utendum est. At, si caro supercrevit, modice reprimat siccum linamentum; vehementius, squama æris. Si plus est, quod tolli opus est, adhibenda sunt etiamnum vehementiora, quæ corpus exedant. Cicatricem, post omnia hæc, commode inducit lycium ex passo aut lacte dilutum; vel etiam per se impositum siccum linamentum vehementius.

31. *De ulceribus, quæ extrinsecus per vulnera incidunt, curationibusque eorum.*

Hic ordo felicitis curationis est. Sed quædam tamen periculosa incidere consueverunt. Interdum enim vetustas ulcus occupat, induciturque ei callosus, & circum oræ crassæ livent. Post quæ, quidquid medicamentorum ingeritur, parum proficit; quod fere negligenter curato ulceri supervenit.

Interdum vel ex nimia inflammatione, vel ob æstus immodicos, vel ob nimia frigora, vel quia nimis vulnus adstrictum est, vel quia corpus senile, aut mali habitus est, cancer occupat. Id genus a Græcis diductum in species est; nostris vocabulis non est.

Omnis autem cancer non solum id corrumpit, quod occupavit, sed etiam serpit: deinde aliis aliisque signis (ii) discernitur. Nam modo super inflammationem rubor ulcus ambit, isque cum dolore procedit; *ερυσίπτελος* Græci nominant: modo ulcus nigrum est, quia caro ejus corrupta est, idque vehementius; etiam in putrescendo intenditur, ubi vulnus humidum est, & ex nigro ulcere humor pallidus fertur, malique odoris est, & caro intus corrupta: interdum etiam nervi ac membranæ resolvuntur, specillumque demissum descendit aut in latus, aut deorsum, eoque vitio nonnunquam os adfcitur: modo oritur ea, quam Græci *γέγγραινον* adpellant.

Priora in qualibet parte corporis fiunt: hæc in

(ii) In principio difficillime cognoscitur teste GALENO M. M. XIV. Vide HILDAN. *Observ. Chirurg. Cent. I. Obs. 1.*

prominentibus membris, id est inter ungues, & alas, vel inguina; fereque in senibus, vel in his, quorum corpus mali habitus est. Caro illi ulceri vel nigra, vel livida est, sed sicca & arida; proximaque cutis, plerumque subnigris pustulis impletur; deinde ei proxima, vel pallida, vel livida, fereque æruginosa & sine sensu est. Deterior in inflammatione est, omniaque ea simul serpunt: ulcus, in locum pustulosum: pustulæ, in eum, qui pallet aut livet: pallor aut livor, in id, quod inflammatum est: inflammatio, in id, quod integrum est, transit.

Inter hæc deinde febris acuta oritur, ingensque sitis: quibusdam etiam delirium accedit: alii, quamvis mentis suæ compotes sunt, balbutiendo vix sensus suos explicant: incipit adfici stomachus: fit foedi spiritus ipse odor. Atque initium ejus quidem mali recipit curationem: ubi vero penitus infedit, insanabile est, plurimique sub frigido sudore moriuntur.

32. *Curatio veteris ulceris.*

Ac pericula quidem vulnerum hæc sunt. Vetus autem ulcus scalpello circumcidendum est, excidendæque ejus oræ, &, quicquid super eas livet, æque incidendum. Si varicula intus est, quæ id sanari prohibet, ea quoque excidenda. Deinde, ubi sanguis emissus, novatumque vulnus est, eadem curatio adhibenda, quæ in recentibus vulneribus exposita est. Si scalpello aliquis uti non vult, potest sanare id emplastrum, quod ex ladanio fit: &, cum ulcus sub eo excisum est, id, quo cicatrix inducitur.

33. *Curatio Erysipelatum.*

Id autem, quod ἐρυσίπελος vocari dixi, non solum vulneri succurvenire, sed sine hoc quoque oriri consuevit: atque interdum periculum magnum adfert; utique, si circa cervicem aut (kk) caput constitit.

Oportet, si vires patiuntur, sanguinem mittere: deinde imponere simul reprimentia & (ll) refrigerantia; maximeque cerussam solani succo, aut cimoliam cretam aqua pluviali exceptam; aut ex eadem aqua subactam farinam cupresso adjecta, aut, si tenerius corpus est, lenticula. Quidquid impositum est, betæ folio contegendum est, & super linteolum frigida aqua madens imponendum.

Si per se refrigerantia parum proderunt, miscenda erunt hoc modo: sulphuris p. i. *. cerussæ, croci, singulorum p. x. *. eaque cum vino conterenda sunt, & id his illinendum: aut, si durior locus est, solani folia contrita suillæ adipi miscenda sunt, & illinita linteolo superinjicienda.

At, si nigrities est, quæ nequedum serpit, imponenda sunt, quæ carnem putrem lenius excidunt; repurgatumque ulcus sic, ut cætera, nutriendum est. Si magis (mm) putre est, jamque procedit ac serpit, opus est vehementius erodentibus. Si ne hæc quidem evincunt, aduri locus

(kk) AETIUS *Tett. IV. Serm. II. c. 59.* ÆGIN. IV. 21.

(ll) ORIBAS. de *Morb. Curat. III. 47.*

(mm) *Aph. VII. 20.*

debet, donec nullus ex eo humor feratur; nam quod sanum est, siccum est, cum aduritur.

Post ulationem putris ulceris, superponenda sunt, quæ crustas a vivo resolvant; ἀποκαρπνυμένη Græci nominant. Ubi exciderunt, purgandum ulcus, maxime melle & resina est. Sed iis quoque purgari potest, quibus purulenta curantur, eodemque modo ad sanitatem perducendum est.

34. Curatio Gangræne. (nn).

Gangrænam vero, si nondum plane tenet, sed adhuc incipit, curare non difficillimum est; utique in corpore juvenili: & magis etiam, si musculi integri sunt; si nervi vel læsi non sunt, vel leviter adfecti sunt; neque ullus magnus articulus nudatus est; aut carnis in eo loco paululum est, ideoque non multum, quod putresceret, fuit; constititque uno loco vitium; quod maxime fieri in digito potest. In ejusmodi casu primum est, si vires patiuntur, sanguinem mittere. Deinde, quicquid aridum est, & intentione quadam proximum quoque locum male habet; usque ad sanum corpus concidere.

Medicamenta vero, dum malum serpit, adhibenda nulla sunt, quæ pus movere consueverunt; ideoque ne aqua quidem calida. Gravia quoque, quamvis reprimantia, aliena sunt: sed his quam levissimis opus est, superque ea, quæ inflammata sunt, utendum est refrigerantibus. Si nihilo magis malum constitit, uri id, quod est inter integrum ac vitiatum locum, debet.

Præcipueque in hoc casu petendum, non a medicamentis solum, sed etiam a victus ratione præsidium est. Neque enim id malum, nisi corrupti vitiosique corporis est. Ergo primo, nisi imbecillitas prohibet, abstinentia utendum. Deinde danda, quæ per cibum potionemque alvum, ideoque etiam corpus adstringant, sed ea levia.

Postea, si vitium constitit, imponi super vulnus eadem debent, quæ in putri ulcere præscripta sunt. Ac tum quoque plenioribus cibis uti licebit ex media materia; sed tamen non nisi alvum, corpusque siccantibus: aqua vero pluviali frigida. Balneum, nisi jam certa fiducia redditæ sanitatis est, alienum est; siquidem emollium in eo ulcus cito rursus eodem malo adficitur.

Solent vero nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere.

35. *Curatio vulnorum, ubi quid collisum est, aut detritum, aut infixum.*

Hæ gravissimorum vulnorum curationes sunt. Sed ne illa quidem negligenda, ubi interior pars collisa; aut ubi derafum, detritumve aliquid est; aut ubi furculus corpori infixus est; aut ubi tenue, sed altum vulnus insedit.

In primo casu commodissimum est malicorium ex vino coquere, interioremque ejus partem conterere, & cerato miscere ex rosa facto, idque superponere: deinde, ubi cutis ipsa exasperata est, inducere lene medicamentum, qualis *λεπασα* est.

Derafo vero, detritoque, imponendum est em-

plastrum τετραφάρμακον, minuendusque cibus & vinum subtrahendum. Neque id, quia non habebit altiores ictus, contemnendum erit: siquidem ex ejusmodi casibus sæpe canceri fiunt. Quod si levius id erit, & in parte exigua, contenti esse poterimus eodem leni medicamento.

Surculum vero, si fieri potest, oportet vel manu, vel etiam ferramento educere. Si vel præfractus est, vel altius descendit, quam ut ita fieri possit, medicamento evocandus est. Optime autem educit superimposita atundinis radix; si tenera est, protinus contrita; si jam durior, ante in mulso decocta; cui semper mel adjiciendum est aut aristolochia cum eodem melle.

Pessima ex furculis; arundo est; quia aspera est. Eademque offensa etiam in filice est. Sed usu cognitum est, utramque adversus alteram medicamentum esse, si contrita ac superimposita est. Facit autem idem in omnibus furculis, quodcunque medicamentum extrahendi vim habet. Idem altis tenuibusque vulneribus aptissimum est. Priori rei PHILOCRATIS; huic HECATÆI emplastrum maxime convenit.

36. *Quomodo cicatrix vulnere inducenda, purgandaque sit. (oo).*

Ubi vero in quolibet vulnere ventum ad inducendum cicatricem est (quod perpurgatis jam, repletisque ulceribus necessarium est) primum ex aqua frigida linamentum, dum caro alitur: deinde, cum jam continenda est, siccum imponendum est, donec cicatrix inducatur: tum deligari

super album plumbum oportet, quo & reprimi-
tur cicatrix, & colorem maximè sano corpori
similem accipit. Idem radix sylvestris cucumeris
præstat. Idem compositio, quæ habet elaterii p.
i. *. spumæ argenti p. ii. *. glandis unguenta-
riæ pondo iv. *. quæ excipiuntur resina terebin-
thina, donec emplastri crassitudo ex omnibus fiat.

At nigras quoque cicatrices leniter purgant,
paribus portionibus mixta, ærugo & plumbum
elotum, eademque resina cocta; sive eo ungitur
cicatrix, quod in facie fieri potest; sive id ut
emplastrum imponitur, quod in aliis partibus
commodius est.

At, si vel excrevit cicatrix, vel concava est,
stultum est, decoris causa, rursus & dolorem
& medicinam sustinere: alioquin res utrique suc-
curri patitur. Siquidem utraque cicatrix exulce-
rari scalpello potest. Si medicamentur aliquis ma-
vult, idem efficiunt compositiones hæ, quæ cor-
pus exedunt. Cute exulcerata, super eminentem
carnem exedentia medicamenta conjicienda sunt:
super concavam, implentia; donec utrumque ulcus
sanæ cuti æquetur, & tum cicatrix inducatur.

CAP. XXVII.

*De vulneribus, quæ per morsus inferuntur, eorum-
que curationibus.*

DIXI de his vulneribus, quæ maximè per
tela inferuntur. Sequitur, ut de his di-
cam, quæ morfu fiunt, interdum (a) hominis,

(a) DOM. PANAROLUS *Pentec. ii. Obs. 32.*

(b) interdum simiæ, sæpe canis, nonnunquam ferarum, aut aliorum animalium, aut serpentium. Omnis autem feræ morsus habent quoddam virus.

Itaque, si vehemens vulnus est, (c) cucurbitula admovenda est: si levius, protinus emplastrum injiciendum, præcipueque *DIOGENIS*; si id non est, quodlibet ex his, quæ adversus morsus proposui; si ea non sunt, viride *Alexandrinum*: si ne id quidem est, quodlibet non pingue ex his, quæ recentibus vulneribus accommodatur. Sal quoque his, præcipueque ei, quod canis fecit, medicamentum est, si aridus vulneri imponitur, superque id duobus digitis verberatur; exsaniat enim. Ac fassamentum quoque recte super id vulnus deligatur.

2. *Curatio adversus rabiosi canis morsum. (d)*

Utique autem, si rabiosus canis fuit, cucurbitula virus ejus extrahendum est. Deinde, si locus neque nervosus, neque musculosus est, vulnus id adurendum est. Si uri non potest, sanguinem homini mitti non alienum est. Tum usto quidem vulneri superimponenda, quæ cæteris ustis sunt. Ei vero, quod expertum ignem non est, ea medicamenta, quæ vehementer exedunt. Post quæ nulla novo magisterio, sed jam supraposito vulnus erit implendum, & ad sanitatem perducendum.

Quidam post rabiosi canis morsum protinus in balneum mittunt; cumque ibi patiuntur desuda-

(b) SEREN. SAMM. XLV.

(c) ÆGINET. V. 2.

(d) IDEM *ibid.* 3. ACTUAR. M. M. VI. 11.

re, dum vires corporis sinunt, vulnere aperto; quo magis ex eo quoque virus distillet: deinde multo meracoque vino excipiunt, quod omnibus venenis contrarium est. Idque cum ita per tri-
dium factum est, tutus esse homo a periculo putatur.

Solet autem ex eo vulnere, ubi parum occur-
sum est, aquæ timor nasci, ὑδροφοβίαν Græci ad-
pellant. Miserrimum genus morbi: in quo si-
mul æger & (e) siti & aquæ metu cruciatur,
quo oppressis in angusto spes est. Sed unicum
tamen remedium est, nec opinantem in piscinam
non ante ei provisam projicere, &, si natandi
scientiam non habet, modo mersum bibere pati,
modo adtollere; si habet, interdum deprimere,
ut invitus quoque aqua satietur; sic enim simul
& sitis, & aquæ metus tollitur.

Sed aliud periculum excipit, ne infirmum cor-
pus in aqua frigida vexatum, nervorum disten-
tio absumat. Id ne incidat, a piscina protinus
in oleum calidum demittendus est. Antidotum
(f) autem (præcipue id, quod primo loco po-
sui, ubi id non est, aliud) si nondum æger
aquam horret, potui ex aqua dandum est: &
si amaritudine offenditur, mel adjiciendum est:
at, si jam is morbus occupavit, per catapotia
sumi potest.

3. *Curationes communes adversus omnes morsus ser- pentium. (g)*

Serpentium quoque morsus non nimium distan-

(e) CASSII *Problem.* 73.

(f) SCRIBON. LARG. c. XLIII. c. 71.

(g) AETII *Tetrab.* IV. *Serm.* I. c. I. I. & seqq.

tem curationem desiderant: quamvis in ea multum antiqui variarunt; adeo ut in singula angu-um genera singula medendi præciperent; aliique alia; sed in omnibus eadem maxime proficiunt. Igitur in primis supra vulnus id membrum deligandum est: non tamen nimium vehementer, ne torpeat. Dein venenum extrahendum est. Id cucurbitula optime facit. Neque alienum est, ante scalpello circa vulnus incidere, quo plus vitia-ti jam sanguinis extrahatur.

Si cucurbitula non est, (quod tamen vix in-cidere potest) tum quodlibet simile vas, quod idem possit. Si ne id quidem est, homo (b) ad-hibendus est, qui vulnus exfugat.

Neque hercule scientiam præcipuam habent hi, qui (i) *Psylli* nominantur; sed audaciam usu ipso confirmatam. Nam venenum serpentis, ut quæ-dam etiam venatoria venena, quibus Galli præ-cipue utuntur, non gustu, sed in vulnere no-cent. Ideoque colubra ipsa tuto estur: ictus ejus occidit; &, si stupente ea (quod per quæ-dam medicamenta circulatores faciunt) in os di-gitum quis incidit, neque percussus est, nulla in ejus saliva noxa est.

Ergo quisquis, exemplum *Psylli* secutus, id vulnus exfluxerit, & ipse tutus erit, & tutum hominem præstabit. Illud interea ante debet adtendere, ne quod in gingivis, palatove, alia-ve parte oris ulcus habeat. Post hæc is homo loco calido collocandus est sic, ut id, quod percussus erit, in inferiorem partem inclinetur.

(h) ÆGINET. V. 2. ACTUAR. M. M. VI. II.

(i) *Vocantur alio nomine Marfi. Vide REINES. Va-riar. Lect. 1. c. 8. p. 26.*

Si neque qui exfugat, neque cucurbitula est, forbere oportet jus anserinum, vel vitulinum, & vomere. Vivum autem gallinaceum pullum per medium dividere, & protinus calidum super vulnus imponere sic, ut pars interior corpori jungatur. Facit id etiam hœdus agnusve discissus, & calida ejus caro statim super vulnus imposita.

Emplastra quoque, quæ supra comprehensa sunt. Aptilissimumque est, vel Ephesium, vel id, quod ei subjectum est. Præsensque in aliquo antidoto præsidium est. Sin id non est, necessarium est exforbere portionem meri vini cum pipere; vel quidlibet aliud, quod calori movendo est, nec humorem intus coire patitur, nam maxima pars venenorum frigore interimit. Omnia etiam urinam moventia, quia materiam extenuant, utilia sunt.

4. *Speciales curationes adversus ictus serpentium:*
 & primo adversus ictum Aspidis. (i)

Hæc adversus omnes ictus utilia sunt, communiaque: usus tamen ipse docuit, eum, quem (k) aspis percussit, acetum potius bibere debere. Quod demonstrasse dicitur casus cujusdam pueri, qui cum ab hac ictus esset, & partim ob ipsum vulnus, partim ob immodicos æstus siti premeretur, ac locis siccis alium humorem non repe-

(i) ÆGINET. V. 18. AETIUS Tetrab. IV. Serm. I. 20.

(k) De Aspide videatur AMMIAN. MARCELLIN. Lib. XXII. Cap. 15. pag. 338. Ejus morsum sanari posse negat ELIAN. de Animal. I. Cap. 54.

riret, acetum, quod forte secum habebat, ebi-
bit, & liberatus est. Credo quoniam id, quam-
vis refrigerandi vim habet, habet tamen & diffi-
pandi. Quo fit, ut terra respersa eo spumet. Ea-
dem ergo vi verisimile est spissescentem quoque
intus humorem hominis ab eo discuti, & sic dari
sanitatem.

5. *Adversus ictum Scorpionis. (l).*

In quibusdam etiam aliis serpentibus certa quæ-
dam auxilia satis nota sunt. Nam scorpio ipse si-
bi pulcherrimum medicamentum est. Quidam con-
tritum cum vino bibunt. Quidam eodem modo
contritum super vulnus imponunt. Quidam su-
per prunas eo imposito, vulnus suffumigant, un-
dique veste circumdata, ne is fumus dilabatur;
tum carbonem ejus super vulnus deligant.

Bibere autem oportet herbæ solaris (quam
ἡλιοτρόπιον Græci vocant) semen, vel certe folia
ex vino. Super vulnus vero etiam furfures ex ace-
to, vel ruta silvatica recte imponitur, vel cum
melle sal tostus. Cognovi tamen medicos, qui
ab scorpione ictis nihil aliud, quam ex brachio
sanguinem miserunt.

6. *Adversus Aranei & Scorpionis ictum.*

Ad scorpionis etiam, & ad (m) aranei ictum,
allium cum ruta recte miscetur, ex oleoque con-
tritum superimponitur.

(l) AETIUS *Tetrab. IV. Serm. I. 19.*

(m) AETIUS *Tetrab. IV. Serm. I. 16. Ex eo mors,*
DOM. PANAROLUS *Pentec. I. Obs. 45.*

7. *Adversus (n) Ceraſtis, & Dipsadis, & Hæmorrhoidis ictum. (o).*

At, ſi ceraſtes, aut dipsas, aut hæmorrhoids percuffit, aſphodeli, quod Ægyptiæ fabæ magnitudinem æquet, arefactum, in duas portiones dividendum eſt ſic, ut ei rutæ paululum adjiciatur. Trifolium quoque & mentaſtrum, & cum aceto panaces æque proficiunt. Coſtumque, & caſſia, & cinnamomum recte per potionem adſumuntur.

8. *Adversus Cherſydri (p) ictum, & Ceraſtis.*

Adverſus Cherſydri vero ictum, panaces, aut laſer, quod ſit ſcrupulorum p. ii. *. vel porri ſuccus cum hemina vini ſumendus eſt, & edenda multa ſatureia. Imponendum autem ſuper vulnus ſtercus caprinum ex aceto coctum; aut ex eodem hordeacea farina; aut ruta, vel nepeta, cum ſale contrita, melle adjecto. Quod in eo quoque vulnere, quod ceraſtes fecit, æque valet.

9. *Adversus Phalangii ictum. (q).*

Ubi vero phalangium (r) nocuit, præter eam curationem, quæ manu editur, sæpe homo demittendus in ſolium eſt, dandusque ei myrrhæ

(n) Describitur ab ÆLIAN. de Animal. I. c. 57.

(o) AETIUS Tetrab. IV. Serm. I. 22. 23.

(p) AETIUS Tetrab. IV. Serm. I. 35.

(q) IDEM. ibid. 18.

(r) SALMASIUS in Notis ad SPARTIANI HADRIAN. C. 20. pag. 190. Edit. HAAKIANÆ.

& uvæ taminæ par modus ex passi hemina ; vel radiculæ semen , aut lolii radix ex vino ; & super vulnus furfures ex aceto cocti , imperandumque , ut is conquiescat.

10. *Adversus ictus Italorum anguium , qui minus terribiles peregrinis sunt.*

Verum hæc genera serpentium & peregrina , & aliquanto magis pestifera sunt ; maxime , quæ æstuosis gignuntur locis. Italia frigidioresque regiones hac quoque parte salubritatem habent , quod minus terribiles angues edunt. Adversus quos satis proficit herba betonica , vel cantabrica , vel centaurion , vel agrimonia , vel trixago , vel personata , vel marinæ pastinacæ ; si vel singulæ binæve tritæ , & sic potui datæ sunt cum vino , & super vulnus impositæ.

Illud ignorare non oportet , omnis serpentis ictum & jejuni & jejuno magis nocere ideoque perniciosissimi sunt , cum incubant : utilissimumque est , ubi ex anguibus metus est , non ante progredi , quam quis aliquid adsumpsit.

11. *Remedium generale adversus omnia venena , vel in cibo , vel in potione adsumpta.*

Non tam facile his opitulari est , qui venenum , vel in cibo , vel in potione sumpserunt. Primum , quia non protinus sentiunt , ut ab angue icti : ideo ne succurrere quidem statim sibi possunt. Deinde , quia noxa non a cute , sed ab interioribus partibus incipit. Commodissimum est tamen , ubi primum sensit aliquis , protinus oleo multo epoto vomere. Deinde , ubi præcordia exhaustit , bibere antidotum : si id non est , vel merum vinum.

12. *Specialia remedia adversus quædam venena: & primo adversus Cantharidas. (f).*

Sunt tamen quædam remedia propria adversus quædam venena, maximeque leviora. Nam si cantharidas aliquis ebibit, panaces cum lacte contusa, vel galbanum vino adjecto dari, vel lac per se debet.

13. *Adversus Cicutam. (t).*

Si cicutam, vinum merum calidum cum ruta quamplurimum ingerendum est; deinde is vomere cogendus: posteaque laser ex vino dandum. Ifque, si febre vacat, in calidum balneum mittendus: si non vacat, ungendus ex calefacientibus est. Post quæ quies ei necessaria est.

14. *Adversus Hyoscyamum. (u).*

Si hyoscyamum, fervens mulsum bibendum est, aut quodlibet lac maxime tamen asininum.

15. *Adversus Cerussam. (x).*

Si cerussam, jus malvæ, vel juglandis ex vino contritæ, maxime profunt.

16. *Adversus Sanguisugam, si epota est, & lac; quod intus coit. (y).*

Si sanguisuga epota est, acetum cum sale bibendum.

(f) ÆGINET. V. 30. SCRIBON. LARG. LVII. ACTUAR. M. M. V. 12.

(t) ÆGINET. V. 41. SCRIBON. LARG. XLVII. ACTUAR. M. M. V. 12.

(u) ÆGINET. V. 38.

(x) SCRIBON. LARG. XLVII.

(y) ÆGINET. V. 36. PLIN. H. N. XXII. 23.

dum est. Si lac intus coit, aut passum, aut cum aceto lafer.

17. *Adversus Fungos inutiles. (z).*

Si fungos inutiles quis adsumpsit, radícula aut e posca, aut cum sale & aceto edenda est. Ipsi vero hi & specie quidem discerni possunt ab utilibus, & cocturæ genere idonei (a) fieri. Nam siue ex oleo inferbuerunt, siue piri furculus cum his inferbuit, omni noxa vacant.

18. *De adustis corporis locis, & quomodo curari debeant. (b).*

Aduſtis quoque locis extrinsecus vis infertur; itaque sequi videtur, ut de his dicam. Hæc autem optime curantur foliis aut lilii; aut linguæ caninæ, aut betæ in vino oleoque decoctis. Quorum quodlibet protinus impositum ad sanitatem perducit.

Sed dividi quoque curatio potest in ea, quæ mediocriter exedentia reprimanturque, primo & pustulas prohibeant, & summam pelliculam exasperent: deinde ea, quæ lenia ad sanitatem perducant. Ex prioribus est lenticulæ cum melle farina; vel myrrha cum vino; vel creta cimolia cum thuris cortice contrita, & aqua coacta, atque, ubi usus necessitas incidit, aceto diluta. Ex insequentibus, quælibet λιπαρά. Sed idonea maxime est, quæ vel plumbi recrementum, vel vitellos habet.

(z) ÆGINET. V. 54. SCRIB. LARG. LXVI.

(a) Alii sunt.

(b) ÆGINET. IV. II. SEREN. SAMM. LX.

(c) AETIUS Tetrab. IV. Serm. II. 64.

Est etiam illa adustorum curatio, dum inflammatio est, impostam habere cum melle lenticulam: ubi ea declinavit, farinam cum ruta, vel porro, vel marrubio, donec crustæ cadant: tum ervum cum melle, aut irim aut resinam terebinthinam, donec ulcus purum sit: novissime siccum linamentum.

C A P. XXVIII.

De interioribus ulceribus, quæ, aliqua corporum parte corrupta, nascuntur.

I. De carbunculo. (a).

AB his, quæ extrinsecus incidunt, ad ea veniendum est, quæ interius, corrupta aliqua corporum parte, nascuntur. Ex quibus non aliud carbunculo pejus. Ejus hæ notæ sunt. Rubor est, superque eum non nimium pustulæ eminent, maxime nigræ, interdum sublividæ, aut pallidæ. In iis sanies esse videtur; infra color niger est. Ipsum corpus aridum, & durius, quam naturaliter oportet. Circaque quasi crusta est; eaque inflammatione cingitur. Neque in eo loco levare cutis potest, sed inferiori carni quasi adfixa est. Somnus urget. Nonnunquam horror, aut febris oritur, aut utrumque. Idque vitium subter actis quasi quibusdam radicibus serpit; interdum celerius, interdum tardius. Supra quoque, procedens inabescit; dein lividum fit; circumque exi-

(a) ÆGINET. IV. 25. ACTUAR. M. M. II. 12.
ORIBAS. Synops. VII. 12.

guæ pustulæ oriuntur. Et si circa stomachum faucesve incidit, subito spiritum sæpe elidit.

Nihil melius est, quam protinus adurere. Neque id grave est, nam non sentit; quoniam ea caro mortua est. Finisque adurendi est, dum ex omni parte sensus doloris est. Tum deinde ulcus, sicut cætera adusta, curandum est. Sequitur enim sub medicamentis erodentibus crusta: quæ undique a viva carne diducta, trahit secum, quicquid corruptum erat; purusque jam sinus curari potest implentibus.

At, si in summa cute vitium est, possunt succurrere quædam vel exedentia tantum, vel etiam adurentia. Vis pro magnitudine adhibenda est. Quodcumque vero medicamentum impositum est, si satis proficiet, protinus a viva corruptam partem resolvet.

Certaque esse fiducia potest fere, si undique vitiosa caro excidat, qua hujusmodi medicamen exest: si id non fit, medicamentumque malo vincitur; utique ad ulationem properandum est. Sed in ejusmodi casu abstinendum a cibo, a vino est. Aquam liberaliter bibere expedit. Magisque ea servanda sunt, si febricula quoque accersit.

2. De carcinomate.

Non idem periculum *καρκίνωμα* adfert, nisi imprudens a curantis agitaturn est. Id vitium fit maxime in superioribus partibus, circa (b) faciem, nares, aures, labra (c) mammas feminarum. Et

ex

(b) ÆGINET. III. 22.

(c) SCRIBON. LARG. XXIII.

ex jecore, aut splene hoc nascitur. Circa locum aliqua quasi puncta sentiuntur: isque immobilis inæqualiter tumet: interdum etiam torpet. Circa eum inflatæ venæ quasi recurvantur: hæque pal-
lent, aut livent: nonnunquam etiam in quibus-
dam delitescunt. Tactusque is locus, aliis dolo-
rem adfert, in aliis eum non habet. Et nonnun-
quam sine ulcere durior aut mollior est, quam esse
naturaliter debet: nonnunquam iisdem omnibus
ulcus accedit. Interdumque nullam habet proprie-
tatem: interdum simile his est, quæ vocant Græci
καυδωμάτια, alpredine quadam & magnitudine sua.
Colorque ejus ruber est, aut lenticulæ similis.

Neque tuto secatur.; nam protinus aut reso-
lutio nervorum, aut distentio insequitur. Sæpe
homo ictus obmutescit, atque ejus anima deficit.

Quibusdam etiam, si idipsum pressum est, quæ
circa sunt, intenduntur & intumescunt. Namque
pessimum id genus est, fereque primum id fit,
quod *κακόνδης* a Græcis nominatur. Deinde ex eo
id *καρκίνωμα*, quod sine ulcere est. Deinde ulcus;
& ex eo, thymum.

Tolli nihil, nisi *κακόνδης*, potest: reliqua cura-
tionibus irritantur. Et quo major vis adhibita
est, eo magis quidam usi sunt medicamentis adu-
rentibus. Quidam ferro adusserunt: quidam scal-
pello exciderunt, neque ulli unquam medicina
(d) profuit: sed adulta, protinus concitata sunt,
& increverunt, donec occiderent. Excisa etiam,
post inductam cicatricem, tamen reverterunt, &
causam mortis adtulerunt.

Cum interim plerique nullam vim adhibendo,

(d) *Aph. VI. 38.*

qua tollere id malum tentent; sed imponendo tantum lenia medicamenta, quæ quasi blandiantur, quo minus ad ultimam senectutem perveniant, non prohibeantur. Discernere autem caecoethes, quod curationem recipit, a carcinomate, quod non recipit, nemo scire potest; nisi tempore & experimento.

Ergo, ubi primum id vitium notatum est, imponi debent medicamenta adurentia. Si levatur malum, minuunturque ejus indicia, procedere curatio potest & ad scalpellum, & ad ultionem. Si protinus irritatum est, scire licet, jam carcinoma esse; removendaque sunt omnia acria, omnia vehementia.

Sed, si sine ulcere is locus durus est, imponi ficum quam pinguiissimam, aut *ῥυπαριῶδες* emplastrum fatis est.

Si ulcus æquale est, ceratum ex rosa injiciendum est, adjiciendusque ei pulvis ex contrita testa, ex aqua, qua faber ferrarius tingere candens ferrum solitus est.

Si id nimium supercrevit, tentanda squama æris est (quæ lenissima ex adurentibus est) catenus, ne quid emovere patiatur: sed ita, si nihil exacerbavit: sin minus, eodem cerato contenti esse debemus.

3. De Theriomate.

Est etiam ulcus, quod *ἰσχυρὸν* Græci vocant. Id & per se nascitur, & interdum ulceri ex alia causa facto supervenit. Color est vel lividus, vel niger: odor foedus: multus, & mucosus similis humor. Idipsum ulcus neque tactum, neque medicamentum sentit: prurigine tantum movetur; circa dolor est, & inflammatio. Interdum etiam febris oritur. Nonnunquam ex ulcere sanguis

erumpit. Atque id quoque malum serpit, quo omnia sæpe intenduntur.

Fitque ex his ulcus, quod (e). ἑρπητις ἐσθιδόμενον Græci vocant; quia celeriter serpendo; penetrandoque usque ad ossa, corpus vorat. Id ulcus inæquale est, cœno simile; inestque multus humor glutinosus; odor intolerabilis; majorque, quam pro modo ulceris, inflammatio. Utrumque, sicut omnis cancer, fit maxime in senibus; vel his, quorum corpora mali habitus sunt.

Curatio utriusque eadem est: sed in majore malo major vis necessaria. Ac primum, a victus ratione ordinandum est (e*): ut quiescat in lectulo ut primis diebus a cibo abstineat: aquam quam plurimam adsumat. Alvus quoque ei ducatur. Dein, post inflammationem, cibum boni succi capiat; vitatis omnibus acribus: potionis quantum volet, sic, ut interdum quidem aqua contentus sit: in cœna vero etiam vini austeri aliquid bibat. Non æque tamen fame in his, quos ἑρπητις urgebit, atque in his, qui ὀδύνην adhuc habebunt, utendum erit. Et victus quidem talis necessarius est.

Super ulcus vero inspergenda est arida aloe contrita, &, si parum proficiet, chalcitis. At, si quis nervus, exesa carne, nudatus est, contingendus ante linteolo est, ne sub eo medicamento aduratur. Si validioribus etiam remediis opus est, ad eas compositiones veniendum est, quæ vehementius adurant. Quicquid autem inspergitur, averso specillo infundi debet. Superdanda cum melle sunt vel linamenta, vel oleæ folia ex

(e) ACTUAR. M. M. II. 12. ÆGINET. IV. 20.

(e*) ILL. HALLERO ordiendum.

vino decocta, vel marrubium: eaque linteolo contegenda in aqua frigida madefacto, dein bene expresso. Circaque, qua tumor ex inflammatione est, imponenda, quæ reprimant, cataplasmata.

Si sub his nihil proficitur, ferro locus aduri debet; diligenter nervis qui, adparent, ante contactis. Adultum vel medicamentis vel ferro corpus, primum purgandum, deinde implendum esse, adparere cuilibet ex prioribus potest.

4. De Sacro igne. (f).

Sacer quoque ignis malis ulceribus adnumerari debet. Ejus duæ species sunt. Alterum est subrubicundum, aut mistum rubore atque pallore; exasperatumque per pustulas continuas, quarum nulla altera major est, sed plurimæ perexiguæ. In his semper fere pus, & sæpe rubor cum calore est: serpitque id nonnunquam sanescente eo, quod primum vitiatum est: nonnunquam etiam exulcerato, ubi, ruptis pustulis, ulcus continuatur, humorque exit, qui esse inter saniem & pus videri potest. Fit maxime in pectore, aut lateribus, aut eminentibus partibus præcipueque in plantis.

Alterum autem est in summæ cutis exulceratione, sed sine altitudine, latum, sublividum, inæqualiter tamen; mediumque sanescit, extremis procedentibus: ac sæpe id, quod jam sanum videbatur, iterum exulceratur. At circa, proxima cutis, quæ vitium receptura est, tumidior & durior est, coloremque habet ex rubro subnigrum.

(f) ÆGINET. IV. 12. SEREN. SAMMON. XLI. AETIUS Tetrab. IV. Serm. II. 59.

Atque hoc quoque malo fere corpora seniora tentantur, aut quæ mali habitus sunt; sed in crucibus maxime.

Omnis autem facer ignis, ut minimum periculum habet ex his, quæ serpunt; sic prope difficillime tollitur. Medicamentum ejus (e) fortissimum est, uno die febris, quæ humorem noxium absumat. Pus, quo crassius & albidius est, eo periculi minus est. Prodest etiam infra ulcera locum cædi, quo plus puris exeat; & id, quo ibi corruptum corpus est, extrahatur. Sed tamen, si febricula accessit, abstinentia, lectulo, alvi ductione opus est.

In omni vero sacro igni, neque lenibus & glutinosus cibus, neque falsis & acribus utendum est; sed his, quæ inter utrumque sunt: qualis est panis sine fermento, piscis, hœdus, aves, exceptoque apro, omnis fere venatio. Si non est febricula, & gestatio utilis est, & ambulatio, & vinum austerum, & balneum. Atque in hoc quoque genere potio magis liberalis esse, quam cibus, debet.

Ipsa autem ulcera, si mediocriter serpunt, aqua calida: si vehementius, vino calido fovenda sunt. Deinde acu pustulæ, quæcunque sunt, aperiendæ. Tum imponenda ea, quæ putrem carnem exedant. Ubi inflammatio sublata, ulcusque purgatum est, imponi lene medicamentum debet. In altero autem genere, possunt proficere mala cotonea in vino cocta, atque contrita: potest emplastrum vel HÉRÆ, vel τετραφάρμακον; cui quinta pars thuris adjecta sit; potest nigra hederæ ex vino austero cocta, ac, si celeriter malum serpit,

(e) Edit. ALDI, STEPH. aliaque fortuitum.

non aliud magis proficit. Purgato ulcere, quod in summa cute esse proposui, satis ad sanitatem eadem lenia medicamenta proficient.

5. De Chironio ulcere (h).

Chironium autem ulcus adpellatur, quod & magnum est, & habet (i) oras duras, callosas, tumentes. Exit sanies non multa, sed tenuis: odor malus; neque in ulcere, neque in ejus tumore ulla est inflammatio: dolor modicus est. Nihil serpit, ideoque nullum periculum adfert; sed non facile sanescit. Interdum tenuis cicatrix inducitur, deinde iterum rumpitur, ulcusque renovatur. Fit maxime in pedibus & cruribus.

Super id imponi debet, quod & lene aliquid, & vehemens, & reprimens habeat. Quale ejus rei causa fit ex his: squamæ æris, plumbi eloti combusti, singulorum p. VI. * cadmia, ceræ, singulorum p. VIII. *. rosæ quantum satis est ad ceram simul cum eis molliendam.

6. De Ulceribus, quæ ex frigore in pedibus & manibus oriuntur.

Fiunt etiam ex frigore hiberno (k) ulcera, maxime in pueris, & præcipue pedibus, digitisque eorum, nonnunquam etiam in manibus. Rubor cum inflammatione mediocri est. Interdum pustulæ oriuntur, deinde exulceratio. Dolor autem modicus: prurigo major est. Nonnunquam humor

(h) ÆGIN. IV. 46.

(i) POLLUX IV. c. 25.

(k) ÆGINE T. III. 79.

exit, sed non multus; qui referre vel pus, vel sanem videtur.

In primis multa calida aqua fovendum est, in qua rapa decocta; aut si ea non sunt, aliquæ verbenæ ex reprimentibus. Si nondum adaperitum ulcus est, æs, quam maxime calidum quis pati potest, admovendum est. Si jam exulceratio est, imponi debet alumen, æqua portione cum thure contritum, tum vino adjecto; aut malicorium in aqua coctum, deinde contritum. Si summa detracta pellicula est, hic quoque melius lenia medicamenta proficiunt.

De Struma. (1)

Struma quoque est tumor, in quo subter concreta quædam ex pure & sanguine quasi glandulæ oriuntur. Quæ vel præcipue fatigare medicos solent, quoniam & febres movent, nec unquam facile maturescunt; &, sive ferro, sive medicamentis curantur, plerumque iterum juxta cicatrices ipsas resurgunt; multoque post medicamenta sæpius; quibus id quoque accedit, quod longo spatio detinent. Nascuntur maxime in cervice; sed etiam in alis, & inguinibus, & in lateribus. In mammis quoque feminarum se reperisse, chirurgus MEGES author est.

Propter hæc & album veratrum recte datur, atque etiam sæpius, donec ea digerantur. Et medicamenta imponuntur, quæ humorem vel educant, vel dissipent; quorum supra mentio fac-

(1) AETIUS *Tetrab. IV. Serm. III. c. 5.* ACTUAR. *Meth. Med. II. 12.* REGIN. *IV. 33.* ORIBAS. *Synops. VII. 29.*

ta est. Adurentibus quoque quidam utuntur; quæ exedunt, crustaque eum locum adstringunt: tum vero ut ulcus curant.

Quæcunque autem ratio curandi est, corpus, puro ulcere, exercendum atque alendum est, donec ad cicatricem perveniat. Quæ cum medici doceant, ab iis requirenda. Quorundam rusticorum exprimento cognitum, quem struma male habet, eum, si anguem edit, liberari.

8. De Furunculo. (m)

Furunculus vero, est tuberculum acutum cum (n) inflammatione, & dolore; maximeque ubi jam in pus vergit. Qui ubi adaperitus est, & exiit pus, subter adparet pars carnis in pus versa, corrupta, subalbida, subrubra, quem ventriculum quidam furunculi nominant. In eo nullum periculum etiamsi nulla curatio adhibeatur: maturefcit enim per se, atque erumpit. Sed dolor efficit, ut potior medicina sit, quæ maturius liberet.

Proprium ejus medicamentum galbanum est; sed alia quoque supra comprehensa sunt. Si cætera desunt, imponi debet primum, non pingue emplastrum, ut id reprimat: deinde, si non repressit, quodlibet puri movendo adcommodatum; si ne id quidem est, vel resina, vel fermentum. Expresso pure, nulla ultra curatio necessaria est.

9. De Phymate.

Phyma vero nominatur tuberculum furunculo

(m) ÆGINET, IV. 23. SEREN. SAMMON. XXXVIII.

(n) Edit. ALDI & aliæ inflatione.

simile, sed rotundius & planius, sæpe etiam majus. Nam furunculos ovi dimidii magnitudinem raro explet, nunquam excedit. Phyma etiam latius patere consuevit: sed inflammatio dolorque sub eo minores sunt. Ubi divulsum est, pus eodem modo adparèt; ventriculus qui in furunculo, non invenitur: verum omnis corrupta caro in pus verritur.

Id autem in pueris & sæpius nascitur, & facilius tollitur: in juvenibus rarius oritur, & difficilius curatur. Ubi ætas induravit, ne nascitur quidem. Quibus vero medicamentis discuteretur, supra propositum est.

10. De *Phygethlo*. (o)

Φύγεθλον autem est tumor, non altus sed latus, in quo quiddam pustulæ simile est. Dolor distentioneque vehemens est, & major quam pro magnitudine tumoris: interdum etiam febricula; idque tarde maturescit, neque magnopere in pus convertitur. Fit maxime aut in cervice, aut in alis, aut in inguinibus. Panum, ad similitudinem figuræ, nostri vocant. Atque idipsum quo medicamento tolleretur, supra demonstravi.

11. De *Abscessibus*. (p)

Sed cum omnes hi nihil nisi minuti abscessus sint, generale nomen trahit latius vitium, totum ad suppurationem spectans. Idque fere fit aut post febres, aut post dolores partis alicujus,

(o) SEREN. SAMM. XL. ÆGINET. IV. 22.

(p) ÆGINET. IV. 18. AETIUS. *Tetrab.* IV. *Serm.* II. 32. ORIBAS. *Synops.* VII. 28.

maximeque eos, qui ventrem infestarunt. Sæpiusque oculis expositum est, siquidem latius aliquando intumescit ad similitudinem ejus, quod *φύμα* vocari proposui, rubetque cum calore, & paulo post etiam cum duritia, magisque nocenter adolescit, & sitim vigiliamque exprimit.

Interdum tamen nihil horum in cute apprehendi potest; maximeque, ubi altius pus movetur: sed cum siti vigiliaque sentiuntur intus aliquæ punctiones. Et, quod de subito durius non est, melius est: & quod, quamvis rubet, coloris tamen in album mutati est, quæ signa jam pure oriente nascuntur: tumor enim ruborque multo ante incipiunt.

Sed, si locus nobilis est, avertendus materiæ aditus est per cataplasmata, quæ simul & reprimunt, & refrigerant: qualia & alias & paulo ante in erysipellate proposui. Si jam durior est, ad ea veniendum est, quæ digerant, & resolvant: qualis est ficus arida contusa: aut fex mista cum cerato, quod ex adipe suilla coactum sit; aut cucumeris silvestris radix, cui ex farina duæ partes adjunctæ sint, ante ex mulso decoctæ. Licet etiam miscere aquis portionibus ammoniacum, galbanum, propolim, viscum, pondusque adjicere myrrhæ dimidio minus, quam in prioribus singulis erit. Atque emplastra quoque & malagmata idem efficiunt, quæ supra explicui.

Quod per hæc discussum non est, necesse est, maturescat. Idque quo celerius fiat, imponenda est farina hordeacea, ex aqua cocta, cui & olerum aliquid recte miscetur. Eadem aut hæc in minoribus quoque abscessibus, quorum nomina proprietatesque supra edidi, recte fiunt. Eademque omnium curatio: tantummodo distat.

Crudum est autem, in quo major quasi venarum motus est, & gravitas, & ardor, & distentio, & dolor, & rubor, & durities; &, si major abscessus est, horror, atque etiam febricula permanet: penitusque condita suppuratione pro his, quæ alioqui cutis ostendit, punctiones sunt.

Ubi ista se remiserunt, jamque is locus prurit, & aut sublividus, aut subalbidus est, matura suppuration est. Ex qua, ubi vel per se, vel per medicamenta, vel etiam ferro aperta est, pus debet emitti. Tum, si qua in alis, vel inguinibus sunt, sine linamento nutrienda sunt. In cæteris quoque partibus, si ima plaga exigua est, si mediocris suppuration fuit, si non alte penetravit, si febris non est, si valet corpus, æque linamenta supervacua sunt. In reliquis, parce tamen, nec, nisi magna plaga est, imponi debent. Commode vero mel super linamenta, vel sine his imponitur lenticula ex melle, aut malicorium ex vino coctum; quæ & per se & mista idonea sunt.

Si quæ circa duriora, ad ea mollienda, vel malva contrita, vel fœni Græci linive semen ex passio coctum superdandum est. Quicquid deinde impositum est, non adstringi sed modice deligari debet. Illo neminem decipi decet, ut in hoc genere cerato utatur. Cætera, quæ pertinent ad purgandum ulcus, ad implendum, ad cicatricem inducendam, conveniuntque vulneribus, exposita sunt.

12. *De Fistulis.* (q)

Nonnunquam autem ex ejusmodi abscessibus,

(q) AETIUS, *Tetrab. IV. Serm. II. 55,*

& ex aliis ulcerum generibus, fistulæ oriuntur. Id nomen est ulceri alto, angusto, calloso. Fit in omni fere parte corporis: habetque quædam in singulis locis propria. Prius de communibus dicam. Genera igitur fistularum plura sunt, siquidem aliæ breves sunt, aliæ altius penetrant: aliæ recta intus feruntur, aliæ multoque plures transversæ: aliæ simplices sunt, aliæ duplices triplicesve; quæ ab uno ore oris intus tres fiunt, aut etiam in plures sinus dividuntur: aliæ rectæ, aliæ flexæ, & tortuosæ sunt: aliæ intra carnem desinunt, aliæ ad ossa aut cartilaginem penetrant; aut, ubi neutrum horum subest, ad interiora perveniunt: aliæ deinde facile, aliæ cum difficultate curantur, atque etiam quædam insanabiles reperiuntur.

Expedita curatio est in fistula simplici, recenti, intra (r) carnem. Adjuvatque ipsam corpus, si juvenile, si firmum est. Inimica contraria his sunt: itemque, si fistula os, vel cartilaginem, vel nervum, vel musculos læsit; si articulum occupavit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad maxillas, guttur, stomachum, thoracem penetravit. Ad intestina quoque eam tendere, semper periculosum, sæpe pestiferum est. Quibus multum mali accedit, si corpus vel ægrum, vel senile, vel mali habitus est.

Ante omnia autem demitti specillum in fistulam convenit; ut, quo tendat, & quam alte perveniat, scire possimus. Simul etiam, prorsus humida, an siccior sit: quod extracto specillo patet. Id quoque disci potest, in osse vitium sit, necne: & si jam eo fistula penetra-

(r) HIPPOCR. *Coac. Præn.* III. 394.

vit, quatenus nocuerit. Nam, si molle est, quod ultimo specillo contingitur, intra carnem adhuc vitium est: si magis id renititur, ad os ventum est. Ibi deinde si dilabitur specillum, nondum caries est: si non dilabitur fede, qua innititur, caries quidem, verum adhuc levis est: si inæquale quoque & asperum subest, vehementius os exesum est. At cartilago ubi subsit, ipsa sedes docet: perventumque esse ad eam, ex renisu patet.

Ex his quidem colliguntur fistularum sedes, spatia, noxæ. Simples vero hæc sint, an in plures partes diducantur, cognosci potest ex modo puris. Cujus si plus fertur, quam quod simplici spatio convenit, plures sinus esse manifestum est. Cumque fere juxta sint caro, & nervus, aliqua nervosa, quales fere tunicæ membranaeque sunt, genus quoque puris docebit, num plures sinus intus diversa corporis genera perroferint.

Siquidem ex carne pus leve, album, copiosius fertur: at ex nervoso loco, coloris quidem ejusdem, sed tenuius & minus: ex nervo, pingue & oleo non dissimile.

Denique etiam corporis inclinatio docet, num in plures partes fistulae penetrarint, quia sæpe, cum quis aliter decubuit, aliterque membrum collocavit, pus ferri, quod jam desierat, iterum incipit; testaturque, non solum alium sinum esse, ex quo descendat, sed etiam in aliam corporis partem eum tendere.

Si in carne & recens & simplex est; ac neque sinuosa neque cava sede; neque in articulo, sed in eo membro, quod per se immobile, non nisi cum toto corpore movetur, satis proficiet emplastrum, quod recentibus vulneribus impo-

nitur, dum habeat vel falem, vel alumen, vel squamam æris, vel æruginem, vel ex metallicis aliquid. Exque eo collyrium fieri debet altera parte tenuius, altera paulo plenius. Idque ea parte, qua tenuius est, antecedente demitti oportet in fistulam, donec purus sanguis se ostendat; quæ in omnibus fistularum collyriis perpetua sunt. Idem deinde emplastrum in linteolo superimponendum; supraque injicienda spongia est, in acetum ante demissa: solvique quinto die satis est. Genus victus adhibendum est, quo carnem ali docui.

At, si longius a præcordiis fistula est, ex intervallo jejuna radículas esse, deinde vomere, necessarium est.

Quum vetustate callosa sit fistula (callus autem neminem fallit, quia durus est, & aut albus, aut pallidus) tum validioribus medicamentis opus est. Quale est, quod habet papaveris lachrymæ p. i. *. gummi p. iii. *. cadmiæ p. iiii. *. atramenti futorii p. viii. *. ex quibus aqua coactis collyrium fit. Aut in quo sunt gallæ p. i. *. æruginis, sandarachæ, aluminis Ægyptii, singulorum p. i. *. atramenti futorii combusti p. ii. *. Aut quod constat ex chalcitide, & e saxo calce; quibus adjicitur auripigmenti dimidio minus, quam in singulis prioribus est; eaque melle cocto exipiuntur.

Expeditissimum autem est ex præcepto MEGESTIS, (f) æruginis rasæ p. ii. *. conterere, deinde ammoniaci thymiamatis p. ii. *. aceto liquare, eoque infuso æruginem cogere. Idque ex

(f) ORIBAS. *Synops.* VII. 30.

primis medicamentis est. Sed, ut hæc maximi effectus sunt, si cui ista non adsunt, facile tamen est callum quibuslibet adurentibus medicamentis erodere: fatisque est vel papyrus intortum, vel aliquid ex penicillo in modum collyrii adstrictum eo illinere. Scilla quoque cocta & mixta cum calce, callum exest.

Si quando vero longior & transversa fistula est, demisso specillo, contra principium hujus incidi commodissimum est, & collyrium, (t) quod volueris demitti.

At si duplicem esse fistulam vel multiplicem existimamus, sic tamen ut brevis, intraque carnem sit, collyrio uti non debemus; quod unam partem curet, reliquas omittat: sed eadem medicamenta arida in calamum scriptorium conjicienda sunt, isque ori fistulæ aptandus, inspilandumque, ut ea medicamenta intus compellantur. Aut eadem ex vino liquanda sunt; vel, si fordidior fistula est, ex mulso; callosior, ex aceto; atque intus infundendum, quicquid inditum est. Superponenda sunt, quæ refrigerent & reprimant; nam fere, quæ circa fistulam sunt, habent aliquid inflammationis.

Neque alienum est, ubi quis resolverit, antequam rursus alia medicamenta injiciat, per oricularium clysterem fistulam eluere; si plus puris fertur, vino; si callus durior est, aceto; si jam purgatur, mulso, vel aqua, in qua ervum coctum sit, sic ut huic quoque mellis paululum adjiciatur.

Fere vero fit, ut ea tunica, quæ inter foramen & integram carnem est, victa tot medica.

(t) *Edit. ALDI. STEPH. utrumque, alii legunt utrimque.*

mentis exeat, infraque ulcus purum sit. Quod ubi contigit, imponenda glutinantia sunt; præcipueque spongia melle cocto illita.

Neque ignoro, multis placuisse linamentum in modum collyrii compositum & tinctum melle, implendi causa demitti; sed celerius sic glutinatur, quam impletur. Neque verendum est, ne purum corpus puro corpori junctam non coeat; adjectis quoque medicamentis ad id efficacibus; cum sæpe exulceratio digitorum, nisi magna cura prospeximus, falescendo in unum eos jungat,

13. *De Ulceris genere, quod $\kappa\eta\lambda\iota\sigma$ nominatur.*

Est etiam ulceris genus, quod a favi similitudine $\kappa\eta\lambda\iota\sigma$ (u) Græcis nominatur. Idque duas species habet. Alterum est subalbidum, & furunculo simile; sed majus, & cum magno dolore. Quod, ubi maturescit, habet foramina; per quæ fertur humor glutinosus, & purulentus; nec tamen ad justam maturitatem pervenit. Si divisum est, multo plus intus corrupti, quam in furunculo, adparet, altiusque descendit. Raro fit nisi in capillis.

Alterum est minus, & super caput eminens, durum, latum, subviride, supallidum, magis exulceratum: siquidem ad singulorum pilorum radices foramina sunt, per quæ fertur humor glutinosus, subpallidus, crassitudinem mellis, aut visci referens, interdum olei: &, si inciditur, viridis

(u) ACTUAR. M. M. II. 12. & IV. 16. ÆGINET. III. 3. TRALLIAN. I. 9.

viridis intra caro adparet. Dolor autem, & inflammatio ingens est, adeo ut acutam quoque febrem movere consuerint.

Super id, quod minus crebris foraminibus exasperatum est, recte imponitur & ficus arida, & lini semen (x) in mulso coctum, & emplastra ac malagmata materiam educunt, aut quæ proprie huc pertinentia supra posui.

Super alterum, & eadem medicamenta, & farina ex mulso cocta, sic ut ei dimidium resinæ terebinthinæ misceatur; & ficus in mulso decocta, cui paulum hyssopi contriti sit adjectum; & uvæ taminix pars quarta fico adjecta. Quod si parum in utrolibet genere medicamenta proficiunt, totum ulcus usque ad sanam carnem excidi oportet. Ulcere ablato, super plagam medicamenta danda sunt; primum, quæ pus citent; deinde, quæ purgent, tum, quæ impleant.

14. De *Acrochordone*, & *Thymio*, & *Myrmecis*, & *Clavo*.

Sunt vero quedam verrucis (y) similia; quorum diversa nomina, ut vitia sunt. *Ἀκροχόρδον* Græci vocant, ubi sub cute coit aliquid durius, & interdum paulo asperius, coloris ejusdem; infra ad cutem tenue, supra latius. Idque modicum est, quia raro fabæ magnitudinem excedit. Vix unum tantum eodem tempore nascitur; sed fere plura, maximeque pueris: eaque nonnunquam subito desinunt, nonnunquam mediocrem inflammationem excitant; sunt, quæ etiam in pus convertuntur.

Ἀκρόθυρον (z) nominatur, quod super corpus

(x) *Al.* quod in vino.

(y) *ÆGINET. IV. 15. VI. 87.*

(z) *AETIUS. Tetrab. IV. Serm. II. 3. ORIBAS. Synopsis. VII. 39.*

quasi verrucula eminet, ad cutem latius, supra tenue, subdurum, & in summo perasperum. Id, qua summum, colorem floris thymi repræsentat; unde ei nomen est; ibique facile finditur, & cruentatur; nonnunquam aliquantum sanguinis fundit: fereque circa magnitudinem fabæ Egyptiæ est; raro majus, interdum perexiguum.

Modo autem unum, modo plura nascuntur, vel inferioribus pedum partibus: pessima tamen in obscænis; maximèque ibi sanguinem fundunt.

Μυρμηκία (aa) autem vocantur humiliora thymio durioraque, quæ radices altius exigunt, majoremque dolorem movent, infra lata, supra autem tenuia, minus sanguinis mittunt: magnitudine vix unquam lupini modum excedunt. Nascuntur ea quoque aut in palmis aut in inferioribus partibus pedum.

Clavus (bb) autem nonnunquam quidem etiam alibi, sed in pedibus tamen maxime nascitur, præcipue autem ex contuso, quamvis interdum aliter: doloremque, etiamsi non alias, tamen ingredienti movet.

Ex his Acrochordon & acrothymium sæpe etiam per se finiuntur; &, quo minora sunt, eo magis. Myrmecia & clavi sine curatione vix unquam desinunt. Acrochordon, si excisa est, nullam radiculam relinquit, ideoque ne renascitur quidem. Acrothymio clavoque excisis, subrotunda radicula nascitur, quæ penitus descendit ad carnem: eaque relicta, idem rursus exit. Myrmecia latissimis radicibus inhærent: ideoque ne excidi quidem sine magna exulceratione possunt.

Clavum subinde radere, commodissimum est,

(aa) ACTUAR. *M. M. II. II.* ORIBAS. *Synops. VII. 43.*

(bb) ÆGINET. *III. 80. VI. 87.*

Nam sine ulla vi sic mollescit; at, si sanguinis quoque aliquid emissum est, sæpe emoritur. Tollitur etiam, si quis eum circumpurgat, deinde imponit resinam, cui miscuit pulveris paululum, quem ex lapide molari contrito fecit. Cætera vero genera medicamentis adurenda sunt. Aliisque id, quod ex fece vini: myrmeciis id, quod ex alumine & sandaracha sit, aptissimum est. Sed ea, quæ circa sunt, foliis contegi debent, ne ipsa quoque exulcerentur: deinde postea lentacula imponi.

Tollit acrothymium etiam ficus in aqua decocta.

15. *De Pustularum generibus.*

(cc) At pustulæ maxime vernis temporibus oriuntur. Earum plura genera sunt. Nam modo circa totum corpus partemve aspredo quædam sit, similis his pustulis, quæ ex urtica, vel ex sudore nascuntur: (dd) *ἑξανθήματα* Græci vocant; æque modo rubent, modo colorem cutis non excedunt. Nonnunquam plures, similes varis oriuntur, nonnunquam majores.

Pustulæ, lividæ sunt, aut pallidæ, aut nigræ, aut aliter naturali colore mutato: subestque illis humor. Ubi hæ ruptæ sunt, infra quasi exulcerata caro adparet; *φλύκταιναι* (ee) *ἐλκώδεις* Græce nominantur. Fiunt vel ex frigore, vel ex igni, vel ex medicamentis.

φλυζάκιον autem paulo durior pustula est, subalbida, acuta; ex qua ipsa quod exprimitur, humidum est. Ex pustulis vero nonnunquam etiam ulcuscula fiunt, aut aridiora, aut humidiora: & modo tantum cum prurigine, modo

(cc) *Aph. III. 20.*

(dd) *ACTUAR. M. M. II. 11. TRALL. I. 6.*

(ee) *ACTUAR. M. M. VI. 8.*

etiam cum inflammatione ac dolore, exitque aut pus, aut fanies, aut utrumque. Maximeque id evenit in ætate puerili: raro, in medio corpore: sæpe, in eminentibus partibus.

Pessima pustula est, quæ (ff) *ἐπιπυκτὶς* vocatur. Ea colore vel sublivida, vel subnigra, vel alba esse consuevit. Circa hanc autem vehemens inflammatio est; & cum aperta est, reperitur intus exulceratio mucosa, colore humori suo similis. Dolor ex ea supra magnitudinem ejus est: neque enim ea faba major est. Atque hæc quoque oritur in eminentibus partibus, & fere noctu, unde nomen quoque a Græcis ei *ἐπιπυκτὶς* est impositum.

In omni vero pustularum curatione primum est, multum ambulare, atque exerceri: si quid ista prohibet, gestari. Secundum est, cibum minuere: abstinere ab omnibus acribus (gg) & extenuantibus; eademque nutrices facere oportet, si lactens puer ita adfectus est. Præter hæc, is, qui tam robustus est, si pustulæ minutæ sunt, desudare in balneo debet; simulque super eas nitrum inspergere; oleoque vinum miscere, & sic ungi; tum descendere in folium.

Si nihil sic proficitur, aut si majus pustularum genus occupavit, imponenda lenticula est; detractaque summa pellicula, ad medicamenta lenia transeundum. *Επιπυκτὶς* post lenticulam, recte herba quoque sanguinali, vel viridi coriandro curatur.

Ulcera vero ex pustulis facta tollit spuma argenti, cum semine fœni Græci mixta sic, ut his invicem rosa atque intubi succus adjiciatur, donec mellis crassitudo ei fiat.

Proprie ad eas pustulas, quæ infantes male habent, lapidis, quem *πυρίτης* Græci vocant, p. VIII.*

(ff) IDEM *ibid.* II. 11. ORIBAS. *Synops.* VII. 37.42.

(gg) ORIBAS. *de Morb. Curat.* III. 54.

cum quinquaginta amaris nucibus miscetur, adi-
ciunturque olei cyathi tres. Sed prius ungi ex
cerussa pustulæ debent, & tum hoc illini.

16. *De Scabie* (hh).

Scabies vero est durities cutis rubicundior, ex
qua pustulæ oriuntur, quædam humidiores, quæ-
dam sicciore. Exit ex quibusdam sanies; fitque
ex his continuata exulceratio pruriens; serpitque
in quibusdam cito. Atque in aliis quidem ex toto
desinit, in aliis vero certo tempore anni reverti-
tur. Quo asperior est, quoque prurit magis, eo
difficilius tollitur. Itaque eam, quæ talis est,
ἀσπις Græci adpellant, id est feram.

In hac quoque victus ratio eadem, quæ supra,
necessaria est. Medicamentum autem ad incipien-
tem hanc idoneum est; quod fit ex spodii, cro-
ci, æruginis, singulorum p. i. *. piperis albi, om-
phacii, singulorum p. i. *. cadmiæ p. viii. *.

At, ubi jam exulceratio est, id, quod fit ex
sulphuris p. i. *. ceræ p. iv. *. picis liquidæ he-
mina, olei sextariis duobus, quæ simul usque ad
crassitudinem mellis incoquantur.

Est etiam, quod ad PROTARCHUM authorem
refertur. Habet hoc farinæ lupinorum sextarium,
nitri cyathos quatuor, picis liquidæ heminam,
resinæ humidæ selibram, aceti cyathos tres. Cro-
cum quoque, lycium, ærugo, myrrha, cinis,
æquis portionibus recte miscentur, & ex passo co-
quuntur. Idque omnem utique scabiem sanat. Ac,
si nihil aliud est, amurca ad tertiam partem de-
cocta, vel sulphur picis liquidæ mistum, sicut de
pecoribus proposui, hominibus quoque scabie la-
borantibus opitulantur.

(hh) ORIBAS. *de Morb. Curat.* III. §8.

17. *De Impetiginis speciebus (ii).*

Impetiginis vero species sunt quatuor. Minime mala est, quæ similitudine scabiem repræsentat; nam & rubet, & durior est, & exulcerata, & rodit. Distat autem ab ea, quæ magis exulcerata est, & varis similes pustulas habet; videnturque esse in ea quasi bullulæ quædam, ex quibus interposito tempore quasi squamulæ solvuntur, certioribusque hæc temporibus revertitur.

Alterum genus est pejus & simile papulæ fere, sed asperius rubicundiusque, figuras varias habens: squamulæ ex summa cute decidunt, rosio major est, celerius & latius procedit, certioribusque etiam, quam prior, temporibus & fit, & desinit. Rubra cognominatur.

Tertia etiamnum deterior est, nam & crassior est, & durior, & magis tumet; in summa cute finditur, & vehementius rodit. Ipsa quoque squamosa, sed nigra est: proceditque & latet, nec tardat: minus vero errat in temporibus, quibus aut oritur, aut desinit; neque ex toto tollitur. Nigræ cognomen est.

Quantum genus est, quod curationem omnino non recipit; distans colore, nam subalbidum est, & recenti cicatrici simile; squamulasque habet palidas, quasdam subalidas, quasdam lenticulæ similes: quibus demptis, profluit sanguis nonnunquam. Alioqui vero humor ejus albidus est, cutis dura atque fissa est, proceditque latius.

Hæc vero omnia genera maxime oriuntur in pedibus, & manibus; atque ungues quoque infestant. Medicamentum non aliud valentius est, quam quod ad scabiem quoque pertinere sub auctore PROTARCHO retuli. SERAPION au-

tem, nitri p. II. *. sulphuris p. IV. *. excipiebat resina copiosa, coque utebatur.

18. *De papulis.*

Papularum vero duo genera sunt. Alterum est, in quo per minimas pustulas cutis exasperatur, & rubet, leviterque roditur, medium habet pauxillo levius: tarde serpit, idque vitium maxime rotundum incipit, eademque ratione in orbem procedit. Alterum est, quam *αῦπλαν* Græci adpellant. In qua similiter quidem, sed magis cutis exasperatur, exulceraturque, ac vehementius & roditur, & rubet, & interdum etiam pilos remittit.

Quæ minus rotunda est, difficilius sanescit: nisi sublata est, in impetiginem vertitur. Sed levis papula etiam, si jejuna saliva quotidie defricetur, sanescit. Major, commodissime murali herba tollitur, si super eadem trita est.

Ut vero ad composita medicamenta veniamus, idem illud PROTARCHI tanto valentius in his est, quanto minus in his vitii est.

Alterum ad idem, MICONIS: nitri rubri, thuris, singulorum p. I. *. cantharidum purgatarum p. II. *. sulphuris ignem non experti tantumdem, resinæ terebinthinæ liquidæ p. XX. *. farinæ lolii sext. III. git cyathi tres, picis crudæ sext. unum.

19. *De Vitiliginis speciebus, id est, de Albo, & Melane, & Leuce (kk).*

Vitiligo quoque, quamvis per se nullum periculum adfert; tamen & foeda est, & ex malo corporis habitu fit. Ejus tres species sunt. *Ἀλβος* vocatur, ubi color albus est, fere subasper & non continuus, ut quædam quasi guttæ dispersæ esse videantur. Interdum etiam latius, & cum qui-

(kk) ACTUAR. M. M. II. II. VI. 8. ORIBAS de Morb. Cur. III. 58. AETIUS Tetrab. IV. Serm. I. 132.

busdam intermissionibus serpit. *Melas* colore ab hoc differt, quia niger est, & umbræ similis: cætera eadem sunt. *Leuce* habet quiddam simile alphi, sed magis albida est, & altius descendit; in eaque albi pili sunt, & lanugini similes.

Omnia hæc serpunt: sed in aliis celerius, in aliis tardius. Alphos & Melas in quibusdam variis temporibus oriuntur & desinunt. Leuce, quem occupavit, non facile dimittit.

Priora curationem non difficillimam recipiunt: ultimum vix unquam sanescit; ac, si quid ei vitio demptum est, tamen non ex toto sanus color redditur. Utrum autem aliquod horum sanabile sit, an non; experimento facile colligitur. Incidi enim cutis debet, aut acu pungi; si sanguis exit, quod fere fit in duobus prioribus, remedio locus est: si humor albidus, sanari non potest. Itaque ab hoc quidem abstinendum est.

Super id vero, quod curationem recipit, imponenda lenticula mixta cum sulphure & thure, sic, ut ea contrita ex aceto sit.

Aliud ad idem, quod ad *IRENÆUM* authorem refertur. Alcyonium, nitrum, cuminum, fici folia arida paribus portionibus contunduntur, adjecto aceto. His in sole vitiligo perungitur: deinde non ita multo post, ne nimis erodatur, eluitur.

Proprie quidem, *MICHONE* authore, eos, quos Alphos vocari dixi, hoc medicamento perungunt: sulphuris p. II. *. nitri p. IV. *. myrrhæ aridæ contritæ acetabulum miscent, deinde in balneo super vitiliginem inspergunt farinam ex faba, tam hæc inducunt.

Hi vero, quos Melanas vocari dixi, curantur, cum simul contrita sunt alcyonium, thus, hordeum, faba, eaque sine oleo in balneo ante sudorem insperguntur, actum genus id vitiliginis defricatur.

F I N I S.